



4<sup>th</sup> Cert 780-3

Thomas





H E 60

<36634770230011

<36634770230011

Bayer. Staatsbibliothek

Digitized by Google







**HISTORIA  
ECCLESIAE  
LUSITANÆ.**

R

5

ALYOT

ALYOT



# HISTORIA ECCLESIAE LUSITANÆ.


*Per singula sæcula ab Euangelio  
promulgato:*

AUCTORE

D. THOMA AB INCARNATIONE

Canonico Regulari Lateranensi Congregationis Re-  
formatæ S. Crucis, in Academia Pontificia Histo-  
riæ Ecclesiasticæ Professore publico, & Doctore  
Theologo Colimbriensi.


TOMUS III.



COLIMBRIÆ: M.DCCLXII.

---

EX PRÆLO ACADEMIÆ PONTIFICIÆ.  
*Superiorum permissu.*



EXCELLENTISSIMO  
A C  
REVERENDISSIMO  
DOMINO  
D. JOANNI  
A' DOMINA N. DE PORTA  
*Canonico Regulari*  
ARCHIEPISCOPO EBORENSI  
Supremo Regiæ Urbis Prætori  
A' Confiliis Status.

E N Lusitanæ Ecclesiæ Historia sæ-  
culi duodecimi, EXCELLENTISSIME  
DOMINE; REVERENDISSIME  
ARCHI-PRÆSUL, Tuo præsidio in lu-

*cem emittitur. Nihil ego unquam vehementius optaveram, quam ut ad hujus operis auspiciū nomen Tuum longe Principis usurparem. Et quo illustriori nomine illud inscriberetur sæculum, quo Lusitana Ecclesia, extirpata Maurorum barbarie, eorundem pessimis eradicatis moribus, errorum congerie dissipata, felicius adolevit, nisi Tuo, cujus Maioribus suarum felicitatum debet incrementum, columen, firmitudinem. Guterum illum in Lusitaniæ annalibus sæpe exscriptum Gothorum Regum clarissimam prolem, & Tuae gentis stirpem sufficeret meminisse, ne splendido, ac palmari mendacio fallerentur qui assererent. Heroas alios Maiores Tuos non tam Comites, Marchiones, aut Duces, quam Reges Legionenses antiquissimæ non prætermittunt Historiæ. Regiam istam prosapiam de Lusitana Eccle-*

*ſia bene merentem quis non prædicet , non extollat ? Jure Cadavallenses Duces Regii vere Principes Gentilitatem ſuam Tuis imaginibus exornare , ac Tuo ſanguine purpurare gloriantur. Verum animadverto diu me verſari non debere in ſole illuminando , in ea ſcilicet declaranda nobilitate , quæ non eget aliena luce , ut ſplendeat. Opera enim Tua in Eccleſiæ , ac Regni utilitatem aſſidua , numquam intermixta amplitudinem Tuam meridiana luce teſtantur. Hæc recte facta quocumque ſtudio abſconderentur , humaniſque ſubtraherentur conſpectibus , non magis latere in Te , quam ſub cæli axe poſſunt ſolis radii. Omnium in lucem iſtam , quam ubique regni , & ultra longe , lateque diſfundis , converſi ſunt oculi : hæc Tua virtutum pro Patria , & Eccleſia exempla omnium ore celebrantur : hæc pauper , cu-*

*jus Pater es, hæc orphanus, cujus Adjutor;  
hæc vidua, cujus Vindex, hæc proceres;  
quorum Magnitudo, hæc sapientes, quorum  
Gloria, prædicare non cessabunt.*

*Virtutes istæ admirabiles iis, quibus  
Leiriensis Episcopatus circumscribitur, ter-  
minis olim contineri non peterant: non una  
sed plures Diæceses; provinciæ, & Me-  
tropolis amplitudo Tibi Pastori suo parere  
exigebat. Eborensis illa Ecclesia tot Præ-  
sulibus ex regio formatis sanguine, Alfon-  
so, Henrico, Alexandro, ac Theotonia  
quondam ditata Te Antislite suo fruitur  
meritissimo: sed ambitu isto illæ nondum po-  
terant circumscribi. Quem locum notissima  
Tua capacitate dignum occupares, nisi pro-  
pe regium solium, unde Prudentia, Justi-  
tia, & Sapientia Tibi germanis regno  
consuleres: ad sanctiora Patriæ consilia à  
Jose,*



*Josepho Rege adsumeris, ab ipso suprema urbis Regiæ prætura ampliari, inter Lusitanos Dynastas summam obtines auctoritatem. En uberrimus honorum cumulus Canonicorum Regularium Congregationi his Tuis insignitæ infulis, his Tuis fascibus exornatæ. Utinam in me tantum esset ingenii, & facultatis, quantum in Te erga Ecclesiam, erga Regem, erga Patriam virtutis est, & meritorum, sperarem quidem facturum me satis nonnulla saltem ex parte publicæ nostrum alacritati, quam præse omnes ferunt ex isto non tam Tibi collato; quam meritis Tuis honore.*

*Liceat nobis Tuam in nos, ne ingrati videamur, magnitudinem extollere, qui cum totus in omnes affluas humanitate, singularem nobis vere Tuis semper exhibuisti. Accipe igitur hosce meos Academicos labo-*

*res quantum de sua tenuitate sollicitos, tantum de Tua benignitate securos. Reformidant illi serium istud, quo maxime polles, castigatumque natura iudicium, in ipsa quoque limatum cura Ecclesiæ, & regni; sed præsto est benevolentia: ad quam cum provocem, in spem venio, ut Tu qui artem intelligis, tuearis artificem, & officinam, in quâ laboratur, Canoniorum videlicet Congregationem omnibus modis Tuam, quæ Te & Filium, & Protectorem appetit immortalem.*

**Humillimus Servus**

**D. THOMAS AB INCARNATIONE**  
**Canonicus Regularis.**

## FACULTAS ORDINIS.

*Judicium D. D. Thomæ à Conceptione Canonici Regularis.*

ILLUSTRISIME PRÆSUL.

**M** Andato Tuo obtemperans tertium tomum perlegi Historiæ Ecclesiasticæ Lusitanæ duodecimum sæculum cōplectentem; nihil in eo quod non extollere, quod non prædicare fas sit, inveni: Auctoris diligentiam in evolvendis antiquitatum monumentis, nimiam ejusdem, tum sacræ, tum profanæ scientiæ lectionem, miram in separando pretiosum à vili dexteritatem, Tullianam denique eloquentiam, qua vivis velut coloribus exprimit tot casus, & eventus à nostra ætate tam longe dislitos. Itaque omni præconio digum arbitror opus istud, & cum in eo non parum habeat Congregatio istæ nostræ, cui tanta cum Tui Nominis laude præes, & cujus incrementis maxime invigilas, facultatem facias ut in lucem exeat, & ita quod cupis eveniet, quod optas ex typis assequeris. In Regali Monasterio S. Crucis die 15. Junii anni 1761.

*D. Thomas à Conceptione.*

*Judicium D. D. Marcellini ab Incarnatione Canonici Regularis.*

REVERENDISIME PATER.

**T**ertium hunc tomum Ecclesiæ Lusitanæ continentem historiam, quem literatissimus Mag. ac Doctor D. Thomas ab Incarnatione, nostræ Reformatæ Congregationis Canonicus Lateranensis, atque Historiæ Ecclesiasticæ in Academia Liturgica egregius Professor in rem om-

nium prælo sub'mittere satagit ( vel curat ) avidis inspexi oculis. Mira in eo elucet ingenii dexteritas , nitida refulget ibi scribendi methodus , orbemque literarium opera sua juvandi flagrans apparet desiderium. Tantum abest ut in eo aliquid repperim, quod ipsius vulgationem impediât , aut fidem lædat ; quin potius hanc quammaxime illustret , & sui editionem jure postulare mihi videatur. Sic censeo. In Regali Monasterio S. Crucis die 13. Junii anno 1761.

*D. Marcellinus ab Incarnatione*

**D** Omnis Franciscus ab Annuntiatione à Consiliis Regiæ Majestatis, Prior Monasterii S. Crucis, Generalis Canonorum Regularium Lateranensium per Lusitaniam, Antistes in suo Territorio exempto nullius Diœcesis cum jurisdictione quasi Episcopali immediata Sedi Apostolicæ, Cancellarius Academiæ Colimbriensis &c.

Facultatem facimus, ut tertius tomus Historiæ Ecclesiæ Lusitanæ à D. Thoma ab Incarnatione Canonico Regulari Historiæ Ecclesiasticæ Professore publico compositum , & ab ejusdem Congregationis Canonicis doctis approbatum typis mandetur, in cujus rei testimonium hujusmodi literas dedimus Congregationis sigillo munitas. Ulyssipone in Regio Monasterio S. Vincentii die secunda Julii anno millesimo septingentesimo primo.

**D. FRANCISCUS AB ANNUNTIATIONE**  
*Prior Generalis Cancellarius.*

**D. EMMANUEL AB ANNUNTIATIONE**  
*Collega Secretarius.*

---

## FACULDADE DA ACADEMIA LITÚRGICA PONTIFICIA.

**L**emos, e examinámos o terceiro volume da História da Igreja de Portugal, e por nos parecer digno de publico damos faculdade para se imprimir. Coimbra 30. de Julho de 1761.

D. Bernardo da Annúciação      Jozé de Sá e Menezes  
*Lente dos Sagr. Ritos.*      *Censor.*

Fr. Jozé da Trindade  
*Censor.*

Fr. Francisco de Azevedo  
*Censor.*

---

## LICENÇAS DO S. OFFICIO.

*Judicium R. P. M. D. Antonii Aloysii Villares Cl. R.  
Sancti Officii Censoris, &c.*

ILLUSTRISSIMI AC REVERENDISSIMI DOMINI.

**E**cclésiæ Lusitanæ Historiæ volumen tertium, quod immenso labore concinnè elaboravit D. Thomas ab Incarnatione Canonicus Regularis Lateranensis Congregationis Reformatæ S. Crucis, libenter, Dominationis vestræ jussu, attentaque discussione, perlegi. In eo reperi bene multa, quæ tantum virum, suæ Congregationis decus maximum, vere Magistrum prædicant, vereque Doctorem: cui nanque in investigando, sectandoque veritatem fideliter, cedat ille? Quis in docendo, quæ vera invenit, illo clarior? Quis exactior in scri-

bendo? quis elegantior? quis tandem maiori cum suavitute suadere poterit? quis efficacitate maiori? Hoc in opere facili methodo, stylo brevi, collegit ille, benemeritus de Lusitana gente, quæ 12. sæculo à Servatore nato, & à Lusitaniæ Regibus, & ab aliis viris illustrissimis peracta fuere, illustriora facta, ut, quæ in Monasteriorum archivis abdita, tantum privata erant, conservabanturque reposita, plura, & maxima virtutum exempla, publici juris faciat. Unde cum nihil in eo appareat non discussum, non probatum, non sanum; immo omnia regulis Fidei non adversa, honestatique morum consona; si vobis, Illustrissimi, necnon Reverendissimi Domini, publicæ utilitati consulentibus non displiceat, mihi dignissimum, quod imprimatur, hoc videtur opus. Ulyssipone, in hac Domo à Domina Nostra de Divina Providentia nuncupata, die 4. Septembris anno 1761.

D. Antonius Aloysius Villares  
Cl. R.

*Judicium R. P. M. ac D. Fr. Joachim à S. Anna Eremitæ  
D. Pauli, S. Officii Censoris, & Academiæ Pontificiæ  
Socii.*

ILLUSTRISSIMI DOMINI.

**O**pus, quod inscribitur, *Historia Ecclesiæ Lusitanæ, Auctore Domno Thoma ab Incarnatione Canonico Regulari Lateranensi Congregationis Reformatæ S. Crucis, tomus*; jussu Dominationis vestræ, mihi discutiendum commissum, avidè, attenteque perlegi. Nihil utique ab Orthodoxa Fide alienum in eo reperi, bonisvè moribus adversum, opus sanè perpolitum, absolutissimum, suo Auctore dignum, & à Republica litteraria haud parum desideratum. Ita cenfeo, in hoc Lisbonensi Monasterio Ordinis S. Pauli primi Eremitæ, 5. Octobris anno Domini 1761.

*Fr. Joachim à Sancta Anna.*



Vistas as informações, póde-se imprimir o livro de que se trata, e depois voltará conferido para se dar licença que corra, sem a qual não correrá. Lisboa 6. de Outubro de 1761.

*Sylveiro Lobo.*

*Mello.*

---

## DO ORDINARIO.

*Judicium R. P. M. ac Doct. D. Michaelis ab Incarnatione Canonici Regularis.*

EXCELLENTISSIME PRÆSUL.

Magno cum animi oblectamento Voluntati Tuæ morem gerens tertium Historiæ Ecclesiasticæ Lusitanorum volumen oculis perlustravi. Quid enim Religioso, ac Lusitano Viro jucundius; quam propriam, in qua natus est, Ecclesiam per longas annorum series doctrinæ firmitudine, ac morum sanctitate rutilantem intueri! recordari Viros pietate insignes, sapientia plenos; Synodos pretiosissimum Fidei depositum servantes; & sanctos ac puros Ecclesiæ mores suis Canonibus communientes!

Magnum in hoc opere profert Auctor dexteritatis indicium: emicat in eo sermonis nitor, eruditio non vulgaris, prudens, & moderatum Criterium; quo nec pro veris falsa venditat; nec vera atque certa (quo vitio solent in hoc sæculo viri intemperantioris Critices laborare) ad vanum ingenii specimen exhibendum, in dubium tentat revocare. Unum præ aliis in Tanto Viro mihi placere fateor: Indefessus labor in scriniis perscrutandis; cujus juvamine plurima monumenta, quæ hæcenus in occulto latuerant, prodeunt in apertum; magno sane Historicis emolumento. Ob tantum erga se præstitum benefi-

cium talem Virum de seipſa benemerentem Respublica  
literaria jure proclamabit: ſic opinabar. Ex Muſæo noſtro,  
in hoc Regio Sanctæ Crucis Cœnobio Pridie Nonas Se-  
ptembris Anno reparatæ ſalutis MDCCLXI.

*D. Michael ab Incarnatione.*

**P** O'de-se imprimir, e depois de impreſſo tornará pa-  
ra ſe conferir. Coimbra 14. de Setembro de 1761-

*Biſpo Conde.*

---

---

## DO P A Ç O.

*Cenſura do Sñr. Diogo Barboza Machado Socio do numero da  
Academia Real, e da Liturgica Pontificia.*

SENHOR.

**C** Om o mais profundo reſpeito agradeço a V. Ma-  
geſtade a repetida honra que recebo, ordenando-  
me que examine o Terceiro Tomo da Historia Ec-  
cleſiaſtica deſte Reyno, tendo ſido Cenſor do ſegundo.  
Eſta grande Obra heroicamente intentada, e indefeſſamen-  
te proſeguida por ſeu eruditíſſimo Author lhe tem com  
merecido premio elevado o nome ao Apogeo da univer-  
ſal admiração; compensando-lhe a eternidade em aplau-  
ſos os diſvelos, que diſpendeo em cada instante de tem-  
po. A immenſa circumferencia de tão ſublime eſféra ſó-  
mente ſe podia ſuſtentar ſobre os robuſtos hombros de  
tão agigantado Athlante, o qual declarando perpetua  
guerra ao ocio, occupa com inceſſante applicação eter-  
nizar as Memorias Eccleſiaſticas deſte Reyno em cuja li-  
ção ſe deſcobrem felizmente unidas a profundidade do  
eſtudo com a piedade do animo. Por tão glorioſa em-  
preza

preza he acrédor, que V. Magestade como benéfico Fautor dos Sabios não sómente lhe faculte a licença que pede para a sua publicação, mas lhe ordene, que com a brevidade possível a corde com o ultimo complemento para immortal gloria desta Monarchia da qual he V. Magestade Soberano Arbitro. Lisboa 15. de Outubro de 1761.

*Diogo Barboza Machado.*

**Q**ue se possa imprimir vistas as licenças do S. Officio, e Ordinario, e depois de impresso tornará á Meza para se conferir, e taixar, e dar licença para que corra, que sem ella não correrá. Lisboa 24. de Outubro de 1761.

*Carvalho. Emaús. D. Velho.*

# PROLUSIO AUCTORIS.

## *Ad Auditores in Academia Pontificia.*

**A**D Lusitanæ Ecclesiæ sæculum duodecimum, ad Lusitani imperii initium tandem devenimus, Optimi & Religiosissimi Auditores: quid magis optandum? quid viris antiquitatum avidissimis dignius? tot rerum eventus, quarum fecundissimum tempus illud floruit, mentes nutriunt, voluntates recreant; & vestras maxime, utpote qui religionem, quam profitemur Canonicam, in hoc ipso Monasterio sub primo Lusitanæ Monarchiæ Fundatore id temporis perfectius restauratam videbitis. Vos ipsi Lusitanæ Ecclesiæ pars estis nobilissima. Quot Præsules, quot Episcopi ex his, quibus circumscribimur claustris, prodierunt? Quot viri aut literis, aut sanctitate insignes? Quot triumphatores Reges? Non mentiar, si Lusitanam Ecclesiam sæculo duodecimo diffusam dicam Maiorum nostrorum opera, & studio: videbitis quidem, exultabitis; & eorum exempla sectantes videre vos videor omnium virtutum, ac scientiarum amore inflammari, quibus Ecclesia ipsa temporibus nostris per nosmetipsos efflorescat. Scitis enim quænam sit virtutum, & scientiarum utilitas; quænam ignorantiae mala: Sapientes Ecclesiæ propugnacula appellavit Antistes ille Alexandriæ Cyrillus, cum ait: *Sanctos Myrtragos pulchritudine intelligentiæ resplendentes, tamquam propugnacula impiis sectarum inventoribus, & scurrilibus hæreticorum nugis acriter obstitisse.* Omnis adversus Ecclesiam conjuret orbis, præparentur in cædes tyrannorum agmina, excitentur perditissimorum hominum cogitationes, una non desit sapientia, quæ iis hostibus obviam fiat, eorum omnia evanescant stratagemata. De vestri medio tollite, quos non læsat Virtus, & Sapientia. Vos igitur sapientes homines, antequam propositi sæculi res exponam, monendos, ac instruendos duxi, de quibuscumque, quæ ve-

lusi ex oblivione primo, & secundo volumine notata sunt scitu quidem digna, nec contemnenda; in prolusione tamen ista, quod alii etiam instituerunt scriptores, declaranda. Morariæ Monasterium ad sæculum 9. in oppido de Gontaß extructum, & ad sæculum 11. in locum, quo extat, translatum vobis exposui. Alii tamen quasi mordicus objecerunt ex Era LxVIII. floruisse, anno scilicet Christi 60. & in hoc fundati sunt monumento.

*Magnum est enim nobis titulus dotis haut vel confirmationis, in qua nemo potens est haustus largitatis irrumpere, & hunc factum nostrum ... infringere, sed paveat firmitate. Obinde Ego Senior, & proles Teigia accessit nobis bonæ pacis voluntas, asto animo sana mente, integroque nostro consilio, & spontanea nostra voluntate per numlius quoque gentis imperio, nec numlis suadendis artigulum, pro nullius quoque pertimescentis metum.... sed & nobis magna, & perfectæ memoria, & benignissima mea voluntate, ut facere ego.. jam dicta senior, sicut facere nexitus nostro Hodorco Presbytero Kartula... firmitatis... remedium animæ nostræ, ut aveas de anima nostra cura post ovitum nostrum, etsi damus tibi illa in vita nostra, quo modo, & post ovitum dō, & dono tibi II.I. de villa Lauridelo ..... damus, & confirmamus tibi pro remedium animæ nostræ, & nos in mente intus, & in tua oratione, & in omni tua memoria, in qua pro me potueris ... vel pro me aplicare in Sacerdotibus bonis, in omnibus servis, vel ancillis Dei ... aveas, & usque in perpetuo semper. Amen. Et si aliquis homo, vel ex propinquis tuis te proinde inquietare voluerit tam in vita nostra, quo modo, & post nostrum ovitum imprimis fiat excommunicatus, & cum Juda traditore aveat participio, & insuper pro tua parte pariet illa dublata, vel tripata. Facti Kartula firmitatis pridie Idus Marci... Era LxVIII. Senior in hanc scripturam firmitatis manu mea confirmo. Id ex Morariæ archivo.*

Credetis ne id esse sæculi primi monumentum? Credit Judæus Appella, & non ego: credat, qui objecit,

non credamus nos: Critices enim regulas ob oculos habere non desinamus. Vidistis ne umquam barbariorem latinitatem? impolitiorum dicendi methodum? Sæculo 1. Strabone teste, Lusitani, imo Hispanienses omnes in Romanorum ritus, & mores erant transformati, ut nec propriæ linguæ memoriam servarent amplius, sed Latini facti erant. A' sæculo igitur illo, quo Latinitas in eam barbariem non dum declinaverat, monumentum illud relegate ad sæculum undecimum ad Eram scilicet 1048. litteram quippe L inversam sic T millenarium numerum expressisse alibi vidimus: & in monumento ipso inversam fuisse certo habetote. Itaque numerales characteres attentius inspicite, ex quibus tot errores in Historia circa epochas duxerunt originem.

Ad sæculum sextum in volumine primo ex sæculo undecimo retro veniamus. Arguebar ipse quod in sæculi 6. cap. 8. Latinam linguam Græcæ filiolum dixerim. Dixi quidem, Viri Religiosissimi, & sensum quo protuli ibidem expressi, nec bene ab amico viro, qui censuit, incusabor. Latinam linguam unam esse, quæ in dispersione Babelica Italiam adventavit, ibique sua tentoria fixit, non renuam. An propterea Græcæ non filiola, non discipula? Minime fatebor. Angelus Roca Eremita Augustinianus vir apprimè eruditus Latinam linguam à Græca duxisse ortum asseruit tom. 2. pag. 232. Rocæ sententiæ non est opus ut adhæream; non originem suam omnino ex Græca traxisse contendam, sed filiolum prædicabo, plurima scilicet verba, voces, sententias ex ea esse mutuatas.

Quis in Latium primus litteras attulit? Græcus. Quis litteras, & characteres docuit? Græcus. Plinius lib. 7. cap. 56. ait *In Latium attulerunt litteras Pelasgi* idem lib. sect. 8. *Umbros (in Italia) exegere antiquitus Pelasgi*. Etiam Cornelius Tacitus lib. 11. *Annalium: In Italia Etrusci ab Corinthio Demorato, Aborigines Arcade ab Evandro didicerunt*. Varronem prætereo, qui plurimas latinorum voces à Græcis acceptas exposuit; legite Nonium Marcellum: si Itali à Græcis litteras didicerunt,



quare eorum lingua non Græcæ filiola, ac discipula? Si tot voces Græcæ à Latinis adoptatæ fuerant, cur arguar? cur incusabor? Infinitus essem si Græcorum voces in Latium transmutatas exponerem. Nonne origine Græca sunt verba, quibus veteres usi sunt Latini: *Ephippium, trichinium, propola, bibliotheca, exantlo, plectro, pater, mater, Pinacotheca, feretrum, Genealogus, &c.* Horatius ipse, qui aureo Latinitatis sæculo floruit, de Arte Poetica v. 52. ita cecinit

*Et nova, siquæ nuper habebunt verba fidem, si  
Græco fonte cadant.*

De Scientiarum, & Artium nominibus, quænam genuit Latium? quænam protulit? nutritiv sane, sed quæ Græcia produxerat. Quintilianus lib. 2. cap. 15. inquit non habuisse Romanos vocem, quâ Rhetoricam dicerent, licet non defuerint, qui copiam Romani sermonis augere tentaverint. Et lib. 12. cap. 10. *Latina mihi facundia, ut inventionem, dispositionem, consilio, ceterisque hujus generis artibus similis Græcæ, ac prorsus discipula ejus videtur.* Marcus Tullius ex lib. 1. Academicorum cap. 2. amicos suos, in quibus erat studium, in Græciam mittebat, ad Græcos ire jubebat, ut scientias à fontibus propius haurirent, quam rivulos confectarentur. Is Aratum Romano carmine retulit, is nobilissimas Æschinis, & Demostenis orationes, Timæum Platonis, ejusdem Protagoram, Xenophontis Œconomium, Epicurum, aliorumque locos complures Latine reddidit: à Græcis Latini artes, scientias, leges, cetera politiora, ipsis fatentibus, didicerunt; viros suos scientiarum amantes Græciam mittebant; nec creditis Latinam linguam Græcæ filiolum, ac discipulam? An Græcia Latinum sermonem ante Magni Constantini tempora plurimi fecit, sicut Italia Græcum? Aliquid pretiosius, æstimabiliusque erat Græcorum, quod Latini didicerent: si quidquam pretiosius antea non habitum non invenerint, ad quid apud Latium Græcismi studium tam vehemens, tam cultum, tam exornatum?

Marcus Tullius lib. 1. de Finibus Latinam linguam

non modò non in opem , ut vulgo putabant , existimavit , sed locupletiozem esse Græca : si Tullius Latinam locupletiozem ait , quia est una ; Græca vero multiplex , idest Attica , Æolica , Jonica , Dorica , & communis , dexteram porrigo ; si alio sensu profert ; non annuam. Ipse in Oratione pro Cæcina fallus est neque in sua Romana lingua tantam esse verborum copiam , quapropter inopem esse dicebatur. Aulus Gellius lib. 2. Noctium Atticarum cap. 26. inquit : *Eam vocum inopiam in lingua magis Latina video , quam in Græca* ; en Auli causam , „ Quippe qui rufus color , à rubore quidem appellatus est , sed „ cum aliter rubeat ignis , aliter sanguis , aliter ostrum , aliter cocrum , has singulas rufi varietates Latina oratio „ singulis , propriisque vocabulis non demonstrat , omnia „ que ista significat una ruboris appellatione „ Si Latina lingua est inops , Latinis ipsis dicentibus , à Græca necesse est locupletari , cuius studium Romæ , Cicerone teste , vehementius colebatur. Fateor tamen linguas omnes coarctari , suamque inopiam aliquando sustinere , unde aiebat Hieronymus in Ep. ad Ephesios cap. 1. „ Multa verba sunt , quæ nec „ de Græco in Latinum transferri valent , nec de Hebræo „ in Græcum , & reciproce nec de Latino in Græcum , nec „ de Græco in Hebræum „ Romani à Græcis didicerunt tempore aureo , quo nondum barbarorum devastantium milites vitiaverant. Si Lusitanam linguam Græcæ , Gothicæ , ac Latinæ filiolum , utpote quæ ab iis plurima vocabula susceperit , vellitis vocitare , per me liceat , sponte feram. Delete ex lingua nostra Græcas , Gothicas , Latinas , Hebræas phrasas , tot gentium vocabula , quæ cum earum imperio introducta fuerunt ; quid supererit natum , non mutuatum , non acceptum ? Fortasse dicitis : ergo & Gallicæ filiolum , à qua ætate nostra tot verba , tot sententias in se vertit , & exprimit ; & nemo curiosus qui Gallice non studeat , non sciat. Si Lusitana Gallicis phrasibus indigeret quibus nunc augetur ; si non superfluerent ; ac necessaria evaderent , sicut aliæ Græcæ , Latinæ &c. annuerem. Nec novum opinamini quid me dixisse ; plurimos patronos ha-


beo, eruditos quidem. Insignis Alfonso Garcias Matamoros patria Hispalensis, Rhetor Complutensis in Narratione Apologetica de Academiis Hispanorum Pomponii Laeti persuasionem ediscendi numquam literas Græcas, ne sermonis Latini puritatem cum alieno deturparer, stultam, & scrupulosam appellavit, nam *cum lingua Latina Græcæ filiola sit*, divinare utique nequibat quonam modo Pomponius ad istam Romani sermonis proprietatem, & arcana linguæ Latinæ pervenire potuerit, nisi plus ille suo tempore videret, quam Tullius, & Marcus Varro, quos Latinæ linguæ Deos Roma coluit, & qui Græcis etiam vocabulis in sermocinando utebantur.

Hæc est omnium scriptorum indoles omnibus non placere; unumquemque in suo sensu abundare iterum dico: vobis interim gratulor, despiciatui, quæ dixero, non habeatis; modo labores meos in Dei, & Beatissimæ Virginis Protectricis nostræ laudem, & gloriam referam.

# INDEX CAPITUM

## SÆCULI XII.

<b>C</b> APUT I. <i>De Episcopis.</i>	pag. 2.
CAP. II. <i>Romani Pontificis primatus per Lusitaniam.</i>	pag. 52.
CAP. III. <i>De Conciliis.</i>	pag. 59.
CAP. IV. <i>De Lusitaniæ Regibus.</i>	pag. 75.
CAP. V. <i>De Ordinibus militaribus per Lusitaniam.</i>	pag. 118.
CAP. VI. <i>De Canonorum Regularium Monasteriis.</i>	pag. 139.
CAP. VII. <i>De Monasteriis, quæ sub regula S. Benedicti floruerunt.</i>	pag. 194.
CAP. VIII. <i>De Viris Sanctitate, aut Sapientia clarioribus.</i>	pag. 214.
CAP. IX. <i>De Sedis Apostolicæ Legatis in Lusitaniam.</i>	pag. 255.
<i>Dissertationes Historicæ variæ.</i>	pag. 290.



# HISTORIA ECCLESIAE LUSITANÆ. SÆCULI XII.

**L**USITANAM Ecclesiam à Saracenorum potestate immunem, restauratam, sub novo Lusitaniæ regno suarum ovium fruementem pace, duodecimo sæculo germinantem, florentem, Pastoribus, Sacerdotibus, Regibus, Principibus Dynastis non in angulo, non in tenebris, sed publicè Christi vexillum eventibus locupletatam mirabimini. Hinc Portugaliæ regnum, hinc novæ Lusitaniæ Reges, hinc Portugalensis populus, quorum vires remotissimas orbis plagas, ultimas terrarum appendices ad Orientem, Occidentemve Solem positas pene-

A

trarunt. Genus Deo electum, regale Sacerdotium usque ad hæc tempora errore nullo, hæresi nulla, secta nulla infectum, iniustum, conspurcatum. Quid regno dignius? quid æstimabilius? Alia in fide omnino defecerunt, alia mixtam novarum sectarum congeriem cum veteri, & vera religione servarunt, quæ à prioribus sæculis soli Romanæ Sedi mancipabantur; Lusitaniam sui dogmatis integram, maiorum veritatis amantem, & tenacem posteriora, quæ producemus in testimonium, sæcula demonstrabunt.

## CAP. I.

### *De Episcopis.*

#### §. I.

#### *De Episcopis Bracarenſibus.*

(a)  
*Ep. Gelasius  
2. ad Gal-  
los.*

**M**ortuo Giraldo Bracarenſi Archiepiſcopo anno 1108. unanimi populi, & cleri conſenſu in ejus locum ſuſſectus eſt Mauricius Burdinus Colimbrieniſis Epicoſopus; ſed cum id temporis Epicoſoporum translationes abſque Romani Pontificis conſenſu non fierent, Romam petiit confirmandus: ubi à Paſchali 2. Romano Pontifice per manus Joannis Caetæ Romanæ Eccleſiæ Cancellarii, & poſtea Papæ Gelasii 2. palium accepit. (a) Bracaram cum corpore S. Jacobi intercili, quod in Sede Bracarenſi collocavit, reverſus, cum Epicoſopo Compoſtellano diuturnam litem compoſuit circa limites, quos intra Bracarenſem Dioceſim Compoſtellanus ipſe poſſederat. Tum Regina Tharaſia Comitſ Henrici conjux Bracarenſem Eccleſiam Bracaræ juridiſtione, ac dominio eodem decoravit, quo antea Alphonſus V. Legionis Rex donaverat. Sedis ſuæ dignitatem ſedulus obtinebat Mauricius, cum Bernardus Toletanus Præſul Vicaria Romani Pontificis per Hiſpanias auctoritate abuſus primatiali ſuæ poteſtati Bracarenſem Antiſtitem ſubjicere prætendit: eum ad Concilium vocavit, ipſique Lucenſem novum Epicoſopum Bracarenſis

Ecclesiæ suffraganeum eligenti adversatus est. Mauricius Bernardo restitit suæ Sedis jura vindicaturus. Sed Paschalis 2. Toletani Antistitis querelis deceptus, & inclinatus ad Mauriciū ita scripsit: *Inter querelas alias, quæ de Te ad Sedem Apostolicam delatæ sunt, Legionensis Ecclesiæ invasio, & contritio nos gravius contristavit. Super quæ ex nostris litteris monitus, & à Vicario nostro Bernardo Toletano ad Concilium vocatus, venire, & satisfacere contempsisti. Ad hæc pro hujusmodi nequitia, & inobedientia, per eum tam à Sacerdotali, quam ab Episcopali officio interdictus, eadem officia celebrare pertinaciter præsumpsisti. Nos igitur, auctore Deo, tantum nequitie, & superbiæ facinus ulciscentes, & eadem tibi officia, & Bracarensis Ecclesiæ obedientiam interdicimus, donec resipiscens obedias, & plenius satisfacias. Datum Laterani 14. Kalendas Maii Indictione 7.* In Palentino Concilio, de quo Cardinalis de Aguirre, (a) anno 1114. Bernardus Epistolam hanc legit, & lecta, Mauriciū excommunicatum declaravit, sententiæque executionem ad Didacum Compostellanum Episcopum direxit; Petrum Reginæ Capellanum ab eodem Mauricio in Lucensem Episcopum ordinatum, ab Compostellano Antistite cum Mindoniensi, Tudensi, & Auriensi ejus vice fungentibus benedicendum, & consecrandum edixit, quasi ab Mauricio 1. Romanæ Ecclesiæ inobediente valide non esset consecratus.

(a)  
Tom. 5.  
Conciliorum.

Mauricius à Toletano Præsule ita vexatus Romam anno 1115. properavit Paschalem 2. de illata injuria certioorem redditurus, & crimen falso sibi objectum impugnaturus. Paschalis de justis Mauricii querelis certus ad Bernardum literas misit ipsum monens, & corrigens, quod Colimbriensis Episcopi obedientiam Mauricio contra Romanæ auctoritatis privilegia subtraheret, item in Lucensi Ecclesia ad ejus Metropolim pertinente, Episcopo præter judicium ejecto, subordinari alium præciperet, Bracarensis Ecclesiæ bona ab aliis distrahi consentiret, & ipse cum familiaribus suis mora diutina consumeret, & per totam provinciam in-

vito, & ignorante eo, potestatem suæ voluntatis exerceret: quamobrem Bernardum ipsum ab injuncta super Archiepiscopum, & provinciam Bracarensem cura legationis absolvit, ut Mauricius in sua provincia justitiam exerceret.

Romæ adhuc erat Mauricius Paschali gratus, & nimis acceptus anno 1117. quo Henricus Imperator in Concilio Vienenſi ob investituras extortas excommunicatus congregato exercitu Romam advenit: quod ubi Paschalis didicit, Urbem dereliquit, & Mauricium Bracarensem causa tractandæ pacis cum Cæsare legatum instituit: interea, Auctore Petro Diacono lib. 4. cap. 57. Imperator civitatem ingressus, cum Pontificem discessisse cognosceret; Consules, Senatores, & Proceres partim donis, partim promissis ad se traxit: & cum peteret coronari, Ecclesia quæ erat in Urbe inhonestum, ac indignum arbitrata est cum excommunicato communicare, & suis interesse comitiis, præsertim, dum contingeret abesse Papam, qui omnium primus deberet interesse, & è cujus manibus ille diadema susciperet. Diffusus Henricus accivit Mauricium Bracarensem Paschalis Legatum, & ab ipso ante corpus B. Gregorii coronari se fecit, sicque ab Urbe comitatus abscessit. Paschalis, Mauricii gestis erga Cæsarem cognitis, eum in Concilio Beneventano excommunicavit. Post Beneventanam synodum morbo correptus Pontifex die 18. Januarii anno 1118. è vivis excessit. Romanam Sedem duodecim vacantem dies omnium Cardinalium suffragiis ascendit Joannes Caeta Romanæ Ecclesiæ Cancellarius, & Cassinensis Monachus, & Gelasius secundus dictus est. Henricus Imperator, dum Padanis regionibus immoraretur, audito Paschalis transitu, Romam adiit, & primo in electione Joannis assensum præbens, postea eodem à sua se communionem subtrahente, non sine quorundam Romanorum favore, Guibertinorum, scilicet Romani de S. Marcello, Cencii de S. Chrysogono, & Teutonis, Mauricium Burdinum Apostolicæ Sedi imposuit; sicque schisma, quod jam sperabatur emortuum, crudeliter revixit. Eodem Burdino Gregorii VIII. nomine Romanæ Cathedræ libereposito, Gelasius cum his



Cardinalibus, ceterisque Catholicis, quos congregare potuit, Caetam se contulit, ubi Romanus Pontifex consecratus est: apud Capuam in Concilio Cæsarem cum Idolo suo Mauricio damnavit.

Ad Bernardum Toletanum scripsit Gelasius de Burdino in Apostolicam Sedem intruso, ut ad novam electionem in Bracarenſi Ecclesia faciendam operam omnem, & opem præberet. Per literas Gallos monuit, ut à Mauricii communione averterentur, & ad Matris Ecclesiæ ultionem se accingerent. Romanis etiam commendavit constantiam adversus intrusum Pseudo Pontificem. Mauricius Romæ commoratus Pentecostes die Henricum coronavit, diplomata sua ad Ecclesias direxit, sed in Germania, & Angliā tantum parebant quidam, qui Gelasium verum Romanum Pontificem non credebant. In Alemaniā Henrico jam redeunte, Papa Gelasius in propria Sede in Campaniam venit, Romam intravit, latuit potius, quam hospitatus fuit in Ecclesia quadam, quæ S. Maria in secundo Cereo dicebatur; ibi de imminentibus periculis, præsertim de Burdino intruso cum tota simul Ecclesia conserebat: sed cum Schismatici, qui Henrico Imperatori adhærebant, ejus vitæ insidias struerent, in Galliam tanquam in asylum tutissimum secessit auxilium contra Antipapam, & schismaticum Imperatorem à Ludovico Grosso Rege Christianissimo rogaturus; ibique latitia ineffabili, summa charitate, & honore immenso exceptus est, ut testatur Sugerius Abbas in vita Ludovici 6. Galliarum Regis. Verum Gelasius postquam multas Galliarum urbes perlustrasset, gravissima aegritudine correptus Cluniacum se perferri jussit, quo asportatus, summaque reverentia susceptus in medio fratrum circumstantibus Cardinalibus verus Pastor in pace Cluniaco quievit. Gelasio post inter-Pontificum duorum dierum Guido Viennensis Archiepiscopus in Pontificatu electione canonica successit, & Callistus II. appellatus est. Romam anno 3. Pontificatus sui, seu anno 1121. cum adventasset Callistus, Romanorum, ac Normannorum collegit exercitum, & apud Sutrium urbem Romæ conterminam obsedit, cepitque Mauriciū, qui jam trien-

nio elapso, Ecclesiam turbaverat, & Sutrii, quo confugerat, sedens ad limina Apostolorum transeuntes genuflectere compellebat. Sic captus Mauricius Burdinus, & multis opprobriis à militibus, & populo affectus, Auctore Falcone in Chronico Beneventano, & Petro Diacono, Romam in triumphum indutus pilosa veste vervecis pro clamyde rubea, positus ex adverso supra camelum, dataque ei in manibus pro fræno cauda cameli adductus est: & Callistus Romanos veteres imitatus, qui subjugatorum regum, ac populorum nomina, titulosque lapidibus inscribere consueverant, hanc historiam in antiqua Camera Palatii Lateranensis depingi iussit hac inscriptione, quam sua ætate superfuisse ait Onuphrius Panvinus.

*Ecce Callistus honor patriæ, decus imperiale*

*Burdinum nequam damnat, pacemque reformat.*

Ita in Urbem introductus est in exemplum aliorum, ne similia quis ultra auderet tentare. Inde in arcem Fummonis primum, inde vero est in Monasterium Cavense translatus ad poenitentiam, sed in sua rebellione perseveravit in cunctis. Sic miserè periit Mauricius Burdinus Bracarensis Archiepiscopus, & Antipapa. Ast Bracarensis Ecclesia vix Archiepiscopum suum in Petri solum intrusum agnoverat, ab eo defecit, Gelasio proprio Pastori adhæsit, & Pelagium Menendes filium D. Menendi Gondicævi da Maja, ex D. Lorgunda Soarii natalibus suis illustrem ejusdem Bracarensis Ecclesiæ Archidiaconum populi, & universi cleri consensu in Mauricii locum suffecit.

Antiquus Bracarensum Præsulum catalogus initium Pelagii Episcopatus refert ad annum 1116. quo Mauricius nondum à Paschali 2. pro Henrico Imperatore defecerat: quapropter exscribentis error ibidem censetur simul & circa annum 1115. quo Ovetense Concilium ex Miss. Ecclesiæ Toletanæ apud Eminentissimum de Aguirre tom. 5. convocatum legitur, & à Bracarenli Pelagio subscriptum; nam Gelasius II. anno 1118. ad Bernardum Toletanum Episcopum scripserat de novo Bracarenli Antistite in Mauricii locum eligendo; & eruditus Herrera veteres Toleti annales, Chronicon Mailezaes, & recentiores Aragonenses Scriptores sequutus Ove-

tenſe illud Concilium ſub Bernardo Toletano Præſide, & à Bracarenſi Pelagio firmatum ad annum 1121. exſcripſit. Pelagius in Archiepiſcopum electus Segoviam acceſſit à Bernardo Toletano per Hiſpanias Apoſtolicæ Sedis Legato ordinandus, & ſacrandus, quod Gallæcia id temporis Episcopis careret; & à Calliſto II. per literas pallium ſuſcepit. Eo Præſule, Bracarenſis Eccleſia privilegia à Paſchali II. conceſſa retinuit; & Calliſtus II. anno 1123. recordatus Bracarenſem Metropolim inſignem quondam fuiſſe, atque inter Hiſpaniarum regna multis, & dignitatis, & gloriæ titulis claruiſſe, & poſtea irruentibus Mauris eſſe imminutam; Parochiarumque terminos conſuſos, priſtinam dignitatem, quam Paſchalis II. redintegraverat, literis ad Pelagium datis ex Cardinali de Aguirre tom. 5. confirmavit: illius juriſdictioni Metropolitanae designavit integram ipſam urbem Bracaram cum *Canto* illo integro, quod Comes Henricus, & uxor ejus Tharaſia eidem Eccleſiæ contulerunt, & Gallæciam provinciam, Aſturicam, Lucum, Tudam, Mindonium, Auriam, Portugale, Colimbriam, & Episcopalis nominis tunc oppida Viſeum, Lamecum, Egitaniam, Britoniam cum Parochiis ſuis. Adeo erat Calliſti benevolentia erga Bracarenſem Pelagii Eccleſiam, ut anno 1122. Bernardi Toletani per Hiſpanias legationem confirmans, quam ipſe à Paſchalis tempore commendatam habuerat, Bracarenſem, & Emeritenſem Metropoles exceperit, & à Bernardi poteſtate exemerit.

Eodem anno Calliſtus Compoſtellanam Eccleſiam Metropolitano jure, & majeſtate adauxit, atque Emeritenſis Eccleſiæ, quæ in ditione Maurorum erat, jura, & poteſtatem omnem, quo maior eſſet auctoritas, Compoſtellanam tranſtulit. Didaco Compoſtellano Antiftiti ob S. Jacobi reverentiam, & ob fidelem, quam Romanæ Eccleſiæ aſſidue exhibuerat obedientiam, vices ſuas in duabus provinciis Bracarenſi, & Emeritenſi exequendas commiſit, & in iſdem provinciis, quam Toletanus habuerat, legationem ſubtraxit, quapropter non modica diſſidia inter Compoſtellanum, ac Toletanum exorta ſunt, quæ exſcripſit Aguirre tom. 5. Concilior. Hiſpaniæ.

Anno 1124. cum Didacus Compostellanus Concilium Compostellæ convocaret Apostolici Legati munus obiturus, Pelagius Bracarenfis ad illud accessit, & paruit; & quos ibi decreverit Canones non apparent, cum Concilii acta in lucem non prodierint: nec audiendus est D. Rodericus da Cunha p. 2. historiæ Bracarenfis cap. 12. dum scripsit Pelagium à Didaco in Concilium vocatum adire, & parere noluisse, cum non tantum huic ipse, imo & alii Compostellanae synodo per Vicarium subscripserit, ut Compostellanae Ecclesiæ historia testatur. (a)

(a)  
Hijstor.  
Compostel-  
lana lib. 2.

Inter alia, quæ Pelagii indolem tenacem indicant, fuit dissidium cum Regina Tharalia Comitissæ Henrici uxore; Pelagius enim Urracæ Reginae adversus sororem Tharasiam bellum indicenti adhæserat; quamobrem Portugaliæ Domina, & Comes eum in vinculis teneri jussit; & retinuit donec Callistus II. ei excommunicationem minatus est à Didaco Compostellano Episcopo exequendam, nisi ipsa pareret, & à custodia Pelagium expelleret. A custodia liber Pelagius in Tharasiam gratiam acceptus est, & ab ipsa Capellanus, & Cancellarius institutus donationis monumento, qua Monasterium Montis de Ramo in Auriensi Episcopatu fundavit, anno 1124. subscripsit: *Pelagius Bracarenfis Archiepiscopus Capellanus, & Cancellarius Reginae*. De Regis quoque Alfonsi Henrici benevolentia bene est meritus, qui ab ipsomet Rege in Capellani, ac Cancellarii dignitatibus confirmatus, & anno Christi 1128. piissimus Rex civitatis Bracaræ jurisdictionem, ac dominium Bracarenfi Episcopo jam antea concessum his beneficentissimis verbis ratum habuit: *Et in civitate tua Bracarensi nullam potestatem habeam, præter voluntatem tuam, & præter voluntatem successorum tuorum*. Ad annum usque 1136. vixisse creditur, nam anno 1136. Era 1174. librum Senæ censualem suo nomine roboravit, ut ex eodemmet libro constat in Regii Monasterii S. Crucis archivo custodito.

Pelagii ab humanis sublato locum tenuit anno 1137. Joannes Peculiaris Canonicus Regularis Monasterii S. Crucis Colim-

limbriensis, & Episcopus Portugalenſis. Joannem fuiſſe natione Gallum tenuere Fr. Antonius Brandaõ tom. 3. Monarchiæ Luſitanæ lib. 9. cap. 29. & D. Rodericus da Cunha 1. p. Hiſtoriæ Bracarenſis cap. 14. nitunturque iis verbis antiqui libelli de Monaſterii S. Crucis fundatione apud ejuſdem Monaſterii archivum: *Venerat ſiquidem Juvenis quidam Joannes nomine, Peculiaris agnomine, quod evidenti oſtendit indicio ſe Dominicum eſſe peculium, ſiquidem in ſuo de Gallia partibus adventu quoddam ſuo ducatu, & doctrina ſtauit Monaſterium apud Sanctum Chriſtopherum.* Ac ſi de Luſitania in Gallias prius non diſcederet aut ſtudii, aut alia de cauſa, quàm ad ipſam inde adveniret, firmant illi. Enim vero Petrus Alvares Canonicus Eccleſiæ Colimbrienſis in Catalogo Colimbrienſium Episcoporum de geſtis D. Joannis Anaïæ Episcopi cap. 6. ait Joannem Peculiarem puerum à Canonicis Regularibus Sedis Colimbrienſis primis literis inſtructum fuiſſe, & jam maioribus ſcientiis maturum de Episcopi, & Sedis Prioris conſenſu Galliam petiſſe ſtudiis vacaturum. Inde reverſus in patriam ex bonis paterno jure ſibi adquiſitis S. Chriſtophori Monaſterium condidit, quod ex veteri libro Monaſterii S. Crucis archivi pag. 8. fuerat Clericorum.

Hæreo hic in limine, cum S. Chriſtophori Monaſterium Clericorum fuiſſe lego; & monumentum aliud ob oculos habeo fide quidem dignum in archivo Monaſterii S. Chriſtophori cuſtoditum, cui maximè credit Fr. Antonius Brandaõ tom. 3. Monarchiæ Luſitanæ lib. 10. cap. 5. ut Eremitas ibi degentes oſtenderet: *Facio cautum firmiſſimum per hujus ſcripturæ firmitatem, Eccleſiæ S. Chriſtophori de Laſcões, ait venerabilis Rex Alſonſus Henricus, & ipſis Eremitis, qui ibi habitant, ſcilicet Joanni Cirita ejuſdem loci Priori, & omnibus aliis, qui ibi Eremiticum ordinem in præſentiarum tenent, per manus Joannis Portugalenſis Episcopi, præſati loci fundatoris.* Hærerem ſane, nec deciderem, ſi verba illa: *Qui Eremiticum ordinem in præſentiarum tenent per manus Joannis Portugalenſis Episcopi,*

non indicarent postea, decurrente jam aliquo à conditione tēpore, Joannē Portugalensem factū Episcopū degentes ibi Eremitas approbasse in loco quem fundaverat. Joannem ipsum Colimbrientis Ecclesiæ fuisse Canonicum Magistrum scholæ, antequam Canonicis nostris adscriberetur, testatur Anonymus Canonicus, Auctor Synchronus in vita S. P. Theotonii referens duodecim insignes viros, qui in hoc Monasterio Canonicum institutū erexerūt: *Sectidus autem fuit Dominus Joannes cognomento Peculiaris, qui eo tempore Colimbriæ Magister scholarum erat; qui postea Portus Gayæ factus Episcopus post mortem Domni Pelagii Bracara præficitur Archiepiscopus.* Palam etiam id fit ex Epistola S. P. Theotonii ad Abbatem, & Canonicos S. Rufi in Gallia, per Petrum Presbyterum Salomonis filium pag. 6. cujus meminit Magister Dominus Petrus Alfarde in libro, quem Sanctam appellare consuevimus: *Quantas Deo, vestraque sanctitati pie persolvemus gratias pro benevolentia, & charitate devota, in Dominicum Diaconum, & Joannem tunc Magistrum, nunc autem Archiepiscopum, & in Tellonem Archidiaconum, cujus animarequiescat in pace.*

Ex Magisterio scholæ Colimbrientis à Tellone Archidiacono ad novum Canonicorum Monasterium S. Crucis extruendum invitatus, cum S. Theotonio, aliisque novem insignibus, ac illustribus viris novum institutum suscepit. Hinc cum eodem Tellone Romam profectus est à Romano Pontifice Innocentio II. recens conditi Monasterii confirmationem petitus; cujus Apostolicis indultis, & gratiis concessis cumulati per Gallias Colimbriam reversi sunt. Cum Theotonii, & sociorum fama volitaret, odorque bonarum virtutum undique diffunderetur, Ecclesiolæ Monasterii Canonici eos impense rogarunt, vellent ad ipsos mittere duos viros, qui in Canonica doctrina reformarent, ac ducerent. Joannes, ac Dominus Petrus Rabaldis S. Theotonii jussu id muneris obierunt. Monasterii reformationi totus vacabat Joannes, cum Portugalensis clerus, & populus eum in Episcopum post Hugonis mortem designarunt. Portugale cum Petro Rabal-

dis, quem suæ Sedis Archidiaconum instituit, profectus qua diligentia, qua solitudine suas pascebat oves, & quid in Portugalesi Episcopatu gesserit, in illius Ecclesiæ Episcoporum catalogo descriptum erit.

Archiepiscopus Bracarensis Joannes jam factus Romam se contulit pallium à Summo Pontifice suscepturus, socio adjuncto D. Petro Salomone de S. Crucis Canonicis, ut ab eodem Romano Antistite indultorum acciperent firmitudinem, quibus venerabilis Rex Alfonsus Henricus idem Monasterium ditaverat. Romæ commoratus Concilio Lateranensi 2. interfuit, indeque multis privilegiis, ac gratis cumulat Bracaram venit. Cum Lucius II. & Eugenius III. in Epistolis ad Raymundum Toletanum Antistitem ejus Primatum per Hispanias firmarent, Joannes Bracarensis suæ Ecclesiæ jura, & antiquitates vindicaturus Toletano subijci reculavit, quapropter Eugenius ad Joannem literas minarum plenas scripsit, ut Raymundo debitam præberet obedientiam, aut Apostolico conspectui se præsentaret, & Archiepiscopi nuntiis de sua justitia responderet, & si infra tres menses post acceptas literas adimplere contemneret, ab Episcopali officio esset suspensus. Ad Romani Pontificis literas paruit Joannes, Toletano Primati cessit; quod eidem Joanni per Epistolam gratulatus est Eugenius anno 1150. & in eadem Epistola Raymundum incusavit, quod Bracensem Præsulem exasperaret, suæque provinciæ terminos invaderet, & contra justitiam in Ecclesia Zamorensi intra Bracarensis provinciæ limites constituta Episcopum ordinaret. De Episcopatu enim Zamorensi, qui pars fuerat Asturicensis Diocesis Joannes Bracarensis cum Toletano contenderat; & Eugenius III. eorum auditis rationibus, & plenius intellectis prædictam Zamoremensem Ecclesiam Bracarensi Sedi perpetuo subiectam fore decrevit. Ex Lucii II. Eugenii III. Anastasii IV. & Hadriani IV. literis ad Joannem Bracensem, quas exscripserunt Labæus, & Aguirre, constat quæ inter ipsum, & Toletanum Antistitem circa Primatus Hispaniarum jura fuere dissidia.

Venerabili Regi Alfonso adeo fuit acceptus Joannes, ut

in regni arduis ejus consiliis uteretur. Literis, quibus Venerabilis Rex ad Lucium II. Romanæ Ecclesiæ hominum fecit, & regnum B. Petro obtulit sub annuo censu quatuor unciarum auri singulis annis persolvendo, subscripsit Joannes anno 1144. Constitutiones quoque regias Eboræ Era 1204. & de Linhares Era 1207. quæ in Regii Monasterii S. Crucis archivo custodiuntur, suo nomine roboravit. Anno Incarnationis Dominicæ 1147. in oblatione Olyssiponis Mauris adeptæ Venerabilis Rex Joannem Bracarensem Archiepiscopum accersire fecit, & ei advenienti ait, juxta Indiculum antiquissimum foundationis Monasterii S. Vincentii apud nostros asservatum: *Contemplor Barones istos fortissimos de terris suis ad has fuisse ingressos, & venisse, ut his moriantur pro Christo ejus bella bellando contra hostes fidei dimicando viriliter. Qui nihil curantes de vita præsentis ipsos, & per enses infestos conantur delere paganos. Nam zelus domus Dei tantus fervet in illis: unde ut Martyrum Christi eorum exequias dignis prosequamur honoribus: non enim hæsito eos fore Dei dignatione Sanctis viris asociandos in cælis, quorum vestigia tanto studio sequi comprobantur in terris. Quare Pater Pontifex ultra non differat consignare illis loca cunctis congrua, & à castris eorum non valde remota: ad vestrum quippe spectat officium hoc ordinare.... Tum Sanctus Archiepiscopus tantam in rege commendat pietatem, votumque collaudat.* Eodem anno Gilbertum natione Anglum in Olyssiponensem Episcopum ordinavit Joannes; & anno 1166. Soarium in Eborensem, & ab iis tanquam Metropolita debitam reverentiam suscepit. Hinc Bracarenses Antistites Olyssiponensem, & Eborensem Episcopatus sibi suffraganeos respuerunt: hæc fuit origo contentionum inter Compostellanum, & Bracarensem Præsules tempore Innocentii III. (ut suo loco agam) circa sua jura in Olyssiponensem, & Eborensem Episcopatus, quos uterque sibi vindicare suffraganeos conabantur.

Comitiis Lamecenfibus, de quibus infra, ab Venerabili Rege convocatis interfuit, & Regis folio sedentis capiti dia-



dema imposuit. Coram ipso Piissimus Rex juramento testatus est Christum Dominum apud Oriquitum ob oculos habuisse; & licet inter severiores critices professores monumentum illud incertum, nimisque dubium proferatur, interim missum facio, alibi ex industria explorandum. Anno Christi 1169. cum aliis Episcopis Portugalensi, Lamecensi, ac Visenſi Ecclesiam S. Joannis de Tarouca Ordinis Cisterciensis in Lamecensi Diocesi dedicavit. Ætate jam gravis Joannes (centesimum enim annum superabat) meritis, virtutibus, & honoribus plenus obiit die 3. Decembris anno 1175. ut in antiquo libro Monasterii S. Crucis, quem *Obituum* appellamus, est inscriptum: *Tertio Nonas Decembris obiit Dominus Joannes Bracarenſis Episcopus Canonicus S. Crucis in Era 1213.* In Archiepiscopatu ferme 36. annos vixit, & in Bracarenſi Ecclesia loco tamen ignoto sepultus est.

In Joannis locum successit est D. Godinus Canonicus Regularis antiqui Monasterii de Balneo, quod intra Villam de Barcellos, & oppidum de Espofende situm erat. Ex virtutibus, quibus decorabatur Godinus omnibus in Monasterio factus in exemplum, Bracarenſis clerus, & populus eum in Pastorem suum optaverunt. Archiepiscopus jam electus Romam ivit pallium à Summo Pontifice Alexandro III. & non à Callisto IV. seu III. ut scripsit D. Rodericus da Cunha p. 2. Histor. Bracar. cap. 17. suscepturus: inde Hierosolymas profectus est sacra loca veneratum. Ab Alexandro III. & non à Callisto IV. aut III. Godinum pallium suscepisse nemo non credet; nam universa Hispania cum suis Episcopis Alexandro III. canonicè electo adhæsit, ut ex ejusdem literis ad Hispaniarum Episcopos constat, & Pseudo-Pontifices Victorem IV. Paschalem III. & Callistum III. aut IV. qui anno 1178. Pseudo-Pontificatum deposuit, nunquam ceu legitimos agnovit, sed Antipapas à schismaticis Alexandro III. male adversantibus electos abhorruit. Breviarium antiquum Bracarenſe ad diem 4. Maii lect. 3. ait: *Præsidente Bracara Archiepiscopo Godino, quem Omnipotens Pater initio sui Archiepiscopatus, evidentibus virtutum miraculis honorare di-*

*gnatus est per eundem Archiepiscopum ab eodem Rege (Alfonso) summo studio, & ardentissimo amore impetrata, & translate sunt reliquie S. Vincentii Levitæ, & Martyris in Ecclesiam Bracarensem anno 1176. Inter Bracarenſes Antistites dignus fuit, qui à posteris Beatus vocaretur; & tot meritis conspicuus diem suum ultimum clausit anno Domini 1188. ejus memoria remanet in antiquis Constitutionibus regis de Melgaço, Palmela, & Abrantes à Venerabili Rege Alfonso latis, quibus ille subscripsit Era 1217. 1219. & 1223. quæ in S. Crucis archivo asservantur. Falluntur quidem, qui Bracarensem hunc Godinum eundem fuisse Lamecenſem Episcopum ex Lameco Bracaram translatum, cum uterque Bracarenſis, & Lamecenſis Era 1219. municipales leges de Melgaço supradictas nominibus suis subscriptas firmant.*

Godinus in Pontificatu successorem habuit Martinum cognomento Pires ex Portugalensi Sede ad Bracarensem translatum. D. Rodericus da Cunha in catalogo Bracarenſium Præſulum ait primam de Martino Bracarenſi jam facto Episcopo inveniri notitiam anno 1197. sed inter vetusta Regii Archivi monumenta asservatur donatio Sanctii I. de Castro Abemaneſi erga Alcobatiæ Monasterium anno 1191. Era 1229. (a) cui Martinus hic Bracarenſis Antistes nomen suum adhibuit firmaturus. Statim, ac Bracarenſi Ecclesiæ præfuit, magnopere intendit sub Metropolitana potestate eos retinere Episcopatus, qui obedientiam præbere consueverant. Inter ipsum, & Petrum Compostellanum Episcopum exarsit dissidium circa Episcopatus Olyſſiponenſem, ac Eborenſem. Quapropter Romam confluerunt ad Innocentium III. nuper electum causam tuituri. Compostellanus querebatur, quod ante barbarorum invasionem Olyſſipo, & Ebora ad Emeritenſem Metropolim pertinerent; sed ea postmodum captivata, & ipsæ cum ea fuere captæ, donec ejus dignitas cum omni jure suo in Compostellanam Ecclesiam fuit translata: eas quoque civitates Christianorum cultui jam restitutas nullum esse dubium ad Compostellanam Ecclesiam adtinere: Regem Portugalix ad suggestionem Bracarenſis Antistitis jus Compo-

(a)  
*Apud  
Brandão  
tom. 4.  
Monarch.  
Lusit. in  
append.*

stellanæ Sedis pluries impediisse, pro cuius prohibitione secundus Eborensis Episcopus electus in tantum distulit consecrari, quod sine consecratione decesserit, cuius etiam successor, & tertius Olyssiponenſis electus, præfato Rege vivente, non fuerant consecrati.

Respondēbat Archiepiscopus Bracarenſis Martinus se Episcopatus illos tunc possidere, & ab eo tempore possedisse, quo per virtutem Alſonſi Henrici Regis Portugalenſis duæ civitates prædictæ de paganorum manu fuere liberatæ, atque ad cultum Fidei Christianæ per Bracarenſis Archiepiscopi prædicationem reductæ; & sic suo jure usum nullam Compostellano inferre injuriam: etiam adjiciebat omnes Episcopos ab earum civitatum libertate per Bracarensem Archiepiscopum fuisse consecratos, qui ei quoque tanquam suo Metropolitano reverentiam, & obedientiam impenderunt, cunctas ad Bracarenſia Concilia tanquam suffraganei, & querelas suas coram eodem Archiepiscopo proponentes. Et falsas esse, nec per testes approbatas professiones, quas adferebat Compostellanus, quibus Olyssiponenſes Episcopi in scriptis, aut verbis reverentiam sibi veluti suo Metropolitæ promiserant; aut clam ignorante Bracarenſi Archiepiscopo, & Olyssiponenſi Episcopo exulante. Quod Compostellano maiores augebat vires, erat; interrogatum olim in jure Bracarensem Antistitem Godinum Martini antecessorem, si credebatur aliquem suorum prædecessorum hos possedisse Episcopatus, respondisse: *Quidam dicunt sic, quidam non, & ideo nescio, quibus credam.* Hæc constant ex Epistola Innocentii III. ad Petrum Archiepiscopum Compostellanum. Ad Urbanum III. latum est dissidium, qui causam cognoscendam commisit Vice-Domino Brixienſi, & Magistro Joanni Bergonenſi in Hispaniam destinatis. Verum Urbano è vivis sublato, ad Innocentium III. qui successerat, delata est causa, & lite composita, Innocentius Compostellano Archiepiscopo designavit in suffraganeos Episcopatus Eborensē, Olyssiponenſem, Lamecenſem, ac Egitanienſem, & eodē a debita Bracarenſi Antistiti obedientia absolvit: ceteros Episcopatus Colim-

briensem, Vifensem, Tudensem, Auriensem, Mindonien-  
sem, Lucensem, & Astoricensem ad Bracarensem Metropo-  
lim pertinere declaravit; hinc Compostellanus coram Roma-  
no Pontifice prædictos Episcopatus Bracarenſi Episcopo in  
perpetuum renuntiavit.

Circa Episcopatus suffraganeos à Romano Pontifice In-  
nocentio III. inter Bracarensem, & Compostellanum Archie-  
piscopos lite compoſita, super quæſtione inter Martinum, &  
Petrum de usu crucis ventilata eorſdem ad concordiam duxit  
invitanſos, qui ejus adqueſcentes conſiliis, in hunc modum  
convenerant, ut uterque per provinciam alterius univerſam  
crucem ante ſe faceret ſine contradictione deferri; & hanc  
concordiæ formam Sedis Apoſtolicæ auctoritate confirmavit.  
Martini tempore iterum excitata eſt contentio inter ipſum,  
& Compoſtellanum Archiepiſcopum de Zamoreniſi Episcopatu.  
Alexander III. ac Lucius III. Compoſtellano Antiftiti Zam-  
moreſem Eccleſiam literis ſuis designaverant in ſuffraganeam;  
licet Eugenius III. olim contra Toletanum pro Bracarenſi af-  
fereret. Aſt Innocentius III. ſtatuens ut Alexandri, & Lucii  
ſententia in nullo prorsus Bracarenſi Archiepiſcopo obliſteret,  
Oxomenſi, Portugalenſi, & Placentino Episcopis juſſit, ut  
cauſam inter Archiepiſcopos motam agnoſcerent. Ad eun-  
demmet Innocentium III. conqueſtus eſt Martinus Bracaren-  
ſis ſe ignorante Priorem S. Martini de Craſto Monaſterii Ca-  
nonicorum Regularium à Cæleſtino III. Papa privilegium  
impetraſſe, quo ei debitam, ac conſuetam reverentiam ex-  
hibere denegabat. Innocentius ad Portugalenſem, & Lame-  
cenſem Episcopos ſcripſit, ut Priorem prædictum Bracarenſi  
Præſuli obedire cogerent, ſicut & ceteri ſuæ Dioceſis con-  
ſueverant. Circa Miſſarum ritus, Jejuniorum, Vigiliarumque  
obſervationem, ac Excommunicationis pœnam incurrendam  
Martinus Innocentium III. conſuluit, cujus reſcripta infra  
cum de Romani Pontificis auctoritate per Luſitaniam latiori  
calamo exponam. Sanctio I. Portugalix Regi gratus ejus  
conſiliiſ ſæpè interfuit, & municipales leges de Penamacor  
Era 1227. de Leirena Era 1233. & de Cizimbria Era 1238. ab  
eodem-

eademmet Sanctio latas, & in hujus Monasterii archivo asser-  
 vatas nomine suo subscripto ratas habuit. Anno 1209. obiit  
 dignus, qui inter clarissimos Bracaræ Præsules memoretur.  
 Omnia, quæ de Martini Episcopatu descripsi ex Innocentianis  
 ferè Epistolis, quarum meminit Aguirre, deduxi.

## §. II.

*De Episcopis Eborensibus.*

**E** Bora à Christianis sub duce suo Giraldo illo *Impavido*  
 recepta, omnem operam dedit, qua erat pietate, Alfon-  
 sus Rex; antiqua Episcoporum Sedes, ut antea, erigeretur.  
 Eruditus Resendius de antiquitatibus Eboræ cap. 14. ait se in  
 anniversariorum Eborensis Sedis libris comperisse primum  
 Eborensem Antistitem ab urbe Christianis reddita fuisse Pe-  
 lagium, cujus corpus conditum erat ad Divi Joannis Baptistæ  
 altare. Tanti Viri de Lusitanæ antiquitatibus optimi pace,  
 Severum, aut Lusitano idiotismo Suarium ante Pelagium Ebo-  
 rensem rexisse Sedem antiqua monumenta indicant. In hujus  
 Regii S. Crucis Monasterii archivo Eborensis constitutio as-  
 servatur à Rege Alfonso Henrico data Era 1204. cui subscri-  
 psit Suarius Eborensis Episcopus, nec non alia de Linhares  
 Era 1207. ejusdem Suarii testimonio firmata. Quid clarius?  
 Resendius quidem non agnovit, non vidit, non audivit. Igi-  
 tur primus Eboræ Episcopus ab civitate Mauris erepta floruit  
 Suarius, quem Joannes Peculiaris Bracarensis Antistes ordi-  
 navit. Per universam ferè Transaganam provinciam suæ  
 Diocesis limites excurrabant. Licet Callistus II. anno 1124.  
 Emeritensis Ecclesiæ jura ad Compostellanum transferret;  
 Suarius Gilberti Olyssiponenis exemplum sequutus Bracaren-  
 si Archiepiscopo tanquam Metropolitæ parebat, reverentiam-  
 que præbebat; idque Venerabilis Regis Alfonsi consensus  
 probaverat. Quatuordecim annos in Episcopatu vixit, &  
 Creatori suo animam tradidit anno Domini 1180.

Mortuo Suario, Venerabilis Rex Alfonso D. Menen-  
 dum Canonicum Regularem, ac secundum Priorem Mona-

sterii S. Vincentii Olyssiponenſis in Eborenſem Episcopum deſignavit ; verum Vir ille tot virtutibus præditus religioſæ ſolitudinis magis amans , quam dignitatum , de quibus merebatur , totus renuit , nec ad conſenſum cogi potuit. Rex illius votis annuens ceſſit , ipſumque rogavit , quem vellet , Eborenſem Episcopum indicaret. Adeo Menendo credebat Alfoſus. Menendus Regi Pelagium ejuſdem Monasterii Priorem clauſtralem , ſive Vicarium ſacris literis apprime inſtructum indicavit ; nec Regi diſplicuit. Menendus ab Episcopali onere immunis Monasterio regendo totus incubuit , & optimi Prioris munus exercuit omnium virtutum exemplar : & tranſactis octo in prioratu annis obiit 15. Kalendas Novembris anno 1182. ut in libro deſunctorum ejuſdem Monasterii legitur : 15. Kal. Novembris obiit D. Menendus ſecundus Prior bujus Monasterii , & in Indiculo Monasterii fundationis ejus extat memoria : *Post Godinum autem rexit ferè annos octo bonæ memoriæ Menendus.*

Itaque Suario ſucceſſit Pelagius maiorum ſanguine perilluſtris : Vir iſte ex Galliis , quò ſtudiorum cauſa confluxerat , in patriam reverſus dignitatum culmina ambiebat , ſed S. Theotonii doctrinis , ac exemplo inſtructus , ſæculo renunciavit , & in S. Crucis Monasterio in Canonicum indutus eſt anno 1152. Hinc in S. Vincentii Monasterium nuper erectum à primo ejuſdem Priore Godino accerſitus clauſtralem Priorem , ſive Vicarium omnium Canonicorum votis egit , donec Eborenſem Episcopatum ſuſcepit anno 1180. Die 28. Auguſti Magno P. Auguſtino dicata Eboram ingreſſus eſt , & tanti Parentis exemplum ſequutus , quod Auguſtinus geſſerat Hipponiæ , Pelagius Eboræ non omiſit. Eruditus Emmanuel Severim de Farſa licet falleretur , (a) dum Pelagium Canonicum de Balneo fuiſſe exiſtimaverit , à vero non deſlexit , cum ipſum Eborenſium Canonicorum in communi degentium auctorem ſcripſerit. Canonicos igitur ſub Auguſtiniana regula , quam ipſe proſitebatur , adunavit , qui hac vivendi methodo uſque ad annum 1210. perſiſterunt. Cathedralem Eccleſiam erexit , jactis fundamentis 22. Maii Era Cæſaris 1224.

(a)  
Diſſeur po-  
lit. 4

& Christi 1186. primum lapidem posuit sub basi altaris S. Mantii : dum ædes sacra extruebatur , sacra agebat in ædícula vicina ei usui consecrata ; quæ postea urbis curia fuit , ubi forenses actiones fierent. Reges Alfonso , & Sanctius I. ejus consiliis sæpè usi sunt ; qua de causa municipalibus legibus de Melgaço Era 1219. de Coluchi 1227. ac de Cizimbria 1238. nomen suum adhibuit roborandis. Sed Melgacienses constitutiones firmavit Pelagius adhuc electus ; nam , Rege Alfonso vivente , consecratus non fuerat propter dissidium inter Bracarensem , & Compostellanum Archiepiscopos in Eborensem Episcopum suffraganeum jura suæ Metropoleos vindicantes ; id ex Innocentii III. Epistola ad Compostellanum satis fit. Meritis tandem clarus octava die Septembris anno 1204. è vivis excessit. In libro defunctorum Monasterii Ecclesiolæ legitur : *Sexto Idus Septembris obiit D. Pelagius Eborensis Episcopus Canonicus S. Crucis in Era 1242.*

## §. III.

*De Episcopis Colimbriensibus.*

**C** Resconio universæ carnis viam ingressio , anno circiter 1099. Colimbriensem Episcopatum suscepit Burdinus. Bernardus Toletanus Archiepiscopus Roma Toletum rediens , per Gallias transiit , ubi eligens de diversis locis viros honestos , ac literatos , nec non & juvenes dociles , quos habere potuit , in Hispaniam secum duxit. Inter eos erat Burdinus de Lemovicis , quem ille primo Archidiaconum Toletanum instituit , & postea Colimbriensem Episcopum , qua fruebatur , Apostolici legati auctoritate ordinavit. Burdinus , ut vitæ exitus jam supra ostendit , erat astutus , & versipellis , qui cum vocaretur Burdinus , factus Colimbriensis Episcopus fecit se Mauricium appellari. Anno circiter 1103. cum Tellone Archidiacono Colimbriensi , qui ei erat charus , Hierosolymam petiit sacra loca visurus ; triennio ab Ecclesia absuit , Hierosolymis jam reversus Bisantium appulit , ubi fermè per medium annum commoratus ad propria remeavit. Colimbriæ jam

receptus ad Palentiam profectus est anno circiter 1105. Concilio Fusselenſi interfuit, & poſtea deſuncto S. Giraldo Bracaræ Archiepiſcopo, in illius locum ſubrogatur. Quæ in Archiepiſcopatu Bracarenſi geſſit, dicta jam ſunto. In Colimbrienſis Sedis archivo aſſervatur Epiſtola Summi Pontificis Paſchalis II. ad eundem Mauricium eandem Sedem adhuc moderantem, qua Colimbrienſis Epiſcopatus limites designavit, à Colimbria uſque ad Caſtrum antiquum, ad Durium ſcilicet: ſicut ſub Theodomiro Rege ab Epiſcopis diviſio facta erat, Eccleſia Colimbrienſis perfeveravit; & præterea Epiſcopaliū quondam Cathedralium Eccleſias, Lamecum, & Viſeum ei, & ſuis ſucceſſoribus commiſit, donec Epiſcopos ſuos haberent.

In Mauricii locum ſubſectus eſt Gondisalvus, cujus cor, ait Magiſter Petrus Alſardus, fuiſſe Tellonem Archidiaconum. Cum inter Bracarenſem, & Toletanum Antifiſites circa ſuffraganeos ortum eſſet diſſidium, Toletanuſque Colimbrienſes limites invaderet, Paſchalis II. Mauricio Bracarenſi inſtante, ad Gondisalvum literas miſit, ut Mauricio tanquam ſuo Metropolitæ reverentiam, obſequiumque impenderet, & ipſum Bracarenſis Eccleſiæ jura contemnentem, Toletanoque Præſuli adhaerentem correxit, & niſi intra quadraginta dies ab acceptis literis debitam obedientiam præſentaret, ab Epiſcopali officio eſſet ſuſpenſus. Paſchalis monitis ſtetit Gondisalvus. Anno Chriſti 1121. ad Concilium Luſitanæ, & Hiſpaniarum generale à Toletano Archiepiſcopo, & Romanæ Sedis legato Bernardo convocatus ſeptimo loco poſt Pelagium Aſturiceſem ſubſcripſit. Anno Domini 1124. adhuc Colimbrienſem Eccleſiam moderabatur; nam id temporis Calliſtus II. ob S. Jacobi reverentiam Compoſtellano Epiſcopo legationis partem in Hiſpaniis Toletano ſubtractam contulit, & vices ſuas in Bracarenſi, ac Emeritenſi provinciis commiſit, unde Toletanus ira ſuccenſus ad Gondisalvum ſcripſit, ne Compoſtellano obediret. Ex libro veteri Erarum Monafterii S. Crucis conſtat Gondisalvum ultimum clauſiſſe diem Era 1165. anno Domini 1127. & licet regius Academicus Franciſ-



cus Leitaõ Ferreira illius obitum ante annum Christi 1125. contigisse autemet propter alia donationum monumenta Era 1163. à Tellone Archidiacono, & ceteris Canonicis Colimbriensibus sine Episcopo subscripta; quid novæ rei ut sine Antistite Sedis capitulum disponeret, firmaret, conferret?

Cum Gondisalvus cœlo redderet spiritum, Tello Archidiaconus, ut ait Alfardus (a) *honestior vita omni clero,* & *moribus* quærebat precibus à clero, & populo Episcopus; quod fieret, Regina Tharasia, & Comite Ferdinando in id nitentibus, nisi ejus filius Alfonso principatum susceperet, qui à quibusdam persuasus Bernardum Monachum S. Benedicti in Episcopum ordinari curavit, Deo ad tantum, tantæque sanctitatis opus in novo Monasterio condendo reservante, ac stimulante Archidiaconum. Bernardum ex Monasterio Moysaico Ordinis S. Benedicti in Gallia secum duxerat in Hispanias Bernardus Toletanus: inde ad Archidiaconatum Braccarensem assumptus, tandem ad Episcopatum Colimbriensem evehctus est. Venerabili Regi Alfonso Henrico nimis gratus de illius benevolentia, largitateque erga Colimbriensem Ecclesiam fuit meritis. Nec minus Canonicis Regularibus charus, qui Era 1167. die 13. Kalendas Januarii suæ Sedis Canonicorum consensu terrenum istud juxta civitatem in valle, quæ dicebatur *Ribella* circa balnea regia, quod Sufanna Sefnandi Comitis mater Colimbriensi Sedi testamento reliquerat, Telloni Archidiacono vendidit novum Monasterium S. Crucis ibidem condituro: die 24. Februarii anno 1132. in novi Monasterii Canonicos induit, quos Tello ad recens perfectionis opus invitaverat. Eodem anno Ecclesiæ Monasterio omnem immunitatem, ac exemptionem, qua adhuc fruitur, ab Episcoporum potestate elargitus est: quapropter ejusdem Monasterii Canonici singulis annis in suo Necrologio commemorant: *Sexto Kalendas Februarii obiit D. Bernardus Colimbriensis Episcopus.*

(a)  
In lib. fundat. Monast. S. Crucis.

Ex libro antiquo, quod *Testamentorum* dicitur Monasterii S. Crucis tẽpore Domni Joannis Theotonii 2. Prioris scripto, & in ejusdem archivo asservato constat Bernardum Colimbri-

ensem Antistitem cum Joanne Bracarenli composuisse dissidium inter Canonicos S. Crucis, & Monachos de Charitate, qui in S. Justæ Ecclesia commorabantur circa suarum Parochiarum terminos: en veteris scriptoris verba: *Habuius quoque* ( Canonici S. Crucis ) *non minimas altercationes cum Monachis de Charitate, qui morabantur in Ecclesia Sanctæ Justæ super terminos Parochiæ nostræ, & suæ. Donec venit Archiepiscopus Bracara Dominus Joannes, qui eam nobis prius determinaverat cum Episcopo Colimbriæ Domino Bernardo.*

Circa annum, quo Bernardus obiit, Petrus Alvares Canonicus Colimbriensis, & Emmanuel Severim, ac Fr. Antonius Brandaõ adversantur. Petrus annum fuisse 1147. existimat, Emmanuel annum 1146. Brandaõ verò annum 1142. Ast librum Erarum Monasterii S. Crucis præ manibus habitum sequi non pudet Era 1183. anno Christi 1145. ab humanis excessisse Bernardum sic commemorantem: *Era 1183. obiit Bernardus Colimbriensis Episcopus.* Anno Christi 1144. Era 1182. ille subscripsit literis, quas Venerabilis Rex Alfonsus ad Lucium II. misit Lusitaniæ regnum Romanæ Ecclesiæ patrocinio commissurus. Stephanus Balusius Alfonsi Epistolam scriptam refert Idibus Decembris, Era 1180. anno Christi 1142. (a) sed juxta Eminentissimum Aguirre eateporis notatio est corrigenda: nam Era 1180. id est anno Domini 1142. imò & toto sequenti nondum Summum Pontificatum susceperat Lucius usque ad mensem Martium anni 1144. quo obiit Cælestinus II. quare scripta fuit Idibus Decembris ejusdem anni, Eræ scilicet 1182. qua adhuc Bernardus Colimbriensis in vivis agebat.

Causa Bernardi Monachi Benedictini ex iis, quos nigros Monachos nominare consueverunt, fortasse inventa est historia de Toleyma Ethiope Colimbriensi Episcopo à Venerabili Rege Alfonsò in illius Sedis Cathedram assumpto. Eduardus Galvanus in Alfonsino Chronico cap. 21. ait Colimbriensem Episcopum Roma Lusitaniam rediisse Apostolica facultate suscepta, ut Alfonsum excommunicatione feriret, nisi ma-

(a)  
Lib. 2.  
Miscellan.

trem Tharasiam à vinculis, quibus tenebatur, solveret; & Regem Papæ sententiæ per Episcopum latæ renuentem in ipsius Antistitis Romam iterum confluentis locum Clericum Ethiopem sibi obvium Episcopali munere decorasse. De Piissimo Rege Alfonso quis sibi id habeat persuasum? Nec umbra, nec figura Ethiopiæ Episcoporum, qui postea sub Lusitanæ Regibus Alfonso posteris florent, de quibus Galvanus ipse cap. 22. Regem virtutibus undique exornatum excusaret; licet ille prædicto loco totus excuset, & Sanctorum Virorum facta quædam in medium proferat, quæ in figura sine macula, sine noxa prædicantur. Hæc si fortè id temporis contingerent, Bernardo Colimbriensem Ecclesiam tunc moderanti obvenirent: Bernardus esset, qui à Papa missus anathema feriret in Alfonso: Bernardum verò Romam eo tempore adiisse, quo monumento fulcitur? Tharasiæne Regina esset à partibus ille Antistes, qui, ipsa renuente, ac adversante, ab Alfonso fuerat designatus? ei gratus, & nimis acceptus?

Bernardi locum occupavit Joannes cognomento Anaia ex clarissima Asturiarū gente oriundus, qui in Colimbriensi Sede Canonicorū regulare institutum amplexus fuerat. Eo Episcopo inter Colimbriensis Sedis, & S. Crucis Monasterii Canonicos de Ecclesia de Quiaios ortum est dissidium; sed Joannes litem compositurus S. Theotonium Priorem cum aliis ex suis Canonicis adiit, & in medio nostrum sedens pacem, ac mutuam inter ipsos concordiam firmavit his verbis ex lib. 15. testamentorum ejusdem Monasterii: *Hanc altercationem inter nos, & Episcopum, & Canonicos Dominus ex alto prospiciens diremit sic cum ipse voluit. Tempore namque Domini Theotonii primi Prioris Monasterii S. Crucis veniens Episcopus Dominus Joannes Anaia ad capitulum nostrum postquam fuit promotus in Pontificali honore, & sublimatus in Cathedra, ipse, & quidam benedictiores Canonici Sedis cum eo, videlicet Dominicus Joannes Archidiaconus, & Petrus Joannis Prior Sedis, & Suarius Zalame unus ex honoratis Sedis, & Dominus Christophorus similiter, & Petrus Ariei, qui erat maximus inter eos, & Archi-*

*diaconus, nec non & multi alii cum eo venerunt tam Clerici, quam Laici: veniens ergo ad capitulum nostrum, & sedens in medio nostri aperiens os suum bilari vultu, licet rubore suffusus coram omnibus sic cepit affari. Ego fratres Reverendissimi propinqui, & noti mei, peccatis meis impredientibus, & quibusdam collactancis meis suggerentibus, & ad odium utique me nimium compellentibus usque modo multum fui injuste alienatus à vobis, & à domo ista; & non solus ego, sed & omnes Canonici fere, qui eramus, & sumus in Sede illa Sanctæ Mariæ. Nunc autem penitet me egisse, quod egi nequiter & odii, & malitiæ, quam aliquando habui adversum vos, & adversus locum istum: hoc autem faciebam propter quosdam, qui mihi emulatores erant, & mihi detrahebant, quos modo nolo enuntiare, defuncti sunt enim, sed nunc credite mihi in rei veritate, quia totum cor meum immutatum est in amorem vestrum: & volo, atque inbianter cupio vestram dilectionem, nimiumque desido, ut sit inter nos pax, & amicitia bona, & gravis qualis esse solet inter fratres, qui se multum diligunt, & rogo, ut simus confratres, & familiares vestri, & partem habeamus in orationibus, & beneficiis, quæ facta sunt in loco isto semper. Emmanuel Severim de Faria, ac Petrus de Maris ferant in archivo Monasterii S. Crucis noticiam servari Joannis Anaix ab anno 1146. ad annum usque 1169. sed vetera ejusdem Monasterii monumenta excutiens in libro antiquissimo dos foros inveni anno Christi 1166. Era 1204. Michaellem Colimbriensem Episcopum constitutionibus regis Eboræ subscripsisse, nec non aliis de Linhares Era 1207. id est anno Domini 1169. Inter cetera, quæ post se memoranda reliquit Joannes adhuc extat insigne Monasterium de Semide non longè à Colimbria sub S. Benedicti regula, primum Monachorum, & ex anno 1183. Monialium: Offerimus vobis nostris sororibus, & consanguineis, videlicet Sanctæ Martini cum sororibus suis quatenus ordinem S. Benedicti, quem Deo vovistis, secundum quem vivere debetis, diligentissime custoditis.*

Michael

Michael Joannis successor in Colimbriensi Sede regular-  
re Canonorum institutum professus ejusdem Prior electus  
fuerat; inde, collapsa jam regulari vita, cum Archidiacono  
Tellone in novo S. Crucis Monasterio se clausit, ubi ferme  
per 26. annos meritis, ac virtutibus exornatus dignus exitit,  
qui Episcopus Colimbriensis adsumeretur. Episcopus factus  
qua benevolentia, qua munificentia, qua animi largitate er-  
ga suum Monasterium se prodidit. Ad Summum Pontificem  
Alexandrum III. scripsit, & postulavit: *Monasterium S.  
Crucis, quod in servitio Dei fundatum, & in Cameram  
Sanctæ Romanæ Ecclesiæ est Deo gr̃atias constitutum, mo-  
dis omnibus propter vos toto mentis affectu honoro; &  
quia Dei munere ibi magis, ac magis quotidie sanctam re-  
ligionem vigere conspicio, locum eundem specialiter dili-  
go: unde & ejusdem loci quieti providens, gratia vestri,  
servorumque Dei ibi commorantium, spontanea voluntate,  
cum consensu Canonorum meorum libertatis literas illis  
dignum facere duxi: quapropter sanctitatem vestram sup-  
pliciter exoro, ut quæcumque scripta pro utilitate ejusdem  
Ecclesiæ prædecessores vestri suis privilegiis confirmave-  
runt, vos quoque confirmetis, & vigorem illarum litera-  
rum, quas illis feci, vestro privilegio sanciat, & si quod  
beneficium superaddideritis, gr̃atum Domino erit, & ego,  
& Canonici mei Deo, & vobis inde grates incessanter per-  
solvemus.* Ecclesiæ, quas ab Episcoporum jurisdictione immu-  
nes Monasterio contulit, erant in Castro Leirenæ, S. Mari-  
næ de Sena, S. Joannis de Alcoba, S. Thomæ de Mira, &  
de Talavero, ut nullus Episcoporum, qui in sua Sede post  
ipsum federet, à Canonici nostris decimas exigeret, nec  
potestatem imperandi, vel prohibendi, vel aliquam ordina-  
tionem quamvis levissimam faciendi haberet, nisi esset roga-  
tus, ut semper in maiorum nostrorum perfecta libertate ma-  
neremus: hæc data sunt Era 1200. Venerabili Rege Alfonso  
cum Colimbriensis Sedis Canonici, ac regni primoribus sub-  
scribentibus. Ad annum usque 1176. Episcopatum rexit,  
sed solum æternarum rerum contemplationis desiderio flagrans

onere se abdicavit, & Monasterii sui solitudinem repetiit, ubi Deo soli vacans dies finit Nonis Augusti Era 1218. cuius corpus in ejusdem Monasterii claustro ad parietem sepultum est hoc inscripto epitaphio adhuc extante: *Hic jacent ossa Michaelis Colimbriensis Episcopi Canonici hujus Monasterii, obiit Nonis Augusti 1218. corpus ejus integrum repertum est anno 1630.*

Michaeli Bermudum successisse omnes, qui de Episcopis Colimbriensibus seriem texuerunt, Petrus Alvarus, Emanuel Severim, ac Fr. Antonius Brandaõ certo existimarunt ex antiquissimo libro jam citato dos *foros*, qui in S. Crucis archivo asservatur. In Bermudi locum successus est Martinus, qui leges municipales de Melgaço Era 1219. & Palmelianas Era 1223. sub Venerabili Rege Alfonso Colimbriæ firmavit. Auctor coactaneus libri testamentorum S. Crucis sub Domino Joanne Theotonio ejusdem Monasterii secundo Priore Colimbriensium Episcoporum ejus ætatis seriem sic descripsit: *Domnus Joannes Theotonius S. Crucis rexit Ecclesiam, presidente in Colimbria Pontificatus honore Episcopo Domino Joanne Anaia, & post eum D. Michaelis, & qui ei postea successit Domino Bermuda, & post ipsum Domino Martino Gondisalvi.* Egregium sanè monumentum, quod si manibus suis evolveret Regius Academicus Franciscus Pereira Leitaõ, non incusaret Fr. Antonium Brandaõ, quod Martinum Bermudi successorem crederet, nec inter eos Petrum quemdam collocaret, quem ille scripturarum notis fortasse deceptus collocavit.

Martino successit Petrus cognomine Suarius, qui in Sede sublimatus ad Innocentium III. scripsit protectionem Apostolicam petitem. Innocentius ad eum datis literis, non tantum Colimbriensem Ecclesiam in patrocinium suscepit, verum & Ecclesias de Covilhan, & de terminis ejus, & omnes possessiones, quas ipse, ac Decessores sui in iis oppidis adquisierant, ac justè possederant, confirmavit, & communivit. Anno 1200. Era 1238. legibus Cizimbriæ Municipalibus subscripsit, quæ in hujus Monasterii archivo custodiuntur. Mo-

nafterii S. Crucis immunitates à Michaelē Episcopo prædecessore suo datas ægerrimè ferens Romam petiit apud Romanum Pontificem Innocentium extincturus ; in Apostolica præsentia constitutus conquestus est, quod quidam ex sua Dioecesi, cum in Canonicorum Sanctæ Crucis, vel aliorum privilegiatorum essent in fraternitatem recepti, jura Episcopalia non solverent ; quapropter Innocentius auctoritate sua indulgit, ut quandiu confratres hujusmodi moram facerent in domibus suis habitu sæculari, & ab ejus Ecclesiis Sacramenta suscipere, sicut prius, Episcopalia jura persolvere tenerentur. Exemptionem à Michaelē concessam absque suæ Sedis Canonicorum libero consensu fuisse proferebat, quo circa Innocentius Decano Ulixbonensi, & Prioribus de Alcobatia, ac Sanctæ Mariæ de Carcadi, aut de Seiça causam duxit committendam, qui plenius veritatem inquirerent, & usque ad definitivam sententiam, remoto appellationis obstaculo, procederent, ac gesta omnia sigillorum munimine roborata Romam mitterent. Cujus litis exitum cum de Monasterii hujusce conditione egero, non prætermittam.

Apud eandem Apostolicam Sedem retulit Petrus quæstionem dudum inter Colimbriensem Ecclesiam, & Fratres Templarios agitatam super Ecclesiis de Palumbario, Redina, & Ega. Id erat inter utroque dissidium, ut Templarii milites Judicibus à Lucio H. antea delegatis Archiepiscopo Bracarensi, & Episcopo Portugalsensi, quibus causa canonico fine, appellationis remedio sublato, terminanda commissa fuerat, appellationis obtentu ad sanctam Sedem parere recusarent, quamobrem Ecclesiastico interdicto eorum Ecclesiæ, ac Parochiani obstricti fuerant, christiana sepultura etiam interdicta : quam litem sedaturus Pontifex Summus Bracaremsem Archiepiscopum, Priorem Ecclesiolæ, & F. Menendi Monachum de Alcobatia designavit judices, qui in prædictarum Ecclesiarum possessionem causa rei servandæ Colimbriensem mitterent Ecclesiam, & appellatione cessante, fine canonico deciderent.

Nec minus inter eundemmet Petrum, ac Egitanensem

Antistitem saculo 13. ineunte, quo Egitanienſis Sedes reſtaurata eſt, exarſit diſſidium circa Epiſcopatum limites, cui finiēdo Zamorenſis, ac Portugalenſis Epiſcopi, nec non Magiſter Florentius Zamorenſis Archidiaconus ab Innocentio III. delegati ſunt iudices, qui Egitanienſem Præſulem compellerent, ut Colimbrienſi reſtitueret, aut de reſtitutione faciēda ſufficientem præſtaret, & idoneam cautionem. Anno 1231. ſuæ Eccleſiæ jura tutaturus ad Gregorium IX. Romanum Pontificem perrexit: in cujus præſentia conſtitutus ſuam agnovit culpam, qua interdicti Eccleſiaſtici ſententiam, quam ab initio ſervaverat, temerè violaverat, & alios induxerat, imò non ſervare compulerat; & quos inducere monitis, & fleſcere minis, ac terroribus ad violandum nulla potuit ratione, poſt atroces injurias, bonorum amiſſionem, parentum ſpoliationem, dignitatibus, præbendis, & beneficiis ſpolians coegerat exulare. Hæc omnia recognoſcens Petrus in Gregorii manibus ſpontè ſe Epiſcopatu abdicabat; cui tamen Papa veniam præbuit, & pepercit.

Exemptionis jura Monafterii S. Crucis iterum labefactare contendit, quocirca Apoſtolicis literis adverſus ipſum Monafterium acceptis, Luſitaniam reverſus Canonicos noſtros tanquam eorum Præful viſitationis cauſa adire conabatur: & in itinere non longè à Colimbria ad Monafterii Priorem Magiſtrum Joannem ſcripſit, ut cum Canonicis paratus eſſet eum Antistitem ſuum veneraturus. Prior cum conventu ante Venerabilis Regis Alphonſi Monafterii fundatoris, protectoriſque ſepulcrum, effuſis precibus, meruit, ut Regem telo obarmatum aſpiceret, qui de Epiſcopi morte eos certos faceret. Petrus inſperata morte percuſus, & pœnitentia tactus Bullas rumpi fecit, ac in Monafterio ſepeliri petiit: cujus corpus in ſacello S. Michaelis ejuſdem Monafterii ſepultum eſt, inde ad clauſtri parietem tranſlatum, ubi permanet hoc inſcripto epitaphio: *Hic jacet Petrus Suerii Epiſcopus Colimbrienſis, obiit anno 1233.*



## §. IV.

*De Episcopis Portugalensibus.*

**E**A est scriptorum fortuna, ut rerum eventus temporibus suis debitos aut errore, aut ignorantia, aut aliorum fide decepti prætermittant: sed ipsorum plurimi habenda est conditio, qui naves suos inspicientes, aut retractant, aut suppleant, aut declarant. Ante Episcoporum seriem, qui duodecimo sæculo in Portugalensi Ecclesia floruerunt, Sefnandi II. ejusdem Ecclesiæ Antistitis meminisse præstat, quem sæculo undecimo prætermisi, quod errorem in insigni Velini monumento apud Fr. Leonem à S. Thoma ex Eræ characteribus existimaveram; re tamen attentius jam explorata, duos Sefnandos Portugalenses Præfules distinxisse oportet. Post S. Sefnandum Martyrem Sefnandus alius Portugalensis Episcopus electus est, virtutibus quidem alii non impar. Eo Præfule, Munius Venegas, non ille, qui Gascus dictus est; sed alius sanguine etiam clarus cum in Saracenorum esset potestate, *dixit in corde suo, si reversus fuero in terram unde exivi, ego ad S. Joannem Baptistam de Penderada premitto defensionem, & de hereditate mea, & de omni mea re ... rogatione facta exaudivit eum Dominus, & de Maurorum manibus liberavit*: quapropter bona sua eidem Monasterio de Pendorada contulit, ac tribuit, patronatus jus sibi, ac posteris suis assequutus est Era 1110. anno Christi 1072. in cujus donationis, & firmitudinis testem advocatus est Sefnandus II. Episcopus, ac subscripsit. (a) Post Sefnandum Portugalensis Ecclesia Archidiaconorum curæ commissa est, Pelagii scilicet, ac Roderici, & Pelagii tandem II. ad annum circiter 1107.

Verum inter Portugalenses Antistites duodecimi sæculi, primus extitit Hugo, qui ex Archidiacono Compostellana Ecclesiæ ad Portugalensem Sedem evectus est anno 1114. Vix in folio sublimatus, Diocesis limites, quos vicini Episcopi occupaverant, dividi, ac recuperari intendit: quam-

(a)  
Fr. Leo à  
S. Thoma  
Benedict.  
Lusitan.  
tom. 2.  
Tract. 1.  
P. 4. cap. 1.

obrem anno Dominicæ Incarnationis 1115. 18. Kalendas Septembris literas Paschalis II. habuit, quibus sui Episcopatus fines descripti sunt à fauce Avix fluminis, ubi fluit in Oceanum, per ipsum flumen sursum usque ad Avicellam fluvium, & per Avicellam ad arcum Palumbarii: inde ad Antam de Temone, inde ad montem Ferrati, ad montem Marannis, inde ad Campeanam fluvium, & per ipsum fluvium, sicut defluit in Bandugium, & per Bandugium, sicut decurrit in Corgam, & per Corgam in Durium flumen, inde trans Durium ad Piscarium per montem magnum ad Antoanam flumen, & per ipsum fluvium, sicut descendit ad mare Oceanum; quæcumque etiam Ecclesiæ, vel Monasteria infra hos fines continerentur, iussæ sunt, ut Portugalensi Episcopo obedientiam debitam, ac justitiam persolverent. Monasteria, quæ Hugonis tempore ex Callisti II. literis in Portugalensis Sedis archivo asservatis, Ecclesiæ illius Præsuli subjiciebantur, perhibentur Monasterium S. Tirsii de ripa Ave, Monasterium de Burgaes, Monasterium de Roderitis, Monasterium de Villarinho, de Palumbario, de Antines, de Arnoyo, de Villacova de Telonis, de Frauxino, de Mancellis, de Sancio, de Reale, de Varzio, de Villabona Episcopi, Monasterium de Palaciolo, Monasterium S. Joannis, Monasterium Ancedi, de Sualhaes, de Inter flumina, de Aquis sanctis, de Macanariis, de Lecia, de Variano, S. Marinæ de Portu Dorii, & de Petrozo

De munificentissimis Reginx Tharasiæ, & ejus filii Alsóli largitionibus erga suam Ecclesiâ Hugo benè est meritus, quas Illusterrimus Rodericus da Cunha de Portugalensibus Episcopis meminit. (a) Cum Portugalenses Antistites cum Canonicis suis semel in anno apud Monasterium de Aquis sanctis olim Canonicorum Regularium, & postea ordinis Militiæ Melitenensis prandere consueverint; hoc inter Hugonem, & Armirigum Priorem pactum fuit: *Hec est conventio, quæ est facta per hujus scripturæ firmitatem inter Episcopum Hugonem Portugalensem, & Armirigum Priorem, & Clericos S. Mariæ de Aquis sanctis pro parato, quod vulgò dicitur.*

(a)  
Part. 2.  
cap. 1.

jantar : scilicet , ut Episcopus accipiat pro illo jantare omnem illam terram , quam habebat Ecclesia S. Mariæ , in Villa , quæ dicitur Paramos tam in regalengu , quam in ganancia , & insuper sex bragales per unumquemque annum : & ista conventio placuit Episcopo , & Priori , & Clericis , ut super sit firma , & nunquam evanescat. *Facta charta Era 1168. octavo Kalendas Martias.* Aliud quoque hujusce rationis pactum inter Ecclesiam Portugalem , & Monasterium de Lecia sub Domno Martino Priore firmavit , quod legat , qui velit , apud citatum Rodericum.

Inter plurima , quæ Hugonem prædicant , nihil memorandum magis , quam commune , ac regulare Canonicorum institutum , quod eo Præsule , in Portugaliensi Sede maxime floruit : & palam fit ex monumento conventionis inter Hugonem , ac Reginam Tharasiam de Ecclesia de Campanham Era 1168. cui subscripserunt Elias Monachus Sanctæ Sedis Portugalis , & Pelagius Monachus : Monachi enim nomen Canonicis quoque regularibus adaptatum olim fuisse alibi scripsi. Pluribus Galliciæ Conciliis interfuit , Compostellano I. anno 1114. Saguntino anno 1121. Præsede Bozono Cardinali Romani Pontificis per Hispanias legato , cujus acta , licet hodie non extant , Compostellanus Archiepiscopus ad Callistum II. per Hugonem misit ; alii quoque adfuit Compostellana synodo anno 1122. de quibus agit Compostellana Historia ab Hugone incepta , ut testatur ita Vassæus Hispaniæ Chronico cap. 4. *Vidi Salmantica in Bibliotheca Collegii S. Salvatoris , quod magno reipublicæ bono insituit D. Didacus Muros Ovetensis Episcopus .... historiam Compostellanam in duos libros digestam jussu D. Didaci primi Archiepiscopi Compostellani , in quibus primordia , successus , incrementa Ecclesiæ Compostellanae late describuntur. In iis libris plurima scitu digna reperi , quæ suis locis ponuntur. Prioris libri Auctores fuisse dicuntur Munio Mindoniensis , & Hugo Portugalis Episcopi.* Eodem anno 1122. inter Hugonem , & Gondisalum Colimbriensem Episcopum circa Diocefeon suarum limites compositum est. *Gon-*

*disalvus Colimbriensis Episcopus, & Hugo Portuensis Episcopus faciant inter se firmissimam amicitiam, remota omni deceptione, ita scilicet, ut Hugo Portugalsis Episcopus nullo modo inquietet, id est, neque per se, neque per alium, nec per suum ingenium, honorem, quem tenet bodie Colimbriensis Episcopus, vel tenuerit à flumine Dorii usque ad flumen Tagum, quandiu præfatus Colimbriensis Episcopus Colimbr. Ecclesiam tenuerit. Gondisalvus verò Colimbriensis Episcopus similiter promittit, ut nullo modo inquietet neque per se, neque per alium, neque per suum ingenium, honorem, quem tenet, vel tenuerit Portugalsis Episcopus à flumine Dorii usque ad Tudem, quandiu præfatus Portugalsis Episcopus Portugalen. Ecclesiam tenuerit. Et hæc amicitia est firmata in præsentia Regine Dæmne Tharasiæ, & Comitissæ Domni Fernandi, & Baronum Portugalsium, & hoc totum sancitum in fide, puritate, & sui ordinis sanctitate Nonis Aprilis Era 1160. quod monumentum ex Colimbriensis Sedis archivo transcriptum est.*

Hugoni in Portugalsi Sede successit Joannes Peculiaris Canonicus Regularis S. Crucis, & postea Bracarensis Præsul, de quo jam dictum est. Joannis avunculi sui in Bracarensem Ecclesiam translati locum tenuit Petrus Rabaldis Canonicus etiam Regularis S. Crucis, quem Joannes comitem suum duxerat ex Monasterio, & in suæ Sedis Archidiaconum assumperat. Portugalsis Episcopus jam factus sui Monasterii non immemor fuit; in libro antiquo Magistri Petri Alfardi hoc monumentum legitur ab ipso firmatum anno Christi 1140. *In nomine Patris, & Filii, & Spiritus Sancti. Noscant, qui hanc legerint scripturam me Petrum Portugalsis Sedis Pontificem de omnibus hereditatibus meis, quas habeo in confinibus Colimbriæ, id est in Mortede, & in Lavaasma, & in Arazedo, & in Aimide, & in Maiora, & in Revellis, & quantum mihi adinet de S. Eolalia, & illas terras de sub Traxede, & quas habeo in Ravanal, & in Avaladi, & in Exafanes, condonationem, & testamentum facere*

*facere Canonicis Colimbrianæ S. Crucis Ecclesiæ, ut quantum in ipsis jam dictis hereditatibus superest valentius, & melius LXX. nummis aureis, quos ipsi Canonici prestaverunt mihi, sit in remedio animæ meæ, & parentum meorum. Ita ut ex hac die sint in potestate illorum, & faciant quidquid ex illis placuerit in perpetuum, si forte ego, vel aliquis ex meis, vel extraneis contra hanc scripturam insurrexerit, qui in aliquo conturbare, vel alienare querat, quantum auferre temptaverit in duplum prædictis Canonicis componat, & pro sola temptatione à liminibus S. Ecclesiæ sit sequestratus, & in ima inferni sit præcipitatus, nisi ad satisfactionem venerit. Facta donationis serie mense Decembrio Era 1178. Anno Domini 1145. vitam finiit, cuius memoria in Neucrologio Monasterii S. Crucis ita permanet: Tertio Kalendas Julii obiit Dominus Petrus Rabaldi Episcopus Portuensis Canonicus S. Crucis Era 1183.*

Era 1184. Portugalensem Sedem ascendit novus Episcopus Petrus nomine secundus, & cognomine Pitoës, eadem Era donationem Pelagii Monis erga Ecclesiæ Monasterium suo nomine testis roboravit: difficile quis non existimet certum hujus Petri vitæ in Episcopatu tempus præfigere, ac decidere, cum Petrus alius nomine 3. ac senior cognominatus succederet, & in pluribus antiquitatum monumentis Petri tantum nomine subscriberet? Enim verò anno salutis 1169. Portugalensem Ecclesiam regebat Petrus III. qui Ecclesiæ de Tarouca dedicationi interfuit cum Joanne Archiepiscopo Bracarensi, Menendo Lamecensi, & Gondifalvo Vifensi Episcopis, ut ex inscripto lapide constat apud Fr. Bernardum de Britto: Era 1207. Kal. Junii dedicata fuit Ecclesia ista per manus Joannis Bracarensis Archiepiscopi, & Petri III. Portugalensis, & Menendi Lamecensis, & Gondifalvi Vifensis Episcoporum. Petri hujus vita annum 1175. ultra non progredi à scriptoribus Lusitanis ferè omnibus traditur. Ecclesiæ Monasterium propter benevolentiam acceptam, ac amorem singulis annis in suo Neucrologio meminit: Pridie Kalendas Septembris obiit Dominus Petrus III. Episcopus Portugalensis.

E

Petro successit Ferdinandus Martini nepos ex sorore Joannis Peculiaris Archiepiscopi Bracarenfis, & Canonici Regularis Monasterii S. Crucis. Eo Præfule, Portugalensis Ecclesia interdictum subiit, quod annuos census, quæ per Hispanias à Ranimiri Regis tempore vota dicebantur, S. Jacobo Compostellano non solveret: quamobrem cum Compostellano Antistite foedus iniit Ferdinandus, ut pro votis iis singulis annis debitis, Portugalenses triginta *florenos* quotannis per Tudensem Episcopum exhiberent. Ea erat non tam per Lusitaniam, quam ceteras Hispaniarum provincias S. Jacobo persolvendi vota observantia, ut Innocentius III. literas mitteret ad Bracarensem, Toletanumque Archiepiscopum, ac eorum suffraganeos, necnon ad Religiosos omnes per Hispanias constitutos, ut sublato omni appellationis obstaculo Parochianos suos præscripta vota solvere compellerent. Era 1219. Municipalibus legibus de Melgaço, & Era 1223. Palmelianis, quæ in hujus Monasterii archivo asservantur, subscripsit Ferdinandus; nec ultra annum 1185. suos protraxisse dies ullo antiquitatum monumento quis inveniet. Canonice Regularium S. Crucis Neucrologium singulis annis illum commemorat: *Quinto Idus Novembris obiit Dominus Fernandus Martins Episcopus Portuensis confrater Sanctæ Crucis.*

In Ferdinandi locum fuit electus Martinus Petri Decanus Bracarenfis; de quo in Portugalensis Sedis archivo hæc extat memoria à Joanne da Guarda: *Postquam fuit Episcopus factus, instituit in eadem Ecclesia noviter quatuor dignitates, scilicet Decanatum, Cantoriam, Scholasiriam, Thesaurariam. Nondum erant in eadem Ecclesia supradictæ dignitates, sed erant omnes regulares sub regula Sancti Augustini, dormientes in una domo, comedentes in alia, & in clauistro conversantes, & erant decem Archidiaconatus in Episcopatu Portugalensi, in quibus erant decem Archidiaconi, primus ultra Doriem, scilicet terræ Sanctæ Mariæ, secundus terræ de Madia, tertius in Refloriis: quartus terræ de Aquilari: quintus in Pe-*

*naſideli : ſextus terræ de Lauſata , ſeptimus in Gouvea ; octauus Benviver , nonus Bayaõ : decimus Penagnicõ. Et quia iſtæ dignitates , ſive Archidiaconatus erant exigui ad onera ſuportanda , unxit eos aliis dignitatibus iſto modo. Archidiaconatus terræ S. Mariæ , & de Bayaõ , & Penagnicõ , menſæ Episcopali. Terræ de Madiã , & Luſata menſæ capituli ; Archidiaconatus de Aquilari Decanatu , Penafidelis Cantoriæ , Gouvea , & Benviver Scholaſtriæ. Terra de Reſloriis Theſaurariæ : inſtituit primum Decanum Fernandum Roderici : Cantorem Martinum Froilæ ; Scholaſtricum Dominicum Michaelis , Theſaurarium Martinum Roderici , qui fuit poſtea Episcopus : diſiſit & Canonici omnes redditus , & proventus totius Episcopatus , ſcilicet duas partes Episcopo , tertiam verò Canonicis , ad exemplum Bracarenſis Metropolis , quæ eſt mater Eccleſiæ Portugalenſis. Sedit in Eccleſia Portugalenſi quaſi quinque annis , & factus eſt Archiepiſcopus Bracarenſis , cui ſucceſſit in Eccleſia Portugalenſi Martinus Roderici , Theſaurarius Eccleſiæ Portugalenſis.*

Haſtenus Joannes de Martino Petri ; & de Martino Roderici ejus ſucceſſore hæc addit: *Martinus Roderici poſtquam fuit Episcopus nullo modo voluit dividere Canonicis redditus Episcopatus , ſed tantum providere eis in viclu , ſicut alii antecellores ſui faciebant , pro qua cauſa fuit citatus per capitulum coram ſupradicto Archiepiſcopo Bracarenſi. Sed diſſidium compoſitum eſt , ac in concordiam cum Canonicis ſuis ita venit Martinus , ut duæ proventus partes ad Episcopum pertinerent , & tertia ad capitulum , quod Innocentius III. Apoſtolicis ſuis literis communivit. Sanctio I. Portugalix Regi adeo erat gratus Martinus , ut illius extent literæ grati animi plenæ. Sancius Dei gratia Portugalenſis Rex Reverendiſſimo amico ſuo Martino eandem Portugal. Episcopo ſalutem , & ſinceram dilectionem , ſicut illi , quem multum diligit , & de quo plurimum confidit. Grates vobis refero copioſas pro eo , quod benè cuſtodisti Villam vſtram de Portu , & per hoc benè video , & intelligo , quod me ,*

*& regnum meum diligitis , & talem fiduciam habeo ego in vobis , quod semper circa ea intendatis , quæ meum respuerint commodum , & honorem. Præterea sciatis , quod consuprinus noster Petrus Poyares est meus inimicus , & attinet se cum meis inimicis , qui destruunt mihi meam terram , & faciunt ibi multa mala : unde rogo vos multum pro amore mei , & rogatu , non recipiatis illum in domo vestra , nec in civitate Portugalensi , quod , ut mihi dicitur , voluit , & vult vobis furari ; & dicatis , & defendatis hominibus vestris , scilicet habitatoribus vestræ civitatis Portugalensis , quod non recipiant illum in domibus suis , nec in civitate vestra Portugalensi , & si ibi intervenerit , dicent in illum , aut apprehendant eum , & mittant mihi in manum , quia ego bene scio , quod si vos hoc firmiter mandaveritis , ipsi facient pro vobis , quantum eis dixeritis. Et propter hoc mitto vobis istam meam chartam , ut monstretis eis illam , & videam qualiter ipsi faciant pro mandato vestro. Fuit facta apud Colimbriam 9. die Octobris per meum mandatum. (a)*

(a)  
Archiv.  
Sedis Por-  
tug.

Diu tamen inter Martinum , ac Sanctium non intercessit consuetudo ; nam à Rege , ac ejus Ministris diutinas persecutionis angustias sustinuit , & bonis suis derelictis , cum Decano suo , & aliis , quamvis paucis , tribulationis propriæ participationibus pro commissæ sibi Ecclesiæ libertate ad Sedem Apostolicam confugere quasi nudus compulsus est. Canonici quoque sui , quos ejus oppressionibus compati decebat , non solum compassionis ei subtraxerunt solatium , quin imò tanto nocentiores aliis , sæviendi adversus ipsum temeritate sua incentivum extraneis præbuerunt. Contempto temerè interdicto primo , ac secundo per eundem Episcopum promulgato , Canonici ipsi , & Portionarii excommunicationi subjecti Divina Officia celebrare non erubuerunt. Quibus auditis , Innocentius III. ad quem Martinus confugerat , ne illorum præsumptionis audaciam relinqueret incorrectam , Episcopo , ac Archidiacono Zamorensi III. Idus Maii anno sui Pontificatus 13. literis præcepit , ut inquisita , & cognita ve-



ritate, si rem invenissent ita esse, Canonicos, & Portonarios, sublato cujusvis appellationis obstaculo, beneficiis ecclesiasticis, & officiis spoliarent, nisi forte ad ejusdem Portugalensis Episcopi nutum temperandum ducerent canonicæ disciplinæ rigorem. Postea cum inter Egitaniensem, ac Colimbricensem Episcopos dissidium circa Episcopatum limites oriretur, Innocentius III. anno sui Pontificatus 16. Martinum Portugalensem Antislitem cum Zamorensi iudices instituit, ut secundum æquitatem providerent, ac causam inter eos inductam terminarent.

Nec proditu indignum est dissidium, quod Martino Roderici Episcopo fuit cum Ecclesiolæ Monasterii Canonicis Regularibus propter Ecclesiarum exemptionem in Portugalensi Diecepsi. Canonici nostri Cardinalem Gregorium Apostolicum legatum apud Burgos in Hispaniis comorantem per procuratores adierunt, qui jura sua proferentes in possessa jurisdictione confirmati sunt, & postea ab Honorio III. firmitudinis sententiam susceperunt. Triginta & quinque circiter annos in Episcopatu vixit Martinus: ex vetusto codice manuscripto Ecclesiolæ Monasterii constat anno 1227. ab humanis excessisse suæ Ecclesiæ libertatum vindicem strenuum.

## §. V.

*De Episcopis Olyssiponensibus.*

**M**auris erepta Olyssipone anno Christi 1147. Venerabilis Rgis Alfonsi Henrici potentissima manu, Salvatoris vexillum erectum est, fides plantata, sacer firmatus cultus, qui postea tot sæculorum tractu in suis Prasulibus auctus est. Primus restauratæ urbis Episcopus electus est Gilbertus natione Anglus, quem Auctor synchronus Indiculi fundationis Monasterii S. Vincentii Olyssiponensis Canonicorum Regularium, appellat Virum bene instructum literis sacris, & pia semper memoria dignum. A<sup>o</sup> Joanne Bracarenfi Archiepiscopo consecratus eidem tamquam suo Metropolitæ debitam obedientiam his verbis juravit: *Ego Gilbertus S. Olixbonensis*

(a)  
Liber fidei  
Bracaren-  
sis.

*Ecclesie Episcopus subjectionem, ac reverentiam à Sanctis Patribus constitutam, secundum præcepta Canonum Ecclesie Bracarenſis, rectoribusque ejus, in præſentia Domni Joannis perpetuo me exhibiturum promitto, & usque sanctum altare propria manu confirmo.* (a) Gilbertum Episcopum jam factum accivit Alfonso, & ex eodem Indiculi Auctore ita est affatus: Ego, bone Pontifex, cum adhuc essem in castris adversus civitatem istam expugnandam paratus, motus pietate super illis, qui hostili ense vulnerati cadebant in bello gratuito me voto consirixi apud Dominum nostrum JESUM Christum, amore cujus mori, & ipsi non dubitabant. Vovi siquidem in Basilicis, quas inchoatas apud eorum sepulchrum videtis viros aggregare religionis, qui divini obsequiis jugiter incumbentes, pro mea, eorumque defensionis in conspectu Domini semper assisterent, si dumtaxat divina me pietate contingeret hostium frui victoria, ut est hodie. Nunc ego cupiens, quod pollicitus sum effectui mancipari, consilium Pontificis peto, pariter & auxilium; nam res hujusmodi effici non potest, nec debet absque Episcopi providentia, similiter & opere.

Ad hæc Episcopus inquit: *Votum, quod vocit Dominus meus Rex, saluberrimum est, Deoque gratissimum, ac perfectum indiget consummatione. Scriptum est enim: vovete, & reddite Domino Deo vestro: de suffragio verò dando in hoc opere tam sancto, tamque præclaro, quid servus debeo facere, nisi quod ipse imperare voluerit? indicet mihi servito tuo Dominus meus Rex, quid ipse me facere vult, & ego libenter suscipiam. Cui Rex; volo, ait, bone Pontifex, quatenus partem sancti tolerando laboris ad participationem recipien tam perveniat tribuendæ mercedis, unius sane Basilicarum, quæ vobis placuerit, curam suscipiatis habendam; cedatque vobis, vestrisque successoribus hereditario jure cum omnibus, quæ possidet, & possessura est in omne tempus, alteram verò mihi, meæque posteritati cum omni jure suo possidendam libere relinquatis. Eam quippe, quæ mihi cedit, volo liberam, semperque ab omni manere immu-*

nem cum omnibus facultatibus, quæ ibi collatæ fuerint à me, ceterisque fidelibus ad sumptus in ea degentibus necessarios. Respondit Episcopus: si Regi placet, quod sibi respondeamus, ad hæc det inducias consulendi capitulum, meosque fratres, quorum consilio talia agere debeo. Ait Rex, mihi placet omnino, eatis, vestrosque consulatis Canonicos, & certum de re mandare responsum non differatis.

Perrexit igitur Gilbertus, convocatisque in unum universis Clericis suis (ait) hoc, & hoc mihi locutus est Rex: convocavi ergo vos, ut in communi decernatis, quid illi respondere debeamus: & respondentes dixerunt Episcopo: quod Regi placet, faciendum est: omnes sui sumus, de suo accepimus quidquid possidemus: ipse, Christo favente, gladio suo paganos expulit à terra, quam incolimus; verum quia nobis optio data est, Basilica S. Mariæ ad Martyres potius est eligenda, quippe vicinior est urbi, & largiores ibi sunt oblationes. Altera verò, quæ S. Vincentii est, ut libet Regi, libera relinquatur. Hoc Episcopus accepto consilio, mox ad Regem adtulit idem; & Rex libenter annuit; & ex eo tempore Olixbonensis Episcopus cum Clericis suis capit ad integrum possidere Basilicam S. Mariæ ad Martyres, quam Rex Alfonsus concessit illis ob perpetuam libertatem Basilicæ S. Vincentii, quam semper possidendam cum omni jure suo tali conditione sibi retinuit. Hactenus Indiculi Auctor: ex quo etiam conjectari non pudet Ecclesiam S. Mariæ ad Martyres primam Olyssiponensium Antistitem fuisse Cathedralē, indeque ad aliud maius templum translatam, postquam S. Vincentii corpus ex Promontorio sacro ab eodemmet Rege Alfonso fuit asportatum.

Inter alia digniora, quibus in augenda Ecclesia Olyssiponensi vacavit Gilbertus, id constat ex monumento hoc à Domno Roderico da Cunha edito: (a) *In nomine Sanctæ, & individue Trinitatis Patris, & Filii, & Spiritus Sancti. Ego Gilbertus Dei gratia Olixbonensis Ecclesiæ humilis Minister, primusque ejusdem Ecclesiæ consecratus Episcopus.* (a) Hist. Episcop. Olyssipon.

*copus, postea quam præfata civitas erepta est ex manibus Saracenorum, & Christianorum potestati tradita anno 1147. ab Incarnatione Domini, venerando Alfonso Portugalensium Rege, & Regina Mathilda regnantibus, una cum Canonorum nostrorum consideratione, quos nostri laboris participes vocaveram, nec non etiam cum prædicti Regis, & Regine assensu, & Religiosarum personarum nostræ Diœcesis favore de prædictorum Canonorum victu, & vestitu in posterum providens, do, & concedo, & jure proprio confirmo triginta, & unam domum cum suis hereditatibus, & omnibus pertinentiis suis ubicumque sint, & medietatem Marville, & medietatem omnium decimarum Ecclesiarum totius Episcopatus, quæ ad me pertinent tali scilicet distinctione, ut domus præfata in suis hereditatibus, & pertinentiis pacificatæ, & medietas Marville sint ad vestitum cum suis hereditatibus, & pertinentiis, & medietas Marville dividatur in triginta, & unam portionem, & ex illis portionibus tres personæ, scilicet Decanus, Præcentor, & Thesaurarius duplicem habeant integre portionem tam in victu, quam in vestitu, unam pro Canonica, alteram pro dignitate personatus, duo autem Archidiaconi Marville duplicem habeant portionem in Marvilla tantum. Decanus verò decimam totius Marville tam ex parte Episcopi, quam ex parte Canonorum, & decimam hereditatum domus meæ propriæ habeat, quæ fuit Absch filii Assubli, duo autem prædicti Archidiaconi jus suum, & dignitatem integram habeant. Thesaurarius verò in Ecclesia supra hoc, quod dictum est suum habeat jus, & dignitatem juxta Constitutionem Colimbriensis Sedis. Ad victum autem Canonorum, & personarum, sicut dictum est, do, & concedo medietatem omnium decimarum Ecclesiarum totius Episcopatus, & Regis, & Potestatum, & Comitum, & aliorum proborum virorum donec resectorium honestè ad usum, & morem Francorum præparetur. Si qua igitur in futurum Ecclesiastica, secularisve persona hanc meæ donationis chartam sciens contra eam temerè venire*

venire tentaverit, aut usurpare voluerit secundo, tertiove admonita, si non satisfactione digna emendaverit potestatis, honorisque sui dignitate careat, reamque se divino iudicio existere de perpetrata iniquitate cognoscat, & a Sanctissimo Corpore, & Sanguine Domini nostri JESUS Christi aliena fiat, atque in extremo examine districtæ ultionis subjaceat; & hæc charta semper suum habeat robur, cunctis autem servantibus hanc chartam sit pax Domini nostri JESUS Christi quatenus & hic fructus bonæ actionis percipiant, & apud districtum judicem præmia æternæ pacis inveniant. Amen. Facta charta donationis, & firmitudinis Kalendis Januarii Era 1188. Quid clarius, amabo, dicant pro communi Olyssiponenſium Canonicorum vita, ac regula primo Olyssiponis restauratæ sæculo?

Gilberti beneficii cumulatam Colimbrienſe S. Crucis Monasterium gratis suorum Canonicorum animis memoriam servat: nam Gilbertus Era 1194. Venerabilis Regis Alfonsi rogatu Leirenæ Ecclesiasticum, quod ante Maurorum in Lusitaniam ingressum Diocesis Olyssiponenſis fuerat, Monasterii Canonicis dimisit, ut viſitur in charta, quæ in ejusdem archivo asservatur: ,, In nomine Patris, & Filii, & Spiritus Sancti, Amen. Ego Gilbertus Dei gratia Olixbonenſis Episcopus cum consensu Canonicorum meorum pro amore Dei, & rogatu Illustrissimi Regis Portugalenſis Domni Alfonsi, & uxoris illius nobilissimæ Reginae Domnæ Mahaldæ, & etiam amore religionis virorum, qui habitant in Monasterio S. Crucis, quod est situm in suburbio Colimbriæ, concedo, & concedendo confirmo prædicto Monasterio, & Canonicis ibidem degentibus in perpetuum illud testamentum de jure Ecclesiastico Leirenæ, quod præfatus Rex eidem Monasterio contulit, sicut in serie testamenti ipsius Regis continetur. Nulli ergo successorum meorum liceat hanc nostram firmam concessionem, nem in aliquo perturbare, seu minuere, vel supra hoc Monasterium illud, aut personas illius aliquibus vexationibus, fatigare. Sic omnia supradicta firma, & illibata in perpetu-

„um permaneant uilibus illorum, quibus à nobis, & à supra-  
 „dictis personis concessa sunt. Siquis verò Ecclesiastica, sæ-  
 „cularisve persona hujus nostræ scripturæ paginam sciens  
 „contra eam venire temptaverit, secundo, tertiove commo-  
 „nita, si non congrua emendatione emendaverit, ream be-  
 „divino judicio existere de perpetrata iniquitate cognoscat,  
 „& à Sanctissimo Corpore, & Sanguine Domini nostri JESUS  
 „Christi aliena fiat, Amen. Facta firmissimæ concessionis  
 „scriptura mense Julio Era MCLXXIV. scilicet 1194. „  
 „Adrianus IV. Romanus Pontifex Gilberti donationem firma-  
 „vit anno Christi 1157. Pontificatus verò sui 3. eo tamen im-  
 „posito, ut Monasterium Romanæ Ecclesiæ annis singulis bi-  
 „zantios duos persolveret. Anno 1166. mense Martio univer-  
 „sæ carnis viam Gilbertus ingressus est, & successorem Alva-  
 „rum post se reliquit. Sed Antonius à clero, & populo fuit  
 „electus.

Antonius à D. Roderico da Cunha prætermisus est; ast  
 acta Beatificationis S. Rodesindi Episcopi sub Cardinali Hy-  
 acinto Apostolico per Hispanias legato illum anno 1170. sub-  
 scribentem ferunt apud Iepis, & Tamayum, (a) cujus va-  
 cantem Sedem Alvarus occupavit.

(a)  
 Tom. 5.  
 c. 2. Tom.  
 5. 1. die  
 Septem-  
 bris.

Alvarus unus ex septuaginta duobus, quos S. P. Theo-  
 tonius in Monasterii S. Crucis Canonicos induerat, ejusdem  
 Monasterii Præpositus à Priore Theotonio assumptus fuerat,  
 sed Olyssiponem usque Alvari virtutum meritis volitantibus,  
 Gilbertus in Olyssiponenſis Sedis Magistrum Scholarem eum  
 advocavit, elegitque; quam tamen dignitatem ille, nec  
 susciperet, nisi Theotonii jussu teneretur. Alvarus magis,  
 magisque de Episcopo suo, ac Ecclesia bene merebatur,  
 quamobrem Canonorum suorum consensu Gilbertus eum  
 nominavit, ac ordinavit Episcopum, qui ætate illi provecto,  
 dum viveret, ministraret, ac juvaret, & mortuo tandem suc-  
 cederet. Mortuo Gilberto, Olyssiponenſis Ecclesiæ Canonici  
 Alvarum deturbare intenderunt, quòd, proprio Episcopo su-  
 perſtite, contra Canones Episcopatus successor esset electus:  
 & Antonium in Episcopum evexerunt: Alvarus verò non de-

stitit, Romanam Sedem appellans electionem de Canonicorū consensu factam, & ab Archiepiscopo Bracarenli firmatā probaturus, à Romano Pōtifice in sua Sede post Antonii obitum confirmatus est. Canonicos Regulares Monasterii S. Crucis comites secum habuit, & ad suæ Ecclesiæ dignitates evexit. Era 1217. Municipalibus legibus de Abrantes, ac Sanctarenæ subscriptis. Hyacinthus Cardinalis Summi Pontificis Alexandri III. per Hispanias legatus anno Dominicæ Incarnationis 1173. Olyssiponem veniens Alvaro gratus eum Romanæ Ecclesiæ patrociniū affecit, iudicavitque, ut eo obeunte tunc ejusdem Ecclesiæ Episcopo, nullus in prædicta Ecclesia qualibet subreptionis astutia, seu violentia præponatur, nisi quem canonice ibidem secundum Deum elegerint, à Compestellano Episcopo consecrandum. Anno 1184. ab humanis Alvarus excessit, & in Neucrologio Monasterii S. Georgii Canonicorum Regularium, illius extat memoria: *Tertio Idus Septembris obiit Domnus Alvarus Olixbonensis Episcopus Canonicus Sanctæ Crucis Era 1222.*

In Alvare locum suffectus est Suarius, qui anno 1186. Olyssiponenſis electus Episcopus scripturam suo nomine testis firmavit, qua Sanctius I. Portugaliæ Rex S. Crucis Monasterii privilegia ab Alfonso Rege parente concessa roboraverat. Sanctio eidem charus Suarius meruit, ut anno 1195. Rex has ederet literas: *Sciant omnes homines, qui hanc scripturam legere audierint, quod ego Sanctius Dei gratia Portugaliæ Rex una cum uxore mea D. Dulcia, & filiis, & filiabus meis amore gloriosissimæ Matris Domini, & ad reverentiam Beatissimi Martyris Christi Vincentii cauto universas domos Prelatorum Olixbonensium, quæ de jure sunt Ecclesiarum, & commune Clericis uniuscujusque Ecclesiæ, in quibus dormitoria, & refectoria consiſtunt.* Ex iis equidem literis non prætermittam Canonicos, sive Clericos in Olyssiponenſi Ecclesia id temporis cōmuni vita in dormitorio, ac refectorio degisse. Inter Suarium, ac Petrum S. Vincentii Monasterii Olyssiponenſis Priorem ortum est dissidium circa ipsius Monasterii libertates, ac exemptiones: causa ad Ro-

manum Pontificem Innocentium III. delata est, qui Abbatem, ac Cantorem Alcobatiæ judices delegavit sententiam prolaturos: indeque ipsorum iudicium Monasterium liberum, ac exemptum declarantium anno 1205. sublato appellationis obstaculo inviolatè observari præcepit. Anno 1210. è vivis excessit Suarius, nam anno 1211. mense Januario alius Suarius electus Episcopus Olyssiponenſis Sancti I. Regis donationem erga Monasterium de Morervela Ordinis Cisterciensis in regno Legionensi testis suo nomine roboravit.

## §. VI.

*De Episcopis Lamecenſibus.*

**P**rimus Lamecenſis civitatis à Maurorum iugo restauratæ sub Venerabili Rege Alfonso Henrico Episcopus fuit Menendus Canonicus Regularis Monasterii S. Crucis, ex duodecim, qui prima novi Monasterii fundamenta cum Telone Colimbrienſi Archidiacono condiderunt. Inclytus Rex de Menendi meritis certus eum ad Lamecenſem Sedem Archiepiscopi Bracarenſis, regni cleri, populique consensu anno 1144. Præfulem nominavit. Episcopus jam factus in suæ Sedis Archidiaconum assumpsit D. Rosardum ejusdem Monasterii Canonicum Regularem, quo comite, ac consanguineo Canonicorum Regularem institutum in Lamecenſi Sede florere fecit. Eo Præfule, apud Lamecum Venerabilis Rex Alfonso prima regni comitia convocavit, quibus Menendus ipse interfuit. Erga Monasteria S. Joannis de Tarouca, ac de Salzedá Ordinis Cisterciensis munificentissimo animo afficiebatur, Monachos de Salzedá Episcoporum Lamecenſium jurisdictioni exemit; quo privilegio adhuc perfruuntur: S. Joannis Ecclesiam cum aliis regni Antistitibus dedicavit. Anno 1173. dignum Episcoporum exemplar Menendus universæ carnis viam ingressus est, & Godinum post se habuit in Episcopatu successorem.

Godinus Alfonso ex Lusitanæ primoribus, sub Theotónio in Canonicum Regularem indutus est. Anno 1132. Go-



dini virtutum fama eò volitabat, ut Canonici Regulares Monasterii de Balneo in Diœcesi Bracarenſi Theotonium S. Crucis Priorem rogarent, Godinum mitteret, qui eos verbo, ac exemplo inſtrueret, ac ad regularem obſervantiam promoveret. Anno 1140. ad Monasterium de Balneo profeſtus ejuſdem Canoniciſ perſiciendis totus incubuit, & ad tantam perfectionis dignitatem evexit, ut poſtea Venerabilis Rex Alſonſus S. Vincentii Monasterio Olyſſiponenſi, quod nuper fundaverat, ex Balneo vocatum præſecerit. Anno Domini 1162. Era 1200. Prior agebat ex ejuſdem Monasterii archivi monumento: *In Chriſti nomine hæc eſt charta venditionis, & firmitatis, quam juſſi facere ego Pelagius Arias vobis Domno Godino Priori S. Vincentii, & fratribus veſtris de caſas, quas habeo in civitate Ulixberæ in collatione S. Martini... menſe Junio Era MCC.* Vincentinum Monasterium tredecim annos Prior rexerat, cum poſt Menendi Lamecenſis obitum Lamecenſis Epicoſpus fuit electus. Fr. Antonius Brandaõ ad annum uſque 1188. in Epicoſpato vixiſſe ſcripſit, ſed D. Antonius Caetanus de Souza monumentum invenit in magno Olyſſiponis archivo regio, quo Sanctius I. Portugalix Rex oppidum de Ota Alcobatiæ Monasterio donatione reliquit menſe Martio Era 1227. anno Domini 1189. & ſubſcripſit *Godinus Lamecenſis Epicoſpus.* (a) Ejus cõmemoratio ſingulis annis fit in Neucrologio Monasterii Eccleſiolæ: *Tertio Kalendas Aprilis obiit in Domino Dominus Godinus Lameccenſis Epicoſpus Canonicus S. Crucis Era 1227.* Nec Godini tantum, ſed omnium parentum eorum ejuſdem Monasterii benefactorum memoriam retinet Neucrologium: *Quarto Kalendas Julii obiit Alſenſus Pater Domni Godini Lamecenſis Epicoſpi Canonicus S. Crucis, & commemoratio omnium parentum ejus.* Decipiuntur quidem, dum Godinum primum S. Vincentii Priorem, & Lamecenſem Antifiſitem unum, eundemque opinantur cum Zalamæ Godino Priore S. Thomæ de Mira, & S. Crucis Canonico Regulari: hic in ſuo Monasterio inter fratres die 1. Junii in Domino obdormivit: ille tertio Kalendas Aprilis anno 1189. in ſua Sede.

(a)  
Tom. 1.  
Probæ.

Godino successit Joannes, qui Era 1228. anno Christi 1190. Sancti I. donationem erga Ecclesiæ Monasterium testis firmavit. Era 1233. salutis anno 1195. cum Sanctus I. municipales Leirenæ leges à Venerabili Rege Alfonso concessas ratas haberet, in firmitudinis testem adhibitus est Joannes: eodem tamen anno vitam finivit; nam mense Aprilis ejusdem anni 1195. Petrus Lamecensis Episcopus constitutiones censuales de Ermelo suo nomine confirmavit. Petrus Joannis successor Lamecensem Ecclesiam non minus, ac decessores sui, optimis moribus decoravit, Regulare Canonicorum institutum à Menendo introductum servavit: Era 1238. cum Sanctus I. Colimbræ commoratus Cizimbræ censum ageret, Petrus, qui illuc accesserat, testimonio suo reddidit firmitudinem; nec ultra annum Domini 1200. quidquam ab eo gestum invenire potui.

Argumentum circa Godini in Episcopatum ingressum à Canonico Regulari D. Francisco à Jesu Maria expolitum, & in veteri S. Vincentii Monasterii archivi monumento fundatum exscribere necesse habui. Objecit mihi ille Vir antiquitatum peritus: Godinus anno 1162. Era 1200. ex monumento jam proposito Prior erat Vincentinus; indeque ad Episcopatum translatus: post Godinum Menendus octo annos ejusdem Monasterii Prioratum habuit: ex Indiculo veteri anno 1172. Pelagius post Menendum in Prioratu successit; ergo, concludit ille: non in anno 1173. ex Vincentino Prioratu ad Lamecensem Episcopatum assumptus est Godinus. Pelagii regimem ad annum 1172. ad Eram 1210. ostendit ex monumento, quod in prædicto Monasterio invenit: *In Christi nomine. Hæc est charta venditionis, & firmitudinis, quam jussimus facere ego Maria Armigis una cum meis filiabus, & cum suis maritis, scilicet Michael Joannis, & Petrus Menendi, & Suarius Arias vobis Domino Pelagio Priori Ecclesiæ S. Vincentii, & fratribus vestris de una nostra hereditate propria, quam habuimus juxta Ecclesiam S. Vincentii ... Facta charta mense Martii Era MCCX.* Adverteret, rogavi, numerales characteres, quibus Era notabatur; ad

literam X̄ adtenderet quodam supra notatam signo; quo non decem, sed quadraginta annos exprimeret, non Eram 1200. annum scilicet Domini 1172. sed Eram 1240. annum Salvatoris 1202. quo adhuc in humanis agebat Pelagius. Quibus animadvertis, omnia secundum tempora benè conveniunt. Anno 1173. Lamecensem in Episcopatum ingressus est Godinus post Menendi obitum, quem in vivis egisse testatur anno 1169. Dedicatio Ecclesiæ S. Joannis de Tarouca Ordinis Cisterciensis. Ex 1173. ad annum usque 1181. octo annos suo Monasterio præfuit Menendus Prior; inde successit Pelagius, ad quem Lucius III. anno 1184. literas dedit, quas infra de Monasterio S. Vincentii exscribam.

## §. VII.

*De Episcopis Vifensibus.*

**P** Ost Gomefium Vifensem Episcopum Ecclesia illa Colimbrientium Episcoporum curæ à Paschali II. commissa est; & per Priores vitam communem ibidem cum Canonicis agentes regebatur. Dominus Theodoricus inter Priores primus occurrit anno 1092. Vir sanè egregius, & Comiti Hénrico gratus; anno 1098. in societatem suam S. Theotonium adscripsit; virtutibus clarus obiit anno 1112. cui in Prioratu successit S. Theotonius, cujus gesta loco suo diffusius pertractabo. Theotonio illius Ecclesiæ regimen abdicanti successit Dominus Honorius, cujus nomen vetus Ecclesiolæ Neucrologium die septima Augusti anno 1119. commemorat. Honorii mortui locum tenuit Odorius, quem clerus, & populus in Episcopum sibi assumpserunt, sed cum Gondisalvus Colimbrientis Episcopus electioni obliteret, anno 1120. Episcopatu se abdicavit, & Prioris tantum officio functus est: en Colimbrientis archivi monumentum: *In Era 1158. Vifenses Clerici ceram Regina Donna Tharasia & suis Baronibus dimiserunt, & abrenunciaverunt Episcopo Domino Gondisalvo electionem quam fecerant de Domino Odorio tali modo. In primis Dominus Gondisalvus, qui Episcopus, &*

*dominus eorum est, sine cujus voluntate electionem illam fecerant, dimisit illis mali violentiam, ut ab illo nullam læsionem eorum corporibus, vel rebus recipiant pro omnibus adversitatibus sibi nunc usque illatis; & ille Dominus Odorius abrenunciavit illam electionem, & juravit super quatuor Evangelia, ut illam electionem non requirat, nec Visensem Episcopatum recipiat, nec alteri consentiat ad recipiendum sine voluntate Episcopi Domni Gonsalvi, ipso permanente in felicitate Regine Domne Tarasæ, sicut Episcopus fidelis debet esse suo Regi, & Domino terræ, & sic ipse juravit sine arte, & malo ingenio, ita & omnes Clerici Visenses juraverunt, & ei fidelem obedientiam promiserunt. In primis Teton Presbyter, Didacus Presbyter, Stephanus Presbyter, &c.*

Ad annum usque 1131. Dominicæ Incarnationis Odorius Prioratum habuit; eoque abdicato cum Tellone Archidiacono Colimbriensi Canonicorum institutum in novo Sanctæ Crucis Monasterio instauravit; meritis, ac virtutibus ibidem enituit: Venerabilis Rex Alfonso Henricus cum Visensem Ecclesiam à Colimbriensi Episcopo separari, novumque Visensem Antistitem fieri intenderet, Odorium in Ecclesiæ Præfulem nominari curavit. Anno 1144. Episcopatum suscepit, anno autem 1160. municipalibus legibus de Lasoës subscripsit, Diocesimque suam rexit ad annum usque 1166. quo ejus successoris Gondisalvi memoria reperitur. Malè confundunt aliqui Odorium istum cum Odorio altero, sive Honorio Canonico etiam Regulari, qui sub Theotonio Priore S. Crucis Monasterii Canonicorum omnium consensu Prior claustralis electus est: ad quem in ejusdem Monasterii archivo extant literæ Summi Pontificis Innocentii II. quibus & Odorii, & aliorum Canonicorum merita prædicantur. Odorii hujus, sive Honorii vita non excurrit annum 1160.

Gondisalvum Visensem Antistitem fuisse Alcobatiæ Monachum testatur vetus Neucrologium Monasterii S. Crucis: *Illebris Februarii obiit Dominus Gonsalvus Visensis Episcopus Monachus Sanctæ Mariæ de Alcobatia.* Eruditus Branda

daõ

daō non diffitetur in Alcobaciensi Monasterio nullam de Gondifalvo reperiri memoriam, fortassē quod id temporis Viri humiles, & sanctitate conspicui aliorum gestis posterorum memoriæ commendandis non incumberent. Alexander Papa III. anno Christi 1167. ad Gondifalvum scripsit, ut Ecclesiam S. Stephani vi occupatam, ac detentam Monachis Rivipullensibus, quorum juris erat, infra quadraginta dies restitueret. In Episcopatus regimine vixit ad annum usque 1169. quo se abdicavit; & in ejus locum electus est Marcus, quem anno 1170. actis Beatificationis S. Rodesindi Episcopi Dumienensis subscripsisse refert Iepis. (a) Marco successit Godinus Canonicus Regularis S. Crucis, ac ex monumento in Visensis Ecclesiæ archivo constat ad annum usque 1179. eidem Ecclesiæ præfuisse. Eodem anno 1179. post Godini obitum ad Episcopatum assumptus est Joannes Pires; anno 1181. municipalibus legibus de Melgaço nomine suo indidit firmitudinem, & anno 1187. legibus aliis, quas Sanctius I. Visensi populo promulgavit; anno 1192. è vivis excessit die septima Julii: cujus Sedem excepit D. Nicolaus patria Olyssiponen-  
Annot. Visen-  
sanctum Vich  
(a)  
Tom. 5.  
cap. 2.  
 sis, & Canonicus Regularis Monasterii S. Vincentii. Anno 1173. in eodem Monasterio in Canonicum indutus est, jam professus studiorum causa Parisios petiit; unde reversus Colimbriensis Sedis Thesaurarium egit; de cujus meritis certus clerus, ac populus Visensis in Episcopum suum elegerunt. Cum de Innocentii III. electione, cujus consuetudine Parisiis olim usus fuerat Nicolaus, Lusitaniam nuntius adventaret, ille Romam accessit Innocentio de Summo Ecclesiæ Pontificatu congratulatum. A' Summo Pontifice peramanter acceptus, confirmatus, ac consecratus est in Episcopatu, quem inde gubernasse constat anno 1209. quo subscripsit legibus municipalibus de Penamacor.

## §. VIII.

*De Episcopis Algarbiensibus.*

**A**Nno 1188. Algarbii regno à Sanctio I. Portugaliz Rege Mauris armorum vi erepto Domnus Nicolaus Canonicus Regularis Monasterii S. Crucis præfectus est Episcopus, ac apud Sylvem Episcopalem Sedem fixit, quæ olim apud Olsonobam fuerat. Canonicorum suorum Regularium non immemor largitione munificentissima S. Vincentii Monasterium locupletavit; Sanctio Rege, ac Regina Domna Dulcia Portugalensi, eidem Monasterio Lacobricam ab omni Episcoporum jure immunem dedit, quod ex monumento fit certum in S. Vincentii archivo: *In nomine Patris, & Filii, & Spiritus Sancti. Amen. Ego Nicolaus Dei gratia Sylviensis Episcopus cum consensu Canonicorum meorum pro amore Dei, & rogatu Illustrissimi Regis Portugalis, Sylvii, & Algarbii, Domni Sanctii, & uxoris ejus nobilissimæ Reginæ Dulciæ, vobis Domno Pelagio Monasterii B. Vincentii, quod situm est in suburbio Olixbonæ Priori, & fratribus, & successoribus vestris in præfato Monasterio constitutis, & constituendis concedo, & concedendo trado, tradensque confirmo habendum in perpetuum omne jus Ecclesiasticum illius castri, nomine Lagos, quod prædictus Rex contulit vobis cum omnibus suis antiquis, & novissimis terminis, sicut in serie testamenti ipsius Regis continetur. Concedimus igitur vobis liberam facultatem ædificandi Ecclesias, erigendi Altaria tam in prædicto castro cum suis terminis, quam in aliis populationibus vestris, sepulturam quoque ejusdem loci ab omni jurisdictione Episcopali liberam esse concedimus, ut videlicet quicumque Clericus, sive Laicus, vel qualibet alia persona, sit in vita, sive in morte se illic converti, seu sepelire mandaverit, ejus voluntati nullus obsistat, facta de bonis suis parte sue Ecclesiæ, chrisma quoque, & oleum secundum consecrationes Ecclesiarum, seu Altarium, ordinationes Clericorum gra-*

*tis, & absque ulla pravitate tam nos, quam successores nostri, vobis, & successoribus vestris semper exhibere concedimus. Si verò gratis, & spontanea voluntate vel nos, vel successores nostri, hæc quæ diximus vobis concedere noluerint, liceat vobis quicumque volueritis adire Anistitem, qui ad petitionem vestram, nullius contradictione obstante, vobis omnia indulgeat, nec habeat ibi aliquis Episcopus potestatem imperandi, vel prohibendi, vel aliquam ordinationem, quanvis levissimam faciendi, nisi fuerit à vobis rogatus, quatenus omnes, qui ibidem fuerint constituti, semper permaneant exempti ab omni Episcoporum jurisdictione. Nulli igitur successorum nostrorum liceat nostram firmam, & spontaneam concessionem in aliquo perturbare, seu minuere, vel super hoc prædictum locum cum omnibus suis terminis, aut personas illius aliquibus vexationibus fatigare, sed omnia supradicta firma, & illibata in perpetuum permaneant usibus vestris, vestrorumque successorum, quibus à nobis, & à supradictis personis, spontanea voluntate concessa sunt. Sanè possessiones, & omnia, quæ Monasterium B. Vincentii potuerit adipisci in Episcopatu nostro largitione regum, donatione Principum, oblatione fidelium, seu aliis modis, vobis, vestrisque successoribus præsentis scripto confirmamus, & privilegium concessum supra, in eis similiter locum habere decernimus. Si qua igitur Ecclesiastica, sæcularisve persona hujus nostre scripturæ paginam sciens contra eam venire temptaverit, secundo, tertiove commonita, si non congrua satisfactione emendaverit, ream se divino judicio existere de perpetrata iniquitate cognoscat, & à Sanctissimo Corpore, & Sanguine Domini nostri JESUS Christi aliena fiat Amen. Amen. Facta firmissimæ concessionis scriptura mense Martio Era 1228. Ego Nicolaus subscripsi Episcopus. Ego Willelmus Decanus subscripsi. Ego Petrus Tesaurarius subscripsi. Ego Lambertus Archidiaconus subscripsi. Largissima hac donatione, ac immunitate Vincentini Canonici uli non sunt, quòd antepossessionem habendam Saraceni Algarbium è Lusitanis cape-  
rent, ac dominio suo mancparent.*

## C A P. II.

*Romani Pontificis Primatus per Lusitaniam.*

## §. I.

*Paschalis II. literæ.*

**P**ropter civitatum à Mauris factam desolationem, Visei scilicet, ac Lameci Paschalis II. ad Mauricium Colimbriensem Episcopum scripsit, & Diœcesis suæ limites sic statuit, ut quæcumque bona, quamque Diœcesim eadem Ecclesia Colimbriensis justè possideret, vel in futurum justè, & canonicè posset adipisci, firma Colimbriensi Episcopo, ejusque successoribus illibata permanerent: ut à Colimbria usque ad castrum antiquum, sicut Theodomiri Regis tempore ab Episcopis divisio facta fuerat, Ecclesia Colimbriensis perseveraret: prætereaque Episcopaliū Cathedralium Ecclesias Lamecum, ac Viseum Colimbriensium Episcoporum provisioni, curæque commisit, donec cardinales Episcopos habere possent.

Cum Gondisalvus Colimbriensis Episcopus Metropolitæ Bracarensi obtemperare detrectaret, & Toletanum Archiepiscopum solum agnosceret, Paschalis Summus Pontifex ad Gondisalvum scripsit literas Anagninæ datas, quibus monuit quanti criminis haberetur Ecclesiasticæ auctoritatis contemptus, quod Mauricio Bracarensi Præsuli tanquam Metropolitæ suo reverentiam, obsequiumque non impenderet; ac jussit, ut nisi intra quadraginta dies postquam has literas acciperet, debitam ei obedientiam præsentaret, ab Episcopali officio esset suspensus.

Anno Domini 1115. ad Hugonem Portugalensem Episcopum scripsit, ipsius Ecclesiam sub Apostolicæ Sedis tutela specialiter consovit, & ea libertate donavit, ut nullius



Metropolitani, nisi Romani Pontificis, aut legati, qui ab ejus latere missus esset, subjectioni teneretur obnoxius: (privilegium tamen istud non enituit, sed à Callisto II. sublatum est;) ut omnia prædia, quamcumque Dioecesim eadem Ecclesia id temporis possideret, vel in futurum justè, ac canonicè posset adipisci, firma Portugalensibus Episcopis, & illibata permanerent; & quod de antiquis Parochiarum terminis, dum prostrata sub Mauris jacebat Ecclesia, ab aliis fuerat occupatum, eidem redintegraretur: Portugalensis Ecclesiæ terminos distinxit. A' fauce Avix fluminis ubi cadit in mare Oceanum, per ipsum flumen sursum usque ad Avicellam fluvium, & per Avicellam ad arcum Palumbarii, ad Antam de Temone, inde ad Montem Ferrati, inde ad Montem Maranin, inde ad Campeanam fluvium, & per ipsum fluvium, sicut defluit in Bandugium, & per Bandugium, sicut decurrit in Corgam, & per Corgam in Dorium flumen, inde trans Dorium ad Piscarium per montem Magnum ad Antioanam flumen, & per ipsum flumen, sicut descendit ad Oceanum. Præcepit ut quæcumque infra hos fines Ecclesiæ, vel Monasteria continebantur, Portugalensi Ecclesiæ obedientiam debitam, justitiamque persolverent.

## §. II.

*Callisti II. literæ.*

**A**Nno 1120. Callistus II. ad Bracarensem Archiepiscopum Pelagium literas dedit, quibus suæ Ecclesiæ privilegia confirmavit. De Bracarensi Ecclesia ita exposuit insignem quondam fuisse Metropolim, atque inter Hispaniarum regna multis & dignitatis, & gloriæ titulis claruisse: & cum post longa temporum interstitia, quibus Mauris irruentibus, Metropolis dignitas erat imminuta, & Parochiarum termini confusi, divina miseratio rursus Metropolim restituere, ac ab infidelium tyrannide liberare dignaretur, Bracarensi Ecclesiæ integram urbem Bracaram cum *cauto* integro, quod Comes Henricus, & uxor ejus Tarasia contulerant, confirmavit,

& eidem Metropoli Gallæciam provinciam, & in ea Episcopatum Cathedrarum urbes redintegravit; item Asturiam, Lucum, Tuden, Mindonium, Auriam, Portugale, Colimbriam, & Episcopalis tunc nominis oppida, Viseum, Lamecum, Egitaniam, Britoniam, cum Parochiis suis.

Ad eundem Pelagium Bracarensem scripsit Callistus, ut infra quadraginta dies postquam literas acciperet, Hugoni Portugalensi Episcopo Ecclesias restitueret, quas usurpaverat, sententiamque rescidit, quam in Burgenſi Concilio Cardinalis Bosonus Apostolicæ Sedis legatus adversus Portugalensem Antistitem protulerat: omnesque Ecclesias, ac Monasteria Portugalensis territorii singulatim designavit. Callisto quoque debet Compostellana Ecclesia, quod jura Lusitanæ Metropolis Emeritensis ad se transmutterit; cujus privilegium in Concilio Palentino postea anno 1129. Alfonso VII. Hispaniæ Rex legi fecit. Ea erat Callisti erga Hispanias benevolentia, ut in Concilio Lateranensi I. Generali ad universos Christi fideles Epistolam mitteret, qua pugnantibus in Hispaniis adversus Saracenos eandem peccatorum remissionem concessit, quæ Orientalis Ecclesiæ defensoribus concedebatur. Ex Paschalis, ac Callisti literis compertum est solius Papæ supremæ auctoritati esse facultatem reservatam dividendi, ac terminandi Dioceses: ac si quandoque Principes, inter quos fuit Henricus Portugalix, Ecclesiarum limites præscriberent, vel Ecclesia ipsa concessit, vel disſenſit; & solius Ecclesiæ præſcripto firmati sunt. Et cum aliquando Principes faciliores se præberent his innovationibus, Innocentius I. jam olim responderat Alexandro Antiocheno Episcopo Ecclesiarum statum divisionibus provinciarum à Principe immutari: *Nam quod ſciſcitaris, inquit, utrum diviſis imperiali judicio provinciis, ut due Metropoles fiunt, ſic duo Metropolitani Episcopi debeant nominari. Non ergo viſum eſt ad mobilitatem neceſſitatum mundanarum Dei Eccleſiam commutari, honoresque, aut diviſiones perpeti, quas pro ſuis cauſis faciendas duxerit Imperator.*

## §. III.

*Innocentii II. ac Lucii II. literæ.*

**A**Nno Domini 1142. Alfonsus Portugalix Rex claves regni coelorum agnoscens Beato Petro à Christo fuisse concessas, ipsum Patronum, & Advocatum apud Deum habere disposuit, & per manus Guidi Diaconi Cardinalis Apostolicæ Sedis legati Papæ Innocentio II. hominum fecerat, & regnum B. Petro, & S. Romanæ Ecclesiæ obtulit sub annuo censu quatuor unciarum auri, ea conditione, ut omnes ejus successores eundem censum annuatim B. Petro persolverent: quod hominum literis suis ad Lucium II. anno 1144. firmavit: quibus acceptis, uterque Pontifex, Innocentius anno 1142. & Lucius anno 1144. responderunt se intra Apostolorum Principis hæredes suscipere tam Alfonsum ipsum, quam filios, aut successores, & per Episcopos Bracarenses, qui pro tempore existerent, quatuor auri uncias singulis annis Apostolicæ Sedi persolvendas consensit. In Toletanæ Ecclesiæ archivo reperiuntur hujusmodi Epistolæ subscriptæ à Joanne Archiepiscopo Bracarenfi, Bernardo Colimbriensi, & Petro Portugalensi, quarum exemplaria amicorum cura transmissa sunt ad Gasparem Alvares Lozada, qui familiaribus communem fecit, & publico juri dederunt Britius, & Brandaõ in Lusitanæ Monarchia.

## §. IV.

*Decretales de Hispaniarum Primate.*

**P**Lurimæ quidem extant Romanorum Pontificum Epistolæ ad Archiepiscopos Toletanos sæculo duodecimo, quibus Primatus jura, privilegium dicam potius, super Bracarensem, & ceteros Hispaniarum Præsules statuuntur. Eugenius III. anno Domini 1150. Raymundo Toletano Archiepiscopo est gratulatus, quod Bracarenfis Antistes ejus Primatui se subjecerit, increpuit tamen, quod illius fines invaderet, duriusque haberet. Ad Joannem quoque Bracarensem

scripsit, ut Toletanum Primatum agnosceret, & nisi debitam obedientiam satageret exhibere, ab officio Episcopali esset suspensus. Anastasius etiam IV. anno 1154. & Adrianus IV. anno 1156. Bracarensem monuerunt, ut Archiepiscopo Toletano tamquam Primati obediret; hæc Epistolas ex archivo Monasterii Rivipullenſis exſcripſit Illuſtriſſimus da Marca. Egregia ſanè monumenta pro novo Primatus privilegio, non pro antiquo jure Toletanæ Eccleſiæ, ut jam expoſui ad ſæculum II. ad Epistolam Urbani II.

## §. V.

*Alexandri III. literæ ad Alphonſum Portugalie Regem.*

**I**nnocentius II. conſeſſo privilegio Alphonſum titulo Regis munificentiffime donaverat, & feudatarium Alphonſum ſub patrocinio ſuſceperat; inde curavit novus Rex à ſucceſſore confirmari. Præſtitit Alexander hujus nominis tertius publicato ediſto, quod extat in arce *do Tombo*, ab Antonio Brandaõ jam in lucem editum. Inquit Alexander, ut attendens Alphonſi perſonam prudentia ornatam, juſtitia præditam, atque ad populi regimẽ idoneam, eum ſub B. Petri protectione ſuſciperet, & regnum Portugalenſe cum integritate honoris, regni dignitate, quæ ad Reges pertinet, necnon & omnia loca, quæ è Saracenorum manibus eripuerat, Alphonſo concederet, & auctoritate Apoſtolica confirmaret: & ad indicium, quod præſcriptum regnum Beati Petri juris exiſteret, ſtatuit duas marchas auri annis ſingulis Apoſtolicæ Sedi perſolvendas. Ex Innocentii II. ac Alexandri III. literis ſibi perſuaſum habent alii Portugalie regnum Romanæ Eccleſiæ temporale fuiſſe feudum: ſed falluntur.

Portugalenſis enim Rex Alphonſus temporalibus legitimis titulis diadema, auctoritatemque ſuſceperat: populus ſiquidem in Lamecenſibus comitiis Alphonſum Regem renuntiavit, qui tot de Mauris victoriis partis, Regem acclamari merebatur, & terrarum dominio fruebatur; Joannes Bracarenſis *Archiepiſcopus coram omnibus ſurgens tulit de manibus*  
*Abba;*

*Abbatibus de Laurbano coronam auream magnam cum multis mai gariis, quæ fuerat de Regibus Gotthorum, & dederant Monasterio, & posuerunt illam Regi. Feudum quidem spirituale erat Lusitania: Feudatarii spiritualis interest præbere obsequium, & reverentiam spirituales: id indicitur Regi Alfonso ab Alexandro III. Ut autem ad obsequium B. Petri Apostolorum Principis, & Sacrosanctæ Romanæ Ecclesiæ vehementius accendaris: hoc devotionis internæ signum exprimi solet tributo externo; & idcirco Lusitanæ Reges censum temporalem statuerunt ad devotionis spiritualis indicium. Quapropter numquam poterat Romanus Pontifex territorii Lusitani dare alii investituram: poterat quidem revocare gratias, indulgentias, jubilæa, indulta, & reliquos favores Ecclesiasticos, qui Apostolica auctoritate Regibus aliis concedi solent. Injurii sanè sunt Romano Pontifici ii omnes, qui asserunt eum titulos regiè temporales posse concedere, cujus auctoritas est spiritualis. Exposuit ita Caramuel in opere suo Philippus Prudens: *Alexandri III. litera non sonat jurisdictionem temporalem, sed spirituales titulum: consulto enim Summi Pontifices non concesserunt Alfonso, quod largiri non poterant. Petiit is, fateor, coronam secularem, sed respondit illi Pontifex: argentum, & aurum (nempe temporalis potestas) non est mihi Pape; quod autem habeo, (videlicet spirituale diadema) hoc tibi do.**

Nec Lusitani Reges tenebanturolvere singulis annis duas auri marchas Pontifici Romano: consulto enim Alfonso marchas non promissit, sed obtulit: *Terramque meam*, ait, *B. Petro, & Sanctæ Romanæ Ecclesiæ offero sub annuo censu*, ut exprimeret se nolle promissione aliquam obligationem inducere, sed oblatione exponere internam animi devotionem. Sanctius I. post Patris obitum 16. annis sequentibus summam illam non solvit, & Alfonso ejus filius duobus aliis, ut constat ex instrumento publico præstito à D. Gondisalvo Hispano familiari, & Nuntio Romani Pontificis Innocentii III. anno 1213. in Hispaniam destinati tam pro colligendis Ecclesiæ Romanæ censibus, quam pro aliis ne-

gotiis, cujus exemplar clarissimus Brandaõ prodidit. (a) Creditu non est Regem pium, summè liberalem, atque divitem tam longo tempore aurum Romanæ Ecclesiæ retinuisse, nisi aut Pontifex concessisset, aut esset mera Regis devotio: oblationes enim Ecclesiasticæ solam devotionem sonant, & nisi promissione, voto, aut æquivalenti circumstantia firmentur, non obligant.

Innocentii quoque III. qui sæculo 12. exeunte Sancti Petri solium ascendit, plurimæ extant Decretales ad Lusitanam Ecclesiam circa disciplinam, quæ licet ineunte sæculo 13. scriptæ fuerint, Auctorem Pontificem sæculi etiam 12. habuerunt. Ad Bracarensem scripsit Innocentius, ut in diebus profestis cum Missarum solemnia in honorem Beatæ Virginis celebrantur, neque hymnus Angelicus, neque symbolum decantaretur, licet in Missa propria Præfatio caneretur, ut inter commemorationem, & solemnitatem esset differentia: circa jejuniorum observationem consultus Bracarensi respondit, quod omnium Apostolorum vigiliæ in jejunio observarentur, præter vigilias Apostolorum Philippi & Jacobi, & B. Joannis Evangelistæ, quoniam ipsorum solemnitas intra solemnitatem Paschalem, istius intra Natalem Domini agitur. Sanctorum vigiliæ, quorum festivitates secunda feria fierent, in præcedenti Sabbato jejunarentur: circa festivitatem S. Bartholomæi Apostoli Bracarensis Ecclesiæ consuetudo vigeret; apud quosdam enim dubium oriebatur; plerique cum Beda, Ufuardo, & Adone die 11. Augusti celebrabant; Romæ autem 13. Kalendas Septembris esse consueverat.

Quæsitus, quæ poenitentia esset injungenda iis, qui diebus Quadragesimæ, quo tempore tantæ famis inedia ingruerat, ut magna pars populi propter annonæ inopiam periret, carnes comedere cogeantur; rescripsit in tali articulo non esse puniendos; preces tamen pro illis, & cum illis effunderentur, ne ipsis aliquatenus imputaretur. De aliis, qui propter debilitatem in sabbato carnes sumebant contra Bracarensis provinciæ consuetudinem, hanc jussit observari, sic tamen ut debilibus, & infirmis propterea nullum periculum emer-

geret: & pro iis, qui in Quadragesima, aut in aliis jejuniis solemnibus infirmi sibi carniū esum indulgeri postulabant, ipsorum annuit desideriis, ut maius in eis periculum vitaretur. Hujusmodi literas fuisse scriptas anno 1206. referunt Spondanus in continuat. Baronii, Ordericus Raynaldus eodem anno n. 35. quamvis Decretalium Collector tit. de Jejuniorum observatione ad annum 1213. referat.

Contingebat interdum in Bracarensi provincia, ut Clerici siquem offendissent, & satisfacere vellent offenso, secundum morem, quem inter se laici observabant, corpora sua sponte supponerent triginta, seu pluribus, aut paucioribus percussionibus fustium: id improbavit Innocentius, & rescriptit, quod hujusmodi manus injectio, etsi non violenta, tamen esset injuriosa; cum Canon non tam in favorem Clerici ordinati, quam in ordinis Clericalis fuerit promulgatus. Et si quis Clericus post rescriptum hoc se subiceret, excommunicaretur: proviso, ut Clericus injuriam passo sine injuria Clericali satisfaceret, quatenus inter ipsos pax firmaretur. Hæc Innocentii Decretales Juris Corpori inferuntur tit. de Celebrat. Missar. de Observat. Jejunior. & de sententia Excommunicat. Aliæ quoque extant Decretales, quæ infra suis locis exponuntur.

## C A P. III.

### *De Conciliis.*

#### §. I.

#### *De Concilio Fusselensi Lusitanæ, ac Hispaniarum Generali.*

**A**Nno Christi circiter 1105. prope Palentiam apud oppidum *Husillos* dictum, convocata est synodus ex Episcopis per Lusitaniam, ac Hispanias ceteras id temporis florentibus. Adfuit Alfonso Rex Hispaniarum, qui postquam magnam Castellæ, & Toletani regni partem cepit, Imperato-

ris titulo decorabatur : præfuit Richardus Vicarius Ecclesiæ Romanæ, ac legatus : interfuerunt Bernardus Archiepiscopus Toletanus, Giraldu Bracarenfis, Petrus Aquensis, uterque Archiepiscopus : Episcopi Germanus Burgenfis, Gondisalvus Mindoniensis, Adericus Tudensis, Arias Ovetensis, Osmundus Asturicensis, Raymundus Palentinus, Petrus Legionensis, Petrus electus Compostellanus, Mauricius Colimbriensis, Segifredus electus Naxarenfis, Petrus electus Auricensis, cum Abbatibus, & regni Proceribus. In hac synodo de terminis dividendis Oxomensis Episcopatum à Burgenfi disceptatum est. De Officio Divino quædam tractata sunt : denique cautum fuit extirpandæ incontinentiæ Clericorum, quorum multi tamquam uxorati vitam ducebant ; sed irrito pene conatu, cum id vitium altas radices egisset, donec sequentibus annis fuit eliminatum. Ibidem S. Giraldu Bracarenfis Antistes, qui Roma venerat, & pallium, ac suæ Ecclesiæ privilegia à Paschali II. susceperat, Episcopis, Abbatibus, ac optimis Clericis, Romanum privilegium in omnium auribus recitavit, & juxta ipsius privilegii tenorem Bracaræ Metropolis suffraganei Pontifici Venerabili Giraldo Metropolitæ suo, justitia dictante, & Cardinali præcipiente, obedientiam, ac reverentiam promiserunt.

Concilii hujus mentionem fecit Sandovallius in annum Christi 1135. (a) sed circa annum plura prohibent decretoria, ut in gravissimis Præfulis sententiam concedam. Multis enim annis ante 1135. jam obierat Bernardus Toletanus Archiepiscopus ; anno quippe 1129. Raymundus Bernardi successor Toletanam regebat Ecclesiam, & Palentino Concilio interfuit. Giraldu Bracarenfis Præsul humana posuit anno 1108. Deinde anno 1135. legatus Sedis Apostolicæ in Hispania erat Guido Cardinalis missus ab Innocentio II. non Richardus, qui longe antea præcesserat à tempore Urbani II. & Paschalis II. quorum prior obiit anno 1099. & posterior anno 1118. synodus igitur Fusselensis non in anno 1135. ut Sandovallio placuit, cogi poterat ; & licet certum tempus nequeat designari, videtur convocatam fuisse non longè ab anno 1105. regnan-

(a)  
Pag. 161.



te adhuc in Hispania Alfonso VI. qui dies suos clausit anno 1109. non autem Alfonso VII. ut ex Toletana Historia scriptit Sandovallius.

## §. II.

*De Concilio Palentino in causa Mauricii Bracarenfis.*

**A**Nno Dominicæ Incarnationis 1114. Palentiæ facta est synodus, cui præfuit Bernardus Toletanus Archiepiscopus Sanctæ Romanæ Ecclesiæ legatus; & ad Gallaciæ Episcopos direxit Epistolam, qua iis notum fieri voluit Lucensis Ecclesiæ clerum, & populum Petrum Regina Capellanum sibi Pastorem elegisse; sed quia ignorabatur utrum electio fuerit canonica, præcepit ut rem diligentius perquirerent: quod si electionem canonicam invenissent, quia Mauricius Bracarenfis quandiu Romanæ Ecclesiæ inobediens, atque rebellis, & ab Episcopali suspensus officio neminem poterat consecrare, aut cum Antislite Compostellano benedicerent, aut ab eo dirigerent consecrandum. Mauricio autem dum in malitia sua perseveraret, nullus Episcopus, nullus provinciæ Bracarenfis Abbas, sed nec Clericus, nec laicus obedientiam exhiberet.

Post hæc idemmet Archiepiscopus Toletanus coram venerabili Patrum congressu, monstratis literis Domini Papæ pro excommunicatione Mauricii Bracarenfis adversus Apostolicam Sedem rebellis, decreto firmavit, ut Didacus Compostellanus exequeretur, & illum literis suis compellavit: *Bernardus Dei gratia Toletana Sedis Archiepiscopus, & Sanctæ Romanæ Ecclesiæ legatus, dilecto in Christo Fratri, & Coepiscopo Domno Didaco Compostellano, supernis civibus feliciter copulari. Magno mentis affectu, multo animi desiderio, vestram, si fieri posset, optarem videre amicitiam, de communi utilitate hujus regni maxime perturbati, vobiscum loquuturus. Sed quoniam tanta est perturbatio, quod mutuo visu præsentialiter fraudamur, jungat charitas, & Epistola, quos separat corporis absentia. Nozzerit igitur dilectio vestra, Mauricium Bracarensem,*

quoniam de invasione Legionensis Ecclesiæ satisfacere noluit, & exinde a nobis ab utroque officio suspensus, Episcopale, & Sacerdotale officium imprudenter celebrare præsumpsit, subiectas à Domino Papa accepisse literas. Et exscripsit Paschalis II. Epistolam: *Inter querelas, quæ de te (Mauricio) ad Sedem Apostolicam delatæ sunt, Legionensis Ecclesiæ invasio, & contritio nos gravius contristavit. Super quæ ex nostris literis monitus, & à Vicario nostro Bernardo Toletano ad Concilium evocatus, & venire, & satisfacere contempsisti. Ad hæc pro hujus nequitia, & inobedientia per eum tam à Sacerdotali, quam ab Episcopali officio interdictus, eadem officia celebrare pertinaciter præsumpsisti. Nos igitur, Auctore Deo, tantum nequitie, & superbiæ facinus ulciscentes, & eadem tibi officia, & Bracarensis Ecclesiæ obedientiam interdicimus, donec resipiscens obediās, & plenius satisfacias. Datum Laterani 14. Kalendas Maii Indictione 7.* Easdem literas misit Toletanus ad Tarasiam Portugalix Reginam.

## §. III.

*De Concilio Ovetensi Lusitaniæ, ac Hispaniarum Generali.*

**E**RA Hispanica 1153. Anno Christi 1115. Oveti convocata est synodus ex universæ Hispaniæ Episcopis. Præfuit Bernardus Toletanæ Sedis Archiepiscopus, & Sanctæ Romanæ Ecclesiæ legatus; adfuerunt Didacus Jacobensis Archiepiscopus, Pelagius Bracarensis, Hunius Mindoniensis, Didacus Asturiensis, Pelagius Asturicensis, Gondisalvus Colimbriensis, Didacus Legionensis, Petrus Palentinus, Petrus Segobienis, Bernardus Segontinus, Paschalis Burgenis, Sanctius Abulensis, Munius Salmanticensis, & Bernardus Zamorensis provincix Lusitanæ: interfuerunt Alfonfus Rex, Raynnulli Consul, & Urracæ Reginx filius; Alfonfus Henricus Portugalix Infans cum omnibus hominibus nobilibus, & Alphonfus Aragoniæ Rex. Omnes subscripserunt, constituta, & directa jurarunt, confirmarunt, ac stabilierunt

pro se, & posteris suis, ut usque in sæculi finem servarentur. Tria tantum decreta prolata sunt 1. Ut nullus deinceps domitos, vel indomitos pro aliqua causa pignoret boves, nec auferret alicui extraneo, vel suo servo, vel mandatitio; quod si faceret, esset maledictus, & excommunicatus, & pro scelere perpetrato Judici terræ, & Episcopo 15. annis pœniteret, quinque ex his in exilio, & quinque sicut præciperet ei Episcopus suus; ceteros quinque foris Ecclesiam in terra sua redimeret. 2. Ut nullatenus furtum fieret, nec facientibus esset consensus, & si latro capi posset, pro modo furti judicaretur; & qui pro eo exoraret, ut sic emendaretur, secundum culpæ modum esset anathema. 3. Secundum Canones, ut nullus pro aliqua calumnia à dextris Ecclesiæ infra 70. passus per vim extraheretur, nisi servus naturaliter probatus, aut latro publicus, aut proditor de proditiōe convictus, aut publicè excommunicatus, aut Monachus, aut Monacha refuga, aut Ecclesiæ violator, quibus proculdubio illa nullo modo debet refugium. Qui vero abreptus à diabolo aliquid aliud per vim extraheret ab Ecclesia, ejusque porticibus usque ad 12. passus, in quadrupulum redderet, & secundum Canones ita pœniteret, ut in Monasterio esset Monachus sub regula Beati Benedicti, aut Eremita omnibus diebus vitæ suæ, aut se servum subiceret servituti Ecclesiæ, quam læsit, aut summam peregrinationem arriperet omnibus diebus vitæ suæ.

Propter hujusmodi Canonem gravium criminum reis facile persuadebant veteres Patres in pœnitentiam sæculo renuntiare. Multi enim memorantur antiqui viri, qui sanctorum virorum consilio eremum petierunt, cœnobiticam vitam sunt amplexi, ut peccatorum suorum agerent pœnitentiam. Peccatoribus etiam pœnitentiam publicam agere detestantibus Monachatus professio aliquando consulebatur, sed non imperabatur, cum ad publicam pœnitentiam nemo cogeretur. Summa quoque illa peregrinatio aliud erat genus pœnitentiæ pœnitenti ob crimen impositum, quod mutationem status, & capitis imminutionem non absolute comple-

ctebatur. Jubebatur enim domo recedere, patriamque, ac parentes deferere, & misere corpus affligens, & macerans in terra aliena, & peregrina vagari, nullibique certas sedes figere. Hoc pœnitentiæ genus nusquam apud Auctores Ecclesiasticos ante septingentesimum annum legitur. Illius meminit Beda Pœnitentialis 7. *Si Clericus homicidium fecerit, & proximum suum occiderit decem annos pœniteat: exul septem pœniteat, si odii meditatio fuit.*

Verum multi iis temporibus, quos inter Rabanus Maurus Pœnitentialis cap. 11. pœnitentium peregrinationem improbarunt; melius iis videbatur, ut in uno loco manentes pœnitentia districta semetipsos castigarent, si fortè à Domini bonitate indulgentiam facinoris sui percipere mererentur. Ast Lusitani Patres, ac Hispaniarum ceteri pœnæ hujus rationem ab exemplis, & præceptis scripturæ derivarunt; cum Dominus ad Cain fratricidam dixisset: maledictus eris super terram, quæ aperuit os suum, & suscepit sanguinem fratris tui de manu tua, profugus eris super terram. Labente tamen tempore mutata est illa peregrinatio antea indefinita in sanctam, ac religiosam: tantique denique facta est hæc, ut pro integra, longaue pœnitentia haberetur, sic decernente Urbano II. in Concilio Claramontano cap. 2. *Quicumque pro sola devotione non pro honoris, vel pecuniæ adeptione ad liberandam Ecclesiam Dei Jerusalem profectus fuerit, iter illud pro omni pœnitentia ei reputabitur.*

Optimates Lusitani, qui cum Venerabili Alfonso Henrico Concilio huicce interfuerunt, testesque subscripserunt, Pelagius Michaelis, Petrus Pelagii Rubens, Ordonius Martini, Petrus Pelagii, Ordonius Petri, Joannes Petri, Munio Petri, Didacus Petri, Martinus Petri, Petrus Michaelis, Joannes Michaelis.

## §. IV.

*De Concilio Compostellano Portugaliæ , ac universæ  
Gallaciæ.*

**A**Nno 1115. ineunte , Compostellæ adunati sunt Patres de Ecclesiæ disciplina tractatum. Præfuit Didacus Gelmires Compostellanus Episcopus , interfuere Episcopi Bracarensis Metropolitæ suffraganei Alfonsus Tudenſis , Martinus Mindoniensis , Petrus Lucensis , Didactus Aurientis , Hugo Portugalenſis , & provinciæ Bracarenſis Abbates. Canones 29. ediderunt 1. ne quis Ecclesiæ terminos irrumperet , aut violenter ingrederetur. Siquis verò intra Ecclesiæ terminos quidpiam capere , aut sibi præſigillare exigente justitia vellet , Pontificis Vicarium , aut licentiam sibi dari prius expostularet 2. ut in nobilium domibus , aut ubicumque eorum uxores , aut filii essent inermes , Vicarii , & quicumque alii non pignorarent. In ceterorum quoque domibus id observaretur , nisi homicidii , aut violentæ fornicationis violationis , aut quadragesimalis tributi causa esset 3. ut hæreditatum , & Ecclesiarum causæ non nisi ab Optimatibus , ac Apostolicæ Sedis Judicibus definirentur. 4. ut pauperes , & imbecilles misericorditer calumnias complerent , ut beneficiis suis penitus non privarentur. 5. ut proditores , ac latrones a nemine protegerentur , aut defenderentur ; & eorum protectores damna , & calumnias , quæ ii sustinere meruerant , sustinerent. 6. ut fur postquam tertio esset reus convictus , Principibus terræ , atque justitiæ examinadoribus traderetur : qui secundum justitiam pro meritis ultionem in eum exercerent , sibi que dati gladii causam animadverterent.

7. Characteres coram totius Ecclesiæ conventu , sive publico concilio fieri jubentur , aliter facti valere inhihentur. Characteres scilicet , de quibus Canon ( apud Ducange notæ quædam erant , sive quædam sortes , quæ characteribus notabantur ) si in Ecclesiæ conventu , aut publico fierent concilio permittebantur. 8. iis , qui servilis erant conditionis ,

vel qui tributa solvebant quadragesimalia , redditus soliti , qui *fossataria* , & luētiosa nuncupabantur , relaxarentur , si patrum , parentum , vel suorum hæreditates incolerent 9. ne in Dominica die ruriculæ ad civitatem irent negotiatum. 10. ut placita , vel cetera hujusmodi scripta ab authenticis Clericis , sive à Judicibus , vel ab Archidiacono , sive ab ipsius loci Archipresbytero fierent , sin autem , cassa haberentur. 11. si quis potentum judicii causam tractare adversus pauperem , vel definire haberet , similem personam introduceret , quæ pro se causam suam definiret ; ne forte cujuspiam majestate pauperis justitia suffocaretur. 12. diebus Quadragesimæ prohibitum erat characteres , calumniarum causas definire , judicia exercere , *fossatoriam* dari , nisi magna expeditionis necessitas ingrueret , excepta furti , rausi , homicidii , quadragesimalis tributi causa. 13. ut Kalendarum die Archipresbyteri , Presbyteri , milites , rustici , in Kalendis antecessorum more convenirent. Tunc siquid querelæ , vel injuriæ oriretur , ab Archipresbytero , ceterisque discretis viris veraciter perquireretur , ac emendaretur : quod si definiri nequiret , die sequenti super illius negotii causa vera indagine facta , Pontifici , atque Apostolicæ Sedis Primatibus referretur , determinareturque.

14. Ut in uniuscujusque hebdomadæ sexta feria , Pontificalis palatii januis referatis , quidquid querelæ , quidquid injuriæ foret , in præsentia Pontificis , Judicum , & Canoniorum intimaretur , ac definiretur. 15. ut in unoquoque sabbato , excepto Paschæ , & Pentecostes , Presbyteri , milites , rustici , cujusque negotii immunes , lupos exagitantés persequerentur , & eis præcipitia , quod vulgus *fogios* appellat , præpararent. Quæque etiam Ecclesia septem ferreas cannas perolveret : ad hoc negotium quisquis ire distulisset , si esset Sacerdos , nisi infirmorum visitatione detineretur , vel miles quinque solidos , rusticus verò ovem , vel solidum persolveret. En venationes , & sylvaticas vagationes Sacerdotibus permissas , imò præceptas contra Aurelianense Concilium , de quo Decretalium liber. 5. tit. 25. 16. ut milites , & qui-

cumque principatu præminerent, & villicationibus suis eos Vicarios statuerent, qui, siquid contra decretorum justitiam egissent, calumniarum causas unde complerent, haberent, sin autem eorum domini perpetrati damni, & justitiæ calumnias sustinerent. 17. quicumque latronem comprehendisset, eum villico terræ traderet, & quacumque villicus ab eo abstraxisset, horum tertiam partem haberet; sic & de proditoribus.

18. Quoties quis naturæ jura persolveret, illius hæreditates, ceteraque beneficia usque ad quadraginta dies integra, nullaque inquietatione labefacta, qualiter ille dimisit, consistenter. Finitis autem quadraginta diebus, possessionibus, ceterisque beneficiis sub eodem jure, sub quo qui mortis periculo ceciderat, qualiterve dimiserat, existentibus, siqua jurgia, aut siqua calumniarum schismata super his essent, ab Apostolicæ Sedis Judicibus, ceterisque disertis viris definirerent; ceterum nequis hæredipeta, nequis sycophanta usurpatione accederet, justitiæ argumentis plenius indagaretur. 19. ab hora nona sabbati usque in seriam secundam hora prima, nullus Saio haberet licentiam pignorandi, nisi homicidas, latrones, scilicet violatores virginum per vim, rausatores, & proditores: & si aliquis de extranea patria justitiam postulaverat, infra supradictum tempus justitiam sumeret.

20. Ne Saionum concilium, vel militum conventus in Ecclesia, vel ejus terminis fierent. 21. ne Clerici Clericorum villici efficerentur, aut eorum filiorum nutritores, neque à laica persona dehonestarentur, vel eorum bona caperent. Qui aliter egisset, canonicam institutionem componeret, & excommunicatus à fidelium conventu sequestraretur. 22. bona eorum, qui capiuntur à Mauris usque ad annum plenum intemerata, & integra conservarentur, ut si fortè fortuito captum possent redimere, redimerent; sin autem, completo anno, juxta arbitrium propinquorum eorum bona distribuerentur. 23. ut Mercatores *Romarii*, sive Romani, ut advertit Ducange, & peregrini non pignorarentur; & qui aliter egissent, duplarent quæ tulerant, essent excommunicati,

solidos sexaginta persolverēt Domino illius honoris. 24. ut Clerici sollatarium non darent. Abbates, & Clerici euntes ad synodum, aut votum, aut tertias afferentes non pignorarentur. 25. locus in campo Compostellæ in civitate venditionibus destinatus est.

## §. V.

*De Concilio Bracarenfi V.*

**E**ugenius III. adversus Eon hæreticum, qui dicebat se esse filium Dei, & contra assertiones Gilberti Porretani Episcopi Pictaviensis Remis Concilium adunare intendebat, Bosonum Lusitaniam misit, qui hujus provinciæ Episcopos convocaret; quapropter Joannes Peculiaris Archiepiscopus Bracarensis ex suæ provinciæ Præsulibus Bracaræ synodum habuit, quæ ex libro Fidei Bracarensis Ecclesiæ archivi constat: *In Era 1186. Joannes Bracarensis Archiepiscopus habuit colloquium in Bracara cum omnibus Episcopis Portugalie suffraganeis ejusdem Ecclesiæ, videlicet cum Petro Portugalensi, & Menendo Lamecensi, & Odorio Vifensi, & Joanne Colimbriensi: & hoc totum fuit factum præsentem Domino Bosono Clerico Domini Papæ, qui tunc venerat convocare omnes Archiepiscopos, & Episcopos, & Prælatos Ecclesiæ per Hispaniam constitutos ad Concilium, quod Dominus Papa Remis celebraturus erat; & huic colloquio interfuit quidam Archidiaconus civitatis Olixbonensis nomine Eldebredus. Quæ civitas tunc fuit liberata de potestate Saracenorum, & in potestate Christianorum redacta auxilio Dei per Dominum Alfonsum Illustrē Regem Portugalie per diversas gentes, quæ illic venerunt per mare in auxilio Dei, & illius, & consilio præfati Archiepiscopi, & omnium supradictorum Episcoporum.* Joannis colloquium fortassè de itinere in Gallias esset arripiendo, ac de ipsis Eonis, ac Gilberti erroribus proscribendis; nec aliud ex eorum Patrum confessu posterorum memoriæ est proditum.



## §. VI.

*Epistola Encyclica Hispaniæ Episcoporum.*

**H**ispaniæ Episcopi juxta Gelasii II. præscriptum ad omnes Orthodoxos literas dederunt suas, quibus omnium deprecabantur clementiam, ut Ecclesiæ Beatæ Virginis de Columna Cæsar-Augustanæ Saracenis jam ereptæ, sed dirutæ, ornamentisque carenti eleemosynas conferrent; & qui præfatæ Ecclesiæ necessariorum solatio destitutæ, atque suæ paupertatis gemitibus condolerent, & unum denarium, vel quot valerent, ad ejus restaurationem mitterent, aut juxta aliorum beneficiorum quantitatem, & operum meritum delictorum suorum consequerentur remissionem. Tanta jam erat hujus Ecclesiæ religio, ut Hispani non tam ad ædem Virginis, quam ad ipsam Virginem proficisci viderentur; (a) & in testimonium id Episcoporum constitutum exscripsit Hieronymus Blanca ex pervetusta membranula in Tabulario Cæsaraugustani Archiepiscopi recondita Gothicis antiquis literis pulvere, ac vetustate corrosis exarata, sed quæ legi potuerunt.

(a) In Aragonensium rerum Commentar.

## §. VII.

*De Concilio Vallisoletano.*

**A**nno Domini 1140. Alfonsi VII. Hispaniarum hortatu Petrus Compostellanus Archiepiscopus, Joannes Bracarensis Archiepiscopus, Petrus Palentinus Episcopus, Bernardus Zamorensis, & Martinus Auriensis, Præside Guidone Sanctæ Romanæ Ecclesiæ Cardinali, ac legato, Vallisoleti convenerunt. Cum inter Imperatorem Alfonsum, & Portugalæ Regem Alfonsum Henricum non levia bellorum præludia excitata fuissent, Guido statuit utrumque invicem conciliare; eos ad mutuum colloquium coram Episcopis invitavit, & ita est factum; convenerunt namque in uno tentorio Imperator, & Portugalæ Rex, osculati sunt invicem, locuti sunt secretius, ac sic remeavit unusquisque in propria.

Il quidem erat circa quod deliberandum, atque omnibus modis tentandum; in eum quippè finem potissimùm Roma missis fuerat. Hujus Concilii vestigia inveniuntur apud Sandovallium; nec non in privilegio ejusdem Imperatoris Alfonsi concessio in gratiam Monasterii Vallis-paradisi inter Zamoram, & Salmanticam, quod Iepius edidit in Appendice tom. 4.

## §. VIII.

*De Concilio Lusitaniae.*

**C**oncilium istud Lusitaniæ dictum ex Schedis Argotianis publici juris fecit clarissimus vir, ac Academiae nostrae meritissimus Socius Dominus Thomas Caetanus Bemius Clericus Regularis; quod nullus antea Auctor invenerat. Habitum fuisse ait Prælide Domino Deus-dedit Sanctæ Romanæ Ecclesiæ Presbytero Cardinali, & Apostolicæ Sedis per Hispanias legato; in eoque coram Lusitaniæ Episcopis fuisse definitam contentionem circa limites Ecclesiasticos ortam inter Dominum Bernardum Toletanum Archiepiscopum, & Dominum Leonem Episcopum Asturicensem; absque temporis supputatione, attamen circiter ad annum Christi 1130. Verum ipsa assignata temporis supputatio Bernardi temporibus est aliena; quippè qui anno 1130. in humanis non agebat, sed, ut supra dictum est, Raymundus Toletanæ Ecclesiæ Archiepiscopus præerat: nec Deus-dedit Romanæ Ecclesiæ Cardinalis Hispaniis erat: utpotè qui à Gregorio VII. Cardinalis Diaconus creatus ipsius in Hispaniis legatione functus est, ex Ciaconio in Gregorii vita; & in Ecclesiæ annalibus ejus memoria Victoris III. tempora non egreditur; cui Pontifici anno 1087. commentarium nuncupavit suis temporibus peropportuno pro Ecclesia Catholica contra Schismaticos, ad quem præfixa operi data extat Epistola nunciator a hoc titulo: *Beatissimo, atque Apostolico viro Pontifici Domino Pape Victori III. & clero S. Romanæ Ecclesiæ Deus-dedit Exiguus Presbyter tituli Apost. in Eudoxia.*

## §. IX.

*De Synodo Colimbriensi.*

**C**oncilium istud anno 1144. ex libro Sancto Monasterii S. Crucis archivi exscripti iisdem verbis, quibus ab Auctore coarvo scriptum est : *Cum Episcopus Bernardus Colimbriensis infamaretur publicè Ecclesiastica vendere beneficia Canonici Regulares Sanctæ Crucis subterfugiebant ab eo consecrari. Unde semel, & bis vocarunt Archiepiscopum Bracarensem Domnum Joannem Peculiarem, & in Ecclesia S. Crucis ab ipso ordinati sunt Presbyteri, Diaconi, & Subdiaconi. Qua de causa Bernardus prohibuit, ne fideles, quos poterat, nobis sua impenderent beneficia, vel in Ecclesiasticis si fortè possiderent, vel in seculari jure. Unde & quasdam nostras diu retinuit Ecclesias, donec Rex Alfonsus Henricus eum ab insania precibus ratione suffultis vix compescere potuit : & si parum quievit ex toto extinguere non potuit : nam & eleemosynas disturbando, & sepulturas prohibendo, & nomen religionis blasphemando aliquando aperte, si facultas dabatur, vel latenter indies impedire moliebatur. Quod nos facere non posse cernentes Apostolicæ dignitati nostro Patrono literis notificare curavimus, & nostram querimoniam, & totius Ecclesiæ dispendium : quod & fecissemus, nisi Guido Cardinalis Romanus in provincia futurus demitteretur. Itaque ab incepto cessavimus quæ de Episcopo volentes ei ore nostro injurias nostras, & ea, quæ de Episcopo protestabantur, pro certo exponere. Episcopus, ut rerum exitus probavit, à Rege obtinuit accusationē hanc reticere nos promittentes per manum ejus omnia emendare ; & de proprio etiam multa superaddere. Tamen Cardinali in Ecclesia S. Joannis de Almelina cum Episcopo cōmanente, Prior Sedis Joannes Anaia, qui postea ejusdem Sedis Episcopus extitit cum Martino Archidiacono, Menendo Magistro, & aliis quatuor, vel tribus nescio, si Episcopo jubente, hoc machinabantur.*

*Quia dum præsentibus affuimus, & interrogaremur ab ipso, iacebatur; ausi sunt quatuor nos pulsare questionibus injuriosis. Videlicet quia decimas eorum recipiebamus, & de capella nostra tertiam partem eis persolvere deberemus, & quod corpora parochianorum eorum non solum susciperemus, verum violenter de manibus eorum raperemus, & quod ordinationes contra jus, & fas, Episcopo in Sede residente, convocato extraneo, in Ecclesia nostra faceremus.*

*Ad quæ & si imperiti sermone, tamen veritate suffulti benigne respondimus decimas aliarum Ecclesiarum nec nos debere suscipere, nec suscepimus, quia Regulares Canonici sumus, & omnia nostra secundum ordinem disponere debemus, sicut & disponimus. Si fortè pro eis, quæ sunt de eiras accusamur, non eas pro decimis, sed pro tributo Regis suscipimus: ideo ipse Rex de suo proprio jure, quæ vulgo eiradiga ... & octavam partem vini dimisit contentus sola quarta parte fructus totius illius hereditatis, quod ore ipsius Regis p̄stet comprobatum est: frustra verò Romanam libertatem promeruimus: si nunc tertiam nostræ capelle Diocesano Episcopo persolvimus. In his duabus ita auctoritate Cardinalis rationabiliter solutis, rogabamus à Cardinali, & à prædictis questionariis fateri verum super ordinationibus injuste peractis. Ad quod & si diu pro veritate rei hæsitantes, compulsi sumus fateri à Rege prohibitos fore super hac questione respondere, nec illius præceptum præterire nos posse. Ad quod ipse: .. quod tamen quandiu à Romana Sede videtur sustentari, à vobis non debet reprobari.*

*In quarta verò sepulturæ questione superaddiderunt dicentes; quia iustum est, nec omnino potest refelli, ut unusquisque quo disposuerit, sepulturæ locum obtineat, quartam, vel tertiam nobis primum exolvat, & sic libere quo voluerit eat. Tunc Cardinalis vir prudens, & moribus doctus, est n̄, inquit, tertia, vel quarta nomine alicujus oblationis? Illi responderunt: Non: sed tertiam, vel quartam partem totius possibilitatis exigimus, quam nisi reddiderint*

rit, excommunicatus tandiu sepultura carebit: donec, quod pos-  
 sculamur parentes ejus exoriant, etiam invit. Ad quod ipse  
 turbido vultu, & quasi admirās ait. Etiam ego Clericus sum,  
 & vellem medietatem totius possibilitatis mortui; sed non  
 est catholicum, nec Sancti Patres in sanctis Canonibus san-  
 xerunt, ut mortuus ligetur, & excommunicetur: cum  
 omni modo debeat absolvi, & reconciliari; cum pro anima  
 mortui aliquid dare Ecclesie non ecclesiasticum debitum, seu vo-  
 luntarium votum. Cesset ab Ecclesia Dei amodo hac pro-  
 fana consuetudo, cum in nino his verbis prohibetur à  
 Beatissimo Papa Gregorio. Petit, aut aliquid exigi omnino  
 prohibemus, ne quod valde irreligiosum est, aut venale,  
 quod absit, dicatur Ecclesie, aut eos de humanis videamini  
 mortibus gratulari: sed ex eorum cadaveribus stu-  
 deatis querere quolibet modo compendium. Ideoque & ego  
 nunc judico, ut mortuus, quo voluerit sepeliri, sepelia-  
 tur, nec prohibeatur ab aliquo, & nec ab eo aliud exigat-  
 ur, quam quod hilari promiserit voto. Sed tamen admo-  
 neatur à proprio Magistro sue animæ, ut aliquod bene-  
 ficium sue mandet Ecclesie, quia justum est, ut sicut so-  
 cia fuit passionis, sit & particeps consolationis juxta A-  
 postolum.

His ita digestis consideravimus fore congruum renova-  
 re privilegium, & addere, quod videbatur necessarium. Ita-  
 que consilio ejusdem Cardinalis missimus cum Archiepiscopo  
 Joanne, qui tunc tendebat Romam Petrum Salomonidem  
 Canonicum nostrum Regularem cum literis nostris, & Re-  
 gis; quod firmavit postea Lucius II. literis suis ad Dom-  
 num Theotonium Priorem, & fratres Ecclesie Sancte  
 Crucis 12. Kalendas Martii Indictione 7. Incarnationis  
 Dominicæ anno 1144. & Pontificatus anno 1.

## §. X.

*De Concilio Burgenfi.*

**A**Nno 1193. apud Burgos Præfide Gregorio S. Angeli Diacono Cardinali Apostolicæ Sedis legato Martinus Roderici Portugalensis Episcopus, Canonici Regulares Ecclesiolæ per Procuratores, Beno Vir Palatinus, ceterique religiosi viri convenere dissidium inter Ecclesiolæ Canonicos, & Portugalensem Antistitem circa Diocæsis limites compositori. Litem tamen iudicio suo amovit Cardinalis: *Gregorius Dei gratia Sancti Angeli Diaconus Cardinalis Apostolica Sedis legatus dilectis in Christo filiis Prioribus, & fratribus Ecclesiolæ salutem, & benedictionem. Cum dilectus noster Magister scholarum Portugalensis, & ejusdem Ecclesiæ Procurator, & Paulus Gudinus Ecclesiolæ Canonicus, & Procurator in nostra præsentia constituti suas querelas proponerent, visis privilegiis Monasterii, & auditis alterius partium allegationibus, quoniam ex tenore privilegiorum constitit, quod ipsum Monasterium, & Ecclesiæ S. Martini de Drangocelbe, S. Salvatoris de Petrosino, S. Mametis de Serfedo cum omnibus hæredibus, siæ sint viri mulierum, quæ non sunt hæredes, siæ sint uxores virorum, qui non sunt hæredes, redditibus, & Parochianis, & pertinentiis earum Ecclesiarum sunt exemptæ. Nos sicut in privilegiis Summorum Pontificum continetur, robor, & firmitatem perpetuam volumus obtinere. Ita quod jam in supra dictis omnibus Episcopus, vel Ecclesia Portugalensis nullam habeat jurisdictionem, siæ excommunicandi, siæ interdicendi, vel aliquod de re debitum exigendi, de redditibus autem ipsius Monasterii, & jam dictarum Ecclesiarum extra Parochias earundem constitutis sancimus, ut prius decimæ de omnibus laborum rusticorum absque ulla dominatione persolvantur Ecclesiis, à quibus Divina percipiuntur Sacramenta, & de residuo redditus debiti Monasterio, & eisdem Ecclesiis persolvan-*

*tur: illi verò, qui non sunt hæredes, seu Parochiani ipsius Monasterii, & prædictarum Ecclesiarum Episcopo, & Ecclesiæ Portugalensi subjaceant, scilicet quicumque in ipso Monasterio, & prænominatis Ecclesiis, se deliberaverint sepeliri, consuetudinem aliarum Ecclesiarum exemptarum in regno Portugalensi sequi decernimus. Nulli ergo omnino hominum liceat hanc paginam nostræ constitutionis, & confirmationis infringere, vel ei ausu temerario contraire, siqua igitur Ecclesiastica, secularisve persona hoc attentare præsumpserit secundo, tertioque communita, nisi se congrua satisfactione correxerit, excommunicationi auctoritate, qua fungimur, decernimus subiacere. Datum Burgis mense Februario anno Domini 1193. præsentem Martino ipsius civitatis Episcopo, & Benone Palatino, & aliis viris prudentibus, & Religiosis.*

## C A P. IV.

*De Lusitanie Regibus.*

## §. I.

*De Venerabili Rege Alfonso Henrico.*

**Q**UO debito Lusitana Ecclesia Venerabili Regi Alfonso Henrico obstricta sit; tot ipsius è Mauris testantur triumphum, quibus late, longèque diffusa est. In lucem prodiit crucis hostes penitus in Lusitania extincturus, novumque imperium cruci erecturus. Quo anno sæculi duodecimi Henrico Comiti ex Tarasia Regina ortus est Dominus Domnus Alfonsus Henricus Lusitanæ Monarchiæ Auctor, & parens non una est aut monumentorum, aut Auctorum sententia: vetera monumenta dissentiant, veteresque scriptores eorundem varietate enixi diversa, & multa sunt opinati. Ast si in rebus Historicis cœvorum auctorum testimonium rem omnem dirimere judicatur; anno circiter 1107. Vene-

rabilem Regem Alfonsum primam hauisse lucem credendum est. Indiculum foundationis Monasterii Canonorum Regularium Sancti Vincentii Olyssiponenſis ab iis, qui ab ipsius Regis tempore erant, ipsique adhærebant, ita incipit: *Anno ab Incarnatione 1147. Christianissimus Portugalie Rex Alfonsus Comitis Henrici, & Reginae Tarasie filius inimicorum Crucis Christi mirificus extirpator, ac voluntarius, decimo octavo regni sui anno, ætatis autem quadregesimo collegit exercitum suum, ut annis singulis solitus est, adversus Saracenos, applicuitque ad Ulixbonam.* Si ab anno 1147. extrahantur ætatis quadraginta, nativitatis annus incidat necesse est in annum 1107. Id Auctoris coævi testimonium cur non præferam posterioribus, licet etiam venerandæ antiquitatis? eidem fere non dissentit Anonymus vitæ S. P. Theotonii Auctor, qui ait Theotonium ultimum clauisse diem anno Domini 1162. & à Regis Alfonsi baptismo 56. *Anno memorati Regis Alfonsi primi Portugalensis, sub quo Christi vessem suscepit 56.* qui si auferantur ex 1162. superest 1106. Alia prætermitto, quæ clarissimus Vir Fr. Antonius Brandaõ exscripsit, aut dissolvit.

Patriam habuit Vimaranum, & à S. Giraldo Bracarenſi Archiepiscopo est baptisatus; inde puer ad Lamecum tractus, ac instructus sub tutela Illustrissimi Viri Egæ Monis, cui Alfonsum parentes commiserant. Cum oblæſis crucibus, distortisque in lucem prodiret, ita ut de ejus vita, ac ad bella virtute actum ab omnibus existimaretur: ejus pædagogus Egas tam multis supplicationibus cumulavit ædem Beatæ Virginis Matris ad Carquere, ut tandem exoraret, & alumno suo sanitatem, regnoque universo lætitiâ singularem exqueretur. Mortuo Henrico Comite, cum regno non esset maturus, Tarasia ejusdem Mater regni summa potita est. Inter plurima Regina Tarasie id temporis regnum moderantis extat donationis scriptum Ermesindæ Onoriques in gratiam Monasterii de *Pedrozo* Ordinis Benedictini: *Regnante Regina nostra Tarasia Portugalensi, & Antistite Gondisalvo Episcopo Colimbriensi, facta series testamenti*



*notum die erit* 5. *Kalendas Januarii* Era 1152. En aliud monumentum de eadem Tarasfa oppidorum, aut urbium praefectos de suprema Regia potestate instituyente praesertim erga Saurium anno 1125. *Placuit divinae voluntati per eximiam Reginam Tarasiam praeficientem eidem castello Gonsalvum Gonsalvis pro principe manu teneri.* Ad annum usque 1127. regni summa ita erat Tarasfa, ut filius Alfonso cuncta, quæ Mater gerebat, firmaret, nec dissentiret; ut constet ex propemodum infinitis monumentis, quæ in S. Crucis Colimbriensis, & aliarum Lusitaniæ Ecclesiarum archivis asservantur.

Anno 1125. ex Historia Gothorum Dominus Alfonso apud Sedem Zamorensem ab altari Sancti Salvatoris ipse sibi manu propria sumpsit militaria arma, & in eodem altari indutus, ac accinctus est Eques de Regum more in die Pentecostes. Anno 1128. Portugaliæ regimen suscepit, & inter ipsum ac Tarasiam Matrem ortum est dissidium causa Comitis Ferdinandi Pires ab intimis Reginæ consiliis; quod Lusitanam Ecclesiam turbavit; Alfonso in castello de *Lanbozo* Matrem obsedit, & Alfonso Castellæ Regem cum exercitu Portugaliæ ingressum Tarasfæ opem daturum vicit, & ex monumento archivi Monasterii de Arouca *ab omni pressura alienus, & Colimbriensium, ac totius urbis in Portugaliæ securus dominus effectus est.* (a) Nec in Matrem eam fuerunt

(a)  
In lib. Do-  
nation.

saevitiæ, quas aliqui exscripserunt Auctores; & nullo monumento enitur è Roma in Lusitaniam Cardinalis adventus, qui excommunicationis sententiam ferret in Regem; ut in Alfonso chronico scripsit Eduardus Galvanus. Alfonso quidem Rege, Portugaliâ venit Hyacinthus Cardinalis Apostolica Sedis legatus, & cum ab Episcopali officio Colimbriensem Episcopum cum aliis suspendere conaretur, Inclitus Princeps renuit, & iussit, ut è regni suis limitibus quantocius abscederet. Id à Rogerico Hovedem scriptore Anglo in Historia Henrici II. expositum fortassè fabulæ alii dedit originem.

Anno 1131. Albucazan Badiosæ Rex Lusitaniam cum exercitu veniens Beirenses provinciam invasit, & Trancosum

(a)  
Apud  
Brandas  
tom. 3.  
Monarch.  
Lujit. cap.  
21.

est populatus : Alfonsus verò , Barbari Regis gestis auditis , ex monumento archivi Monasterii de Tarouca : ( a ) *Venit cum suis cohortibus Lamecum , & transibat juxta Barosam , & recordatus est fratrum , qui erant in illis locis , & ixit cum bonis hominibus videre locum de sua vivenda , & cum invenisset eos pauperes , viventes in tuguriis , compassus est de illis , & rogavit ut mitterent cum eo Fratrem Aldbertum , ut oraret Domino pro suo hoste , & miserant eum , & unam crucem , & unum calicem , ut celebraret , quia tunc Sacerdos erat , & dum bellum committeret , & ipse oraret , Rex vicit Mauros , & tulit Trancofum , sed in bello amisit crucem , quam tulerat de Monasterio , & consecutus est per suam orationem alia multa bona , & ut satisfaceret illi , & suis fratribus , & Domino Deo promisit edificare Monasterium , & dum rediret , vicit iterum per Dei adjutorium , & bonis orationibus Aldberti magnam multitudinem Saracenorum , quapropter venit in hunc locum , & astantibus fratribus , & Joanne Cirita , & aliis multis cum Episcopis Bracarensi , Lamecensi ( Colimbriensi scilicet , qui etiam tunc erat Lamecensis ) ipse primum lapidem jecit , acclamantibus militibus , & cohortibus suis , & dedit Abbati Joanni Cirita cautum . En initium , ac fundationem Monasterii S. Joannis de Tarouca Ordinis Cisterciensis , cujus Ecclesia perfecta est Era 1192. anno Domini 1154. ex lapide inscripto supra ipsius januam : *Fundata fuit ista Era M.C.LXII.* De cujus fundatione , & erga ipsum Regis munificentia infra.*

Era 1170. anno Christi 1132. regni sui quarto cœpit Alfonsus ædificare fluminis Mondæ pontem juxta civitatem , & suis sumptibus extruere S. Crucis Monasterium , quod Archidiaconus Tello inceperat . Era 1173. sui regni anno septimo propter Mauros Colimbriæ agros sæpè vastantes , & depopulantes , inter Colimbriam , ac Scalabim Leirenæ castellum condidit in regni munitionem , ac hostium detrimentum ; habitatores ibidem collocavit , quibus præfecit strenuissimum militem Pelagium Guterris , cujus virtus Saracenorum impe-

tentium audaciam infirmavit. Ut erga S. Crucis Canonicos suam munificentissimam beneficentiam ostenderet, eisdem Leirenam attribuit, & ad Adrianum IV. Romanum Pontificem has literas misit in suæ benevolentiae testimonium : *Domino Adriano Summo Pontifici suo venerabili Patri Alfonsus Portugaliæ Rex, quidquid patri filius, & quidquid potest in utroque sæculo optari melius. Non ignoret sublimitas vestra, Pater Sancte, me militem vestrum, & devotum filium esse velle, sicut fui Apostolorum, qui fuerunt ante res, & nimum vestra benedictione velle perfrui. Ideo quod attentius commendando me sanctitati scilicet, & Majestati vestræ per omnia. Nunc autem notifico sanctitati vestræ Monasterium Sanctæ Crucis, quod est in suburbio Colimbriæ temporibus meis, & à meipso (gratias Deo) esse fundatum, & secundum regulam B. Augustini institutum, quod quantum ego diligo, vobis exprimere nullo modo valco. Ut potè ubi corpus meum sepeliri jubeo, & etiam suffragium per beneficium orationum animæ meæ Deo donante speculius evenire spero. Rogo itaque sanctitatem vestram, & attentius exoro, ut præfatum Monasterium, quod jam antea antecessores vestri sub tutela, & defensione Sanctæ Romanæ Ecclesiæ susceperunt, vos quoque tanquam proprium manu teneatis, defendatis, & privilegio, quod ei utile cognoveritis, contra impugnantium calumnias, pro amore Dei, & nostro bene, & firmiter veniatis, quidquid ego, vel alii fideles ibi devote obtulimus, scripto vestro confirmetis. Obtuli namque ego ei inter cetera totum Ecclesiasticum cujusdam castri, quod vocatur Leirena, quod castrum credatis re vera me à fundamento in terra deserta construxisse, & contra Saracenos, qui prope erant, armasse, per illud enim mihi dedit Deus Sanctæarenam, & totam terram ejus per circuitum. Obtuli idcirco totum Ecclesiasticum ipsius castri liberum præfato Monasterio Sanctæ Crucis per suos terminos antiquos cum omnibus, quæ in præsentiarum possidet, vel in futurum, auxiliante Deo, possidere poterit, quia ita prius noveram, & postea, Deo annuente,*

*votum exolveri. Ita scilicet ut nullus Episcoporum, seu aliquis hominum habeat ullam potestatem super illud Ecclesiasticum, nisi tantum Monasterium Sanctæ Crucis. Valeat amor vestræ Paternitatis, & petitionem meam rogo exaudire dignetur.* Quibus Regis postulatis annuit Adrianus anno 1157. literis apud Sutrium datis 18. Kalendas Julii, quæ in S. Crucis archivo asservantur.

Anno 1139. Alfonso ditionem longè diffusurus apud Colimbriam exercitum composuit, unde cum undecim milibus hominum Tagum trajecit; in Translagana provincia plurima bella gessit, oppida, & urbes multas expugnavit, ac Saracenorum potentiam usque ad Orichium agrum fregit. Quapropter commotus Ismarus, magnæ partis Africæ, ac Beticæ Rex, quatuor alios Reges in auxilium invitavit, & ex Africa, ac cetera ulteriore Hispania eas adunavit copias, ut millia quadringenta exercitus superaret. His confusus adversus Alfonso proficiscitur; nec ille segniter obviam processit. In agro Orichienfi paulo infra Castrum viride oppidum non longè à fluviis *Cobris*, & *Tergis* in mutuum conspectum accedentes, castra collocarunt; sua fixit Alfonso juxta vetus sacellum, in quo senex quidam eremiticam vitam agebat inter Arabes, & ob paupertatem, & ob vitæ integritatem nullius injuria læsus. Ismarii exercitus undique agros implebant, jamque agmina circumclusa spe devorabant. Milites nostri sanum non esse consilium existimabant cum multitudine propemodum infinita inire certamen. Ast militum animos oratione spei, ac fiduciæ plena Alfonso adauxit, dimissos curare corpora jussit, & crastinum diem Jacobo Apostolo Hispaniarum patrono sacrum latos expectare. Vergente jam sole in oceanum, Eremita ille Alfonso petiit, ac oraculi denuntiatione forti esse animo admonuit, ut qua noctis hora sacelli tintinabulum audiret, è castris exiret, Christum cruci affixum in aere ipsi apparitum. Tam desiderato, tamque insperato nuntio latus Princeps totius noctis pervigilio rem expectabat. Primo diluculo tintinabulum sonuit, & egressus ille Dominum cruci affixum

in aere suspexit. Quo viso extra mentem absorptus ita erupit: Ecquid Servator mundi, nunc video, tu ne mihi appares? In Te credo, & summa pietate colo. Infidelibus tuis atque idcirco meis hostibus, qui Te ignorant, apparere potius digneris, ut crucis tuæ mysterium agnoscant, ac erroribus suis desinant insanire.

In hæc & alia cum ex mente quasi abstracta erumperet, in cælum se se recepit divina illa species: & colloquentis Domini, & triumphum policientis voce jucundatus, armis induitur, cingi milites, copias ordinari, signum dari, & ad prælium jam jam parari imperat. Quidam tamen ex optimatibus totius exercitus nomine illum adeunt, & postulant dicentes: Fortissime Imperator, a militibus tuis Te Regem salutari permittas. Quibus ille: Ego fidissimi commilitones, honorificum satis inter vos nomen, titulumque Principis sortitus sum, alium non ambio. Dux vester ero, & totus incumbam, ut vos ducis vestri non pœniteat, concedite vos, quæso, ut milites dux non desiderem. Contra illi, & quæ optas promittimus, & nobis non deerimus, sed pro Rege nostro ardentius præliabimur, honestius triumphabimus, alacrius in bello peribimus. Et quasi recusanti vim inferrent, magnis vocibus, tubarum, litorum, tympanorumque strepitu ter acclamatum: Alphonso Henrico primo Lulitaniæ Regi vita, & victoria: *Deinde dato militibus signo latum est in hostes.*

Ex adverso innumerabiles Maurorum copiae tam dissolis, ac terribilibus clamoribus strepebant, ut cælum ruere, & terram tremoribus concuti existimares. Initum est certamen sanguinolentum, & pertinax a prima diei hora usque ad sextam, donec Ismarius, cujus vita in maximo erat periculo, quamque nostri nimis sitiebant, rebus diffusus, & amisso in certamine consobрино, cui suum corpus custodiendum commiserat, nomine Homar Atagor, fugit ipse simul cum aliis Regibus, qui in auxilium venerant. Tantum sanguinis effusum est, ut rivuli in Cobrim, atque Tergem effluerent. Et paucos post dies superveniens pluvia cum terræ superficiem atro sanguine tinctam lavisset, crevissentque rivi, Terges,

qui Cobrim recipit, etiam usque ad Anam aquas infectas per-  
tulit.

Itaque novus Rex Victor in castris triduo permansit, & concessis militibus spoliis, & omni præda, qui eatenus scuto albo utebatur, alia insignia ordinavit, quæ victoriam ibi par-  
tam designarunt. Quod Christum in aere crucifixum conspice-  
ret, in argenteo scuto cæruleam crucem formavit; & quia  
quinque reges vinceret, scuta quinque per ipsam crucem di-  
stinxit. In uno etiam triginta numos argenteos posuit, quia  
totidem mundi Servator venditus esset. A' Regibus tamen  
posteris numerorum figuratio commodiori ratione est immuta-  
ta, ac in unoquoque scuto singuli quinque numi positi, de-  
cussatim ad figuram literæ X bis numeratæ, quæ in medio  
est, & cum à summo deorsum, & cum à latere ad latus sit  
supputatio, ut numerus triginta expleatur. Hæc tunc ibi  
sumpta insignia: quæ omnia diffusiora erunt ex ipsius Regis  
juramento, quod infra exscribam.

Anno 1140. ex Galliis Portugale appulit classis, qua ve-  
hebantur insignes viri, qui Hierosolymas eundi voto tene-  
bantur; audiens Rex eos adiit congratulatum; ac pacem iniit,  
ut Olyssiponem peterent; illi per mare, ipse vero cum exer-  
citu suo per terram; ut eam obsiderent. Facto fœdere, Olyf-  
ponem accesserunt, milite circumcinxerunt, expugnave-  
runtque, suburbana irruerunt, vineas demoliti sunt, succen-  
derunt domos, sed Olyssiponem ipsam captivare non potue-  
runt. Difili vero, quod nec per multum temporis caperent,  
etiam obsiderent, quia munita nimis, ac populo esset plena,  
Alfonsus cum exercitu abcessit, & classis in Jerusalem iter  
properavit. Era 1183. anno Christi 1145. Alfonsus uxorem  
duxit Domnam Matildam, sive Mahaldam filiam Amedei 2.  
Comitis Sabaudia, Pidemontii, ac Mauriannæ, & Guigonis  
Comitis Albonensis filia. Amedeus enim erat, qui à Syria  
reversus, quo bis causa belli iverat, mortuus erat in Cypro,  
ac sepultus in Monasterio Sanctæ Crucis prope Nicosiam. De  
quo plurima clare gesta enarrantur, & inter alia magna illa  
victoria, quam de Turcis habuit pro Rhodiensium Equitum

defensione. Ab Imperatore Henrico V. primus Sabaudia Comites, & sacri imperii per Italiam Vicarius creatus fuerat.

Anno 1147. & decimo octavo sui regni Alfonsus, collecta paucorum acie, solius Dei auxilio fretus, Scalabim noctu invasit, ac illuciente jam die, Saracenorum partem expulit, partem interfecit, ac eam sibi vindicavit. Eodem anno mense Julio Olyssiponem iterum obsedit fixis in circuitu tentoriis. Cujus obsidio sic in Indiculo foundationis Monasterii S. Vincentii describitur ex ejusdem archivo: *Habuit in comitatu suo electam virorum fortium manum, quos illi auxilio incantum, & quadraginta navibus de diversis partibus septentrionis zelo suo Dominus misit accensos. Hos itaque Rex à parte maris, quod prædictam circumfuit urbem oppugnare constituit: erant enim viri bellatores fortissimi robore, universi loricati, galeati, bastas, scuta portantes, & gladios, intendentes arcum, eruditique ad prælia. Qui Regis jussa libenter suscipientes, mox anchoratis in alto navibus, atque decenti statione dispositis, ad litus profecerunt intrepidi sua certatim adversus urbem castra metantes. Singuli tamen per generationes, & linguas suas. Porro castra Teutonicorum, ceterorumque, qui de diversis venerant provinciis, domos occupant suburbiorum, quæ sunt ad plagam urbis Orientalem, & expulsis inde Saracenis, ingressi habitant ibi. Angli verò, & reliqui Britannia, Aquitaniaeque populi in suburbiis, quæ sunt ad urbis occisum suas constituunt mansiones, fugatis inde paganis. Nam Rex cum Ducibus, & ceteris Baronibus suis à parte septentrionis præstabant obsidionem per colles, & valles, quæ prope sunt fusa multitudo vulgi.*

Factum est igitur, ut à terra, marique pugna vebemens Saracenis daretur inclusis, firmatis contra se undique munitionibus, & instructis machinis. Cumque Franci, erant enim hoc vocabulum commune omnibus, qui de finibus Galliarum aderant, ibi vellent audacius agere, pars eorum conflictu sæpe ruebat in ipso: nam animis accensi, nixique viribus, ac mole corporea (videbantur quippe gigan-

*tea membra gestare*) propius accedebant ad muros, telorum desuper hostilium pluentibus nimbis, spretaque pro Christo corporis morte vulnera vulnerati usque ad necem non cessabant infligere.... nec sinebant ad momentum quiescere. Pagani verò tantam Christianorum constantiam, tantamque cernentes instantiam desperarunt posse amplius resistere, urbemque tradiderunt bellicos ultra non valentes ferre sudores: erant enim jam pene consumpti foris gladio, intus inedia panis, & aquæ. Mense igitur Octobris Ecclesiis Dei Sanctorum Martyrum Crispini, & Crispiniani natalitia celebrantibus, Illustrissimus Rex Alfonsus ope Divina optato potitus triumpho cum omni exercitu captam ingreditur urbem cordibus letantium laudes Dei resonantibus in excelsis, eique immensas referentibus gratias de victoria sibi cælitus concessa. Postea dispositione civitatis peracta, ordinatisque rebus, domibusque, agris, & vineis victori populo distributis, Rex devotissimus beneficiorum Dei circa se, & misericordiarum ejus non immemor, votum, quod voverat cum adhuc esset in castris, persolvere curavit, atque circa ædificationem Monasteriorum, præsertim S. Vincentii, de quo suo loco, diligentiam adhibuit.

Rebus in Olyssipone ita compositis, ad certamina alia paratus est; militem collegit, Cintriam, Almadam, & Palmelam Castella Maurorum munitissima invasit, cepit, & ad Christianam Fidem reduxit. Id quoque temporis Alfonsus cum sexaginta militibus de Scalabi nullam habentibus armaturam, nisi tantum clipeos, hastas, & gladios sine loriceis, & galeis, & ferreis caligis, soli Deo confusus bellum inivit cum quingentis Saracenorum, qui armis, & ferro erant cooperti, & ad prælia doctissimi, & cum aliis quadraginta milibus peditum apud Salaciam; quorum plurimos captivos redegit, alios interfecit, aliis fugam arripientibus. Inde Victor Colimbriam venit, & anno 1152. coram Joanne Archiepiscopo Bracarensi, Episcopo Colimbriensi, Theotonio Priore S. Crucis, & aliis Optimatibus in Cruce ærea, & in Sanctis Evangelii juravit, quod ultra Tagum in agro Oriquienfi



Dominum JESUM Christum cruci affixum oculis suis viderit, cum ad ineundum prælium cum Ismaele, & aliis quatuor Regibus pararetur : quod & Christus promiserit in eo, ac in semine suo imperium sibi stabilire, ut in exterarum gentes sanctum suum nomen deferretur. Juramentum istud ex Alcoba-tienfi archivo in lucem edidit Fr. Bernardus de Brito: *Ego Alfonso Portugalie Rex filius Illustris Comitiss Henrici, nepos magni Regis Alfonsi coram vobis bonis viris Episcopo Bracarensi, & Episcopo Colimbriensi, & Theotonio, reliquisque magnatibus officialibus vassalis regni mei in hac Cruce ærea, & in hoc libro Sanctissimorum Evangeliorum juro cum tactu manuum mearum, quod ego miser peccator vidi hisce oculis indignis verum Dominum nostrum JESUM Christum in Cruce extensum in hac forma. Ego eram cum mea oße in terris ultra Tagum, in agro Auriquio, ut pugnarem cum Ismaele, & aliis quatuor Regibus Maurorum habentibus secum infinita millia, & gens mea timorata propter multitudinem erat fatigata, & multum tristis in tantum ut multi dicerent esse temeritatem inire bellum, & ego tristis de eo, quod audiebam, cæpi mecum cogitare quid agerem, & habebam unum librum in meo papilione, in quo erat scriptum Testamentum antiquum, & Testamentum Jesus Christi. Aperui illum, & legi victoriam Gedeonis, & dixi intra me: Tu scis Domine Jesu Christe; quia pro tuo amore suscepi bellum istud contra tuos inimicos, & in manu tua est dare mihi, & meis fortitudinem, ut vincamus illos blasphemantes tuum nomen, & sic dicens dormii supra librum, & videbam virum senem ad me venientem, dicentemque: A defensione confide, vinctes enim debellabisque reges istos infideles, contresque potentiam illorum, & Dominus noster ostendet se tibi. Dum hac video, accedit Joannes Ferdinandus de Souza Vassalus de meo cubiculo, dixitque: surge Domine mi. Adest homo senex, vultque te alloqui. Ingrediat, dixi, si fidelis sit. Ingressus ad me, agnovi esse illum, quem in visceribus videbam, qui dixi mihi, domine, bono animo sis, vinctes,*

& non vinceris. Dilectus es Domino, posuit enim super te, & super semen tuum post te oculos misericordiae suae usque in sextam decimam generationem, in qua attenuabitur proles; sed in ipsa attenuata ipse respiciet, & vidabit: ipse me jubet indicam tibi, quod audieris sequenti nocte: tintinabulum remissorii mei, in quo vixi sexaginta sex annis inter infideles servatus favore Altissimi, egrediens extra castra, solus sine arbitris ostendere tibi pietatem suam multam. Parui, & reverenter in terra positus, & nuntium, & mittentem veneratus sum, & dum in oratione positus sonitum expectarem, secunda noctis vigilia tintinabulum audiui, & ense, & scuto armatus, egressus sum extra castra, vidique subito à parte dextra, Orientem versus, micantem radium, & paulatim splendor crescebat in majus, & dum oculos ad illam partem efficaciter pono, ecce in ipso radio clariis Sole signum Crucis aspicio, & Jesum Christum iu eo Crucifixum, & ex una, & altera parte multitudinem juvenum candidissimorum, quos Sanctos Angelos fuisse credo. Quam visione n dum video, deposito ense, & scuto, relictisque vestibus, & calceamentis pronus in terram me projicio, lacrymisque abunde missis, cæpi rogare pro confortatione vassalorum meorum, dixique nihil turbatus: Quid tu ad me, Domine: credenti enim fidem vis augere. Melius est, ut te viderant infideles, & credant, quam ego, qui à fonte baptismatis te Deum verum, Filium Virginis, & Patris Aeterni agnovi, & agnosco. Erat autem Crux miræ magnitudinis, & elevata à terra quasi decem cubitos. Dominus suavi vocis sono, quem indigne aures meae perceperunt, dixit mihi: non ut tuam fidem augerem hoc modo apparui tibi, sed ut corroborem cor tuum in hoc conflictu, & initia regni tui supra firmam petram stabilirem. Confide Alfonso, non solum hoc certamen vinctes, sed omnes alios, in quibus contra inimicos Crucis pugnaveris, gentem tuam invenies alacrem ad bellum, & fortem, petentem ut sub regis nomine in hac pugna ingrediaris,

*nec dubites, sed quidquid petierint, libere concede. Ego enim edificator imperiorum, & regnorum sum: volo enim in te, & in semine tuo imperium mihi stabilire, ut deferatur nomen meum in exterarum gentes, & ut agnoscant successores tui datorem regni, in signe tuum ex pretio, quo ego humanum genus emi, & ex eo, quo ego à Judæis emptus sum, compones, & erit mihi regnum sanctificatum, fide purum, & pietate dilectum. Ego ut hæc audivi, humi prostratus adoravi dicens: quibus meritis Domine, tantam mihi annuntias pietatem? Quidquid jubes, faciam, & tu in mea prole, quam promittis, oculos benignos pone, gentem Portugalem salvam custodi, etsi contra eos aliquod paraveris malum, verte illud potius in me, & successores meos, & populum, quem tanquam unicum filium diligo, absolve. Annuens Dominus inquit: Non recedet ab eis, neque à te umquam misericordia mea, per illos enim paravi mihi messem multam, & elegi eos in messores meos in terris longinquis. Hæc dicens disparuit, & ego fiducia plenus, & dulcedine redii in castra, & quod taliter fuerit, juro ego Aldefonsus Rex per Sanctissima Jhesus Christi Evangelia bisce manibus iccta. Idcirco præcipio successoribus meis in perpetuum futuris, ut scuta quinque in Crucem partita propter Crucem, & quinque vulnera Christi, in insigne ferant, & in unoquoque triginta argenteos, & super serpentem Moysis, ob Christi figuram, & hoc sit memoriale nostrum in generatione nostra, & si quis aliud attentaverit, à Domino sit maledictus, & cum Juda Traditore in infernum maceratus. Facta charta Colimbriæ II. Kalend. Novembris Anno 1152. Ego Aldephonsus Rex Portugalie. Joannes Colimb. Episcopus Joannes Bracarens. Metropolit. Theotenus Prior. Ferdinandus Petri Curie Dapif. Petrus Pelt. Curie Signifer. Valascus Sancii. Alpbonus Menen. Præf. Ulix. Gundisalvus de Sausa Procur. Imm. Pelagius Menen. Procur. Viscen. Suer. Martin. Procurat. Colimb. Menendus Petri pro Magistro Alberto Regis Cancellario.*

Alphonſi juramentum ſuppoſitum opinantur quidam 1. quod nemo ante Fr. Bernardum de Brito ediderit, merueritve. 2. Quod politæ phraſes impolitis miſceantur. 3. Quod anno Incarnationis Dominicæ notetur in fine, cum illius temporis conſuetudo eſſet Cæſaris Era ſcripta deſignare. 4. Quod Joannes Colimbrienſis Epiſcopus primo loco ſubſcripſerit ante Bracarenſem Metropolitam. Quæ tamen ardua non ſunt, ut conſictum illud exiſtimem. Plurimum quidem debet Luſitania Fr. Bernado de Brito, quo antiquitatum pulverem excuſſit, & ex latebris eduxit publica, quæ alii omnino ignoraverant. Quas laudes erga eruditos non promeruerunt Sirmondus, Mabillonius, Martene, & alii inſignes viri, qui antiquarum rerum monumenta ad ſua uſque tempora nondum edita publici juris fecerunt. Si politæ phraſes impolitis miſcentur; id temporis ferrei, ac barbari erat; latinitate in barbariem lapſa. Equidem Cæſaris Era uſque ad D. Joannem I. Portugalix Regem erat in uſu; & ſolius Joannis I. decreto inter Luſitanos omnino mutata eſt in Dominicæ nativitatæ annum: verum antea à ſæculo ſexto unus vel alter pietatis ergo vulgari Era ſua monumenta notabat. Magiſter Petrus Alfardus Regis Alphonſi coævus Monafterii S. Crucis Canonicus Regularis opus ſuum de ejuſdem Monafterii fundatione ita incipit: *Ab Incarnatione Domini anno 1131.* Cæſaris Era prætermiſſa. Quis umquam Alfardi libellum in Sanctæ Crucis Archivo aſſervatum ſuppoſitum judicavit, quod Cæſaris Eram omitteret, & Dominicæ Incarnationis epocha uteretur? Nec Colimbrienſis Epiſcopi ſubſcriptio ante Bracarenſem ſuppoſitum reddit juramentum: vel exſcriptoris vitio tribuendum eſt, cum in ipſius monumenti initio Bracarenſis ante Colimbrienſem teſtis nominetur; vel quod in propria Dioceſi Colimbrienſis Antiſtes præ Metropoli ſua ſignaverit. Nec novum quod Epiſcopus ante Archiepiſcopum firmet; privilegium enim S. Rudefindi Epiſcopi in gratiam Monafterii S. Salvatoris de Cellanova Herus Bracarenſis Archiepiſcopus poſt Dulcidium Neumancienſem Epiſcopum nomine ſuo reboravit, & in don-

nationis

nationis scripto erga Pelagium Eborensem Episcopum ab Alphonso Rege Era 1227. mense Novembris ante obitum suum subscripsit primo loco Martinus Colimbriensis, secundo Petrus S. Crucis Prior, & tertio Godinus Bracarenfis Archiepiscopus. Auctores omni quidem apud Lusitanos exceptione maiores, qui decimo sexto sæculo ante Fr. Bernardum de Brito floruerunt, Duærdus Galvanus in Regis Alphonfi chronico, Andreas Refendius de Orichienfi agro, Damianus de Goes in descriptione Olyssiponis, & Hieronymus Oforius Episcopus Algarbienfis de rebus Emmanuelis licet juramenti non meminerint, Alfonso Christum in Cruce apparuisse, triumphumque promississe exscripserunt traditione quasi omnium oralifundati. Traditio igitur veluti erat de juramento, & de re in ipso contenta, quanvis hæcenus scriptum non constaret.

Anno 1158 invasit Salaciam, & tandem cepit; jam quidem semel & iterum prius eam obsederat. Anno 1162 pridie Kalendas Decembris Ferdinandus Gundisalvi, & quidam alii plebei milites Pacem Juliam noctu adeunt, oppugnant, & viriliter ad suam redigunt potestatem. Anno 1166. Ebora capta est, & deprædata, & noctu impetita à Giraldo cognomento sine pavore, & latronibus fociis ejus, qui Regi Alfonso tradidit. Giraldu ille cognomento Impavidus natalibus suis clarus propter commissum scelus, quale tamen ignoratur, & Regis aulam relinquere, & christianorum oppidis exire coactus est, quo ex Alfonsi manibus effugeret. Transstaganam provinciam petiit, quæ tunc sub Maurorum erat potestate, Hismaro Regi se tradens. Cum Mauris foedus iniit, & in locis sylvestribus acies, opesque collegit, & à suo nomine castrum extruxit, ubi cum suis morabatur, viris scilicet homicidis, proscriptis, & facinorosis. Cum Alfonsus jam trans Tagum moveret castra, veritus Giraldu, ne in se arma direxisset; in eam venit sententiam nihil Deo magis gratum, Regique fore acceptum, nihil denique ad nominis sui decus utilius, quam si Mauris Eborensem urbem eriperet, astu, & fraude potius militari, quam effuso tot Christianorum sanguine, qui, si expeditio illa aperto certamine fieret, effunderetur. Cum campe-

ftri in loco, pauloque editiore sita sit Eborā, ut nunquam col-  
lium obtentu infidiæ tendi possent, nisi ad Benedicti. Arabes  
ibi turrim condiderunt, qua tanquam è specula aliis signum  
exponerent: hanc primo occupare intendit Giralduſ. Certus  
ille Maurum duntaxat cum filia agere excubias, noctu cum  
aliquibus militibus inter duos colles se occultuit; iussitque ut  
reditum suum expectarent, vel si res exigeret, facto signo,  
statim adventarent; ipse vero impavidus recta ad turrim ac-  
cedit, fudes, perticasque ferens præacutas, quibus, parietum  
eas foraminibus infigens, ad fenestram conscenderet, sola enim  
apposita scala illuc aditus erat: ut vigilas falleret, ramis vi-  
rentibus indutus est. Jam propius turrim venerat, sed non ex  
adverso fenestræ.

Maurus è custodia, & vigilia decesserat, & filia dormi-  
tans fenestræ limini incubabat. Occasione ea lætus Giralduſ,  
depositis, quibus erat circumcinctus, arborum ramis, perticis  
ascendit, puellam dormientem statim arreptam ex alto præci-  
pitem de lit; turrim ingressus Maurum stertentem gladio oc-  
cidit, & speculam cepit. Cum intempeſta nocte sociis signum  
dare non posset, patris, ac filiæ capita abscidit, & utrumque  
manibus gestans accurrit, & animum addens, victoriæ oppor-  
tunitatem extollebat. Simul omnes turrim petunt, & ante di-  
luculum ignem in summa specula accendit, ut oppidi vigili-  
bus signum fieret. Continuo vigiles excitati oppidanos ad ar-  
ma convocant. Egressis igitur præpropere, nullo ordine, ac  
apertis urbis portis, Giralduſ eam invasit; in obscura nocte  
tumultu exorto, vigiles, custodesque portarum hostes esse non  
verebantur, donec eventus ipse monstravit; vi, ac ferro no-  
stri impetentes, cæsis primum custodibus, urbem omnem dis-  
currerunt, & vindicarunt. Rebus tandem compositis, Giral-  
duſ gaudio exultans eam militibus diripiendam dedit. Dire-  
pta jam urbe, & Mauris omnibus ejectis, ad Alfonsum le-  
gatus mittitur: ut civitatem reciperet, sibi, facinorosisque so-  
ciis ignosceret. Rex legatum benigne accipiens gratiam se  
habere ostendit. Ad urbem quod adtineret, non esse, cujus  
præsidio potius eam committeret, quam qui eam virtute sue

rat consequutus. Sic Eborā à Christianis fuit capta; & victoris Giraldis causa in clypei insignibus urbs præfert equitem cataphractum, equo vectum; strictum ensē gestantem, duo item capita, viri unum, alterum puellā.

Christianis Eborā restaurata, Alfonsus castra sua movit in Mauram, Serpam, Alconchel, & Coluchi, omnesque potestati suæ mancipavit. Inde Badiosam oppugnare intendit, sed ipsi incommode contigit; nam Ferdinandus Rex Legionensis novis copiis instructus eandem urbem cepit. Captæ urbi Abenebelum Maurum præposuit, quod paratus non esset Christianorum novam coloniam deducere, aut militare præsidium stabilire. Alfonsus à primis conatibus non destitit, Badiosam cum exercitu petiit; sed Ferdinandus, cui tributo erat subjecta, in auxilium cum milite properavit. Lusitanus Rex licet inferiori agmine, Legionensi factus est obviam in certamen, infelici tamen exitu; nam urbis porta egressus in campum crus alterum fregit, & adeo hinc est debilitatus, ut curru prorsus uteretur, cum equo non posset: & tunc infelicio, quod in prælio à Legionensi Rege captus fuerit: sed pro redemptione ei dedit viginti quinque oppida, quæ ipse super eum adquisierat, & quindecim summarios oneratos auro, & viginti dextratos, & aliis Regi assistentibus, ut citius liberaretur, dedit multa.

Era 1222. anno Domini 1184. Alfonso accidit maxima victoria de Josepho Abenjacob Miramolino, filio Abdelmone, qui Rex Asini à Mauris ipsis dicebatur, quia semper asino vehebatur, & propheta sanctus à populo omni Saracenorum habebatur. Hic cum Mauritanix esset Rex, Beticæ, Murcia, & Valentix, potentissime cogitavit de universa recuperanda Hispania, & coegit Hispali copias, *quorum numerus* (inquit Gothorum Historia) *solus Deus numerare poterat, qui pluvie guttas numerat.* Plurimis Regibus septus Scalabim invasit. At Alfonsus tametsi senio gravis, militibus ex omni provincia ad signa vocatis, Scalabim festinavit. Commisso certamine, impar Maurus Lusitano fuit. Rex ipse barbarus, lethali in prælio vulnere inflicto, cum fugæ studio Tagum ea par-

te vorticibus rapidum aquis copiosum tranaret, vortice haustus est. Anno 1185. Lusitani Reges superiori victoria læti, Colimbriam primum, deinde Portum urbem adierunt nuptias celebrandi causa Philippum inter Flandriæ Comitem, & Tarsiam Alphonſi filiam; solemniter peracto, Colimbria repetita, Rex morbo, atque ætate gravi confectus, Ecclesiæ Sacramentis munitus è vita excessit die sexta Decembris natus annos septuaginta & octo. Ejus corpus in Sanctæ Crucis Monasterio Colimbriensi, ut ipse testamento mandaverat, humili quidem sepulchro, ac plano sepultum est, hoc veteri inscripto Epitaphio.

*Alter Alexander jacet hic, aut Julius alter,  
Belliger, invictus, splendidus Orbis honor.  
Pacis, & armorum cauto moderamine doctus  
Alternare vices tempora tuta dedit.  
Quid pietas Christi, vel quantum debeat isti,  
Ad fidei cultum regna subacta docent.  
Post regni fastus Fidei moderamine passus,  
In miseros inopes accumulavit opes.  
Quod crucis hic tutor fuerit, nec non cruce tutus,  
Ipsius clypeo crux clypeata docet.  
Vivax fama, licet tibi tempora longa reserves,  
Digna suis meritis dicere nemo potest.*

Anno 1515. die 25. Octobris incorruptum, integrumque inventum Felicissimi Portugalie Regis D. Emmanuelis jussu in aliud sepulchrum ex lapide deaurato eleganter constructum juxta aram maximam ejusdem Monasterii translatum est hoc posito Epitaphio:

„Alphonſo Henrico Primo Portugalie Regi, re-  
„gio sanguine, religione, & armis clarissimo, qui  
„Imperatore Alphonſo Castellæ Rege pro patria,  
„ac viginti potentissimis Maurorum Regibus cum  
„maximis copiis, parva manu, sed Fide, animoque  
„ingenti diversis præliis pro christiani nominis aug-  
„mento juxta acie superatis: Olyſiponem, Sancta-



„renam, Eboram, aliaque quatuordecim munitissi-  
 „ma oppida, & universam fere Lusitaniam ab infi-  
 „delium manu recuperans Christi peculio adjecit.  
 „Hoc, & Alcobatiæ, pluraque alia cœnobîa extru-  
 „xit, ditavitque: nec regno solum, posterisque in-  
 „signia Christum, qui ei apparuit, crucifixum re-  
 „ferentia, sed cunctis etiam maximum exemplum  
 „reliquit. Cujus virtus suis contenta factis cætera  
 „exequi non patitur. De Fide, de Patria, de Re-  
 „gno, de suis benemerenti, Pientissimi hæredes hoc  
 „sepulchrum posuere. Obiit anno Domini 1185.  
 „Regni sui 73. & ætatis 91. sexta die Decembris.,,

Epitaphii auctor regni, & ætatis annos excripsit secundum  
 Eduardi Gavalni chronicon, quod Emmanuelis Regis tempo-  
 re apud omnes erat plurimi; sed secundum, quam supra fixi,  
 epocham, obiit Alfonso anno ætatis suæ 78. & regni 57.

Leges plurimas non tam municipales, quam universo re-  
 gno dedit, videlicet municipales Colimbriæ, Sanctarenæ,  
 Abrantes, Pinhel, Marialvæ, & Penellæ: apud Lamecum  
 convocavit Archiepiscopum Bracarensem, Episcopum Viscen-  
 sem, Portuensem, Colimbriensem, Lamecensem, suæ Curia  
 Optimates, & Procuratores Civitatum Colimbriæ, Vimarani,  
 Lameci, Visei, Barcellos, Portus Gayæ, Trancosi, Aquas  
 flaviarum, Castri Regis, Bouzelæ, Senæ, Covilhan, Montis  
 maioris, Isgueiræ, Villæ Regis, interfuerunt etiam Monachi,  
 & Clerici, ac sedente Rege in solio, congregati sunt omnes in  
 Ecclesia Lamecensi S. Mariæ de Almacave, comitiaque cele-  
 berrima ediderunt, in quibus Alfonso ab omnibus renunciatus  
 est Rex, & ab Archiepiscopo Bracarenli coronatus; licet in  
 Orichienli agro à militibus jam esset inauguratus. Deinde pro-  
 latae sunt leges de regni successione, & aliæ, quæ ad ipsius  
 regni publicam utilitatem adtinerent. De hujusmodi comi-  
 tiorum veritate scriptores differunt; sed in iis, utpote quæ  
 Ecclesiasticam Historiam nihil concernunt, non immoror.

Inter alia, quæ memoranda Alfonso tempore extiterunt,

fuit inventio corporis S. Vincentii Martyris, & Levitæ. Postquam ille in Orichienfi agro Ismarium, & quatuor Reges Saracenos cum exercitu fudit, Colimbriam reversus est, cui S. Theotonius gratulabundus occurrit. Qui cum inter captivos christianos quosdam vidisset, Musarabes vocatos, petiit à Rege, ut libertate donarentur. Quos ad se vocatos Rex ipse interrogavit, unde gentium essent, & responderunt se esse Valentinos, & promontorium illud, quod in Algarbii finibus mari prominet, incoluisse. Eorum maiores impetentem Abderamenem metuentes una cum corpore S. Vincentii Martyris illuc aufugisse, ibidem consedisse, domosque ibi ædificasse juxta facellum, in quo Martyris corpus custodirent; permanisseque donec Maurus quidam intervenandum eò accedens, eorum parentes occidit, & se pueros captivos adduxit. Rem certam se dicere, si domunculæ existerent, aut corvi saltem, qui facellum illud familiariter frequentarent à tempore, quo Martyr ill. applicuit, unde factum erat, ut Mauri promontorium illud corvorum montem nominarent. His auditis, Rex cupiditate incensus consilium iniit; & cum eò ivisset, frustra reversus est, quod loci facies situ jam esset deformata.

Verum debeliatis postea Mauris, devicta Olyssipone, Martyris inveniendi amore accensus misit ad promontorium illud Arabibus jam vacuum viros armatos in navi, simulque ex Musarabibus illis seniores: ibi humiliter adorato Deo, domuncularum, ac facelli, corvorum indicio, denique intervenerunt vestigia, multisque fossionibus aperta terra, & ruderibus expurgatis, ligneum sacri corporis reppererunt conditorium sub directâ facelli altaris. Cum inter tollendum semiputre conditorium, ex iis, qui aderant, unus clam parvum os absconderet, lymphatus, ac cæcus cecidit, donec, quod in sinu habuerat, deprompsit. Inde cum corpus navi imponerent, duo corvi, alter in puppi, alter in prora tanquam familiares Divi alumni confederunt, neque inde revolantes in navi sacras Martyris exuvias comitati sunt. Tandem ad Olyssiponem juxta templum sanctarum Justæ, & Rufinæ appulit; eò enim usque mare tunc erat, quod paulatim postea propulsum amplificandæ ci-

vitati locum dedit. Noctis silentio, vitandi tumultus causa, ad Beatæ Justæ templum asportatum est corpus. Illuciente die increbuit fama, populi multitudo confluit, & Robertus summæ Ecclesiæ Decanus suo, & capituli nomine Munionem Divæ Justæ Rectorem convenit, ac impetravit, ut sacrum corpus ad summum templum, quod Alfonso Rex ad Dei honorem, & Beatæ Virginis memoriam constituerat, ditaverat, manu propria, ac sumptu fundatum edificaverat, deferri permitteret; Rex quod factum est, non improbavit, quanvis in animo haberet in Canonicorum Regularium Monasterio S. Martyri à se nuncupato illud collocare, & Canonici ipsi litigarent, & pro suo Monasterio contenderent. Nec quievit ille, sed denuo ad promontorium inivit, qui, numquid adhuc superesset, accuratius explorarent. Calvariæ adhuc partem, & aliquot conditorii fragmenta invenerunt. Deinde Olysiptoni civitati insignia dedit, navim juxta malum S. Vincentii imaginem gestantem, ac duos corvos alterum in prora, alterum in puppi consistentes: & in promontorio, ubi ejusdem Martyris corpus latuerat, curavit templum nobile edificari, promontorio nomen immutavit, atque Sancti Vincentii postea evocari fecit.

Incltyti Martyris translationem tot miraculis ornatam, & comprobata descripsit Magister Stephanus Olysiptonenſis Sedis Præcentor testis oculatus in antiquo codice manuscripto, quem ex Alcobatiensî archivo in lucem jam edidit Fr. Antonius Brandaõ in tom. 3. Monarchiæ Lusitanæ in fine. Galli homines Sancti Levitæ corpus in Gallias ad oppidum Castrense in Diocesi Albigenſi ad annum circiter 864. à Monacho Audaldo asportatum ferunt ex Aimoino Sancti Germani à Pratis Ordinis Benedictini in suburbio Parisiensî Monacho, qui opusculum scripsit de Inventione, & Translatione corporis S. Vincentii Levitæ, & Martyris è Valentia Hispaniæ civitate ad Monasterium Sancti Benedicti, quod vulgo Castrum dicitur. Audaldi furtum ridet clarissimus Andreas Refendius in Epistola ad Bartholomæum Kebedium, Gallorum nugæ exploſit, antiquos Portugalæ annales Gallorum commenta everſentes adhibet; inter quos est Rases Maurus, qui Hispaniarum

omnium desolationem a Saracenis factam describens ait Valentinos Christianis impiorum impetus fugientes Martyris corpus, quem ut Sanctum venerabantur, & nomen erat Vincentius, in Algarbium adduxisse, ibique condidisse. Rasis testimonium excerpit Resendus. Aimoino opponimus Lusitani antiquum codicem Monasterii S. Crupis citatum supra; & Magistrum Stephanum Præcentorem. An tot miracula in translatione patrata veritatem non indicant? an Musarabum illa jam enarrata traditio firmum non erit argumentum.

Certe ex S. Gregorio Turonensi lib. 3. de gloria Martyrum cap. 29. & Auctore, qui gesta Francorum scripsit cap. 26. cum Childebertus, & Clotarius irruptione facta magnam Hispaniarum partem subegissent, & Cæsar-Augustam jam obsiderent, Cæsar-Augustani cives suæ civitatis moenia cum tunica S. Vincentii Martyris pfallendo circumambularunt, & penitentium habitu, illam liberarunt. Nam Reges pietate permoti obsidionem solverunt, a civitatis Episcopo ejusdem Sancti stolam obtinuerunt, cujus in honorem Childebertus Parisios redux templum extruxit; in quo pretiosissimas exuvias collocavit. De Martyris corpore in Gallias id temporis translato nullam mentionem fecit Gregorius: postea tantum Aimoinus, quem se juncti sunt alii apud Bollandum ad diem 22. Januarii. Bollandus ipse multas S. Vincentii corporis reliquias in multis, atque variis Galliarum, & Italiae Ecclesiis veneratione coli ostendit, Lusitanis parum favet, Gallis non displicet. Verum Bollandus ad eandem diem §. 1. de reliquiis S. Vincentii ait: *Multi tum in aliis provinciis, tum in Hispania præsertim, Vincentii Martyres fuere, & inest ipso in nomine omen quoddam felicitatis. Hinc pluribus locis, quæ habentur illius nominis reliquæ, aliorum vel abolitis, vel ignoratis alicubi actis, celeberrimi illius Cæsaraugustani Archidiaconi existimatae sunt.*

Cur ergo Galliarum Rege Carolo Calvo, Audaldus Monachus corporis S. Vincentii Agenensis Levitæ & Martyris, natione Galli, qui die nona Junii in Martyrologio Romano commemoratur, ad Castrense oppidum non asportaverit?

Uter;

Uterque Vincentius Oſcenſis, & Agenenſis Valerii Cæſarauguſtani Epifcopi Levitæ fuere, uterque ſub Diocletiano Martyrium paſſi, uterque Valentiaſe ſepulti, & reconditi. Agenenſis licet in Galliis paſſus eſſet, Valentiam à Chriſtianis eſt delatus, ubi ſepulchro permanſit ad annum uſque 864, quo ad Caſtrum translatus eſt. Quid mirum in tot civitatibus omnium ſint venerationi tot Vincentii, ſi vere tot ſunt? Decepti igitur Galli Vincentii nomine ſuum venerantur Levitam, quem Oſcenſem putant. Sciendum adhuc eſt anno 864, quo Aimoinus Sancti corporis translationem deſcripſit, non Valentiaſe, ſed in Algarbio jam fuiſſe reconditum Oſcenſis Levitæ corpus, ut ſcripſit Raſes. Aimoini Hiſtoriam creditu difficilem reddunt alii, quod Abdalæ Regis Cæſarauguſtani meminerit, qui numquam extitit. Hic non immorandum puto: ſed alterius Vincentii Levitæ, non Oſcenſis, ſacras exuvias fuiſſe translatas conſentiam. Eminentiffimus annalium Parens Baronius ad annum 761. n. 28. ait: *Hoc anno cum novis cladibus agigaretur Hiſpania, & Valentia in Tarraconenſi provincia exciſa jam eſſet, Chriſtianique ſacra Vincentii oſſa inde auferentes deportaſſent in extremam Luſitaniaſe partem, in locum, qui ex eo poſtea Promontorium Sancti Vincentii eſt appellatum; tunc captum eſt ejusdem Sancti Vincentii nomine Monafterium perinſigne erigi Oveti.* Videas, quaſo, Baronium Vincentii Martyris Oſcenſis corporis translationi eſſe Valentia in Gallias anno 864. ab Aimoino deſcriptæ adverſantem. Olyſſiponenſis Eccleſia Sancti corporis translati feſtivitatem agit die dicima quinta Septembris proprio officio, hymnis propriis, antiphonis, reſponſoriis, ac lectionibus. Ad Alſonſum veniamus.

Ea erat Alſonſi pietas, ut digna ſit, quæ paucis memoretur. Per ſudores bellicos, & militaria certamina ad regni faſtigium venit, quod quidem S. Bernardi Abbatis opera, & auxilio obtinuiſſe non dubitans, ut devotionem erga ipſum, & Ciſterciènſem ordinem demonſtraret, regnum, & gentem ſuam Beatæ Mariæ de Claravalle tutelæ, & patrocinio commiſit, ſancita ad poſteros ſuos lege, ut ſingulis annis Monafterio

Claravalenti quinquaginta auri optimi dipondios religiosi causa obsequii penderent. Sanctorum virorum consuetudine semper usus est, Bernardi scilicet, cujus extant ad eundem litterarum doctrina, & affectione plenæ, Theotonii S. Crucis Prioris, quem sibi elegerat ad confessiones, S. Joannis Ciritæ, & B. Aldeberti, quos Lusitania id temporis sanctitate conspicuos mirabatur. De Alfonso confidentia in S. Theotonium, & de cordis teneritudine S. Prioris circa Regem ita testatus est Discipulus Anonymus in vita ejusdem S. Theotonii: *Quantam sollicitudinem Vir Dei pro Rege haberet, vel quantum Rex in eo semper confideret in illo miraculo de Sanctare[m] potest considerari: cum enim Rex civitatem illam novo genere pugnandi aggredi voluisset, furtim videlicet (nam aliis bellicis apparatibus nunquam potuit, propter loci situm) ad virum Dei veniens consilium illi soli detexit, animamque suam, tanquam de hoc mundo exiturus, commendavit: diem etiam, quo hæc facturus cogitabat, sub silentio indicavit: & ut eo die copiose cum fratribus communem orationem faceret, obnixè rogavit, & discessit. Die igitur notato cunctis in capitulo fratribus Prior rem exposuit, & Litanias nudis pedibus, publicas quoque, & privatas deprecationes rogans, fieri mandavit. Prior autem præter magnitudinem precum, quas jugi meditatione Deo obtulit, sic orabat: Domine Deus Omnipotens, qui muros Jericho sine gladio, & arcu subruisti, qui etiam ad precem Josue contra Gabaon solem stare fecisti; tuam deprecamur ineffabilem clementiam, ut Regi nostro, famulo tuo, sub cujus umbra, protegente te, vivimus, victoriam propitius concedere digneris de inimicissima christiani populi civitate; quatenus excluso inde spurcissimo, ac nefando Mahometis ritu, laudetur ibi nomen tuum sacrosanctum, Domine Deus, Amen. Mox igitur postera die, ecce nuntius bonus, de nuntiis Domini bonum portans nuntium affuit, qui urbem esse captam, in ditio[n]emque Regis subactam letus nuntiavit. Nocte enim sequente prænotati diei, quo hæc facta sunt in Monasterio, Rex urbem mirabiliter media nocte accepit. Ipse vero San-*

*Æus Theotonius tam tenere Regem diligebat, ut pro eo magis, quam pro semetipso sollicitus esse videretur. Unde cum aliquando falsus rumor exisset, Regem videlicet à mundo excessisse, dolor cordis eum tā graviter percussit in modum sagittæ toxicatæ, ut deinceps infirmo sæpe, & debilitato corpore viveret.*

Hunc tenerimum affectum, & preces pro se suas pius Princeps compendebat terras a Mauris ereptas Sancto Priori donando, & Sanctæ Crucis Canonicis, quos diligebat, ut fratres, & adhuc in vivis degentes ut sanctos venerabatur, & cum iisdem superpelliceo indutus in choro laudes Deo perolvebat. Non tantum intra Sanctæ Crucis claustra, verum & Alcobatiæ, ac Tarouæ Cisterciensis Ordinis, ac S. Vincentii Canonicorum Regularium, quæ Monasteria copiosis sumptibus extruxerat, pacis, & belli negotiis ad tempus valedicens, & se ipsum sibi reddens, in humiliationibus, & Dei laudibus novus Ecclesiæ David exercebatur, spiritualia miscebat colloquia, virtutes pariter hauriebat, & ingerebat, docebat, & discebat, sicut Cisterciensis Ordinis scriptores in suis annalibus testantur. Nec minus Alsonsi pietatem commendant duo militiæ Ordines Avis scilicet, & Alæ, quos instituit, ut è sepulchro per eas sacras militias infideles profligaret: de quibus infra singulatim agam. Hæc quidem, & alia, quæ infra suis locis dicam, pie gesta erant in causa, cur Alcobatienses Monachi festivitatis ornamentis ejus agerent commemorationem: Clarissimus Vir Fr. Antonius Brandaõ in Alcobatiensi Bibliotheca se invenisse ait libellum, in quo hujusmodi antiphona, & oratio scriptæ erant.

### ANTI PHONA.

**I**Nvictissime Rex Alphonse, Pugnator strenue nostri regni, Defensor sanctissime, qui mox a puero in fide B. Virginis Matris Dei Dominæ nostræ susceptus, cujus oraculo, & patrocinio tibi arum sanitatem cepisti, ac ibi in maturam aetatem provenisti, fidei armis, spei galea præmunitus, & zelo

charitatis accensus, cum viginti Maurorum Regibus, & Imperatore Miramolino collatis signis, sed parva manu, dimicasti, ac Christum Dominum nostrum cruci affixum nocte intempesta vidisti, & universam Lusitaniam fidei jugo subdidisti, & regni nomen sublimasti: quæsumus, pro nobis apud Deum tuis precibus intercede, ut nos mente puros, regnum nostrum florentissimum esse velit, & ab omni calamitate munire.

Y. Ora pro nobis famulis tuis Invictissime Rex Alfonso,  
R. Ut digni efficiamur promissionibus Christi.

### ORATIO.

**D**Eus omnium bonorum largitor mellissue, apud quem summa hominum, regnorumque potestas est, quique Beatissimum Alfonso Regem ad Lusitanæ sceptrum evexisti, & in hoc mundo agentem summis beneficiis decorasti: concede, quæsumus, ejusdem meritis nostrum hoc regnum, Reges, ac Principes tranquillitate, & optata pace semper gaudere. Nosque supplices tuos virtutum omnium incrementis, sic ejusdem Regis Alfonso vitæ instituta sectari, ut gloriæ quoque participes fieri mereamur. Per Dominum, &c.

Piissimus Rex D. Joannes III. ad preces Canoniorum Regularium S. Crucis ab Episcopo Colimbriensi Joanne Soario Venerabilis Regis virtutum processum fieri curavit, ut Sanctorum fastis adscriberetur; & Fidelissimi Regis Josephi I. pietati confidimus, ut apud Sedem Apostolicam Venerabilis sui proavi, Lusitanæ Monarchiæ fundatoris causam prosequatur.

*Suffragia Canoniorum Regularium S. Crucis pro  
Rege Alfonso, & ipsius Regis testamentum  
erga Monasterium.*

**E**X Domino Petro Alfardo constat Canonicos Regulares in capitulo suo adunatos hæc pro Rege suffragia instituisse. *Operæ pretium est, dilectissimi fratres, admonendo*



hos exhortare, & hortando nosmet commovere, memores be-  
 neficiorum civium nostrorum, seu comprovincialium, & ma-  
 xime Regis nostri superabundantium, ut juxta Apostoli vo-  
 cem, orationes, postulationes, obsecrationes, gratiarum ac-  
 tiones nostræ innotescant apud Dominum manibus mundis,  
 & puro corde. Fustum siquidem est, & acceptabile coram  
 summo Deo, quia debitores in carnalibus nobis se devoce-  
 runt, æqua vicissitudine illorum debitores in spiritualibus  
 sumus. Quia ergo quotidie, sed tamen duas in anno omnibus  
 speciales celebramus festivitates, primo die post festum omni-  
 um Sanctorum, & altero post ceteram Epiphaniæ, quod in  
 libro habemus scriptum. Quid ne pro Rege nostro, pro Do-  
 mino nostro, pro fratre nostro, pro filio nostro imo omnium  
 Patre discernitis specialius agendum, vel scripto posteris  
 mandandum. Igitur Theotonio Sanctæ Crucis Priore cum  
 conventu devote respondentibus dixerunt: Aucleritate Do-  
 mini nostri Jhesu Christi hujus ordinis capituli, & Beati  
 Petri Apostolorum Principis, & istorum fratrum nostro-  
 rum, qui in presentiarum habentur, Domini Joannis Ar-  
 chiepiscopi Bracaræ, & Petri Portugalensis Episcopi de-  
 crevimus, & decretum scripto posteris mandamus, quod  
 nunquam post modum ab ullo poterit infringi, ut amodo, &  
 usque in sempiternum quandiu hæc domus, & ejus congre-  
 gatio extiterit, centum pauperes intus in refectorio ad men-  
 sas seniorum pane, vino, & carne, seu piscibus uniusque  
 anno saturentur pro ejus anima, & cum cisis, & scutellis  
 seniorum eis serviatur. In festis vero principalibus, idest,  
 Natali Domini, Cæna Domini, Pascha, Sanctæ Cruce,  
 Penthecoste, & Sancti Augustini uni pauperi tantum detur,  
 quantum uni seniorum in refectorio sumendum datur. Cum  
 vero ejus anima in pace pausaverit, festivitas illa centum  
 pauperum in ejus anniversarium quoque anno celebretur, &  
 in refectioe unius pauperis per triginta dierum spatium,  
 seu in divinis obsequiis, sicut unicuique nostrorum, nec illos  
 principales suis pauper perdat festivitates: si quidquid sub-  
 stantiarum habemus, ab eo habemus, & ab eo deficiatur:

magnum est si hoc munusculum, & in vita, & in morte pro eo agendum statuimus : quibus difficile forte videbitur, quod non putamus, relegant chartas, cautos, & privilegia, & ipsam Ecclesiam Sanctæ Crucis in Balneis ab ipso dono datis Telloni Archidiacono fundatam : sed jam ipse ore proprio proloquatur, & omnia, quæ nobis dedit Canonicis videlicet Sanctæ Crucis, hoc brevi scripto confirmet, & corroboret. Ego Alfonso Portugalensium Rex Comitis Henrici, & Regine Tharasie filius, magni quoque Regis Alfonsi nepos pro remedio animæ meæ, & parentum meorum, quod dedi ratum esse volo, & omni posteritati meæ tenendum sub Omnipotentis Dei benedictione, & Beati Petri Apostolorum Principis, & mea vel si aliter, sub anathematis vinculo ligo, extraneis vero in compositione quingentorum solidorum regalibus fiscois, & Canonicis induplum, & quantum fuerit melioratum, quod auferre, vel conturbare præsumpserit constituo. Imprimis dedi Telloni Archidiacono balneas regias pro una, quæ vulgo appellatur sella, in quibus ædificata est Sanctæ Crucis Ecclesia. Hortum meum etiam dedi vobis, quæ appellatur Almunia regia juxta Monasterium vestrum plena populatoribus, ut sit vestra propria, & populatores sint Parochiani vestri, & exsolvant vobis redditus, quos mihi exsolvere debebant, & plantent vineas in Eyras, & dent vobis inde decimam partem totius fructus, pro quo decrevi ab eis nihil aliud accipere, nisi quartam partem vini sui eyradega, jantare, & offretione : dedi adhuc vobis, & cautum Sancti Romani in territorio Senæ cum suis ingressibus, & regressibus, terris cultis, & incultis pascuis, aquis, molendinis, & quantum potueritis abrumpere, ultra flumen Alviæ usque flumen de Ozzar, vel citra de illo, quod non est aprehensum securi, & aratro. Post hæc etiam dedi vobis meas tres vineas, videlicet unam in villa Mendinga, aliam in Assunassa, tertiam in Eyras, & unam azeniam cum suo azude in Mantellas, cum quatuor canariis, decimam vero de Savalles, quam milites Colimbriæ dederunt vobis, & concedo ut vester homo ingrediatur navem li-

bere pro vestra parte cum meo homine, & ut a nemine injuriatur, cum cauto. Cauto etiam vobis vestram piscariam navem in mari, & in flumine Mondeco, in nullam portionem ex ea detis neque Regi, neque Prætori, neque Judici, neque alicui homini, sed facialis ex ea quidquid vobis melius visum fuerit. Portam in muro civitatis supra Monasterium vobis facere permisi, & unam turrem, & ut prefriam dedi qua facilius a paganis defensetur, & ante ipsam loca ad celaria vestra, vel ad ea, quæ essent usibus Monasterii profutura, construenda. Dedi etiam vobis hereditatem meam de Alvorge cum sua turri de Ladeya, cum tota nea decimatione totius Ladeye, & decimam totius Eyra, & decimam panis azeniarum. Dedi etiam vobis totum Ecclesiasticum illius castri, quod dicitur Leirena, & omnes Ecclesias, quæ in eodem castro, & per suos terminos fuerint fabricande. Dedi etiam vobis medietatē de Quicoyes cum Aymede, quarum villarum alias medietates comparcissi de Pelagio Gotterris, & uxore sua Orraca Rabaldis, & de Pelagio Midis, facio itaque vobis meum testamentum de illis duabus villis integris cum suis terminis, & de Laros quod est ultra flumen Mondeci, & cauto eas villas vobis integras per suos antiquos terminos. Cum autem accepi uxorem meam Reginam Mahaldam cautavimus omnes homines, qui habitaverint in hereditatibus Sanctæ Crucis, ut non respondeant ad aliquam calumniam, nisi ad has tantum tres, scilicet ad ranssum, ad furtum, & ad homicidium, quando fuerint approbata per legitimos testes, sed si infra cautos vestros hæc tria, & ab hominibus vestris fuerint facta non respondeant alicui nisi vobis ad placitum vestrum, & non eunt in appellido, nec infossado, nisi ego ipse Rex advocaverim eos. Dedi etiam vobis illam insulam, quæ vocatur Cereica, & est in territorio Montis majoris in fece videlicet fluminis Mondeci, sicut concluditur per circuitum aqua prefati fluminis Mondeci. Feci etiam vobis testamentum de una hereditate apud Sintriam, quæ dicitur Melzas, & de alia quadam hereditate in termino de Torres in Almagia. De-

di etiam vobis totam Abeaniam cum sua turre, & alias hereditates in Germanello, & in Ladoya, exceptis illis terris unde mihi dant decimam partem in ratione. Feci quoque vobis testamentum de illa matba, quæ vocatur Aliazedi, & postea dedi vobis villam de Laurizal. Feci etiam vobis testamentum, & concambiam de castello Sanctæ Eolaliæ, & de Aliada, ut illud totum hereditario jure habeatis cum omnibus suis directuris, & terminis, & cum omnibus suis pertinentiis, sicut quando ea melius habuisse dignoscitur. Hoc itaque totum facio, & confirmo bona voluntate, & integro animo, ut scilicet, quidquid ibi mei juris erat, vel quidquid ad regiam potestatem pertinebat, ab hac die de meo jure, & de omni regia potestate auferatur, & in vestro dominio traditum sit ævo perenni. Hoc autem facio commotus pietate, & pro labore, quod laboratis die, ac nocte, & maxime, ut pro salute mei corporis, & animæ, meorumque parentum indefinenter ad Deum preces fundatis. Siqua igitur Ecclesiastica, secularis ve persona, sive filius, sive nepos seu propinquus, seu extraneus sciens hujus testamenti paginam, contra eam temere venire, vel in aliquo minuere, seu turbare præsumpserit, secundo, tertiove commonita, si non congrua satisfactione emendaverit, sit maledicta, & à Domino Deo divisa, atque in extremo examine districtæ ultioni subjaceat, & quantum damni fecerit quadrupliciter vobis componat. Cunctis autem hoc meum factum inviolatum conservantibus sit pax Domini nostri Iesus Christi, quatenus hic fructum bonæ operationis percipiat, & apud districtum judicem præmia æternæ pacis inveniant. Amen. Amen. Acta charta testamentorum, & donationum mense Decembrio Era 1204. Ego Rex Alphonsus Comitis Henrici, & Regine Tharasiæ filius, qui hanc chartam facere iussi coram meis Baronibus, propria manu roboro, & confirmo, & hoc signum facio. &c.

Epi-

## Epistola I. Regis Alfonsi ad S. Bernardum.

*Alfonsus gratia Dei Rex Portugalensium, Bernardo Abbati Claravallensi bonum animum, bonam voluntatem, & memoriam junctæ necessitudinis. Notum est, quod nati contingit, parum tempus est in meas terras contra Mauros inimicos meos, qui venerunt contra me in tota sua virute, & totos vici per voluntatem Dei; & de bono iudicio vassalorum meorum nomen Regis accepi; quia Deus sic voluit. Querimoniam multam de hoc jam misit Rex Castellæ ad Dominum Papam, & ille per legatum suum voluit me projicere de nomine Regis, vel ad minus facere, quod deinceps Regi Castellæ: hoc nolunt mei Vassali, qui sua fortitudine meam terram liberaverunt de dominio alieno: & quia melius erat dare tributum Deo, quam hominibus, in manus legati promisi quatuor uncias auri singulis annis Beato Petro Apostolo, tanquam ejus miles. Rex Castellæ contra dicit hoc, & Dominus Papa est in dubio. Petito, ut faciatis ista omnia, quod veniant ad finem bonum, & suscipiat me in militem Divi Petri. Reliqua dicet vobis frater meus Petrus, quem mitto ad hoc*

## Sancti Bernardi responsum.

*Alfonso Illustri Regi Portugalorum, Bernardus Claravallis vocatus Abbas, si quid potest peccatoris oratio. Literas, & salutes Celsitudinis vestræ suscepimus, gaudentes in eo, qui mandat salutes Jacob. Quid in hoc egerimus, & exitum pro nobis, & nos per exitum, comprobabitis, animi promptitudinem ex injuncta sollicitudine, vel saltem ex memorata necessitudine colligetis. Petrus Celsitudinis vestræ frater, & omni gloria dignus à vobis injuncta retulit, & Gallia armis pervagata, in Lotaringia militat, proxime militaturus Domino exercituum. Frater Rolandus filius noster Apostolicæ largitatis*

*litteras defert, ipsum, fratres nostros vobiscum degentes, & meipsum commendatos habeto.*

Epistola 2. ejusdem Regis ad S. Bernardum.

*Alfonfus Dei gratia Portugalensium Rex, Venerabili Patri Bernardo Abbati Claravallensium. Noveritis quod per Dei misericordiam adquisivimus Sanctarenam, quæ erat civitas munitissima, & jugum super capita nostra, & credimus per bonas orationes vestras, quia nos vobis primum commendavimus, & promissimus, quod faceremus vobis Monasterium vestri ordinis, quod parati sumus, ut faciamus vestris sumptibus. Vos mittite ad nos Monachos, & nos quod diximus, complemus. Reliqua quomodo acciderunt, quæque evenerunt, dicet vobis familiaris noster, quem mittimus, ipsum credite; & nos, Reginam uxorem nostram, & unicum filium, quem nuper habeo Henricum, Deo commendate.*

S. Bernardi responsum.

*Christianissimo, & Pio Alfonso Regi Portugalorum Bernardus Claravallis vocatus Abbas, modicum id, quod est. Benedictus Deus, & Pater Domini nostri Iesus Christi, Pater misericordiarum, & Deus totius consolationis, qui consolavit vos in tribulatione vestra, & misit consolationem vobis, & genti vestra, dum abstulit opprobrium Saracenorum a cervicibus vestris. Ceciderunt muri Jericho, cecidit Babylon magna, destruxit Dominus munitiones inimicorum suorum, & extulit cornu populi sui. Quod etiam antequam fieret, rescivimus, revelante spiritu, qui ubi vult spirat, absque auditione vocis. Propter quod animas nostras affliximus, & tam parvitas mea, quam reliqui fratres mei, coram Domino provoluti, decertantibus manibus vestris, robur, & fortitudinem postulamus; & ex eo quod iniquitates nostra vestram non impedierunt felicitatem,*

*summe letati sumus. Rescivimus etiam ingentem pietatem, qua commotus, votum de ædificando cænobio Altissimo devovistis; quapropter mittimus hos filios, quos lacte doctrinæ ab incunabulis religionis Christo nutritivimus, quatenus nos ipsos Celsitudini vestræ commendantes, piam voti intentionem ad debitam executionem perducant, illud condentes Monasterium, in cujus duratione, & integritate, indelebile habitis elogium regni vestri, & in divisione reddituum dividetur à nobis corona vestra. Servet vos, & Illustræm Reginam consortem servatæ cuncterum, & benedicat prolem vestram, ut videatis filios filiorum vestrorum gaudentes in possessionibus vestris.*

## §. II.

*De Rege Sanctio I.*

**P**atri suo Alfonso successit Sanctius anno Domini 1185, ætatis suæ 31, ex maribus solus ille parenti suo remansit nomine Martinus, & cognomine Sanctius: tertia die ab Alphonso obitu solemnè apparatu Colimbriæ renuntiatus est Rex, & in ejusdem civitatis summo templo ab Episcopo Martino coronatus. Ab anno Domini 1181, Era 1219 cum Patre regnavit, quapropter ita inscriptus est lapis ad januam veteris castelli Colimbriensis.

ERA MCCXXXII REGNANTE APUD PORTUGALE REGE  
SANCIO INGLITI REGIS ALFONSI, ET REGINÆ MA-  
HALDÆ FILIO ET ILLUSTRIS COMITIS HENRICI, ET  
NOBILISSIMÆ TARASIÆ REGINÆ NEPOTE IPSO IU-  
VENTE CONSTRUCTA EST HÆC TURRIS ANNO REGNI  
IPSIUS, ET UXORIS EIUS REGINÆ DULCIÆ TER-  
TIO DECIMO A' CAPTIONE VERO CIVITATIS PER RE-  
GEM FERDINANDUM EX SARACENIS CENTESIMO TRI-  
CESIMO TUNC IN PRÆDICTA CIVITATE EPISCOPO  
DOMNO PETRO.

In solium jam evectus in Apostolicæ Sedis obsequium ad Urbanum III. hæcce literas dedit: *Sanctissimo Patri, ac Do-*

*mino, Dei gratia Pontifici Urbano, Sancius eadem Portugalie Rex salutem, & cum devotione, & obedientia. Noverit Sanctitas vestra me militem vestrum, & Curie Romane, devotumque filium esse velle, sicut pater meus vestrorum extitit prædecessorum, vestramque admodum desiderantem benedictionem promoveri, magnitudini vestre in omnibus reverentiam exhibendo. Ideoque attentius Sanctitati vestre simul, & Majestati me per omnia commendando, rogando, & cum precum instantia supplicando, ut Monasterium Sanctæ Crucis, quod est apud Colimbriam à Patre meo fundatum, & secundum regulam Sancti Augustini institutum consistit, & dilectos filios nostros fratres ibidem conversantes commendatos habeatis. Et quia pater meus, & mater mea, & fratres mei, nec non & filii in prædicto Monasterio tumulati jacent, & ego ibi cum eis corpus meum sepelire jubeo, iterum, & iterum rogo, & precibus preces cumulando supplico, ut prætaxatum Monasterium sicut & antecessores vestri fecerunt, tanquam patrimonium Petri conservare, & manutenere, & in eorum rigore, quo antecessores vestri illud tenuerunt intuitu amoris Dei, & rogatu nostro illud tenere dignetur Sanctitas vestra. Quibus acceptis, Urbanus respondit gratulatus, & benigne petitis omnibus annuens: quæ constant ex Monasterii S. Crucis archivo in libro antiquo à tempore D. Joannis Theotonii ejusdem Monasterii secundi Prioris.*


Fortissimum parentem in omnibus sequutus est Sanctius: eo superstitite, bellum cum Hispalensi rege commiât prope Hispalis muros, & tanta fuit Saracenorum clades, ut memorie sit proditum Bætis fluminis aquas fluxisse sanguinolentas; multa quoque Bæticiæ oppida depradatus est, & cum optimis spoliis Lusitaniam rediit. Anno 1188, & regni Sanctii tertio, appulit vi tempestatis in Olysiponem quinquaginta trium navium classis Danorum, Phrisiorum. & Hollanforum, qui sacri belli causa in Syriam navigabant. Sanctius hospitio vere regio eos suscepit; quod in Algarbium paraverat, bellum aperuit, & eorundem auxilio Sylvensem civitatem, imo &



totum Algarbium à Saracenorum jugo liberavit, Crucis vexillum erexit, ac regno suo adjecit. Hinc Portugaliz, & Algarbii Rex capit nominari, ex donatione erga Monasterium Ecclesiolæ anno 1190, quæ in ejusdem archivo custoditur: *Sciant omnes qui hanc chartam legere audierint, quod ego Sanctius Dei gratia Portugaliz, & Algarbii Rex una cum uxore mea Regina Domna Dulcia, & filiis, ac filiabus meis, facio chartam donationis, & perpetuæ firmitudinis Monasterio Sancti Salvatoris de Ecclesiola, & Priori ejusdem Monasterii Domino Suerio, &c.* Et ex alia erga Monasterium S. Crucis de Castro de Alvor infra etiam citanda: *Sanctius Dei gratia Portugaliz, Sylvii, & Algarbii Rex una cum uxore mea Regina Domna Dulcia, &c.* Cum classis præfectis convenit, ut ipsis præda, sibi autem cederet civitas. Ibi Ecclesiam Cathedralem erexit, seu innovavit, quæ olim erat apud Ossénobam, ubi nunc oppidum Estoy, aut Estombar. Novum Episcopum nominavit D. Nicolaum Canonicum Regularem, & Civitatis Præfectum D. Rodericum Sanctium ex Lusitaniæ primoribus.

Cum Canonici Regulares S. Crucis, & Monachi Alcobatienses orationibus assiduis precarentur Deum pro felici Algarbientis expeditionis exitu, Sanctius in sui grati animi signum, & benevolentiam Castrum de Alvor, quod Mauris armis eripuerat Sanctæ Crucis Canonicis donavit Era 1227, ut ex ejusdem Monasterii archivo constat in codice antiquo manuscripto, & Monachis Alcobatiensibus Castrum Abemenezi Era 1229. Victoriosissimi Regis fama adeo volitabat, ut Clemens III. ad ipsum scriberet non tam de triumphis gratulaturus, quam ipsi regnum confirmaturus eisdem fere laudibus, & præconiis, quibus Alexander III. patrem suum Alfonsum extulerat. Diu tamen Algarbii non habuit dominatum. Morbi numquam antea vili id temporis ingruiebant, ferventissimis intra viscera ardoribus, quibus homines quasi quadam rabie lacerabantur. Exorta etiam est fames, fruges tam vi tempestatis, quam vermibus corrumpebantur, & lues non minus pecori, quam hominibus noccebat. Agri erant

vastati, multorum possessiones deferebantur; omnes denique domus lugubres.

 In tot Lusitanæ calamitatibus Miramolinus Aben Joseph novas addidit vires, cum multo exercitu Portugaliam invasit; in Algarbio Sylvensem urbem cepit, in Transtagana provincia Salariam, Almadam, Palmelam, & alia oppida, quæ erant in circuitu, subjugavit. Initio vero cum Saracenis induciis in quinquennium, fuit Sanctio domesticum quasi bellum cum Alphonso Legionis Rege, nepote ex sorore, & genero, qui infidelibus auxilium tulerat, & una cum iis Christianorum limites vexabat. Lusitanus Rex Gallaciam ingressus Civitatem Tudensem, Pontem veterem, & Sancti Pelagii oppida in potestatem suam redegit: quæ postea, pactis ultro citroque conventis Portugaliæ Reges Legionensibus restituerunt. Hujus belli causa Cælestinus III. Romanus Pontifex in Sanctii favorem & gratiam literas milit: *Cælestinus Episcopus servus servorum Dei Charissimo in Christo filio Regi Portugaliæ, salutem, & Apostolicam benedictionem. Cum auctores, & factores iniquitatis secundum statuta canonum par pœna condemnet, & non minor contemptus existat ab his fidem catholicam impugnari, qui nomine christiano censentur, quam eos ritus sequi, & barbariem paganorum, tuis non credimus postulationibus favorem Apostolicum denegandum, qui tibi, & aliis Regem Legionensem impugnantibus, qui Christianos cum Saracenis impugnat, & contra fidem quam professus est, venire in paganorum defensionem præsumit, eandem postulas in remissionem tuorum criminum indulgentiam ab Apostolica Sede concedi, quæ in defensiones Christianitatis in Hispaniarum provincia obviantibus tyrannidi paganorum de Apostolica Sede fuit benignitate concessa. Nos igitur regie fraternitatis precibus annuentes tibi, & omnibus qui memoratum Regem, quandiu in sua obstinatione permanserit, potenter, & viriliter impugnaverint, eandem peccatorum remissionem auctoritate præsentium indulgemus, quam Hierosolymitani itineris assumentibus gravitatem, nos, & præde-*

*cessores nostri meminimus indulgisse, auctoritate presentium statuantes, ut quidquid per se, vel alios ejusdem regi in sua pertinacia consilienti per conflictum, vel aliter ablatum fuerit, auferenti perpetuo jure deserviat, nec ad ipsius Regis dominium aliquando revertatur. Nulli ergo hominum liceat hanc paginam nostræ indulgentiæ insiungere, vel ei ausu temerario contraire. Siquis autem hoc attemptare præsumpserit, indignationem Omnipotentis Dei, & Beati Petri, & Pauli Apostolorum ejus senoverit incursum. Datum Laterani IV. Idus Aprilis Pontificatus nostri anno septimo.*

Mortuo Cælestino III. anno 1198 die octava Januarii ad Apostolicam Sedem eadem die euectus est Innocentius III, & in primo sui Pontificatus anno 8 Kalendas Maii ad Sanctum Regem scripsit Alphonsum Patrem centum bisantios annuatim Romanæ Ecclesiæ constituisse censuales, quos tamen post regium nomen susceptum, nec ille solverat, nec ipse Sanctius solvere curavisset. Cælestinus Papa Magistro Michaeli Romanæ Ecclesiæ, Notario, quem ad Hispaniarum partes destinaverat, dedit in mandatis, ut ad exsolvendum annum censum inducere procuraret, etsi opus esset auctoritate compellere Apostolica: legato respondit Rex, quod Alphonfus Parens Alexandro III pro annuo censu decem annorum mille aureos mitteret, & cum decem anni non dum essent expleti, centum aureos iterum solvere minime teneretur, licet Prædecessori Pontifici non pro censu, sed ex devotione liberaliter donasset. Hac de causa scripsit Innocentius, & Regem rogavit censum Fratri Rainerio perfolveret, alioquin, appellatione remota, compelleret. Eodem anno 5. Kalendas Junii Innocentius ad Rainerium Sedis Apostolicæ legatum epistolam misit, ut Sanctum Portugaliz, & Alphosum Castellæ Reges, ut pacem adinvicem haberent, & fæderis juramentum observarent, sicut per instrumentum publicum convenerant, induceret, & si opus esset, per excommunicationis, & interdicti sententias, omni appellatione remota, compelleret. Ad Innocentium quippe Ma-

gister Scholarum Bracarenſis Eccleſiæ retulerat quofdam viros gloriantes cum malefecerint, & exultantes in rebus peſſimis inter eoſdem Reges odium ſeminafſe, ad rixas, contentionesque eos inducere nequiter elaborafſe. 3. Nonas Decembris ejuſdem anni literas alias miſit Innocentius ad Sanctium Portugaliæ regnum ſub Sancti Petri, & Apoſtol. ca proteſtatione ſuſcepturus.

Anno 1211 in morbum incidit Sanctius, quo ingravefcente, die 27. Martii ab humanis exceſſit, & in Monafterio S. Crucis ſepultus eſt. Ex uxore Dulcia Regina Raymundi Berengarii, & Petronillæ Regiſe Aragoniæ filia, Ranimiri autem monachi nepte filios ſuſcepit Alphonſum regni hæredem, Ferdinandum qui duxit uxorem Joannam Flandriæ Comitiffam, & filiam Balduini Imperatoris Conſtantinopolitani; Petrum, qui diſſidio cum Rege Alphonſo fratre, ſeu peregrinandi ſtudio in Marochiorum Regis aula aliquandiu egit, & poſtea in Aragoniam proſectus Comes fuit Urgellensis ratione uxoris Aurembiagis; Henricum, qui adoleſcens obiit; Teraſiam, Mahaldam, & Sanctiam Sanctarum catalogo jam adſcriptas, de quibus alibi; & Blancam Guadalaia-ræ Dominam, ac Berengariam, quæ cum parentibus Sanctio, & Dulcia in S. Crucis Monafterio ſepultæ ſunt. Hujus regis pietas maxime emicuit in tot munificentiffimis largitionibus erga Eccleſias, & Monafteria: privilegia, ac jura, quæ Alphonſus pater, Monafteriis S. Crucis, & Alcobatiæ exhibue-rat, rata, firmaque habuit. Militiæ ordini S. Jacobi donavit Salaciam, & Palmellam, Almadam, & Arrudam; Aviſienſi vero Apedris, & Alcanede. Egitanienſem Sedem fundavit, civitatemque ordini Militiæ Templi attribuit: *Ego Rex Sanctius una cum filio meo Rege Domno Alphonſo, & ceteris filiis, ac filiabus meis facio chartam firmiſſimi concambii vobis Domno Lupo Fernandi Magiſtro militiæ Templi, & fratribus vſtris de Civitate Egitanie, quam vobis damus pro duobus Caſtellis ſcilicet Penis Rubeis, & Muga-torio.*

Pro Alphonſi Regni hæredis ſalute Sanctæ Senorinæ, cujus

cujus patrocino se commiserat, ita gratulatus est Sanctius: *In nomine Sanctæ, & Individuæ Trinitatis Patris, & Filii, & Spiritus Sancti. Ego Rex D. Sanctius memor humanæ conditionis, & mortalium casus, peregratis quibusdam partibus regni mei; causa orationis veni ad locum, ubi corpus Beatissimæ Virginis Senorinæ requiescit, in quo preces nostras prout decet Domino Deo fundens ipsam Virginem gemitibus, & suspiriis pulsavi quatenus ipsa à Domino Deo suo precibus suis super salutem, filio meo D. Alfonso Regi impetraret. Qua dicta premijs me erecturum munitionis lapides, quos contum vocant in circuitu loci Sanctissimæ Virginis, si petita salus orationem sequuta foret; iminebat enim periculum mortis, sed oratione gloriosæ Virginis expulsum est. Igitur considerato termino loci per gyrum pedibus meis ipsa loca perambulari, & ut competere vidi petras erigere, jussique per manus D. Gundisalvi Menendi, qui tunc temporis Princeps erat. Primus lapis erectus est, ubi intrat in Basso rivulus ille de Monarch. Mozes &c. Hæc ex Bracarenfi archivo edidit Fr. Antonius Lusit. P. 4. lib. 12. cap. Brandaõ. Quam plurimæ aliæ sunt donationes Sanctii erga 27. alias Ecclesias, & Monasteria, scilicet erga Monasteria de Salzeda, de Burio, de Moreruella ordinis Cisterciensis, erga Sedes Colimbriensem, Portugalensem. ac Lamecensem: cap. 34. quarum meminit jam citatus clarissimus Vir.*

#### Piissimum Sanctii Regis testamentum.

*In Dei nomine. Ego Sancius Dei gratia Portugaliæ Rex timens diem mortis meæ, ad salutem animæ meæ, & commodum filiorum meorum & totius regni mei, condidi testamentum, quo tam in vita quam post obitum meum, filii, & vassalli mei, regnum, & cuncta quæ divina pietas mihi contulit in pace, & tranquillitate permaneant. Imprimis mando ut filius meus Rex Donnus Alfonsus habeat regnum meum cum cellariis, & redditibus meis & 200000 morabitinos, qui sunt in turribus Colimbria, & 6000 morabitinos de*

Elbora, & panos meos de Vimaranes, & omnia arma mea, & duos annulos, qui fuerunt patris mei, & quinque meliores equos de omnibus quos habuero. Mando etiam ut filius meus Infans Donnus Petrus habeat 40000 morabitanos quorum Magister, & Fratres templi tenent 20000 in Tomar, & Prior, & Fratres Hospitalis alia 20000 in Belver. Infans Donnus Fernandus habeat 10000 morabitanos de illis, qui sunt in turribus Colimbriae, & nepos meus Infans Donnus Fernandus 10000 morabitanos, & dedi filiae meae Reginae Donnae Tarasie pro hereditate montem majorem, & Sgeiram, & 10000 morabitanos, & 250 marchas argenti de Leirena. Regine Donnae Sancie dedi Alenquer pro hereditate, & 10000 morabitanos, & 250 marchas argenti de Leirena & omnes alcalas meas, acitaras, & colchias. Et mando ut post mortem meam habeat totam meam Liteiram, & meos annulos, & sortilias, exceptis duobus annulis, quos mando dari filio meo Regi Donno Alfonso, habeat & meas cintas, & meas scarlatas, & penas varias, arrancanes, & lencios. Cetera omnia de meo reposito dentur leprosis Colimbriae. Regine Donnae Maphaldæ dedi pro hereditate duo Monasteria Baucas, & Araucam, & hereditatem de Sena, quæ fuit Matris suæ, & 10000 morabitanos, & 200 marchas argenti. Regine Donnae Blancae 10000 morabitanos, & 200 marchas argenti. Regine Donnae Berengarie 10000 morabitanos, & 200 marchas argenti. Infanti Donnae Dulcie nepti meæ quam nutriti in domo mea 10000 morabitanos, & 150 marchas argenti, quod est in Alcobutia. Infanti Donnae Sancie nepti meæ, quæ est in Castella 20000 morabitanos.

Iste sunt hereditates quas ego dedi Donnae Mariae Pelagii, & filiis meis, quos de illa habeo. Villa Comitum, & Parada, & Pausadela, & Piariam, & dedi D. Egidio Sancii filio meo quem de illa habeo 8000 morabitanos de illis, qui sunt in Belver. Roderico Sancii 8000 morabitanos. Et iste sunt hereditates, quas dedi filiis meis, quos habeo de Donna Maria Arias. Villa nova, &

Colaes, & Sylvaes, & dedi. Donno Martino Sancii filio meo quem habeo de illa 8000 morabitos de illis de Belver, & Urraque Sancii 7000 morabitos.

Præterea dedi pro anima mea Abbati Alcump. de arca mea 10000 morabitos, de quibus faciat unum Casariam in Colimbria. Dedi etiam ei de illis morabitis, qui sunt in Alcupatia 10000 morabitos, de quibus faciat unum Monasterium ordinis Cisterciensis. Monasterio Sanctæ Crucis ubi corpus meum sepeliri jubeo mando 10000, & meam capellam, & copam meam auri, ut faciant ex ea unam crucem, & unum calicem, & 100 marchas argenti, quod est in turribus Colimbriæ, de quo faciant unum frontale ante altare S. Petri, & aliud ante altare S. Augustini. Pro captivis 20000 morabitos de Alcobatia. Magistro Elboræ, & fratribus 5000 morabitos. Sedi Ulixbonensi mille morabitos. Sedi Portugalensi 1000 morabitos, Sedi Barcarensi 2000 morabitos. Sedi Tudensi 3000 morabitos, Monasterio S. Vincentii de Ulixbona 500 morabitos. S. Georgio 500 morabitos. Aliis Ecclesiis regni mei 2000 morabitos. Scilicet unicuique illarum 200 morabitos. Et si aliquid inde remanserit dividatur per pauperes Ecclesias. Magistro, & Fratribus Templi Hierosolymitani 10000 morabitos. Magistro, & Fratribus Hospitalis Hierosolymitani 10000 morabitos. Ponti Colimbriæ 1000 morabitos. Mæe Albergariæ de Colimbria 1000 morabitos. Albergariæ de Poiaræ 200 morabitos. Albergariæ de Mondeco quæ est inter tinares, & Valellas 100 morabitos. Albergariæ de Mendiga 100 morabitos. S. Mariæ de Vimarans mille morabitos. S. Mariæ de Santarem 1000 morabitos, & 50 marchas argenti de Colimbria, de quo faciant frontale. S. Mariæ de Socarnados 2000 morabitos pro meo anniversario ut mittant illas in aliqua hereditate, quæ sit ad hæc assignata. Mando, & de meo vase auri cum suo coopertorio, ut faciant inde duos calices, & dent inde unum Bracarensi Ecclesiæ, & alium Sedi Ulixbonensi. Mando adhuc, ut Monasterium S. Crucis

habeat meas equas de Soure, & meos porcos de Colimbria. Hospitale captivorum, quod feci in Sanctarem, habeat meas vaccas, & meas oves, & meas equas, & meas porcas, & hereditates quas ibi dedi, & meos porcos quos habeo in Sanctarem. Mando de meis ganatis, quos habeo in Elbora, ut dent inde parentibus de Donna Bellida, qui in meo regno sunt, sicut eis ipsa dari mandavi; & alios dividant inter se Episcopus, & Magister Elborensis, & meum Hospitale de Santarem.

Mando etiam de 195 marchis unicam marcham de auro quod teneo in turribus Colimbriae, ut dent inde Domino Pape 100 marchas, & rogo ipsum tanquam patrem, & dominum corporis, & animae meae ut ipse sanctissima auctoritate sua faciat omnia ista adimplere, & non permittat aliquod de his omnibus per aliquem impediri, & completa tota ista manda dimisi de turribus Colimbriae, & de mea arca 10200 morabitinos de quibus faciant pacari, quantum invenerint, quod accepi cum torto. Et residuos dent captivis, & pauperibus pro anima mea. Et sciatis, quod in turribus Colimbriae sunt illi 200 morabitini quos mando dari filio meo Regi Donno Alfonso, & in Elbora 6000 morabitini, & Magister, & fratres Templi tenent in Tomar illos morabitinos, quos mando dari filiis meis Infanti Donno Petro, & Infanti Donno Fernando, & nepoti meo Infanti Donno Fernando, Prior, & Fratres Hospitalis tenent in Belver, illos, quos mando dari filiabus meis quas habeo de Regina Donna Dulcia, & neptibus meis filiabus filiae meae Reginae D. Tarasia, & aliis filiis, & filiabus meis quos habeo de Donna Maria Pelagii, & de Donna Maria Arias. Abbas, & Conventus Alcobatie tenent in suo Castello illos quos mando dari pro anima mea, & 150 marchas argenti quod mando dari nepti meae Infanti Donnae Dulciae. Et ut omnia ista possint melius, & apertius sciri tam praesentibus, quam futuris, & ad impleri fieri feci sex cartas consimiles, & omnia supra scripta aequaliter continentes, quarum unam habet Bracarensis



electus. Aliam Prior Sanctæ Crucis; Tertiam Abbas Alcobatiæ. Quartam Magister Templi. Quintam Prior Hospitalis. Sextam facio ego conservari in meo repository, mihi, & filio meo Regi Donno Alfonso. Et sciendum, quod omnia ista debent adimpleri per Barcarensensem electum, & per Abbatem Alcump. & Priorem S. Crucis, & per Abbatem S. Tirsi, & per Magistrum Templi, & per Priorem Hospitalis, per Donnum Petrum Alfonsi, & per Donnum Gonsalvum Mendiz, & per Donnâ Mariam Fernandi, & per Donnum Laurentium Suarii, & per Donnum Gon. Suarii. Etsi aliquis, vel aliqui istrum decesserit, vel decesserint, aliqui de-eis remanserint debent ea adimplerere modis quibuscunque potuerint. Etsi hoc fecerint valeant inde semper magis, & non minus. Etsi hoc non fecerint valeant semper inde minus apud Deum, & apud homines. Et filius meus qui regnaverit, habeat illos pro Traditoribus, & pro aleivoss. Et Ego Rex Dcnus Alfonso filius supradicti Regis Donni Sancii, & Regina Donna Dulciæ promitto firmiter in fide Jesu Christi quod omnia ista compleam, & attendam, si patri meo supervixerò, & quod nunquam aliquid inde impediam, nec impediri permittam. Et jam de hoc feci hominum in manibus patris mei, & juravi in manibus Bracarensis electi, & Colimbriensis Episcopi, & Abbatis Alcobatiæ, quod omnia ista compleam, & attendam. Ego Petrus Alfonsi, Ego Gonsalvus Menendis. Ego Martinus Fernandis. Ego Laurentius Suarii, & Gon. Suarii promittimus firmiter, quod modis quibuscunque poterimus faciamus omnia ista compleri, & jam de hoc fecimus hominum in manibus Domini nostri Regis Sancii, & juravimus hoc in manibus Bracarensis electi, & Colimbriensis Episcopi, & Abbatis Alcump. & concedimus, quod si hoc non fecerimus simus perinde Traditores, & aleivoss.

Pium Sancii testamentum Romam ad Innocentium III. Summum Pontificem missum est; qui id coram se perlegi fecit, & intelligens omnia rite esse disposita, illis dumtaxat

exceptis, quæ de quibusdam Monasteriis erga filias dispositæ erat, nisi forsan de jure intelligeret patronatus, secundum ultimum suæ dispositionis arbitrium statuit, & præcepit in violatè observandum, literis suis datis Laterani sexto Kalendas Julii Pontificatus sui anno decimo quarto, quæ in Laurabanienſi archivo asservantur.

## C A P. V.

### *De Ordinibus Militaribus per Lusitaniam.*

#### §. I.

#### *De Ordine Avisiensi.*

**O**Rdo Militiæ *de Avis* in regno Portugalix apud Colimbriam habuit originem tempore Domni Alfonsi Henrici Regis primi Portugalix anno Domini 1147, quo tempore Militia nova fuit appellata, mox Eborensis ab urbe Ebora capta, ubi ipſemet Rex anno 1176 hujus ordinis militibus conventum ædificavit, ubi hodie locus ille *Freiria* appellatur: deinde Avisiensis ab auspicio felicitis volantis aquilæ, quod illi nomen permanſit uſque ad hunc diem, & oppido illi in tractu Tranſtagano triginta millia paſſuum ab Ebora ſeptentrionem verſus ſejuncto, ubi primarium hujus militiæ domicilium conditum eſt. Auctor illius fuit Alſonſus Rex, Legislator Joannes Cirita Sancti Joannis Taroucæ Abbas; inſtitutio autem ad normam Cisterciensium ſub Abbatis Cistercii, aut etiam Clarevallis viſitatione. Milites erant ex prima regni nobilitate, atque ex prima virtute, ſelecti omnes, & qui in præliis adverſus Saracenos ingentis animi ſpeciem præ ſe tuliffent. Humbaldus Cardinalis Episcopus Oſtienſis ab Alexandro III in Hiſpanias Legatus miſſus Joanni Ciritæ, Guiſcar loque Cisterciensi, utrique ſuam ad hanc militiam inſtituendam, poteſtatem per omnia delegavit. Et antiqua ſtatuta in æctographis Monasterii Alcobatienſis inventa edidit Fr. Bernardus de Brito.

„ In nomine Sanctæ , & Individuæ Trinitatis Patris ,  
„ Filii , & Spiritus Sancti , Deus unus verus , & essentia inse-  
„ rabilis. Nos Joannes Cirita Abbas S. Joannis de Tarouca , &  
„ Guiscardus Monachus ejusdem Cœnobii , in præsentia no-  
„ bilissimi Regis Alfonsi , aliorumque virorum suæ Curia de  
„ consensu , & auctoritate Domini Episcopi Ostiensis , tunc  
„ per totam Hispaniam Legati à Latere , in honorem Dei , &  
„ Patris nostri Benedicti , gloriamque nostræ Reformationis  
„ Cisterciensis , & ut Christi fideles ab incurfu Maurorum li-  
„ berentur , constituimus , & ordinamus militiam Equitum ,  
„ cujus munus sit religionem defendere in bello , charitatem  
„ exercere in pace , castitatem servare in thoro , & terras  
„ Maurorum continuis incursionibus vastare , & habitum por-  
„ tare signum Religionis præ se ferentem ; Caputium , scilicet ,  
„ parvæ magnitudinis , cum scapula taliter facta , quod in con-  
„ flictu pugnantes non impediatur : circa colorem ceterarum ve-  
„ stium non causentur ; sed circa temporis opportunitatem , sca-  
„ pela vero semper sit nigri coloris cum caputio. In bello ha-  
„ beant loricas , & enses , & lanceas , juxta fortitudinem unus-  
„ cujusque ; nihil portantes insignitum auro præter enses , &  
„ calcaria ; ponentes semper spem suam in armatura Fidei ; in  
„ pace surgant ad adorationem , & audiant missas , jejunent sextis  
„ feriis ; dormiant cum capitiis parvis ; servant silentium , si simul  
„ manducant ; suscipiant peregrinos ; honorent seniores ; & Ma-  
„ gistrum Militiæ tanquam patrem , & ducem suscipiant ; & in  
„ omnibus Regulam Sanctis Patris nostri Benedicti præ oculis  
„ habeant ; de acquisitis in bello dent pauperibus , viduis , &  
„ Ecclesiis ; & Mauros , quos in captivitatem traxerit , sanctis  
„ ad monitionibus ad fidem deducere curent. Si Castrum ,  
„ vel Civitatem ceperint , faciant certiores Dominum Re-  
„ gem , & de mandato ejus disponent omnia , existentes sub-  
„ diti Dominis , non tantum bonis , sed etiam discolis. Ma-  
„ gister tanquam dux ceterorum procuret non solum verbis ,  
„ sed etiam exemplis subditos gubernare , non solum in pace  
„ docendo ; sed etiam in bello pugnando : & si quis militum  
„ gravamen de illo habuerit , & post excusationem non sus-

„ceptam adhuc se gravatum senferit, ad Abbatem designa-  
 „tum a Domino Cisterciensi recurreret, & apud illum proponet  
 „querimoniam de Magistro, & expectabit sententiam, de qua  
 „solus Romanus Pontifex, aut ejus à Latere Legatus poterit  
 „cognoscere, seu Reverendissimus Pater Abbas Cistercii,  
 „ac ejus de hac nominatus Visitator, & personaliter Pater  
 „Abbas Claravallis. In electionibus vero Magistri, & alio-  
 „rum officialium servabitur ordo, qui in definitionibus Ci-  
 „stercii constituitur, noviter autem electus suscipiet insignia  
 „Magisterii de manu alicujus Abbatis, & in manibus ejus  
 „præstabit juramentum, & obedientiam in hac forma.

„Ego, Pater, noviter electus in Magistrum militiæ Sancti  
 „Benedicti Cisterciensis ordinis, nomine meo, & hujus Mi-  
 „litiæ juro, & promitto obedientiam Romano Pontifici, &  
 „Domino meo Regi Portugalæ, & vobis Patri Abbati in no-  
 „mine Cisterciensis, omnibusque successoribus suis in per-  
 „petuum futuris, & quod bona militiæ non vendam, non  
 „donabo, nec consentiam vendere, donare, aut alienare;  
 „quod in bello non derelinquam milites meos in periculo, ut  
 „me in libertatem ponam; nec tradam castra, turres, oppi-  
 „da, sine jussu, & voluntate Regis Portugalæ; non consen-  
 „tiam milites inermes in bellum exire, neque absque capu-  
 „tio iacedere: ad mandata Regum ibo; traditores ejus pro  
 „meo posse persequar: terras Maurorum infestabo; jus hu-  
 „jus regni omni loco defendam; & ad omnia bella paratus  
 „existam cum equis, & armis, & contra hæc omnia nun-  
 „quam veniam; sic Deus me adjuvet, & ista Sancta Evan-  
 „gelia.

„Post electionem vero Magistri, ipse donabit insignia  
 „militibus noviter intrantibus: si tamen fuerit præsens Domi-  
 „nus Rex, aut filius ejus hæres, ipsi faciant caeremoniam  
 „assumptionis ad equestris ordinem: etsi contingat tunc tem-  
 „poris, cum aliquis assumitur, esse ibi præsentialiter aliquis Ab-  
 „bas Cisterciensis ordinis dabit insignia, & in manibus ejus fiet  
 „omagium. Si aliquis militum dum ambulat, invenerit ali-  
 „quem Abbatem ordinis Cisterciensis, relicto equo, humi-  
 „liter

„liter accedat, & petat benedictionem, & comitem se offerat itineris : si pertransierit per loca, castra, seu civitates, ubi fuerint milites hujus societatis, tempore pacis, aut belli, Dux arcis offerat ei claves, & juxta dispositionem ejus gubernentur omnia tempore, quo ibi fuerit. Monachi Cistercienses, tanquam fratres suscipiantur, & omnia charitatis officia exhibeantur eis. Quæ omnia Ego supra nominatus Rex Alfonsus auctoritate mea roboro, & confirmo : & Ego Guiscardus Monachus S. Joannis de Taroca, jussu Domini Regis Alfonsi, & Patris Joannis Cirita Abbatis prefati, cuncta dictavi, & manu mea scripsi apud Colimbriam Idibus Augusti Era 1200. Archiepiscopus Bracarensis pro parte regni approbo, & confirmo. Episcopus Colimbriensis pro parte Curia approbo, & confirmo. Episcopus Olisbonensis pro parte Cleri approbo, & confirmo. Petrus proles Regis, Par Francorum, & Magister novæ Militiæ pro parte mea, & meorum militum confirmo omnia, & approbo. Ferdinandus Roderici Monteyro Miles novæ Militiæ approbo, & confirmo. Gondifalus Venegas Miles novæ Militiæ confirmo, & approbo. Ferdinandus Joannis Miles novæ Militiæ confirmo, & approbo. Joannes Portariua Miles novæ Militiæ confirmo, & approbo. Petrus de Souza Miles novæ Militiæ confirmo, & approbo. Rodericus Venegas, Miles novæ Militiæ laudo, & approbo, Julianus Alfonsi Miles novæ Militiæ confirmo, & laudo.

Militarem hunc ordinem, vivente adhuc Alfonso Rege fundatore, confirmavit Summus Pontifex Alexander III. anno 1162; deinde regnante Sanctio, qui Alfonso Henrico parente mortuo, regnum hæres proxime excepit, Innocentius III. anno 1204. Calatravenfis etiam olim dicebatur ex strictissimo amoris, & fraternitatis societate, quo uterque ordo in Hispaniis obstringebatur. Innocentius Papa VI hujus ordinis habitum in crucem viridis coloris immutavit, quam milites ad pectus adferunt : & in Ecclesiasticis actibus pallio candido crucem viridem ad sinistrum humerum præferente utuntur. Primus Militiæ Magister ex supradictis Constitutionibus ser-

Q

tur Dominus Petrus Alfonso Regis illegitimus frater, de quo ad sæculum 11 egi, cum de Comite Henrico scripti. Petrus in tot certaminibus, quibus cum Alfonso fratre apud Trancosum, Sanctarenam, Orichium, Olyliponem, & Badiosam adversus Saracenos interfuit, mira fortitudinis indicia præbuit; Gallias profectus optimi Principis dotes demonstravit, Ludovici 7. Galliarum Regis consuetudine usus, nec non S. Bernardi Claravallensis Abbatis, qui in literis ad Regem Alfonso ipsius meminit. Lusitaniam reversus, novæ Militiæ Magister electus est; Magistri tamen honores, & quidquid sæculum ei felicius obtulerat, in Alcobatiensis Monasterii austeritates commutavit Deo soli vacaturus.

Petrum, dum Monachum agebat in Alcobatia, Alfonso frater sæpe visitabat de spiritu sermonem habiturus: & uterque vegetior in virtute, nec magis Petrus Regias in Alfonso, quam Rex Monasticas in Petro promovebat. Traditur Laurentium Venegas visendi Petri causa Alcobatiam adiisse, & cum inter loquendum res clare in sæculo gestas miscerent, quibus Petrus ipse caput delectari; adeo vanitatem, oblectamentumque castigavit, ut septem menses silentium sibi imponeret, nec cum Rege fratre ipsum adeunte colloqui vellet. Meritis tandem plenus obiit anno 1175; cujus sepulcri epitaphium ad sæculum 11 exscripti. In Militiæ Magisterio Petro successit Gundisalvus Venegas filius Egeæ Fases Comitis Henrici Signiferi. In Gundisalvi locum successus est Ferdinandus Annes, qui Sanctio opem tulit in Algarbii expeditione. Ferdinando Magistro, Avisiensis Militia Calatravenſis in Hispania Sanctii Regis consensu adjungi cæpit; & in Avisiensi oppido novum conditum est cœnobium. A Rege Alfonso, & ejus filio Sanctio I. plurimis donationibus, & possessionibus locupletatus est ordo, & indies in posteros adauctus est, ut ex quadraginta & octo Ecclesiarum redditibus in *Commendas* totum sit patrimonium. Alexander VI ad Felicissimi Regis Emmanuelis preces indulſit ut Avisienses Equites connubium possent contrahere.

## §. II.

*De Militari Ordine Alæ.*

**A**Nno 1167 in Lusitania instituta est nova Militia sub invocatione Sancti Michaelis: illius Auctor Venerabilis Rex Alfonsus; milites pene totius regni proceres. Instituenti causa fuit victoria recens per miraculum habita, pennata manus armata de cœlo missa, quæ hostes prosterneret, cum Alfonsus, Sanctorum Angelorum, Michaelis præsertim precibus auxilium implorasset. Victoria à Mauris accepta Alfonsus Alcobatiam petiit, ibi post relatas Deo grates, atque erectum Michaeli Archangelo altare, Abbatem, Monachos, & qui cum eo erant regni Magnates consuluit, & nobilium militum societatem magis, quam ordinem sine votis, ordinationibus tamen suis instituit. De quo hoc reperiuntur instrumentum.

*In Dei nomine, S. Michaelis Archangeli, & S. Angeli Custodis. Quoniam quidem decet beneficia Omnipotentis Dei debitis compensare obsequiis, idcirco Ego Alfonsus Dei gratia Portugalensis Rex volens, & desiderans Divinum favorem pro mea parvitate recognoscere, & ut posteris mei recordentur mirabilium suorum, per quæ regnum stabilivit in terra, de consilio, & matura deliberatione bonorum virorum, quos Dominus elegit sibi, Martini scilicet, Abbatis Alcobatiæ, Panulphi in Divinis literis Magistri, & plurimorum Monachorum canobii, qui assuerunt, nec non & nostræ Curie Rectorum, instituimus quandam fraternitatem Militum in laudem, & honorem Domini nostri Iesus Christi, & Beatissimæ Virginis Mariæ Matris ejus, specialiter vero sub invocatione Sancti Michaelis Archangeli, & Angeli mei Custodis. Ratio vero cur sic instituitur societas ista, hæc est: Dum ego essem in Sanctarena venit contra me Albarach Rex Sivillie cum ingenti multitudine militum, taliter quod omnes terminos regni mei cooperiebat sua multitudo, & castra mensavit juxta oppi-*

dum, in quo ego cum parva manu meorum eram inclusus, expectans aliquorum adventum; sed accessit nuntius referens adventasse consobrini meum Regem Legionis; & quia erat inter nos suspicio, timui illum, credens, quod veniret in auxilium inimicorum meorum: propter quod constitui exire in bellum contra Albarach antequam veniret, & jussi in crastinum præparare gentem meam, & ego in oratione rogavi Angelum, quem Deus per suam misericordiam dedit mihi in socium, & custodem, & Beatum Archangelum Michaellem, quod venirent in meum auxilium, & eriperent me de manu inimicorum meorum, quod quidem accidit: & cum in bello signum meum esset captum ab inimicis meis, ego desili de curru, ut liberarem illud, & cum in pressura pedibus pugnarem, mirabile visu evenit juxta me peccatorem: brachium pugnantis, & adjuvantis me armatum quidem secundum visum meum, & summitatem ejus cooperiebat ala tamquam Angeli, corpus autem non videbam, nec aliquis vidit; quamquam multi Maurorum manum viderent, sicut postea dixerunt captivi. Cum ego manum vidi, intra me confortatus insilii in hostes, & ecce cadebant à latere meo mille, & decem milla à dextris meis; vulnus autem ad me nullum appropinquabat. Victus est inimicus meus, & collegimus spolia eorum, & vidimus prostratam in campis Sanctarenæ manum magnam, quæ persecuta fuerat nos, & cantavimus laudem Deo nostro, quoniam bonus, quoniam in æternum misericordia ejus. Postea autem dum me pararem ad bellandum cum Rege Legionis, sciivi illum venisse in adjutorium mihi, & jam redire in pacem: de quo lætus, & gaudens veni ut laudarem Dominum Jesum Christum ad Monasterium Alcobatie, in quo fui per dies triginta tres serviens ei, & cogitans de regno Dei; & ne obliviscar adjutorum Sancti Michaelis, & Angeli mei de consilio supra dictorum decrevi facere unum ordinem, & societatem militum, qui deferant super cor alam purpuream insignitam auro, & fulgore, sicut visum fuit oculis meis fuisse illam, quam videram in prælio. Conditiones autem, quas



debent servare milites hujus societatis, & jurare, dum acceperint alam, hæc sum: 1. Nullus, qui nobis de palatio, & curia nostra non fuerit, non deferet alam, nec admitatur ad societatem. 2. Omnes qui in conspectu pignaverunt, ut eriperent signum n. eum, erunt amissi ad societatem, & efferent alam. 3. Ille qui admittitur ad societatem, erit in prælio juxta Regem, vel juxta ejus signum. & nullus poterit illud deferre, nisi portaverit alam. 4. Ille, cui datur ala, jurabit in manibus Abbatis Alcobatiæ f. de litatem Deo, Romano Pontifici, & Regi in forma solita; & nullus dabit alam præter Abbatem Alcobatiæ. 5. Miles hujus militiæ recitet quotidie numerum orationem, quas solent recitare conversi ordinis Cisterciensis, sive in pace, sive in bello. 6. Cum aliquis recipit ordinem, dabit quinquaginta solidos ad reparandum altare S. Michaelis, qui est in Ecclesia Alcobatiæ. 7. Omnes fratres hujus militiæ ibunt ad Alcobatiam in Vigilia S. Michaelis, & audient horas Vesperinas, Matutinas, & Missam, & recipient communionem de manu Abbatis induti in cappis albis ad formam Conversorum. 8. Abbas Alcobatiæ habebit jurisdictionem super milites, & poterit illos excommunicare, si male vixerint, & compellere, ut relinquunt concubinas, & pessimam vivendam. 9. Milites hujus societatis, post primum matrimonium, si habuerint filios, vel filium heredem, non transeant ad secundas nuptias, post obitum primæ uxoris; sed vivant in continentia. 10. In scutis in bello habebunt alam absque alio insigni, & in pace non ibunt sine illa. 11. Erunt Equites hujus fraternitatis vires humilibus, duri superbis, mulieribus, præcipue nobilibus, & viduis auxiliatores in omnibus, Fidei defensores, Læsum impugnatores, & superioribus obedientes. 12. Erit numerus militum juxta voluntatem Regis, & quem elegerit, mittet ad Abbatem Alcobatiæ, & ipse dabit ei alam, & cappam candidam cum sua benedictione; & accipiet ab eo juramentum in forma consueta, & leget ei istas ordinationes, & alias sui ordinis, & describet nomen ejus in codice.

*Et quia hæc est mea voluntas, & volo memorare posteris meis beneficium Domini, & S. Michaelis, constitui ego Rex Alfonsus hanc Militiam in Canobio Alcobatiæ Era 1205. Ordo iste omnino extinctus est, quod regis donationibus non esset ditatus.*

## §. III.

*De Militia S. Jacobi.*

**D**iversis temporibus militiæ hujus initium designant: alii ab Alfonso Casto; alii à Ranimiro, alii tandem ex anno 1160. Vassæus in chronico Ranimiri tempore institutam cum Jacobo Valera existimat, quod diploma Regis Ferdinandi Hispaniarum primi viderit, ejus exemplar penes se habuerit de institutione Monasterii S. Spiritus Salmanticæ, in quo & hujus ordinis, & magistri illius, & Commendatariorum multa mentio sit. Verum diploma illud, cui credidit Vassæus, quod ante centum amplius annos Ferdinandi tempore Virginibus Sacris, quæ Salmanticæ à S. Spiritu nomen habent, concessum est, falsi ab eruditis accusatur; res enim se ipsa prodit, sive stylum expendenti, ab eorum temporum abhorrentem, sive annos numerandi ab ortu Christi rationem consideranti nondum per hæc tempora in Hispaniis susceptam. Quamobrem ad anni circiter 1172 Venerabilis Regis Alfonsi Henrici tempore institutus est hic ordo in Gallæcia; & ab eodem Rege in Portugalia susceptus, & adauctus. Quo ex tempore D. Jacobi Apostoli sepulcrum ubi esset scitum est, ejus loci religio non ab Hispanis tantum, verum & ab exteris celebrari cæpit, multi toto orbe mortales conveniebant; multos alios itineris difficultas propter locorum sterilitatem, asperitatemque deterrebat; & Maurorum incursiones, à quibus multos etiam captivi nuntiabatur. D. Eligii Canonici Regulares in Gallæcia ut iis malis occurrerent, multis locis toto eo itinere domicilia extruxerunt peregrinis excipiendis.

Eo pietatis officio non plebis tantum animos, sed & Principum conciliarunt, qui magnis opibus, & vectigalibus ipsos

ditarunt : & postea eorum exemplo nonnulli viri militares in Castella nobiles, atque copiosi, in studio Christianam religionem ampliandi extiterunt, privatis rebus in commune collatis. Ii per id temporis Hyacinti Cardinalis per Hispanias Legati industria cum D. Eligii Canonici vires sociare certi Romam accesserunt, ut Pontifici Alexandro III vitæ genus probarent ad D. Augustini normam, quam Canonici ii amplectebantur. Anno 1175 Summus Pontifex militibus novam vitæ rationem præscripsit, & optimis institutis temperavit; pro habitu data cruce rubra in ensis modum : firmavit ut haberentur in ipso ordine, qui cælibem, si voluerint, ducerent vitam, & qui juxta institutionem Dominicam ad procreandam sobolem, & incontinentiæ præcipitium evitandum, conjugibus suis utuntur; ut sub unius Magistri obedientia in omni humilitate, atque concordia sine proprio viverent. Si viri præmortui forent, & relicte uxores, quæ ordinem susceperunt, nubere vellent, id Magistro denuntiaretur, sive Commendatori, ut cum illius licentia, cui mulier ipsa vellet, nuberet, quod etiam de viris esset observandum : ut nullus fratrum, sive sororum post ordinis susceptionem, & promissam obedientiam vel redire ad sæculum, vel ad alium ordinem sine Magistri licentia se transferret. In ordine ut essent tredecim fratres, qui Magistro cum opus esset, in consilio adessent, quorum aliquis si deesset, Magister de reliquorum consilio majoris partis alium ejus loco substitueret. Clerici ordinis superpellicii induerentur, per villas, & oppida simul manerent, & Priori obedientes existerent, filios fratrum, qui eis à Magistro committerentur, literarum scientia instruerent, & fratribus tam in vita, quam in morte spiritualia se ministrarent. Iis præcipua esset cura hospitum, & indigentium, & necessaria illis pro domus facultate conferrent. Si in locis desertis, aut in Saracenorum terris de novo Ecclesias construerent, Ecclesiæ illæ plena gauderent libertate, nec aliqua per Episcopos decimarum aut alterius rei exactione gravarentur, & per Clericos ejusdem ordinis idoneos easdem Ecclesias cum suis plebibus gubernarent, neque interdico,

neque excommunicationi per Episcopos subderentur; sed iis fas esset, tam in majori Ecclesia, quæ caput est ordinis, quam in illis, excommunicatis, & interdictis exclusis, divina semper officia celebrare.

Præterea liceret iis in locis suis ubi quatuor, vel plures essent fratres, oratoria construere; in quibus fratres, & alii de familia tantum divinum audire officium, & christianam possent habere sepulturam. Et si quis in aliquem fratrum, vel sororum manus violentas injiceret, excommunicationis sententia adstringeretur. Ad indicium autem hujus acceptæ à Sede Apostolica libertatis decem Malachinos Romanæ Ecclesiæ singulis annis persolverent.

Ordo sic institutus brevi ultra Gallæciam in Legionem, Castellam, & Lusitaniam diffusus est. Alfonsi Henrici tempore Portugaliæ ingressus ipsummet Regem, ac ejus filium Sanctum in præliis adversus Saracenos plurimū adjuvit, quapropter multis possessionibus est adauctus. Primum domicilium Olysi pone habuit in Monasterio, quod vulgus appellat *dos Santos o velbo*, usque ad Alfonsi II. tempus, quo Salaciam migravit è Mauris jam captam; regnante Sanctio II. usque Myrtilim sedem mutavit, inde tandem ad Palmelam ubi ad ætatem istam cœnobium extat ordinis caput. Vetus Sanctorum Monasterium Olyliponense, in quo corpora Sanctorum Martyrum Verissimi, Maximæ, ac Juliæ recondita fuerunt, tunc designatum est recipiendis conjugibus, ac filiabus Commendatorum, cum ad bellum proficiscebantur, ad tempus usque Joannis II. quo Sanctorum Martyrum corpora, & Sorores Commendatrices alio fuere translatae. A' tempore Venerabilis Alfonsi usque ad Dionysii Magistro de Vcles Lusitani Equites obtinebant; Nicolaus vero IV. anno 1290 auctoritate statuit Apostolica ut de Portugaliæ, & Algarbii regnis quempiam in Provincialem Magistrum assumerent, qui præfati ordinis, & personarum, ac bonorum ejus in spiritualibus, & temporalibus curam, & administrationem in Portugaliæ, & Algarbii regnis exerceret; quod etiam diplomate suo confirmavit Cælestinus V. anno 1294.

## §. IV.

## §. IV.

*De Militia Templi.*

**A**Nno 1119. Hugo de Paganis, & Gaufridus de Sancto Aldemaro septem cum sociis omnes viri nobiles Templariorum ordini initium dederunt: ad pedes Patriarchæ Jerosolymitani se adstrinxerunt ad viarum publicarum custodiam, & peregrinorum defensionem contra prædones, & sicarios. Jerosolymorum Rex Balduinus II. partem sui palatii juxta Domini templum concessit ad tempus, Abbas autem, & Canonici Templi Domini plateam, quæ juxta Regis palatium iis erat, eisdem ad construendas officinas tradiderunt. Unde Templi fratres appellati sunt. Novus ordo in Concilio Trecensi anno 1128. confirmatus est, ipsisque tradita regula, & vestes candidæ præscriptæ, quibus Eugenius III. postea rubeam crucem attexi curavit. Concilio præfuit Matthæus Cardinalis Episcopus Albanensis, Archiepiscopi Remensis, & Senonensis cum suis suffraganeis, Stephanus Cisterciensis, & S. Bernardus Claravalensis regulæ Auctor; quæ in Conciliorum collectionibus edita est: *Regula pauperum commilitonum Templi*: & novissime edidit Regius Academicus, Regiusque Senator Alexander Ferreira in sua Templariorum Historia. Ad eam amplitudinem evecta est nova militia, ut ultra Palæstinam longe, lateque in Europam diffunderetur. Nullum regnum, nulla-ve respublica Christianorum, quò non venerit. Inter ceteras Europæ provincias, in quibus Templarii domicilium habuerunt à primis ipsorum incunabulis, fuit Lusitania. Quo amore, qua munificentia eos suscepit Venerabilis Rex Alfonsus, & ejus Mater, tot monumenta testantur, quibus piissimus, ac munificentissimus Rex erga eos profundeatur.

Anno 1126. jam Jerosolymis Lusitaniam adventaverant ex monumento, quod ex archivo regio edidit Fr. Antonius Brandaõ regnante D. Taralia: *Hec ej. charta conventionis, & firmitudinis, quæ Magistro Galdino, & Arnaldo da*

R

*Rocha, ceterisque Templi fratribus. & simul junctis cum Pelagio Fernãdes, & Pelagio Petris, & uxoribus eorū; videlicet Maïna Soaris, & Maïor Soaris placuit fieri de illa villa nostra, quæ appellatur Ferreira, quam insimul habemus. Primus novæ militiæ Magister in Lusitania erat D. Galdinus patria Bracarensis, qui Portugalia derelicta, Jerosolymas petiit, ubi Templi militibus adscriptus cum Magno Magistro, & ceteris fratribus adversus Regem Ægypti, Syriæ, & Ascalonitas strenuissimus decertavit: post quinquennium in tot præliis transactum de Magistri Magni consensu ad Reginæ Tarrasæ preces cum Arnaldo da Rocha Milite etiam Templi Lusitano, & aliis in patriam se recepit eam à Saracenorum jugo liberatum.*

*In pervetusto codice archivi Monasterii S. Crucis à sexcentis ferme annis hæc firmitudinis charta inter Galdinum, ac ejusdem Monasterii Canonicos reperitur: In Dei nomine: hæc est charta venditionis, & firmitudinis, quam jussi facere ego Galdinus Magister militum templi una cum meis fratribus vobis Domno Joanni Monasterii S. Crucis Priori, & fratribus ibidem commorantibus de nostris domibus, quas habuimus in suburbio Colimbriæ in vestro terreno in loco, qui dicitur almunia Regis juxta Ecclesiam vestram: quarum isti sunt termini. In oriente via publica; in occidente via publica, in aquilone casa Dominici Feirol: in Africa vero domus de Petro grano de milio. Vendidimus vobis has domos sic terminatas, opus scilicet, quod ibi in vestro terreno fecimus pro precio, quod à vobis accepimus sex morabitinos; tantum enim nobis, & vobis bene complacuit, & de precio apud vos nihil remansit indebitum: habeatis ergo vos eas, & omnes successores vestri sicuti nos eas habuimus suis parietibus propriis circumquaque inclusas, & faciatis de illis quidquid vobis placuerit in perpetuum. Quod si forte nos, aut successores nostri, vel alius aliquis extraneus hanc chartam infringere, aut in aliquo diminueret voluerit, non sit ei licitum, sed pro sola temptatione sit maledictus, & excommunicatus quicumque*

fuerit, & cum Juda Domini traditore dampnatus, & quantum inde auferre temptaverit tantum in duplum componat, & domino terræ aliud tantum. Et si nos eam vobis in concilio auctorizare noluerimus, aut non potuerimus similiter componamus, & insuper hoc nostrum factum semper plenum robur obtineat. Facta venditionis, & firmitudinis charta mense Januarii Era MCCIII. Ego vero Magister Galdinus, qui hanc chartam jussi facere cum meis fratribus coram infra scriptis testibus propriis manibus roboravimus, & hæc signa fecimus, qui præsentés fuerunt. Era 1209. Castrum de Almaroul extruxit Galdinus, cujus vitam ad annum usque 1195. protraxit Fr. Hieronymus Romanus apud Brandað. (a)

Galdino in Ordinis Magisterio successit Dominus Lupus <sup>(a)</sup> Ferdinandes, quo Magistro, Sanctius I. Portugaliæ Rex <sup>Monarch. Lusit. lib. 12. cap. 18.</sup> Templi militibus Egitaniam hac donatione firmavit anno Domini 1199. Ego Rex Sanctius una cum filio meo Rege Domino Alfonso, & ceteris filiis, ac filiabus meis facio chartam firmissimi concambii vobis Domino Lupo Fernandi Magistro militiæ Templi, & fratribus vestris de civitate Egitaniam, quam vobis damus pro duobus castellis, scilicet Penis Rubeis, & Mugatorio, &c.

Erga Templi militiam non solus Sanctius, sed & ipsius parens Alfonsus extitit munificentissimus, <sup>(b)</sup> ex donationis monumento in archivo regio: In nomine Sanctæ, & Indi- <sup>Lib Ordin. Milit. fol. 62.</sup> viduæ Trinitatis Patris, & Filii, & Spiritus Sancti. Amen. Ego Alfonsus Dei gratia Portugalensium Rex, incipiens iter meum ad illud castellum, quod dicitur Sanctarem, propositum fuit in corde meo, & votum voti, quod si Deus sua misericordia illud mihi attribueret, omne Ecclesiasticum darem Deo, & militibus fratribus templi Salomonis constitutis in Jerusalem pro defensione sancti sepulcri, quorum pars mecum erat in eodem comitatu; & quia Dominus mihi talem fecit honorem, & bene completi voluntatem meam. Ego Alfonsus supra nominatus Rex, cum uxore mea Regina Domna Matilda facimus chartam

*supradictis militibus Christi de omni Ecclesiastico Sanctæ Herenæ, ut habeant, & possideant ipsi, & omnes Successores eorum jure perpetuo, ita ut nullus Clericus in eis, vel laicus, aliquid interrogare possit; sed si forte evenerit, ut in aliquo tempore mihi Deus pietate sua daret illam civitatem, quæ dicitur Ulixbona, illi concordarentur cum Episcopo ad meum consilium. Facta charta Mense Aprilis Era 1185*

Diu tamen Templi milites Sanctarenæ Ecclesiasticum non retinuerunt, quod Gilbertus Olyssiponenſis Episcopus confirmatus in iisdem Ecclesiis jura ad se pertinentia vindicaverit: quapropter piissimus Alſonſus inter Episcopum, & Templarios litem ita composuit: *Hæc est pax, & convenientia, quam ego Alſonſus una cum filiis meis facio inter Episcopum Ulixbonensem, & fratres milites Templi Hierosolymitani. Do, & concedo Deo, & militibus Templi illud castrum, quod dicitur Cera pro Ecclesiis de Sanctarem, quas illis prius dederam Era 1159.* Aliis quamplurimis largitionibus a Lusitanæ Regibus pro admirandis suis in bello meritis locupletatus est novus ordo, quas suis locis, ac temporibus non prætermittam. Erga Reges ipsos fidelitatis jurementum a Militiæ Magistro præstitum ex Alcobatiensi archivo palam fecit clarissimus Vir Fr. Bernardus de Britto in chronico Cisterciensi. (a)

(a)  
Lib. 2. cap.  
27.

*Ego N. Miles de ordine Templi, & noviter electus in Magistrum equitum, qui sunt in Portugalia promitto Domino meo Jesu Christo, & Vicario ejus Romano Pontifici N. & ejus successoribus legitime intrantibus perpetuam obedientiam, & fidem servandam in perpetuum, jureque me verbis, armis, viribus, & vita defensurum mysteria fidei, Sacramenta septem, quatuordecim fidei articulos, symbolum fidei, tam Apostolorum, quam Sancti Athanasii, libros tam veteris, quam novi testamenti cum expositionibus Sanctorum Patrum ab Ecclesia receptis, unitatem Deitatis, & pluralitatem Personarum in Divina Trinitate, perpetuam virginitatem, ante partum, in partu, & post*



*partum Virginis Mariæ filia Joachim, & Anne, ex tribu Juda, & stirpe Regis David. Deinde premitto submissionem Generali Magistro Ordinis, & obedientiam secundum statuta S. P. nostri Bernardi. Ad bella ultramarina proficiscar quoties opus fuerit. Contra Reges, & Principes infideles præstabo omne subsidium. Absque armis, & equo nunquam ero. A tribus inimicorum (si infideles fuerint) licet solus sim, non fugiam. Dona ordinis non alienabo, nec vendam, nec consentiam alienari, nec vendi ab aliquo. Castitatem perpetuam servabo. Regibus Portugaliæ fidelis ero. Civitates, & munitiones ordinis non tradam suis inimicis. Religiosis personis, verbis, armis, & bonis operibus, auxilium non denegabo, præcipue Monachis Cisterciensibus, & eorum Abbatibus, tanquam fratribus, & sociis nostris, in cujus testimonium sponte mea juro, me ipsa omnia servaturum, sic Deus me adjuvet, & ipsa Sancta Evangelia. Usque ad Dionysii Regis tempora potentissimus iste ordo in Lusitania floruit; sed propter infamiam morum corruptelæ, & flagitiorum tum capitum, tum membrorum à synodo Œcumenica Viennensi, Præsidente Clemente V. Summo Pontifice in universo orbe extinctus est. Ex cujus bonis Dionysius ipse, ut sæculo suo dicam, Militiæ Jesus Christi ordinem, Summo Pontifice Joanne XXII. approbante, instituit.*

## §. V.

*De Militia S. Joannis Hierosolymitani.*

**S**æculo duodecimo, quo tamen anno incertum, verum ante Templariorum institutionem Hospitaliariorum S. Joannis Hierosolymitani ordo incepit, cum civitas sancta sub Saracenorum dominio adhuc premeretur. Ægyptus Rex universas provincias à Laodicea Syriæ ad extremam usque civitatem Ægypti Alexandriam possidebat: quartam Hierosolymorum partem juxta Domini sepulcrum Suriani, & eorum Patriarcha sub annuo tributo habitabant; ceteræ urbis regiones à Saracenis incolebantur. Ex occidente ad terram

sanctam Christiani, aut negotiationis ergo, aut devotionis frequenter confluebant, inter quos Longobardorum, & præsertim Amalphitanorum mercatorum concursus erat frequentior. Hi Ægyptium Principem tributis, ac donis devincientes ab eo facile obtinuerunt, ut in honorem B. Mariæ juxta Ecclesiam Dominici sepulchri alteram conderent, ubi divina officia Latinorum ritu celebrarentur; quæ à suis fundamentis erecta, & jam perfecta Latinis Monachis tradita fuit, & S. Mariæ de Latina nomen habuit. Inde peregrinis mulieribus suscipiendis aliud monasterium in honorem B. Mariæ Magdalensæ extructum est, in quo Hospitalariæ Moniales constitutæ sunt. Tandem cum peregrinorum ad loca sancta convenientium indices maximus esset numerus, Monachi S. Mariæ de Latina infirmis, & egenis recipiendis hospitale, & Ecclesiam in honorem S. Joannis Eleemosynarii construxerunt.

Sed postquam Dux Godefridus, alique fideles Jerosolymas à Saracenorum tyrannide liberarunt, & Christianis moribus penitus restituerunt; Gerardus vir & natalibus, & virtute clarus, qui in Sancti Joannis hospitali pauperibus, & infirmis ministrabat, adjunctis sibi aliis honestis, ac piis viris, regularem habitum induit, vestem alba cruce insignivit, & crucem ipsam in pectore palam præferens solemnî professione se obstrinxit. Sanctum Gerardi propositum imitata est Agnes nobilis, ac pia scœmina. Domino novus ordo serviebat, infirmis, ac pauperibus, licet etiam pauperes, sedulo ministrabant, in agro qui vocatur *Haceldama* mortuos sepulturae manabant. Abbati S. Mariæ de Latina parebant, nec non Patriarchæ Jerosolymitano; cui de bonis suis decimas secundum Sacros Canones, & utriusque testamenti præcepta absque contradictione reddebant. Orationi vacabant, vigiliis, ac jejuniis se adligebant, parci sibi & austeri, pauperibus vero, ac infirmis, quos dominos suos appellabant, largi, & misericordes: panes de pura simila largiebantur infirmis, residuum vero cum fursure ad usus proprios destinabant. Siquis autem inter ipsos in aliquo delinquebat, non relinquebatur

impunitus, ne veniæ facilitas incentivum præberet delinquendi. Progrediente tempore milites cum servientibus in collegium admissi sunt, ut loca sancta adversus Saracenos defenderent, indeque ordo hospitalis totus in equestrem mutatus est. Hæc sunt ex Jacobo Cardinali de Vitriaco Historiæ Jerosolymitanæ cap. 64.

Cum Venerabilis Regis Alfonsi Henrici victoriæ è Saracenis partæ Jerosolymas usque advolarent; novi Equites Lusitaniam petierunt Regi adversus Arabes opem adlaturi. Qui ab Alfonso non tam benigne accepti, quam ditati sunt; & Priori cuidam, qui Hospitalarius dicebatur, obtemperabant. Inter hujus ordinis Priores Lusitanos primus extitit Dominus Arias, cujus Alfonso ipse meminit in donationis monumento erga novos Equites: *Ego Alfonsus, Hispaniæ Portugalensis Rex Comitis Henrici, & Reginæ Tarasie filius, magni quoque Regis Alfonsi nepos cum uxore mea Domna Mafalda regni mei consorte, & filiis meis volens propria largiendo, in cælis thesaurizare, ubi non erugo, nec tinea demolitur, ac sidereas præparare mansiones, ubi cum eis permissorum talentorum boni dispensatores regnaturi sunt, sicut ipse in Evangelio dicit: Venite benedicti Patris mei percipite regnum vobis à constitutione mundi præparatum, non surdus Evangelii auditor, quod intonat dicens: date, & dabitur vobis; quia sicut aqua extinguit ignem, ita eleemosyna extinguit peccatum. Et Psalmistæ dicentis: Beatus qui intelligit super egenum, & pauperem, in die mala liberabit eum Dominus. Quatenus à misericordie Deo Patre in die magni examinis, misericordiam consequi valeamus, facio chartam testamenti, seu firmissimi cæuti in honorem Dei, & omnium Sanctorum, atque Sancti Joannis Baptistæ, illius videlicet sanctæ civitatis Jerusalem, quod est juxta sepulcrum Domini, quo totus mundus flet, vobis Domino Raymundo illius prædictæ civitatis sanctorum pauperum procuratori, vobisque Domino Arie Portugalensium, Gallæcianorumque fratrum Priori, & presentibus fratribus, nec non successoribus vestris pro remedio*

anime meæ, & parentum meorum, de omnibus illis, qui usque ad diem istum, vel à me, vel ab aliis adquisita possedistis, & de his, quæ ab hodierno die, meo concessu, vel consilio, bonorumque virorum adquisiveritis, tam de Ecclesiis, quam de Villis, de hereditatibus, de redditibus, de servis, de ancillis, de junioribus, & de quibuscumque personis Regio dominio subjugatis, in vestris cautis, vel hereditatibus, vel Ecclesiis morantibus. Cauto igitur, & confirmo omnes vestras possessiones, quod nulla persona audeat vestros cauti terminos, vel hereditates, vel domos irrumpere, vel vestros homines prendere, vel aliquem vestrum molestore, aut in aliquo offendere; nec de calumnia, quam vestri homines fecerint, quicumque audeat aliquas exigere. Illasam, integram, & inviolatam servare cum suis hereditatibus, ceterorumque vestrorum cautorum terminos in suo robore firmissimo permanere concedo. Præterea homines in vestris hereditatibus commorantes ab omni servili negotio, & ab omni tributo absolvo. Si vero contigerit in aliis vestris hereditatibus aliquod istorum trium, scilicet, homicidium, furtum, vel rapina mulierum, quæ rausum dicitur, qui ista tria prædicta realiter, vel actualiter commiserit, & legitime comprobari poterit, omnibus aliis occasionebus, & cavillationibus remotis, juxta possibilitatem suam componat ita, quod causam non perdat, & de his, quæ per compositionem persolveret, medietatem mihi reddat, medietas vero in ipsa hereditate remaneat. Istud quoque concedo, quod nunquam peaticum, quod portagium dicitur vestro censu, vel de quibusdam rebus, quas vestri homines emerint, vel vendiderint, vel tria, vel aliqua requirantur. Quicumque igitur hanc meam eleemosynam amore Dei, & Sancti Joannis Baptiste pro remedio anime meæ, parentumque meorum factam, infringere, vel diminuerе voluerit, pro certo me sibi iratum credat, ac postquam domino suo, quæ abstulerit, ex integro restituerit, ducentos solidos probatæ monetæ componat, quorum ego mediam partem illi domui Dei, & pauperibus ejus concedo, & insuper

*per sit maledictus usque ad septimam generationem, nec insurgat in die iudicii cum Sanctis. Præterea adjicio, quod numquam fratres Hospitalis, vel eorum res, pro qualibet causa pignorentur, nisi prius in mea presentia causa pignorandi prolata fuerit, & quod causa fratrum Hospitalis bonorum virorum exquisitione semper terminetur. Facta charta testamenti, seu cauti 3. Kalend. Aprilis in Era milleesima centesima nonagesima octava.*

Ariæ in Prioratu successit Menendus Gundisalvi, qui Sanctii I. Regis tempore floruit Regi ipsi nimis gratus à consiliis. Anno 1186. scripturæ, qua Sanctius Rex largitiones à Patre suo Alfonso erga Sanctæ Crucis Monasterium factas firmaverat, ita subscriptit: *Menendus Gundisalvi, qui tenebat Ulixbonam.* Olyssiponi enim à Rege erat præfectus, qui à Maurorum, ceterorumque hostium terra, mari-ve impetu liberaret. Lusitanorum Regum munificentia novus Equitum ordo locupletatus adeo crevit, ut Prioribus suis Lusitanis, quos ætate nostra *do Crato* appellamus, ex Regio Portugalæ sanguine eformatis maxime fulgeat; præsertim Serenissimis Dominis D. Ludovico Pacis Juliæ Duce Felicissimi Emmanuelis Regis filio, D. Francisco Portugalæ Infante Serenissimi Regis Petri II. filio, & D. Petro Portugalæ quoque Infante Fidelissimi Regis Joannis V. nato; quos temporibus suis non prætermittam, si per Deum Immortalem sæculi hujusce, quo vivimus, Historiam contexuero. Insignes etiam per Lusitaniam militiæ hujus sunt Commendatarii *Grancrucii* quatuor, quos *Ballios* dicere consuevimus, *de Lega, Acre, Longo, & Negromonte*, præter vigintiquinque alios Commendatarios minores, quos aut in religione antiquitas, aut merita dignos extollunt.

Cum quidam Hospitalarii Fratres per Lusitaniam, & ceteras Hispaniarum provincias, qui administrationem, & Magistratum habuerant in domibus Hospitalis, & alii ejusdem ordinis, quod aliqua Magistrorum mandata dura existimarent, ad Cisterciensem ordinem se transferrent, Innocentius Papa III. ad Archiepiscopos Tarraconensem, Braca-

rensem, & Compostellanum literas dedit, curarent, nequīs ex temeritate, vel levitate in jacturam, & ruinam sui ordinis, sub prætextu maioris Religionis ad alium transvolaret, nec Cistercienses Abbates eos reciperent; & si reciperent, tam recedentes Fratres Hospitalarios, quam Abbates recipientes contra debitam formam ii compellerent, ut ab hujusmodi desisterent præsumptione, vel Ecclesiasticæ censuræ subicerentur. Hujus Epistolæ meminit Ballusius n. 178.

## §. VI.

*De Ordine Militiæ S. Juliani.*

**I**Nter ceteros Equestres ordines, qui in Lusitania non tam floruerunt, quam ortum duxere suum, non est cur silentio obruatur noster, qui S. Juliani dicebatur, & temporibus istis sub *Alcantaræ* nomine in Hispaniis floret. Legionenses quidam Equites, quos antebat Suarius patria Salmantinus, inter se sociere obstrinxerunt adversus Mauros vitæ suæ curriculo pugnaturi: quapropter terræ tractum hostium incursionibus obsistendis facilem petierunt. Ad Cudam flumen in Lusitania properantes, Eremitam Amandum nomine, qui militiæ quondam renuntiaverat soli Deo vacaturus, obviam facti invenerunt. Amando vitæ novæ propositum, ac desiderium declararent, qui consultus arcem eo loco extrui hostibus expellendis aptissimam jussit prope sacellum suum S. Juliano dicatum, à quo, & ab oppido *do Pereiro*, ubi situm erat, S. Juliani *do Pereiro* novus militiæ ordo nomen accepit. Ad eam amplitudinem evectus est brevi, ut sub Rege Venerabili Alfonso Henrico Saracenis terrori esset. Ut indies in tam admirabili, sanctoque proposito perseverarent, de religiosa equestri vita deliberarunt. De Amandi consilio ad Salmanticensem profecti sunt Episcopum Ordonium, qui novam vivendi regulam, ac statuta firmavit.

Anno 1177. Summus Pontifex Alexander III. diplomate suo Apostolico roboravit; & anno 1183. Lucius III. & anno 1205. Innocentius III. privilegiis quamplurimis Julianos mili-

tes decorarunt. Primus hujus ordinis Prior fuit Suarius, cui successit frater suus D. Gomeſius, qui Militiæ S. Juliani Magistri nomenclatura à Lucio Papa insignitur. Anno 1213. Alcantara ab Alfonso IX. Legionensi Rege devicta, Juliani Equites, illic domicilium suum collocarunt, Rege ipsomet largiente; ex Alcantara vocitari caperunt; omnia, quæ per Lusitaniam possederant, amiserunt. In Hispaniis tamen hætenus florent primorum nobilitate, ac divitiis perillustres. Scapulare, quod genua tegebat, & capucio pro indumento utebantur; quod cum armis in bello tractandis non esset facile, in crucem in pectore gerendam Aviliensis ordinis non ablimilem mutarunt.

## C A P. VI.

*De Canonicorum Regularium Monasteriis.*

## §. I.

*De Monasterio S. Crucis Colimbriensi.*

**A**B Incarnatione Domini anno 1131. octava indictione, Archiepiscopo Bracaræ Pelagio, Colimbriæ Episcopo Bernardo, Archidiaconus Tello sibi adjuncta precerum juxta Apostolorum numerum duodenarium manu, Monasterii Sanctæ Crucis in suburbio Colimbriæ jacere adortus est fundamentum. Vir ille religione plenus, de cujus vita alibi agam, in dies, ac noctes cepit suum novi extruendi Monasterii urgere propositum, sed deficiebat adhuc locus, quem in civitatis suburbio his usibus satis, superque congruum invenit, sed qua ratione, quibusve machinis, vel quo consilio haberetur, ab eo ignorabatur. Petiverat namque quondam ipse Presbyter à Regina Tarasia, quæ promissum non dederat, quod in regno turbarentur omnia. (a) „ Venit ergo „ tempus „ ait Magister Petrus Alfardus, „ Ut desideratum „ Presbyteri Deus vellet adimplere propositum. Emerat for-  
De ejus Monasterii fundatione.  
 „ te non sine Deo apud montem Petulanum quamdam „ quam

„ vulgo fellam appellare solent , nimis pulchram , & equitan-  
 „ di usibus superque decentem , quæ , dum die quadam fe-  
 „ dens super mulam per Colimbriam Archidiaconus solito  
 „ viam incedens regiam , ab aulicis visa , cerneretur pulchra ,  
 „ quidam de aulicis illis venustatem animo contemplans ro-  
 „ gabat Infantem , ut ab Archidiacono sibi postularetur in  
 „ dono. Nec mora rogatus dat , subjiciens subitus Judæos  
 „ balneas regias munusculum pro pretio.

„ Sed quia regia censura aliter , quam nostra agitur  
 „ causa, Piissimus Princeps animi hilaritatem frontis extensio-  
 „ ne , & faciei jucunditate ostentans , dixit Archidiacono se  
 „ prius rem visurum , illud recogitans Salomonis sapientissimi  
 „ Regis, Omnia fac cum consilio , ne poenitearis. Deus autem  
 „ ex alta providentiæ specula sancti Presbyteri sui favens de-  
 „ sideriis , regis , ejusque dapiferi , qui omnibus sequenti gra-  
 „ du præerat, Ermigii , maximi , & prudentis viri , & nostri  
 „ Domini Regis super omnes Consilarii auriculam revelavit ,  
 „ ut sciret totis Archidiaconi consiliis. Quo & factum est.  
 „ Nam & chartam regiis signis adnotata sic scribitur.

„ Ego Inclytus Infans Domnus Alfonso bonæ memo-  
 „ riæ Magni Alfonso Imperatoris Hispaniæ nepos Comitis  
 „ Henrici , & Reginæ Tarasæ filius , vobis Telloni Archidia-  
 „ cono facio chartam donationis , & firmitudinis de illis bal-  
 „ neis regalibus , quæ sunt in suburbio Colimbriæ , sub Ar-  
 „ ravalde de illis Judæis. Do , & concedo vobis , illa balnea  
 „ cum suis locis , & terminis antiquis cum suo fonte , & aquæ  
 „ ductu , sicut fuit in diebus Alvazil Domni Sisnandi , habeat-  
 „ tis vos illa prædicta balnea firmiter jure hæreditario , &  
 „ faciatis de illis quidquid vobis placuerit , & hoc facio pro  
 „ bono servitio , quod mihi fecistis , & amore cordis mei , quem  
 „ erga vos habeo. Si autem aliquis tam de extraneis , quam  
 „ de propinquis hoc factum meum irrumpere voluerit ( quod  
 „ fieri non credo ) vobis , vel qui vocem vestram pulsaverit  
 „ illam hæreditatem cum quanto fuerit meliorata componat  
 „ in quadruplum , & regiæ potestati , quod liber Judicum præ-  
 „ cepit , & in imo Tartarii habeat portionem. Facta charta do-



„nationis, & firmitatis V. Idus Decembris Era MCLXVIII.  
 „Ego Inclutus Dominus Alfonſus hanc chartam propria ma-  
 „nu roboro. Qui præſentes fuerunt Ermigiſus Monis Curia  
 „Dapiſer. Ferdinandus Alſeres Conf. Annaia Gueſtruris  
 „Gundifalvo Dias Conf. Alfonſus Pelvis Conf. Randulſus te-  
 „ſtis. Alvito teſtis, Suario teſtis, Petrus Cancellarius In-  
 „ſantis.

„Emit etiam hortum ab Epifcopo Bernardo, & ejus  
 „Canonicis juxta ſe poſitum fontem aquarum habentem lar-  
 „giſſimum, juxta quem ordinavit fieri clauſtrum. Unde Dei  
 „Sacerdos, naſta fabricandi libertate, ſocios ſibi, tantique  
 „adjutores operis adſcivit, non jam duodecim numero, ſed  
 „ſerme ſeptuaginta duos, Joannem Peculiarem, qui Portus  
 „Gayæ Epifcopus, poſt mortem Pelagii Bracaræ præſcitur  
 „Archiepifcopus: Theotonium ejusdem Monafterii Priorem;  
 „Odorium S. Jacobi Presbyterum; & alios, quorum nomi-  
 „na videtur ſupravacaneum in hac adſcribi pagina, cum  
 „in divina pro eorum meritis coram Deo quotidie reciten-  
 „tur tabula. „Haſtenus Magiſter Alſardus: ſed ex anti-  
 „quiſſimis hujus Monafterii archivi monumentis tam inſignium  
 „Virorum nomina ſuæ antiquitatis ordine poſteriorum memo-  
 „ria tradere non pudeat, imo plenum ſit gaudium in exem-  
 „plum. Videlicet D. Joannes Peculiaris Bracarenſis poſtea Ar-  
 „chiepifcopus, de quo ſatis alibi. D. Arius Forjas, qui vir-  
 „tutibus clarus die 17. Septembris anno 1169. ab humanis ex-  
 „ceſſit, D. Menendus poſtea Lamecenſis Epifcopus, qui Era  
 „1207. in Epifcopatu vivebat ex veteri libro *dos Feraes* ejusdẽ  
 „Monafterii. Magiſter D. Petrus Alſardus, de quo infra. D. Za-  
 „lame Godinus Abbas S. Thomæ de Mira, qui prima die Ju-  
 „nii anno 1158. vitam finiit. D. Honorius, ſive Odorius Prior  
 „S. Jacobi Colimbrienſis Eccleſiæ, qui ſeptima die Auguſti  
 „anno 1160. obiit, D. Ovecus, D. Joannes Theotonius, qui  
 „ejusdem Monafterii poſt S. Theotonii obitum ſecundus Prior  
 „fuerat, & vigefima nona die Octobris anno 1181. obiit. D.  
 „Petrus Menendus Canonicus Sedis Colimbrienſis, qui die de-  
 „cima quarta Aprilis anno 1153. ſpiritum ſuum Deo reddidit,

D. Sefnanus Abbas S. Mariæ Montis Maioris, qui annis, & meritis clarus tertia die Novembris anno 1164. obdormivit in Domino, & S. Theotonius, cujus res clarissime gestas infra describam; qui licet ultimus à Tellone in novum collegium advocaretur, in prædictis monumentis primum in subscribendo locum occupat, quod omnium Prior esset electus.

„Posuerunt juxta hanc auctoritatem (*prosequitur Al-*  
 „*farus*) primum fundamenti lapidem quarto Kalendarum  
 „Julii Petri, & Pauli Apostolorum Principum vigilia. Tu es  
 „Petrus, & super hanc petram ædificabo Ecclesiam meam,  
 „& mirum in modum balnea commutantur, ut quia hic ab-  
 „luerentur hominum corpora, quodam Dominicæ Crucis,  
 „& aquæ Baptismatis secreto, Redemptionisque cruoris ora-  
 „culo efficeretur Sanctæ Crucis Ecclesia . . . Anno nondum  
 „revoluto sexto Kalendarum Martii, festivitate Mathiæ A-  
 „postoli feria quarta in capite jejunii armati sunt Apostolorum  
 „proposito sub habitu degentes, & regula Beati Augustini,  
 „hanc Deo Antiphonam digne cantando = Immutemur ha-  
 „bitur in cinere, & cilicio: jejunemus, & ploremus ante  
 „Dominum, quia multum misericors est dimittere peccata  
 „nostra Deus noster. His rite, & juxta Dei voluntatem com-  
 „politis, orta est intolerabilis supra quam dici potest sedi-  
 „tio, Canonicis Sedis Sanctæ Mariæ Archidiaconum cogen-  
 „tibus sibi loci, Monasteriique fieri debere testamentum.  
 „Unde vir tanta sapientia præditus animi virtute proster-  
 „natus, & inhabitantibus supereminens illorum Sedis Cano-  
 „nicorum periculum, & loci libertatem esse utilem, quam  
 „caivis foret pervium, recogitans altius cepit cum adjunctis  
 „sibi sociis, casibus, & fortunis providere futuris, & de loci  
 „libertate tractare propensius. Occasione itaque satis com-  
 „moda sedis pro libertate accepta, proficiscitur Romam,  
 „Sanctæ Crucis Monasterii, totiusque proprietatis faciens so-  
 „ciis ipsum inhabitantibus, tam futuris, quam præsentibus  
 „testamenti devota mente, & firmitudinis seriem. Deinde  
 „vale licens fratribus lacrymans captum pergit iter, & id  
 „exemptionis Monasterii privilegium ab Innocentio II. pro-  
 „pria manu roboratum promeruit.

En primum Sanctæ Crucis Monasterii exemptionis, ac libertatis monumentum : „ Innocentius Episcopus Servus Servorum Dei. Dilectis filiis Odorio Priori, & fratribus Ecclesiæ Sanctæ Crucis in Colimbriensis Civitatis suburbio sitæ, eorumque successoribus canonicam vitam professis in perpetuum. Desiderium quod ad Religionis propositum, & animarum salutem pertinere monstratur, auctore Deo, sine aliqua est dilatione complendum, ut fidelis devotio celerem sortiator effectum. Proinde dilecti in Domino filii per interventum filii nostri Tellonis Colimbriensis Archidiaconi, vestris postulationibus affectione paterna gratum præbemus assensum, & Ecclesiam S. Crucis, in qua divinis estis obsequiis mancipati in Beati Petri tutelam, protectionemque suscipimus, & præsentis scripti pagina communimus : statuentes ut Ordo Canonicus, qui secundum Beati Augustini regulam ibidem, cooperante Domino, noscitur institutus, perpetuis temporibus, inviolabiliter observetur. Sane possessiones, & bona, quæ aut in futurum concessione Pontificum, largitione Regum, oblatione fidelium, seu aliis justis modis, præstante Domino, poterit adipisci, vobis, vestrisque successoribus, & per nos prædictæ Ecclesiæ S. Crucis præsentis privilegio confirmamus. Decernimus ergo, ut nulli omnino hominum liceat prænominatam Ecclesiam perturbare, aut ejus possessiones auferre, vel ablatas retinere, minuere, aut aliquibus vexationibus fatigare : sed omnia integra conserventur eorum, pro quorum gubernatione, & sustentatione concessa sunt, usibus omnimodis profutura : salva nimirum Diocæsani Episcopi reverentia. Ad indicium autem perpetuæ hujus à Romana Ecclesia libertatis duos bisantios annis singulis nobis, nostrisque successoribus persolvatis. Siqua igitur in futurum ecclesiastica, sæcularisve persona hanc nostræ constitutionis paginam, sciens contra eam temere venire temptaverit, secundo, tertiove commonita, si non satisfactione congrua reatum suum correxerit ; potestatis, honorisque sui dignitate careat ; reaque se divino judicio existere de perpetrata iniquitate

„cognoscat : & à Sacratissimo Corpore, & Sanguine Dei, &  
 „Domini nostri Jesus Christi aliena sit, atque in extremo exa-  
 „mine districtæ ultioni subiaceat. Canctis autem eidem Ec-  
 „clesiæ sua jura servantibus sit pax Domini nostri Jesu Chri-  
 „sti : quatenus & hic fractam bonæ actionis percipiat, &  
 „apud districtum Judicem præmia æternæ pacis inveniat.  
 „Amen, Amen, Amen *Locus sigilli.* Ego Innocentius Ca-  
 „tholicæ Ecclesiæ Episcopus, Ego Lucas Presbyter Car li-  
 „nalis tituli Sanctorum Joannis, & Pauli. Ego Guido Dia-  
 „conus Cardinalis Sanctorum Cosinæ, & Damiani. Ego  
 „Chrisogonus Diaconus Cardinalis S. Mariæ in Portu. Da-  
 „tum Pisis per manum Almerici S. R. E. Diaconi Cardina-  
 „lis, & Cancellarii VIII. Kal. Junii Indictione XII. Incarna-  
 „tionis Dominicæ anno 1135. Pontificatus Domini Innocentii  
 „secundi anno sexto.

Erga Monasterium amore plenus Innocentius ad Alfon-  
 sum, & Bernardum Colimbriensem Episcopum hujusmodi  
 literas misit : *Innocentius Episcopus Servus Servorum Dei*  
*Dilecto in Christo filio, Illustri Viro Alfonso Portugalen-*  
*sium Duci salutem, & Apostolicam benedictionem.* Quod  
*personam, & honorem tuum paternis affectibus diligamus,*  
*sæpe cognoscere potuisti. De tua itaque nobilitate plurimum*  
*confidentes rogando mandamus : quatenus sicut nos pro Co-*  
*limbriensi Ecclesia tuis precibus acquievimus, ita nibilo-*  
*minus pro Ecclesia Sanctæ Crucis Colimbriensis postulatio-*  
*nes nostras exaudias : ut videlicet pro Beati Petri, & no-*  
*stra reverentia, fratres ejus loci attentius diligas, & ho-*  
*nores, & à nullo infestari permittas. Per hoc namque tam*  
*in præsentî, quam in futuro seculo maiorem laudem, &*  
*gloriam consequeris. Datum Pisis XIII. Kalendas Junii.*

*Innocentius Episcopus Servus Servorum Dei Venera-*  
*bili fratri Bernardo Episcopo, & dilectis clero, & populo*  
*Colimbriensi salutem, & Apostolicam benedictionem.* In  
*Beati Petri cathedra, disponente Domino constituti, Co-*  
*limbriensem Ecclesiam, & vos ipsos paterno affectu dili-*  
*gimus : & vestris postulationibus secundum Deum assensum*  
*præ-*

*præbemus : ceterum gratum nobis est , quod in Ecclesia S. Crucis , quæ incivitatibus suburbio sita dignoscitur , coope-  
rante Domino , religionem accepimus institutam . Ea pro-  
pter dilectionem vstram rogando mandamus , ut locum  
ipsum , & fratres inibi Domino famulantes pro Omnipoten-  
tis Dei reverentia diligatis , & propensius honoratis ;  
nec eis injuriam , aut molestiam inferatis , nec inferri ab  
aliis patiamini , quatenus & ipsi libentius , & quietius di-  
vinis valeant vacare obsequiis ; & vos pro impensa eis bene-  
volentia tam temporaliter , quam spiritualiter ab Omnipotenti  
Deo retributionem percipere mereamini . Datū Pisis XIII.  
Kal. Junii .*

Incredibile quidem fit quot Regis , ac fidelium largitionibus brevi ditatum est Monasterium ; quot Romanorum Pontificum privilegiis à suæ conditionis primordiis fuit locupletatum . Michael Colimbriensis Episcopus , qui ejusdem Monasterii fuerat Canonicus Era 1200. statuit , ut Monasterium cum suis Parochiis , & Parochianis , & Confratribus ab omni Episcopali jure , & exactione omnino esset liberum , ut omnes Ecclesias in castro Leirenæ , Sancti Romani , & Sanctæ Marinæ de Sena , S. Joannis de Alcoba , de Mira , de Talaveiro , & illas , quæ noviter ædificarentur , & quidquid Venerabilis Rex Alfonso dederat , possideret , ut nec ipse , nec aliquis ex successoribus decimas exigere præsumeret . Siquis ad Ecclesiam converti vellet , & ibidem religionis habitum assumere , nullus prohiberet ; sepulturas ejusdem loci liberas concessit , ut videlicet quicumque Clericus , sive laicus se illic sepelire deliberaret , ejus devotioni , ac extremæ voluntati nullus obfisteret , nisi forte antea pro aliqua causa rationabili esset excommunicatus , ita tamen ut de suis bonis Ecclesiæ suæ partem faceret . Chrisma quoque , oleum sanctum , consecrationes altarium , seu basilicarum , ordinationes Clericorum gratis exhibuit : ut Episcopus Colimbriensis ibi non haberet quamlibet potestatem imperandi , vel prohibendi , vel aliquam ordinationem quamvis levissimam faciendi , nisi esset rogatus , quatenus Canonici semper manerent in maiorum

fuorum perfecta libertate. Et si qua forte causa inter Monasterium, & Colimbriensem Sedem eveniret, & pacifice inter se non posset terminari, apud religiosos viros Dominum timentes sine voluntaria dilatione finiretur: ut Episcopi, & Priores suæ sedis specialiter in Neucrologio conscriberentur, & pro omnibus Canonicis in unoquoque anno communis commemoratio fieret. Libertatis chartam firmavit ipse cum Rege Alfonso, & suæ Ecclesiæ Canonicis, ut ex Magistro Petro Alfardo in veteri manuscripto codice, quem sanctum appellamus, fit palam.

Exemptionem hancce à Michaelē concessam firmavit Alexander III. Summus Pontifex 17. Kalendas Septembris Indictione II. anno Incarnationis Dominicæ 1163. anno 4. sui Pontificatus, datis literis ad Joannem Priorem Ecclesiæ Sanctæ Crucis, quæ incipiunt: *Ad hoc universalis Ecclesiæ cura*, & in ejusdem Monasterii archivo asservantur. Enim vero, aliquot elapsis annis, Petrus Suarius Colimbriensis Episcopus factus Monasterii exemptionem turbavit, ad Romanum Pontificem Innocentium III. accessit, ut alibi dictum est, conquestus omnia à Michaelē Episcopo decessore suo fuisse concessa de Canonicorum assensu per *præconem* Episcopi, & *portarium* Regis extorto: Petrus Alvares Nogueira Colimbriensis Canonicus in libello de Episcopis Colimbriensibus in vita ejusdem Episcopi Michaelis addit tam ipsum Episcopum, quam Regem Alonsum Canonicos consentire renuentes alios in carcerem misisse, alios in exilium, alios bonis multasse: quapropter cum Canonicorum consensus fuisset per minas, & terrorem extortus, actus celebratus rescinderetur, tamquam per gravem metum elicitus. De Venerabili Rege Alfonso morum sanctitate conspicio facile id non credere: conquirebatur etiam Petrus Michaelē duo milia morabitorum, quæ adquisierat in Episcopum jam promotus eidem dedisse Monasterio in suæ Ecclesiæ præjudicium.

His auditis, Innocentius ad Decanum Olyssiponensem, & Petrum Frodis Priorem Monachum de Alcobatia scripsit Epistolam, quæ est 224. apud Stephanum Balusium, & 19.

apud Eminentissimum de Aguirre, quatenus partibus convocatis, diligentius de præmissis inquirerent veritatem; & si privilegium ipsum in grave dispendium Colimbriensis Ecclesiæ redundaret, auctoritate Apostolica, appellatione remota, legitime revocarent. Balusius ipse aliam Innocentii Epistolam exscripsit n. 332. ad Decanum Olyssiponensem, de Alcobia, & S. Mariæ de Carcadi Priores datam Reate II. Idus Augusti anno I. Pontificatus; quibus eadem causa agnoscenda committitur. Verum cum ad Innocentium esset appellatum; & pro Canonicis Monasterii nullus compareret responsalis, ejusdem Priori, & Canonicis in virtute obedientiæ districtè præcepit literis suis Kalendis Decembris (quæ exstant in Codice Epistolarum Innocentii III. à Guillelmo Sirleto S. Romanæ Ecclesiæ Cardinali) ut usque ad festum omnium Sanctorum proxime futurum per se, per procuratoresve idoneos ad Sanctam Sedem accederent, super privilegiis omnibus, & libertatibus, quæ à Romanis Pontificibus, vel à bonæ memoriæ Colimbriensi Episcopo se obtinere dicebant, & super aliis à Colimbriensi Ecclesia intentatis definitivam sententiam recepturi: interim autem utrique parti liceret coram Abbatibus de Alcobia, & de Seica, & Ferdinando Menendo Monacho Alcobatiæ proponere, ac probare, si quid aliud proponendum ducerent, ac probandum.

Postmodum cum Episcopus Colimbriensis accessisset, supervenerunt duo Canonici Sanctæ Crucis, qui nec literas habebant delati, nec procuratores ad hanc causam fuerant destinati: verum Episcopus animum Sanctii Portugaliæ Regis, qui adversus eum hac de causa erat motus, placatum reddere sibi volens convenit cum Canonicis iis, ut Episcopo Zamorensi, & Zamorensi, ac Auriensi Decanis causa eadem committeretur terminanda: quapropter Summus Pontifex Innocentius III. causam tradidit iudicibus his principalem cum incidentibus jam ex probationibus coram Abbatibus Alcobatiæ, & Seicæ instructam. Licet super judicium jurisdictione diu fuerit certatum occasione compromissi facti inter Decanum Colimbriensem, & Procuratores Monasterii in Regem ipsum,

ac Priores da Costa, ac Vimariensem, Innocentius pronuntiavit illud impedimento non esse quominus delegati Zamorenses ex commissione sua in causa possent procedere. Iudices autem de causa actum esse credentes sua sententia infirmarent libertatem, quam Michael Colimbriensis Antistes Monasterio contulerat Canonorum assensu per *portarium* extorto.

Ast Monasterii procurator proposuit sententiam non valere, nec tenere; quod si alias etiam illa teneret; quia Monasterium fuerat indefensum, nec exhibita fuerant coram eis libertatis privilegia, ne delictum personæ in Ecclesiæ damnum refundaret, ad privilegia exhibenda debebat admitti, quod sibi concedi de Sedis Apostolicæ benignitate postulavit. Igitur Innocentius aspiciens, quod privilegia non solum pro Monasterii libertate facerent, verum & suum jus, & Ecclesiæ Romanæ iustitiam tuerentur, ne in hanc Monasterii læsio fieret, ad privilegiorum exhibitionem partem de gratia duxit admittendam. Itaque inter libertatem ab Episcopo Michaeli Ecclesiæ ipsi concessam, & libertatem, quam ei longe ante tempus ipsius Episcopi Apostolica Sedes indulserat, distinxit: illam ab Episcopo datam (per extorsionem) irritam decrevit, & inanem, ac super id sententiam delegatorum iudicum confirmavit aliam a prædecessoribus suis, Innocentio II. ac Lucio II. indultam libertatem, in cuius possessione tandiu fuerat Monasterium, auctoritate Apostolica confirmavit: & sententiæ delegatorum iudicum in nullo super hoc derogavit, cum ipsi de hac libertate non agnoscerent. Antiquissimam Monasterii exemptionem pertractarunt quotquot in cap. cum olim 14. de Privilegiis Commentarios suos ediderunt clarissimus Augustinus Barbosa, Emmanuel Gonzales Telles, & alii.

Exemptionis libertate ab Innocentio II. concessa utebatur Monasterium in S. Joannis parochia. quæ propter magnam locorum distantiam Sacramentis facilius ministrandis parum commodam in quinque filiales postmodum partita est, S. Joannis da Quintam, S. Martini de Athianha, S. Augusti-



ni de Antozede, & S. Michaelis da Ribeira, & aliam de Valdecoelha in Lamecensi Episcopatu. Limites parochiæ Sanctæ Crucis ita describuntur in charta, quæ a Magistro D. Petro Alfardo scripta est in ejusdem Monasterii archivo: *Isti sunt termini parochiarum de Monasterio Sanctæ Crucis, quos Joannes Peculiaris Archiepiscopus Braccarensis, & Bernardus Colimbriensis Episcopus cum Roderico Priore Colimbriæ, & Gundisalvo Dias, & Martino Anaia, & Suario Gotterris, & Salvatore Zoleimas, & Fernando, & Pelagio Gutierri, & Martino Zouparel, & Menendo Pelais, & Fromarigo Gutierri tunc temporis Maior domo civitatis, & Petro Menendis Judice, & multis aliis Civibus Colimbriæ determinaverunt per mandatum Infantis Portugalis, Domini Alfonsi, qui tunc Colimbriæ erat. Ab Africo terminatur per ripam Judeorum descendendo per casam Gundisalvi transversa ad casam Golias, per illam Almocovaram Judeorum ad Almuniam Regis, quæ tota includitur cum suis terminis, & parietibus antiquis, sicut eam Rex dedit Monasterio Sanctæ Crucis: & in fine ipsius Almunie includitur etiam ab Africo illa hereditas, quæ fuit Salvatoris Zuleime, & nunc est hereditas propria Sanctæ Crucis, & pervenit terminus ad illam aliam Almuniam Regis, ibique terminatur in occidente. Ab Aquilone vero versus orientem terminus descendit per viam antiquam, quæ venit de Columbario Petri Alpoi; per illum furnum ad portam Mauriscam; & à porta Maurisca includit hereditatem Martini Alfarde, & pervenit ad torrentem de balneis Regis, & inde descendit ad præfatam aliam Almuniam Regis inferiorem, ibique finitur terminus à septentrionali parte in occidente. Item ab ortu Solis ascendit à prædicto columbario per crepidinem montis rubei ad vineam Petri Alpoi, quæ nunc est de Monasterio Sanctæ Crucis: & inde emergit prope modum usque ad fontem Judeorum: unde per directum versus Eorum tendit ad murum civitatis, ibique terminatur super portam novam. Jam quidquid aliud est usque ad Gundisalvum transversum,*

*Vicus Judæorum separat. Facta est autem hæc descriptio, sive determinatio inter Parochianos Sanctæ Crucis, & inter Parochianos S. Jacobi, & S. Justæ Era 1175. Mense Junio, regnante Illustrissimo Infante Domino Alfonso, & tunc Archiepiscopo Bracaræ D. Joanne Peculiari, & Domino Bernardo Colimbriensi Episcopo, Priore Sedis S. Mariæ D. Joanne Anata: tempore Domini Theotonii primi Prioris Monasterii S. Crucis anno ab Incarnatione Domini 1137.*

Hic prætereuntium non est juxta S. Crucis Monasterium extitisse Judæorum synagogam, quæ non tantum ex dicto monumento, verum & ex aliis constat, quæ in ejusdem Monasterii archivo reperiuntur. Honorius III. Laterani VI. Nonas Maii anno Domini 1217. sui Pontificatus 1. Priori, & Conventui nostro concessit facultatem corrigendi excessus Clericorum, qui in Ecclesiis Monasterii exemptis degerent. Postquam Prioratus ad triennium tantum adstrictus est, omnem jurisdictionem quasi Episcopalem ejusdem Monasterii Prioribus concecit Paulus III. Summus Pontifex anno 1535. die 7. Kalendas Maii in literis, ait: *Monasterium Sedi Apostolice immediate subiectum per Priorem gubernari solitum Sanctæ Crucis Colimbrie Ordinis S. Augustini, & infra ibidem: Prior claustralis, durante triennio, omnem in spiritualibus, & temporalibus in dicto Monasterio, ac illius Capella S. Joannis eidem Monasterio contigua, in qua dilectis filiis Parochianis Ecclesiæ ipsius Monasterii, que etiam Parochialis existit, Ecclesiæ Sacramenta ministrantur, nec non in Canonicos Parochianos, & personas ejusdem Monasterii jurisdictionem, dominium, potestatem, correctionem, & superioritatem exerceat, ac infra clausuram ipsius Monasterii cum omni sua jurisdictione in spiritualibus, & temporalibus continue resideat. Ast posteriora sæcula non percurram, duodecimo tantum sistam.*

Alexander III. Romanus Pontifex anno Domini 1163. decimo septimo Kalendas Septembris ad Dominum Joannem Theotonium Monasterii Priorem, ceterosque Canonicos li-

teras dedit, ut deinceps post Joannis ipsius mortem Prior a fratribus libere eligeretur : quod certitudini fundamento est nemini in Monasterio jus fuisse patronatus. Celestinus III. anno Domini 1196. Pontificatus sui 5. ad Dominum Joannem Froile V. Monasterii Priorem scripsit privilegium concessurus, ut eidem, & successoribus licitum esset *intra ambitum Ecclesie Sancte Crucis, & in finibus, & solennibus diebus mitra, & annulo insigniri; & contra ejusdem Ecclesie antiquam consuetudinem extra eandem Ecclesiam iisdem benevolentiis evagari*. Ea erat erga Monasterium Caestlini benevolentia à tempore, quo in Lusitania legatus Apostolicus Hyacinthus nomine illud visitaverat, ut Romanus Pontifex factus Monasterii immunitates firmaverit, & ipsum Apostolicam Cameram, & Divi Petri patrimonium cognominaverit : quamobrem in veteri Monasterii Neucrologio Monasterii Pater, ac Defensor sic inscribitur sexto Idus Januarii. *Obiit Dominus Celestinus Papa III. Pater, & Defensor Monasterii S. Crucis anno 1197.*

Nec tantum Romanorum Pontificum, ac Lusitaniæ Regum largitionibus ditabatur Monasterium, verum & piorum virorum, qui bona sua, ac hæreditates ad Prioris manus offerebant, aut in claustro communem vitam acturi, aut extraclaustro Deo facilius vacaturi. Quot viri sanctitate insignes ibi floruerunt ? Hispaniarum, ac Lusitaniæ Ecclesie testantur, ad quarum regimen assumpti sunt, & advocati : testatur etiam ipsa Historia suis locis, ac temporibus. Nec viri tantum, imo & nobilissimæ sceminae saluberrimis Canonico-rum institutis perficiebantur. Duplex enim erat Monasterium ; sceminae quippe regularem vitam amplexæ contiguæ erant sub S. Prioris Theotonii disciplina : à cujus, ac successorum manibus habitum, ac sacrum Virginum vellus suscipiebant, inclusæque appellabantur, ad aliam diversitatem, quæ sub obedientia, & in castitate Canoniarum habitu in privatis domibus debebant, ut ex quamplurimis constat donationibus, quæ inter nos asservantur. Ex Canonicis sceminis prima reperitur Domna Monia, quam S. Theotonius

in Canonicam induit, cujus memoria traditur in suæ professionis, ac testamenti charta, quæ in Monasterii archivo custoditur.

*Ego Monia Martini filia, timens ultimi judicii diem, trado meipsam Deo, & Colimabriensi Monasterio S. Crucis, ac vobis quoque Domino Theotonio ejusdem Monasterii Priori, & ceteris Canonicis ibidem in perpetuum commorantibus; & offero ibi mecum Villam nomine Almaßam integram juxta flumen Mondici sitam, pro qua ego dedi aliam Villam, quæ dicitur Terroso, ultra Dorium. Offero etiam mecum sextam partem de Villa Seapanes, quam habui ex meo patrimonio .... Trado itaque me cum omni possessione mea, sicut dictum est, Monasterio S. Crucis; & hoc facio pro remissione animæ meæ, meorumque parentum: .... Facta hujus testamenti, & professionis meæ charta mense Martio Era 1175. Ego Monia, quæ hanc chartam facere jussi coram testibus idoneis, cum propria manu roboravi, & confirmo.*

Quam vitæ religiosæ austeritatem debebant in Monasterio Canonici quis non mirabitur? Choro assidue intererant; die, ac nocte orationibus vacabant, dum quiescebant alii, psalmis vigilabant alii; carnibus, Dominicis diebus exceptis, abstinebant; duobus diebus in hebdomada piscibus vescantur, alios tres pane, & aqua jejunabant, Sabbato olera in refectorem addebant. Claustra egredi non consueverant; silentium omni tempore, & loco servabant, tempore excepto, quod à capitulo usque ad Tertiam recitandam excurabat à Pascha usque ad diem 14. Septembris. Pueros in Monasterio instruebant. Eorum vestimentum tunica erat alba, superpellicum, cucullus, & aliquando in choro pallium magnum: quod certo constat ex vetustissimis Constitutionibus, quas venerationis ergo sanctas appellamus, servamusque in Bibliotheca. Canonicorum Regularium S. Rufi in Galliis ritus, ac mores tenendos decreverunt pari omnium consensu, & à nullo in posterum mutandos. Quapropter Dominum Petram Presbyterum Salomonis filium ad S. Rufi Canonicos miserunt his literis datis.

*Domi-*

*Dominis, & Patribus S. Rufi Abbati Willemo, Sancto, religioſeque Conventui, Theotonius S. Crucis Prier, eſſi indignus, atque humilis congregatio merum diſciplinæ, & veſtrarum medelæ animarum qualencunq; pertitionem. Quantas Deo, veſtræque ſanctitati pie perſolvemus grates pro benevolentia, & charitate devota in Dominicum Diaconum, & Joannem tunc Megiſtrum, nunc autem Archiepiſcopum, & Tellenem Archidiaconum, cujus anima requieſcat in pace (ii omnes Roma per Gallias venientes S. Rufi adierant Monasterium. Et nunc quia veſtri capimus eſſe diſcipuli, quod nondum habuimus per Dominicum, per fratrem ejus Petrum pro amore fraternitatis mandari nobis ſubnixè obſecramus; valete. Remanſit itaque Dominus Petrus apud S. Rufum annum ferme integrum, ſcrutans ſi aliquid Canoniciſ noſtris deeſſet, vel in more, ſeu aliqua Eccleſiaſtica doctrina. (a) Omni tamen Eccleſiaſtico ordine perfectus adduxit Capitularium integrum, Antiphonarii morem, Auguſtinum ſuper Joannem, item ſuper Genefim ad literam, ſuper quaſdam quaſtiones Matthæi, & Lucæ, Exameron Ambroſii, item de Pœnitentia, item Paſtoralem, & Bedam ſuper Lucam; qui Codices manuſcripti antiquitate ſua plurimi faciendi diligentiffime apud nos cuſtodiuntur. Ex antiquo igitur Ordinario, quod è S. Rufi Canoniciſ tranſmiſſum fuerat, & à noſtris obſervatum, conſtat cap. 147. per Luſitaniam id temporis vigere adhuc diſciplinam, ac conſuetudinem parvuliſ in Baptiſmo ſacram tribui Euchariſtiam: ibidem namque decernitur adultos Paſchalibus feſtiſ baptiſatos jejunos fore, ac parvulos nutricum ubera non ſuſturos antequam Euchariſtiam ſumerent.*

Plurima alia circa Eccleſiæ diſciplinam, ac ritus Luſitanix ex eodemmet libro referenda ſunt: à Sabbato Sancto uſque ad aliud ante Dominicam in Albis baptiſmate recens abluti veſtibul candidiſ induiti Sanctiſſimo Chriſti Corpore reſiciebantur, & abſolutiſ Veſperis ad baptiſterium proceſſione incedebant, donec veſteſ albaſ depcnerent, quaſ in Baptiſmo ſuſceperant. Eulogiarum uſuſ etiam erat, Domi-

V

(a)  
Ex Mag.  
Petro Al-  
fardi in  
Codic. ma-  
nuſcripto.

niciis, ac diebus solemnibus; peregrinis, & iis, qui in Paschæ festivitate non communicarent, distribuebantur: de oblationibus, quæ offerebantur à populo, vel de panibus, quos offerebant fideles ad Ecclesiam, vel certe de iis, quos offerebant Canonici, Presbyter convenienter partes incisas habebat in vase nitido, ut post missarum solemnias acciperent, qui communicare non fuerunt rati. Circa mortuos in Ecclesiis terræ mandandos à prioribus sæculis descitum non erat; persualissimum quippe Canonicis iis pene fuerat Ecclesias dehonestari, in iunari altaria, si ibi contumelarentur alii, quam Martyres, vel longo pœnitentiæ curriculo incruentam martyrii palmam adepti. Cœmeteria erant in Monasterio, aliud pauperibus tumulandis, aliud Canonicis; Episcopi, viri insignes, ac Regum filii in claustro ad parietem sepeliebantur, Priores in capitulo, Reges ipsi in Ecclesia, sed sepulcrum eorum complanabatur, soloque æquabatur; quod observatum est in Venerabilis Regis Alfonso sepultura.

De Canoniconum erga pauperes misericordia quid non referam? Beati ii, qui intelligebant super egenum, & pauperem: juxta Monasterium pauperibus, ac peregrinis suscipiendis hospitale extruxerunt, quibus diligentissimi ministrabant; redditus annuos destinarunt, quos meminit Dominus Joannes de Taile Monasterii tertius Prior in literis ad Dominum Pelagium S. Vincentii Olyssiponenſis Priorem, qui eum ea de re consuluerat. *Dilectis fratribus, & amicis Pelagio Dei gratia Sancti Vincentii Priori, suoque conventui Joannes S. Crucis Prior, & ejus capitulum salutem. Ex relatione fratrum vestrorum G. G. didicimus quoniam ad refectiorem infirmorum, & adventantium pauperum, hospitale coſtruxiſtis; verum quia parvitatem voſtram ſuper his de quibus noſtro hoſpitali decimas damus, conſulere voluiſtis, taliter vobis ſecundum Auguſtini præcepta reſpondemus, qui ait: oportet, ut Prælati Eccleſiæ præcedentium Patrum exempla ſeſcantes aliquod præparemi receptaculum, ubi pauperes colligantur, & de rebus Eccleſiæ tantum ibidem deputent, unde ſumptus neceſſarios juxta poſ-*

*sibilitatem rerum habere valeant, exceptis decimis, quæ de Ecclesiæ villis ibidem conferuntur. Ideo nos à minimis incipientes usque ad maiora de omnibus eidem decimas damus, ita quod etiam ova cum ipso decimamus. Præterea Clerici, qui sub nostra jurisdictione vivunt, hospitali nostro suas decimas fideliter persolvunt. Insuper si contingat fratres nostros de grangiis nobis piscatum coctum, vel crudum, vel fartaces, vel aliquid tale mittere, totum decimamus, redditusstrarum hereditatum de venditione panis, & vini, & aliis directuris, quam Prior, vel Præpositus pro utilitate Monasterii mandant facere, decimamus. Præterea de Sementeira, quam in grangiis ad seminandum relinquimus, suam partem hospitali assignamus; siqua quippe Ecclesiastica, seu secularis persona intuitu miserationis, victum crudum, vel coctum nobis ministraverit, suam similiter justitiam hospitali non denegamus. De mortuariis omnibus, & de denariis, seu aliis oblationibus, quæ altari offeruntur, & de cera, quæ de grangiis, seu de aliis locis ad Sacristiam venerit, sua pars fideliter hospitali reservatur. Valete semper in Christo, eadem mensura, qua mensi fueritis, remetietur vobis.*

Is erat erga pauperes, ac peregrinos in hospitali Canonicorum affectus, ut iidemmet secundum veteres Constitutiones in Sabbatis per totum annum in hospitali Mandatum agerent in pauperum pedum lotionem; in Quadragesima vero singulis diebus tribus pauperibus post missam, & tribus post completorium, euntes ad hospitale nudis pedibus psallendo, pedes abluerent. Tandem Monasterium istud virtutum omnium erat viridarium, quarum odor etiam ultra Lusitaniam diffundebatur. Monachum quemdam Cisterciensem in Gallia fertur in spiritu visionem vidisse, aream scilicet in medio maris, quæ undique fluctibus impetebatur; & seniore candida veste indutum undarum fluxum detinere, ne, qui in area servabantur, mergerentur. Colimbriam inde adventasse Monachum, & cum Theotonio colloquutum, eundem agnovisse, quem in visione viderat, Monasteriumque

fuisse arcem, in qua Domini triticum erat à sæculis fluctibus immune. Hyacinthus Cardinalis legatus, postea Romanus Pontifex Cælestinus III. Alexandri III. nomine Lusitaniam veniens, & Monasterium istud ingressus devotione adeo profusus est, ut ad Pontificium solum evectus privilegia sua firmaverit. Canonicorum Monasteria, quæ per Lusitaniam id temporis florebant, sub S. Crucis Canonicis in meliorem perfectionis frugem reparabantur; Monasterio huicce suarum virtutum debebant incrementum. Venerabilis Domnus Egas in Reformatorem Villæ bonæ assumptus est; venerabilis Domnus Garcias in S. Georgii; venerabilis Domnus Petrus Joannes in Monasterium de Arganil; venerabilis Domnus Joannes Peculiaris in Ecclesiolæ, Beatus Menendus in Fundatorem Monasterii de Ribas. Alii quidem insignes viri ibidem sanctimonia, & literis enituerunt, quos suis locis non tacebo.

In libro Erarum ejusdem Monasterii id portentum fertur anno Domini 1199. contigisse: *Tertio Nonas Junii in eadem die, qua Christus passus est sexta feria, & in eadem hora, qua tenebræ factæ fuerunt per universum mundum in passione Domini scilicet à sexta usque ad nonam sub Era 1237. facta fuerunt signa, qualia numquam fuerunt à passione Domini usque ad supradictam eram, fuit enim inf. VI. & VIII. vere nox, & sol factus fuit nigrior pice, & Luna, ac plura sydera in cælo apparuerunt, deinde recedente nocte illa, tenebræ subsequutæ fuerunt, quibus recedentibus, & recuperante sole vim claritatis suæ, congregata in Ecclesia Sanctæ Crucis Colimbræ maxima multitudo hominum, & mulierum tam secularium, quam religiosorum, cum omnes unanimiter præ nimio timore non aliud, quam mortem subitam expectantes, clamarent, & ulularent, ac Divinum subsidium implorarent, quibusdam ex fratribus Te Deum laudamus, & Litaniam cum difficultate maxima canentibus, & Divinam exorantibus pietatem, semivivis, & stupefactis aliis omnibus manibus, ac inde admirantibus universis in choro Sanctæ Crucis Colimbræ septem signa Lunarum apparuerunt quartarum exi-*



*flentium, vel quintarum, quæ signa ibi antea, neque postea sunt inspecta, hujusmodi autem Lunarum signa per totam Colimbriæ civitatem apparuisse multis exitiis manifestum, ubicumque solis radii perforant aliquid intrabat. Hactenus antiquus Scriptor.*

## §. II.

*De Monasterio S. Georgii.*

**D.** Nicolaus à S. Maria in Chronico S. Georgii Monasterium (a) sæculo undecimo fundatum refert à Sefnando Colimbriæ Comite in S. Georgii memoriam ob insignem miraculum erga ipsum inter venandum perpetratum. Verum cum ejusdem Monasterii archivi membranas, veteraque monumenta excuterem; à sæculo duodecimo initium affirmare non renuam. Salvator Guimaris Diaconus primus legitur Monasterii Auctor ex donatione ab ipsomet facta anno Domini 1136. Era Hispanienti 1174. „ In Dei nomine placuit mihi Salvatorio Diacono Guimaris scripturam donationis, & firmitatis facere hominibus quibuscumque religiosis, mecum conversari volentibus, sive successoribus eorum de illa Eremitica Ecclesia S. Georgii Martyris, quæ est constructa in finibus Colimbriæ supra ripam fluminis Mondeci cum turri, quæ dicitur de Camardo tali videlicet pacto, ut ab hac die, & deinceps eam cum eis inhabitem, nihilque eorum, quæ ibi jussus sum possidere, nunquam meum esse dicam, sed sint nobis ibi omnia in Christo communia cum totis pertinentiis, & adjacentiis suis à me emptis proprio censu perenni jure. Et hoc facio pro salute animæ meæ, & illorum, qui mecum in eo loco caste, & pie vivendo regulariter Deo servire studuerint. Proinde si postea ego, aut quilibet in mea voce, diabolo suggerente, hoc præclarum testamentum disturbare, aut vobis auferre præsumperit, quisquis fuerit, non habeat super hoc licentiam, per ullam assertionem, sed pro sola præsumptione in duplum eam ibidem sic conversantibus ab Episcopo, sive Principe

(a)  
P. 2. lib. 8.  
cap. 13.

„ civitatis cogatur componere , & insuper sit anathema ma-  
 „ renaca , id est perditio in adventum Domini , nisi resipisce-  
 „ rit. Facta donationis , & firmitatis charta mense Julii  
 „ Era 1174. Ego autem supradictus Salvatorius , qui hanc  
 „ chartam jussi fieri; cum propria manu mea roboravi , & si-  
 „ gnum hoc ✠ feci. Qui presentes fuerunt , & viderunt  
 „ Joannes Dei gratia electus conf. Salvatus Diaconus conf.  
 „ Tellus Presbyter adfui. Suarius Presbyter adfui. Zolei na  
 „ Diaconus adfui. Arias adfui. Martinus Presbyter adfui.  
 „ Suarius Codena testis. „ S. Georgii sacellum ante Mona-  
 „ sterium extructum ex monumento constat , licet incerto tem-  
 „ pore ; Monasterii vero fundatorem Salvatorem Diaconum  
 „ fuisse quis non annuat.

Canonicos ibi floruisse , ac peregrinorum , pauperum-  
 que hospitali ministrasse ostendit monumentum aliud ex eo-  
 dem archivo transcriptum : „ In nomine Patris , & Filii , &  
 „ Spiritus Sancti bonum , atque placitum videtur mihi Salva-  
 „ tori Venegas , ut faciam istam chartam Domino , & fra-  
 „ tribus Sancti Georgii. In primis mando mandationem me-  
 „ am per illas partes , quæ mihi placitæ , & bonæ videntur.  
 „ Ad Sanctum vero Georgium mando totam meam hæredita-  
 „ tem de Castello Venegas , & totam hæreditatem de illo lo-  
 „ co , qui dicitur Maurifcas , & totum quod habeo per cir-  
 „ cuitum de Camardo , & totam meam hæreditatem de Gau-  
 „ dela. Et mando fratribus S. Georgii , ut vendant meas va-  
 „ kas , quæ remanent de mandatione mea , & meam mulam ,  
 „ atque mulum , & faciant inde de pretio illud signum , quod  
 „ melius arbitrati fuerint pro suo posse in Canonica S. Geor-  
 „ gii. Ad Hospital S. Georgii mando omnem meam hæredita-  
 „ tatem de La deia , & tria juga boum. Insuper rogo , ut de-  
 „ ferant corpus meum ad atrium S. Georgii sepeliendum.  
 „ Mando hæc ita esse post mortem meam & concedo , &  
 „ Kartam roboro ✠ sub Era 1197. Qui adfuerunt: Stephanus  
 „ Martini conf. Petrus Martini conf. Ferdinandus Martini  
 „ conf. Ferdinandus Salvatoris conf. Joannes Martini conf.  
 „ Joannes Presbyter. „ Magni Parentis Augustini regulam

profitebantur, ex Codice ejusdem regulæ membraneo suis divisus capitibus, ac paragraphis a Salvatoris Diaconi tempore scripto, qui in ipsius Monasterii archivo asservatur.

## §. III.

*De Monasterio S. Romani de Sena.*

**P** Rope oppidum Senæ ad Herminium Canonicorum Regularium floruit Monasterium S. Romano Martyri nuncupatum. Era 1176. anno Christi 1138. Joannes Cidis, & Fasila Presbyteri, S. Theotonii, ac Canonicorum S. Crucis virtutibus ad exemplum promoti sacellum S. Romani, cujus cultui incumbabant, iisdem S. Crucis Canonicis donarunt, ut ibidem Monasterium novum extruerent, quo Canonici degerent Herminii incolas pietate, ac virtutibus instructeri. En donationis monumentum: „ In nomine Patris & Filii, & „ Spiritus Sancti. Amen. Ego Joannes Cidis Presbyter indi- „ gnus Jesus Christi servus, intelligens me miserum plurimos „ per annos fordida, atque cœnulentam vitam imprudenter „ duxisse, & plurimos Christicolæ mei infamia commacu- „ lasse, quamvis sim in decrepita ætate positus, Deo inspi- „ rante, statui resipiscere, & durissimam cervicem meam „ suavissimis Christi jugis subdere, ipso attestante, qui ait: Ju- „ gum meum suave est, & onus meum leve, item alio lo- „ co. nisi quis renuntiaverit omnibus, quæ possidet non po- „ test meus esse discipulus. Igitur his, atque aliis Domini „ commonitis pie eruditus: testamentum Colimbrienti Eccle- „ siæ Sanctæ Crucis facere decrevi de mea Ecclesiola S. Ro- „ mani de Sena cum omnibus ædificiis, plantationibus, at- „ que hæreditatibus, quæ Deo auxiliante ibi acquisivi, & „ feci. Quam Ecclesiolam cum quanto ei pertinet Henricus „ Consul, & uxor ejus Regina Taralia Magni Imperatoris „ Alonsi filia spontanee mihi, meoque socio Fasila Presby- „ tero hæreditario jure dederunt. Nunc vero mea sponte, & „ nullo cogente cum consensu socii mei, prædictam Eccle- „ siolam, & hæreditatem integram cum quanto ad eam perti-

„net, per ubi melius eam invenerint, Ecclesiæ S. Crucis  
 „prædictæ, ejusque Priori Domino Theotonio hæreditario  
 „jure in perpetuum libere concedo : quatenus memoria  
 „nostri magis pro Dei amore, quam pro nostro dono ibi ju-  
 „giter celebretur ; & mihi , & socio meo , quantum victui,  
 „& vestitui nobis sufficiat, omnibus diebus vitæ nostræ porri-  
 „gatur. Igitur ab hac die de jure nostro sit abrasa , & in ve-  
 „stro dominio sit tradita , atque confirmata in temporibus  
 „seculorum. Facta charta testamenti coram idoneis testibus  
 „mense Junio in Era 1176. „

Venerabilis Rex Alfonso erga S. Crucis Canonicos Jo-  
 annis, & Fasilæ donationem firmavit: *In nomine Sanctæ,  
 & Individuæ Trinitatis Patris, & Filii, & Spiritus Sancti. Amen. Ego Alfonso ex divina providentia Portuga-  
 lensium Princeps Magni Imperatoris Alfonsi nepos, Co-  
 mitis Domini Henrici, & Regine Domne Tarasie filius, nulla  
 necessitate compulsus, sed prompta, ac benevola volun-  
 tate, & divino amore commotus, Ecclesiæ S. Crucis,  
 atque fratribus ibidem commorantibus, facio cautum ad  
 illam vestram Eremitam Sancti Romani sitam juxta ca-  
 stram Senæ, quam prædictæ Ecclesiæ testati sunt Joannes  
 Presbyter, & Fasila Presbyter. Sciendum vero, quod Pa-  
 ter meus Dominus Henricus, & mater mea Regina D. Ta-  
 rasia dederant illam Eremitam prænominatis Presbyte-  
 ris, ut haberent eam in vita sua, & post mortem suam  
 reliquissent illam ubi Comes, & Regina voluissent : nunc  
 autem filius eorum, & hæres, quod Presbyteri fecerunt  
 vobis, ego confirmo, & totum vobis dono, atque concedo,  
 quin etiam ibi cautum facio pro remedio animæ meæ, &  
 ejusdem patris, ac matris meæ, & aliorum parentum meo-  
 rum. Facta est hujus cauti, & testamenti firmitudo mense  
 Decembris Era 1176. Hæc sunt ex archivo S. Crucis.*

Extructo Monasterio, S. Theotonius Dominum Pelagi-  
 um Godinum in Priorem evexit, qui cum aliis novem S. Cru-  
 cis Canonicis novæ plantationi operati sunt. Populum, qui  
 undique illuc confluebat, exemplis, ac verbo erudiebant;  
 quam.

quamobrem piissimorum virorum oblationibus brevi crevit Monasterium, quod inter cetera Canonicorum per Lusitaniam ex ditioribus erat; & in libro veteri testamentorum S. Crucis, quamplurimæ exscriptæ sunt largitiones, quibus fuerat locupletatum. Ea erat inter S. Romani, ac S. Crucis Monasteria fraterna consuetudo, & amor, ut ex redditibus plurima habuerint communia: id constat ex citato testamentorum codice p. 4. n. 14. *In nomine Patris, & Filii, & Spiritus Sancti. Amen. Hæc est charta testamenti, & firmitudinis, quam facio ego Adosinda Nonelis Monasterio S. Crucis de Colimbria, & Eremitæ S. Romani de tota mea parte illius hereditatis, quæ est in Valesin, id est media parte de toto Valesin.... habeant igitur Canonici Sanctæ Crucis, & S. Romani prædictam hereditatem, & possideant hereditario jure pro mea anima, & parentum meorum, & faciant de ea quidquid illis placuerit in perpetuum... Mense Augusti Era 1179. Ego supradicta Adosinda Nonelis hanc chartam confirmo, & roboro. Ego Salvator Arias filius ejus confirmo, & concedo quantum mea mater fecit. Et n. 16. In nomine Christi. Ego Ferdinandus, & fratres mei Reirigus, & Martinus facimus chartam testamenti Canonice Sanctæ Crucis, & Monasterio Sancti Romani de uno Kasale, quod est in Villa Sanctæ Eulaliæ territorio Senæ, quod mater nostra Domna Elvira jussit offerre eisdem Ecclesiis ante obitum suum. Nos vero post discessum illius damus ipsum Kasale pro anima ejus, sicut ipsa jussit cum omni suo jure per ubi illum potuerint invenire, ut ab hac die in perpetuum faciant quidquid illis placuerit... Facta stabilitatis scriptura mense Aprili Era 1180. Nos supradicti fratres propriis manibus hoc testamentum roboramus, & signa hæc facimus j j j.*

Nec minor fuit erga Sancti Romani Canonicos Sancti I. Portugalix Regis benevolentia, qui anno 1186. omnia ipsorum privilegia confirmavit, & Monasterii ejusdem oppida, ac villas *Cauto* immunes fore decrevit. Diu tamen non

germinavit nova plantatio, quamvis coelo flores, ac fructus sanguine suo purpuratos parturiret. Secundum Erarum codicem Monasterii S. Crucis archivi Era 1233. anno Christi 1195. die 14. Kalendas Augusti: *Lis magna fuerat inter Christianos, & Saracenos in loco, qui dicitur Alarcos præsente Miramolim ex parte Saracenorum, & ex parte Christianorum Rege Domno Alfonso Castelle, qui victus fugam petiit, in quo praelio interfecti fuerunt tres Episcopi, videlicet Abilensis, Segobiensis, & Seguntinus.* Victores Mauri Lusitaniam aggressi sunt, & Beirensen tractum impetentes anno 1196. die 17. Februarii ad Sancti Romani Monasterium accesserunt obsidentes. Cum Canonicorum neminem, qui janais omnino clausis, claustro se incluserunt, possent capere, in Christianæ Religionis odium, ignem Monasterio undique admovent, in quo Prior Dominus Pelagius Godinus, ac Canonici ceteri combusti sunt, & Deo in sacrificium Martyres immolati. In veteri S. Crucis Monasterii Neucrologio legitur: *Decimo tertio Kalendas Martii commemoratio illorum Canoniconum, qui in exustione de Cea mortui sunt.* Restauratum postea reperitur Monasterium, anno scilicet Christi 1226. quo ejusdem Priorem agebat Dōnus Andreas Alvarus, quem meminit D. Nicolaus à Sancta Maria in Canonico Chronico: licet de tempore, quo tandem extinctum est, nullum produci valeat monumentum.

## §. IV.

*De Monasterio S. Vincentii.*

**Q**UO Auctore, quo-ve tempore extractum fuerit Sancti Vincentii Monasterium Olyssipone ad plagam orientalem, brevi, ac simplici stylo tradidit Scriptor Coxtaneus in opere suo, quod inscribitur: *Indiculum foundationis Monasterii Beati Vincentii Ulisbonæ*: se omnia ait descripsisse pro eorum relatu, qui rebus iis interficere, dum gerebantur, Ferdinandi scilicet Petri hominis militaris magnum in civitate obtinentis locum sibi à Rege constitutum, & apud

cives suos fide præclari; Othæ quoque viri natione Theotonici, & præfati Monasterii conversi, à prima fere ejusdem fundatione vitam ducentis ibidem satis religiosam. Quæ omnia ex illo archivo educta sunt. Anno igitur Incarnationis Dominicæ 1147. Venerabilis Rex Alfonso Henricus Olyssiponem oblidens votum voverat Deo: *Si Dominus Deus noster tradiderit suis servis civitatem hanc, placueritque sibi deleri nomen infidelium istorum de terra, noverit ipse omnino me servum suum sibi constructurum in ipsis locis, in quibus cæmeteria hæc fieri rogo, duo Monasteria, & in eis positurum Religiosorum collegium, qui pro me, & ipsis, qui ibi sepulti fuerint, officiis intenti divinis coram Domino semper assistant.* Regis pietatem, ac votum collaudavit Joannes Peculiaris Archiepiscopus Bracarensis, & in Regis affectibus nimis latus à loco consurgens Coepiscopos, qui aderant, convocavit, Regisque aperuit voluntatem. Illis secum assumptis, subsequente pariter & Clero, adit Francorum castra, ut Rex utraque imperaret. Quo adveniens notavit loca cæmeteriis apta, & invocato Deo Trino, aquam aspersit benedictam, lapides duos signavit, tradiditque Regi ad Ecclesias, ut promiserat, in illis fundandas; quos Rex acceptos erexit, cupiens prævenire quod voverat votum; non enim hæsitabat Deum sibi traditurum urbem, quam tenebat obsessam.

Ex lapidibus unum fixit in cæmeterio Teutonorum, ubi situm est nunc Monasterium Sancti Vincentii; alterum in cæmeterio posuit Anglorum, ubi nunc est Ecclesia Sanctæ Mariæ ad Martyres, propter eos scilicet dicta, qui ad mortem usque constantes pro Christo ibidem erant sepulti. His peractis coeperunt Franci Ecclesiastica consuetudine interfectos suos sepulcris mandare, & inchoatas super eos fabricare Basilicas, opemque ferre de propriis sumptibus proposito Regis, cujus animum cernebant esse promptissimum ad construenda ibi in proximo cœnobiorum ædificia, ceteraque divina officia, quæ celebrabant Clerici, qui cum iis venerant plurimi, & sacris literis eruditi: ex quibus nonnulli

Monachi erant religiosissimi, & in timore Domini ambulantes solliciti. Porro Theutonici Basilicæ Sancti Vincentii, quæ in suo cæmeterio construebatur, præposuerunt Presbyterum nomine Roardum, & ut alii dicunt, Wivandum, qui in singulos dies Missas cantaret, qui oblationes reciperet à populo ad Basilicam erigendam. Constituerunt, & alium bonæ vitæ virum nomine Henricum Laicam, qui patriæ suæ more ad horas pulsaret campanam, quam ibi suspenderant, excubansque pro foribus Ecclesiæ atrium attentius intus, & foris custodiret.

Plurima quidem miracula in novo construendo Monasterio perpetrata sunt, quæ ex vetusto codice manuscripto supra citato coarctavi Auctoris exscribo. *Dum ea agerentur, contigit quemdam militem Coloniensem, nomine Henricum, oriundum à Villa, quæ est ultra Coloniam per quatuor leucas nomine Bonna, virum utique stemate nobilem, & moribus, in urbis corruisse conspectu. Quo sepulto, sicut ceteris, in eodem cæmeterio Sancti Vincentii, indicare ceperunt miracula ad tumbam ejus, divina operatione, creberrime facta, eundem fuisse verissimum Martyrem Christi, mortemque ejus in conspectu Domini pretiosam existere: de quibus videlicet miraculis, hic vel pauca attingere nitimur; ut liquido appareat quanta Dei beneficia comitantur eos, qui ex toto corde querunt illum. Factum est igitur, ut duo juvenes ambo surdi, ambo muti à nativitate, qui videlicet cum ipsis venerant Francis, sigillatim juxta sepulcrum Christi militis Henrici excubarent; ipso (ut fertur) Martyre in effigie peregrini palmam ad scapulas deferentis, illis apparente, & ad excubias invitante: ubi cum paululum quiescissent, mirabile dictu, invenerunt se ita dicere loquentes simul, & audientes, ac si semper loquela usi fuissent, pariter & auditu. Quodque multo mirabilius est, ut terra diversi erant, & natione, sic conceditur eis diversa, & ipsa loquela. Propalato igitur in castris tam mirabili facto, cuncti qui videbant, & audiebant, glorificabant Dominum semper mirabilem in Sanctis suis habentes de*



de cetero militem Henricum, utpote dilectū Martyrem Christi. Post paucos vero dies accidit, ut armiger ejus cecidisset in bello, quem tollentes contribules ejus sepelietum aliquantulum longius à sepulcro domini sui. In seminis itaque Christi miles Henricus adiit eum, qui excubabat in atrio præfate Basilicæ Sancti Vincentii, de quo critea fecimus mentionem, & vocans eum nomine suo rogat, multumque precatur, ut surgat, tollatque de nocte armigerum suum à loco, in quo erat, & ponat eum juxta se. Quod factum est semel, & bis: cumque ille deprecanti non acquievisset, venit tertio vultum gerens quasi iratum, multumque terribilem; etiam minabatur ei, si ultra differret implere rogata. Quamobrem ille expers factus surrexit tremens, pavensque (erat namque solus in loco) venitque ubi humatus erat armiger ille, quem levans sepelivit circa dominum suum, seorsum tamen in proprio monumento. Qui narrans de mane quod acciderat, dicebat se nullum in levando, vel deponendo sensisse laborem, nullamque molestiam.

Dicam & aliud (prosequitur idemmet Auctor coævus) quod per idem tempus in eadem Basilica operatione Divina contigit miraculum. Factum est autem, ut populus ad Ecclesiam iturus, peractis missarum solemnibus, eulogiis, vel pane benedicto cuperet præmuniri; ita namque quotidie consueverant. Cumque Sacerdos vellet facere particulas, quas singulis porrigeret, & jam uni ex panibus secandis culter immitteretur (res miranda) ecce secati panis medietas cruentata reperitur sanguine desudante: tunc Sacerdos, omnesque qui aderant in stuporem conversi sunt subitum: nam visa re, vehementer fuerant perterriti; cumque causam rei indagine sedula quærerent, inventum est panem illum fuisse confectum de usurpata farina, quam quidam moriens egenis præceperat erogari. Quod tandem cum annuntiatum esset in castris, ad spectaculum concurrerunt universi, videntesque quod factum fuerat, reverterebantur admirantes, & divinum adjutorium secum esse non

*dubitantes, plena fide laudabant, & glorificabant Dominum, qui facit mirabilia magna solus.* En clarissimum monumentum de eulogiis sæculo duodecimo per Lusitaniam observatis.

*Post hæc querente diligentius Rege sanctæ conversationis viros, quos in eadem Basilica Sancti Vincentii (quam ipsemet Rex in perpetuum possidendam cum omni jure suo Patronatus retinuerat) posset constituere, ad sepulcrum Christi militis Henrici divina renovantur miracula; nam palma more peregrinorum ad scapulas è Jerusalem allata, secumque in sepulcro ad caput deposita parvo post tempore revirescens ascendit de terra, quæ crevit in altum, factaque arbor vestita foliis, atque vigere. Omnes ergo male habentes ad sepulcrum illius supplicandi gratia, venientes, tollentesque de palma illa suspendebant ad collum, vel redactam in pulverem bibebant, statimque curabantur à quacumque detinebantur infirmitate, stetitque ibi (sicut perhibent, qui viderunt) donec tota languentium manibus, inde levata est; sunt autem, qui dicunt, nullo custodiente, furtim inde fuisse eradicatam, ut alibi transplantaretur. Hodie tamen in eodem Monasterio in S. Antonii altari vitro inclusa omnium est in veneratione.*

Dum Rex de constituendo Monasterio cogitabat, en quidam summæ sanctitatis vir Gualterus nomine Ulixbonam venit cum quatuor sui Præmonstratensis ordinis Canonicis; cujus itineris causa fuerat novam construere congregationem. De cujus pietate Alfonso certus eum præfata Basilicæ præficere intendit. Gualterus Regem adiens locum novo ordini stabiliendo aptum postulavit, cui Rex ipse respondisse fertur in prædicto codice: *Abbas, quædam Basilica est mihi de novo fundata, quam apud me vehementer diligens usque modo servari sperans de die in diem mihi destinari à Deo hominem bonum, cui securus regimen ejus committere possem: nunc ergo cernens spem meam divino nutu ad votum esse completum, opto vos ejusdem Basilicæ suscipere curam: & consilium plane nostrum, & auxilium cum patrocinio æque regio vos semper comitabuntur.*

His à Rege peroratis, Ecclesiæ S. Vincentii regimen suscepit Abbas Gualterus ; indeque cœpit Alfonso largitionibus suis regiis novum Monasterium locupletare, & omnes qui ibi sepulturam eligerent, partemque de suis conferrent facultatibus, suos cohæredes fecit : quapropter scriptum hoc exarari iussit. *Quia Principum, ac Regum est loca sancta ditare, benefactoribus concedere, possessionibus ampliare ; idcirco Ego Rex Alfonso vobis Civibus Ulixbonæ, atque omnibus aliis fidelibus, facio chartam possidendi mecum Ecclesiam Sancti Vincentii, quam in captione Ulixbonæ à Mauris tuli, ut videlicet quicumque apud ipsam Ecclesiam sepulturam suam habere, secum-ve ibi beneficium, vel elemosynas dare voluerint, ipsi, & filii, & progenies eorum sint mecum, & filiis, omnique progenie mea hæredes perpetuo in eadem Ecclesia. Quod & scriptum vobis, Ego Rex Alfonso propriis manibus roboro, meoque sigillo communio, assistentibus mihi, & subscriptionibus Gilberto Ulixbonensis Ecclesiæ Episcopo, & Goncalvo de Souza meo maiore domus, & Petro Pelagii meo Alferas.* His sane studiis novo Monasterio ampliando operam dabat Alfonso, & tot beneficiis fovebat. Ejus erat pro suo patronatus jure Rectores præficere viros optimos, ac insignes : primum per vices Presbyteros constituebat, qui quotidie missas canerent, quorum primus fuit Roardus : secundus Otha genere Anglus, tertius Salericus etiam Anglus, & Monachus ; deinde prælatus est Abbas Gualterus : ast cum vellet novum Monasterium Præmonstratensi suo subicere ; nec Rex acquiesceret, nec annueret, dimisit ille, & in patriam ad suos reversus est : illum tamen nunc præstet meminisse.

Gualterus, sive ut alii volunt, Walterus de Mauritania honestis, & divitibus parentibus ortus, à primis ætatis suæ incunabulis adeo supernæ patriæ amore flagravit, ut omnia, quibus delectatur corpus, despiceret, ac solius immortalitatis desiderio æstuar. Ejus charitas tanta, ac tam loeuples erat, ut cuncta, quæ præter simplex indumentum habere poterat, pauperibus distribueret. Cum Lauduni sub Magi-

stro Radulpho literis vacaret, & in ea civitate S. Norbertum concionantem audiret, concione ea permotus, mox cum sex parvis pietatis fociis Præmonstratum petiit, sequæ Norberto tradidit instruendum. Ubi inter ceteros Canonicos celestibus studiis, orationibus, vigiliis, charitatisque muniis se mancipavit; ita virtutum profectu emicuit, ut Canonicis Præmonstratensibus, quos S. Norbertus ad petitionem Bartholomæi Laudunensis Episcopi in Monasterio S. Martini ejusdem Laudunensis civitatis anno Domini 1124. constituerat, præponi postea meruerit. In hujus Monasterii susceptione, ac præfectura quanta optimi Pastoris, ac Religiosi viri exempla non protulit? Vix creditur quanta illius in vestitu, & victu fragalitas fuerit: semper enim sobrius, ac pene jejuns à mensa surgebat; apposita omnia ægrotis, egenis, mendicis impertiens. Lectulum spernebat, & humi frequenter, vel in tabula cubabat. Vestis perpetua cilicium erat; ipsius meritis, & oratione plurima præstitit Deus infirmis beneficia. Ex Canonicis, qui sub Gualteri disciplina proficiebant, plurimi assumebantur ad nova regenda Monasteria, quæ id temporis per Gallias extruebantur. Ex Lusitania ad suos tandem reversus indies, atque indies virtutum omnium exemplo progrediebatur. Et postquam Bartholomæus Laudunensis Præsul Episcopatus sui anno 38. & Christi 1150. vitam cupiens solitariam, dimisso Episcopatu, in Fusniacensi Monasterio Cisterciensem Ordinem amplexus esset, Gualterus à Clero, populoque Laudunensi, licet invitatus, in ejus locum suffectus est. Qua in dignitate pietatem retinuit, terrena sub pedibus subjecit, totus semper in oratione, totus in lectione, totus in misericordiæ operibus. Pauperes quotidie ad mensam vocabat, quos non modo alimentis reficiebat, sed & vestiebat.

Jam senectute gravatus, mortem prævidens, cum noctu tota ejus domus immenso lumine esulisset, sequenti die Sacratissimo Corporis Christi Viatico communitus est, circumstante tam familiari Clericorum, quam Religiosorum Collegio, animam suam operibus bonis divitem Deo reddidit 3. Nonas Octobris anno Domini 1153. Sancto Bernardo Cla-

reval,

ravallensi Abbati consuetudine junctus est; & ejusdem Doctoris Melissui extat Epistola brevis n. 272. ad eundem Gualterum jam Laudunensem Episcopum, unde Gualteri erga Sanctum Bernardum merita, & amor dignoscatur. Gualteri S. Vincentii Abbatis meminit Joannes Le Paige Theologus Parisiensis, Canonicus Præmonstratensis in sui ordinis Bibliotheca lib. 2. à pag. 445. usque ad 454. & Beatum appellat; ipsius vitam descripsisse ait ex iis quæ erant in antiquis S. Martini Laudunensis Cœnobii, & ordinis manuscriptis codicibus, ex Chronico Laudunensis Ecclesiæ, ex Sigeberti continuatore, Roberto Altissiodorensi, & Jacobo à Guisfa.

Abeunte Gualtero, Rex Priorem constituit Canonicum quemdam Ecclesiolæ Didacum nomine; qui tamen, paucis elapsis annis, ad Monasterium, unde venerat, rediit, Rege ipso jubente. Huic in Prioratu successit Canonicus de Balneo Godinus postea Lamecensis Episcopus. Godinum ex Prioratu ad Episcopatum Lamecensem fuisse assumptum Era 1200. anno Christi 1162. facile convincuntur qui asserunt; nam anno Domini 1169. Era 1207. Menendus Lamecensis Episcopus Godini Decessor in humanis erat, & libro censuali de *Linhares* subscripsit, qui in Monasterio S. Crucis asservatur antiquissimus. Vincentini Canonici non solum in choro Deo serviebant, verum & alia Religiosorum digna peragebant. Hospitale peregrinis, & pauperibus alendis condiderunt, quod ex veteri ejusdem Monasterii statuto, tempore Domini Pelagii tertio Priore palam facio: *Prior Monasterii Beati Vincentii Ulisbonensis cum fratribus omnibus salutem, & per obedientiam cælestia Regna promereri. Dicimus vobis in virtute obedientiæ, ut persolvatis decimas omnium rerum, quas vobis Dominus dederit, hospitali nostro, sicut jam ex regula est determinatum in nostro Capitulo generali, & sicut nos Beatus Augustinus docet, ubi ait, Canonici Regulares tam de fructibus, quam etiam de omnium elemosynarum oblationibus in usus pauperum decimas libentissime ad suum conferant hospitale. Ideo vos hilariter, & cum devotione decimas persolvatis de omnibus bonis, tam vi-*

*delicet panis omnis generis, quam vini, olei, lini, aliorum, ceparum, & leguminum, mellis, & ceræ, salis, & omnium fructuum, & ceterarum bonarum omnium rerum, ut jam diximus, à minimis incipientes usque ad maiora. Ita tamen, ut unusquisque vestrum eas decimationes separatim reponatis in uno loco ita ut non pereant, & Commendator prædicti hospitalis mittet pro istis omnibus, prout sibi melius potuerit expedire. Si autem vestrum aliquis, quod non credimus, aliter agere voluerit, quod Deus avertat, sciat se esse sui ordinis transgressorem, & inobedientem, & redditurum rationem Deo, cui nuda, & aperta sunt omnia in districto examine, nisi se prius emendaverit. Valete; & hæc omnia bene adimplete, qua enim mensura mensi fueritis, remetietur vobis in tempore necessitatis.* Id quoque fertur in supra citata Epistola Domini Joannis de Taide Prioris Monasterii Sanctæ Crucis ad Dominum Pelagium Sancti Vincentii Priorem. Videant hinc, quæso, S. Vincentii Monasterium à suo exordio Canonico-  
fuisse Regularium.

Post Venerabilis Regis Alfonsi obitum Monasterii Priores communi omnium consensu eligebantur; à tempore scilicet Lucii III. Romani Pontificis, qui anno 1184. ad Dominum Pelagium Priorem literas dedit: *Cbeunte vero nunc ejusdem loci Priore, vel tuorum quolibet successorum, nullus ibi qualibet subreptionis astutia præponatur, nisi quem fratres communi consensu, vel fratrum pars consilii sanioris, secundum Dei timorem, & Beati Augustini regulam providerint eligendum.* A Regibus tamen de suo patronatus jure acceptabantur, approbabanturque: Sanctius enim I. in Priorum electionem à Canonicis Vincentinis faciendam consenserat; Canonicique testati sunt nullum inde ipsi, ac Regibus suis successoribus auferri jus, quo utpote Monasterii fundatores in Prioribus designandis fruebantur.

Nec tantum Reges, sed & Romani Pontifices privilegiis novum Monasterium communierunt. Clemens III. anno 1190. diploma edidit, quo Monasterium ipsum sub Sancti Petri tu-

tela suscepit, & ab Episcopi Olyssiponenſis jurisdictione im-  
mune fecit. Clemens Episcopus Servus Servorum Dei dilectis fi-  
liis Pelagio Priori Ecclesiæ Sancti Vincentii de Ulixbona,  
ejusque fratribus tam præſentibus, quam futuris Canoni-  
cam vitam profeſſis in perpetuum salutem, & Apostolicam  
benedictionem. Quoties a nobis petitur, quod religioni, &  
honestati convenire dignoscitur, animo nos decet libenti  
concedere, & petentium deſideriis congruum ſuffragium  
impertiri. Quapropter dilecti in Domino filii, vestrīs ju-  
ſtis poſtulationibus clementer annuimus, & præſatam Ec-  
clesiam S. Vincentii, in qua divino mancipati eſtis obſe-  
quio, ad exemplar felicitis recordationis Lucii Papæ Præ-  
deceſſoris noſtri, ſub B. Petri, & noſtra protectione ſuſci-  
pimus, & præſenti ſcripti privilegio communimus. In  
primis ſiquidem ſtatuentes, ut Ordo Canonicus, qui ſecun-  
dum Deum, & B. Auguſtini Regulam in eadem Eccleſia  
conſtitutus eſſe dignoſcitur, perpetuis ibidem temporibus  
inviolabiliter obſervetur. Præterea quaſcumque poſſeſſio-  
nes, quæcumque bona, quæ eadem Eccleſia in præſentia-  
rum juſte, & canonice poſſidet, aut in futurum conceſſio-  
ne Pontificum, largitione Regum, vel Principum, obla-  
tione fidelium, ſeu aliis juſtis modis, præſtante Domino,  
poterit adipiſci, firma vobis, & ſucceſſoribus vestrīs, & il-  
libata permaneant. In quibus hæc propriis duximus expri-  
menda vocabulis: locum ipſum, in quo præſata Eccleſia  
ſita eſt cum Parochia, & aliis ſuis pertinentiis, domos, &  
torcularia, quæ habetis intus, & extra muros civitatis U-  
lixbonæ .... Totum juſ Eccleſiaſticum villæ, quæ dici-  
tur Ruta, cum domibus, vineis, & ceteris pertinentiis  
Eccleſiæ S. Mariæ ipſius villæ. Prædium, quod habetis in  
ripa de Alemquer, dictum Turris cum domibus, vineis,  
& terris ſuis cultis, & incultis. Prædium, quod habetis in  
loco, qui vocatur Abucellas cum molendinis, hortis, &  
terrīs ſuis cultis, & incultis, & cum plantatu S. Juliani; ...  
Prædium de Romaneyra cum terris ſuis cultis, & incultis,  
Eccleſiam S. Matthæi de Monte Maiori novo cum perti-

„nentiis suis. Sane novalium vestrorum, quæ propriis manibus, aut sumptibus colitis, siue de nutrimento animalium vestrorum, nullus à vobis decimas exigere, vel extorquere præsumat. Licet quoque vobis Clericos, vel laicos, è sacculo fugientes liberos, & absolutos ad conversionem recipere, & eos absque contradictione aliqua retinere. Cum autem generale interdictum terræ fuerit, liceat vobis claudis januis, exclusis excommunicatis, & interdictis, non pulsatis campanis, suppressa voce divina officia celebrare. Præterea libertates, & immunitates, nec non antiquas, & rationabiles consuetudines à Regibus, & Principibus, & aliis personis tam Ecclesiasticis, quam mundanis eidem Ecclesiæ concessas, & hæcenus observatas ratas habemus, & eas futuris temporibus illibatas habere sancimus. Inhibemus insuper nequis vos novis, & indebitis exactiõibus, seu gravaminibus aggravare præsumat; sed ipsa Ecclesia vestra S. Vincentii à Pontificali jurisdictione, sicut fuit hæcenus, sit exempta. Crisma vero, oleum sanctum, consecrationes Altarium, seu Basilicarum, ordines Clericorum, qui ad Sacros Ordines fuerint promovendi, & cetera Ecclesiastica Sacramenta à Dioxesano suscipietis Episcopo, siquidem Catholicus fuerit, & gratiam, atque communionem Apostolicæ Sedis habuerit, & ea vobis gratis, & absque pravitate aliqua voluerit exhibere; alioquin liceat vobis quemcumque malueritis Catholicum adire Antistitem, gratiam, & communionem Apostolicæ Sedis habentem, qui nimirum nostra fultus auctoritate, quod postulatur, indulgeat. Sepulturam præterea ipsius loci liberam esse decernimus, ut eorum devotioni, & extremæ voluntati, qui se illic sepelire deliberaverint, nisi forte excommunicati, vel interdicti sint, nullus obsistat, salva tamen iustitia illarum Ecclesiarum, à quibus mortuorum corpora assumuntur. Obeunte vero te, nunc ejusdem loci Priore, vel tuorum quolibet successorum, nullus ibi qualibet subreptionis astutia, seu violentia præponatur, nisi quem fratres communi consensu, vel fratrum pars consilii sanioris secundum Dei



„timorem, & B. Augustini Regulam providerint eligendum.  
 „Decernimus ergo, ut nulli omnino hominum fas sit præfa-  
 „tam Ecclesiam temere perturbare, aut ejus possessiones au-  
 „ferre, vel ablatas retinere, minuere, seu quibuslibet vexa-  
 „tionibus fatigare; sed omnia integra conserventur, eorum  
 „pro quorum gubernatione, ac sustentatione concessa sunt,  
 „usibus omnimodis profutura, salva Sedis Apostolicæ au-  
 „ctoritate. Ad indicium autem, quod eadem Ecclesia sub  
 „B. Petri, & nostra protectione consistat, quatuor massamu-  
 „tinos Nobis, nostrisque successoribus annis singulis persol-  
 „vetis. Siqua igitur in futurum Ecclesiastica, sæcularis ve  
 „persona hanc nostræ Constitutionis paginam sciens, contra  
 „eam temere venire temptaverit, secundo, tertio-ve com-  
 „monita, nisi reatum suum congrua satisfactione correxerit  
 „potestatis, honorisque sui dignitate careat, reamque se di-  
 „vino judicio existere de perpetrata iniquitate cognoscat, &  
 „à Sacratissimo Corpore, & Sanguine Dei, & Domini Re-  
 „demptoris N. J. C. aliena fiat, atque in extremo examine  
 „divinæ ultioni subjaceat. Cunctis autem eidem loco sua ju-  
 „ra servantibus sit pax D. N. J. C. quatenus, & hic fructum  
 „bonæ actionis percipiant, & apud districtum Judicem præ-  
 „mia æternæ pacis inveniant. Amen Amen Amen. ✠ Ego  
 „Clemens Catholicæ Ecclesiæ Episcopus. Datam literam per  
 „manum Moisi S. Romanæ Ecclesiæ Subdiaconi vicem agen-  
 „tis Cancellarii XI. Kalendas Martii, Indictione nona, In-  
 „carnationis Dominicæ anno MCXC. Pontificatus vero Do-  
 „mini Clementis Papæ III. anno quarto. „

En Monasterii S. Vincentii Canonici Ordinis, & institu-  
 ti ante Innocentium III. illustre monumentum, quod non  
 vidit recens scriptor Lusitanus Fr. Antonius à Pietate in suo  
 novo opere meridiano. In meridie cæcutiit, qui clarius cer-  
 neret in densa pulveris archivorum nube, si illum ex abscen-  
 ditis antiquitatis monumentis excuteret. In Monasterii im-  
 munitates à Clemente III. concessas invehctus est Olyssipo-  
 nensis Episcopus; quapropter Innocentius III. Ferdinandum  
 Priorem, & Petrum Cantorem Alcobatiæ delegatos judices

instituit, qui litem inter Vincentinos Canonicos, & Episcopum super libertate componeret, compositionemque anno Pontificatus sui octavo, & Incarnationis Dominicæ 1206. datis literis, quæ incipiunt : *Cum transcriptum privilegii* Apostolica auctoritate roboravit. Hujusmodi Innocentianæ literæ, & Clementinæ in eodem Monasterio asservantur. Stephanus Balusius edidit alias Innocentii literas, pro eadem exemptione in lib. 14. Epistolarum Innocentii III. n. 120. Monasterii immunitas extra Ecclesiam non erat; à Priore, sicut ætate nostra, Clericus, qui animarum curam gereret, præficiebatur ad nutum removendus, & confirmandus: intra eandem Ecclesiam Pontificalia exercere nulli licebat Episcopo Diocesis. Pontificalia tamen insignia, mithra, baculus, & annulus anno 1263. ab Urbano IV. ejusdem Monasterii Prioribus fuere concessa, quibus insignibus mitra, & baculo in divinis officiis in diebus solemnibus Monasterii ejusdem Cantores utebantur ex sequenti Bulla.

*Urbanus Episcopus Servus Servorum Dei. Dilecto filio Priori Monasterii S. Vincentii Olyssiponensis Ordinis S. Augustini salutem, & Apostolicam benedictionem. Exhibita nobis devotionis tuæ petitio continebat, quod in Monasterio S. Vincentii Olyssiponensis Ordinis S. Augustini cui præsides, de consuetudine est obtentum, quod Cantores ipsius Monasterii, per quos chorus regitur in divinis officiis diebus solemnibus Mitra, & Baculi usum habent; unde quia decens, & congruum videretur, si persona Prioris, qui caput est aliorum, & loco, ac dignitate præstantior, ornatu insigniorum hujusmodi in divinis officiis una cum aliis ad maiorem chori decentiam, & decorem honorabilis appareret, nobis humiliter supplicasti, ut in his personam tuam, & Monasterium in persona curaremus de munere liberalitatis Apostolicæ honorare. Nos igitur devotionis tuæ supplicationibus inclinati, utendi Mitra, & Baculo diebus illis, quibus Cantores ipsi in divinis officiis, dummodo Diæcesanus Episcopus non sit præsens, cui per hoc nolumus quoad jura alia, siqua ibidem habere di-*

gnoskitur, aliquod præjudicium generari. Annulo quoque utendi pro libitu tibi, & successoribus tuis auctoritate præsentium concedimus facultatem. Nulli ergo omnino hominum liceat hanc paginam nostræ concessionis infringere, vel ei ausu temerario contraire. Siquis autem hoc attemptare præsumpserit, indignationem Omnipotentis Dei, & Beatorum Petri, & Pauli Apostolorum ejus se noverit incursum. Datum apud Urbem veterem Kal. Julii Pontificatus nostri anno secundo.

Cum Olyssiponenſis Episcopus opponeret semper se esse præsentem in sua civitate, Clemens IV. anno sui Pontificatus secundo literis Perusii datis V. Kalendas Martii ad Monasterii Prioris postulatum declaravit præfatum privilegium, & gratiam concedi, prædicto Episcopo in dicta civitate morante; dummodo in Monasterii Ecclesia, celebrante Priore, non adesset: & omnia insignia iterum confirmavit, sicut ceteris Abbatibus, & Prioribus, quibus ea ex Apostolica concessionis gratia competunt.

Tandem S. Vincentii Priori subſcibebantur Canonica quædam, quarum aliæ in clauſtro prope Monasterium communem debebant vitam; & aliæ in propriis domibus servata ſibi propria rerum ſubſtantia; Priori tamen, & conventui obediētes, quæ ſorores tantum dicebantur: illæ Dominae appellabantur, & incluſæ ſorores, quarum memoria est in veteri ejusdem Monasterii Neucrologio: *Obiit Sancia Vincentii Prioriſſa, quæ fuit ſororum S. Vincentii.* De aliis ſororibus plura etiam ſunt monumenta in ejusdem archivo, de Conſtancia Esteves, Catharina Anneſ, &c.

## §. V.

*De Monasterio de Chelas.*

**A**ntiquum iſtud Monasterium Romanorum tempore Veſtæ fuiſſe nuncupatum noſtrum eſt traditio: incertam tamen illam arbitrantur alii; quod Veſtales Virgines extra Romam domicilium non habuerint, utpote quæ ex Onu-

phrio Panvinio de Civitate Romana cap. 29. eligi non poterant, nili eorum filia, qui in Italia commorarentur, & à Numa Pompilio Romæ fuerant institutæ ignem sacrum publicum totius Urbis, & Populi servaturæ. Nec propterea nostrum traditio infirmatur, quæ in invento ibidem lapide, cippo-ve, monumento equidem vetustissimo fundamentum fixit.

JULIA. Q. F. F. V.  
Q. JULIUS. Q. F. C.

SEVERUS

H. S. SUNT.

*Julia Quinti Filia Flaminia Vestalis  
Quintus Julius Filius Quinti Caius  
Severus hic sepulti sunt.*

Extra Italiam Vestæ Virgines extitisse ait Tertullianus de Castitatis exhortatione cap. 13. *Novimus Virgines Vestæ, & Junonis apud Achaia oppidum.* Ante Numam Troianos coluisse Vestam est apud Virgilium 2. *Æneid.* de Hectore.

*Sic ait, & manibus vittas, Vestamque potentem,  
Æternumque adytis effert penetralibus ignem.*

In Italiam Vestalem ignem Æneas è Troia cum Penatibus tulisse dicitur, conditoque Lavinio Vestæ ædem consecrasset. Postea Ascanius, ædificata Alba Longa templum Vestæ extruxit in montis Albani parte, cui suberat locus, in quo Ilia Vestalis mater Romuli, & Remi à Marte vi compressa est ex Livio lib. 1. cap. 3. Denique Numa Romæ Vestæ templum crexit anno ab Urbe Condita 40. & Virgines, quæ sacra ejus facerent, legit ex eodemmet Livio lib. 1. cap. 8. Mirum igitur non est Olyssipone etiam in Lusitania hujusmodi floruisse Virgines eo tempore, quo civitas illa Romanorum juris erat; cum civitates ex Civitate Romana, Aulo Gellio teste, quodammodo propagarentur, & cum apud Achaia oppidum, & ante Romanos apud Troianos Vestam colerent Virgines.

Anno igitur 1191. Era 1229. in loco isto duplex conditum fuisse Monasterium Religiosorum, ac Religiosarum constat

constat ex donationis scripto : *In Christi nomine. Hæc est charta donationis, & firmitudinis, quam jussi facere ego Gonsalvus Joannis, vobis Domino Petro Priori, & fratribus de Achelas. Placuit mihi per bona pacis, & pro remedio animæ meæ, ut faciam vobis chartam donationis, firmitudinis de tota mea hæreditate, quæ fuit de meo patre Joanne Esmoriges, & de mea matre Domna Ausenda, ubi vocitant Aroil cum casis, cum aquis, cum ingressu, & regressu, & cum quantum in se obinet. Do itaque vobis illam ad sustentationem Domnarum in eodem Monasterio Deo servientium, ut pro me orent tam in vita, quam in morte. Igitur ab hac die habeatis vos ipsam hæreditatem usque in perpetuum. Facta charta coram idoneis testibus mense Martio Era 1229. Ex Domnarum verbo plane fit Canonicas ibi religiosam vitam fuisse professas, quæ nomenclatura illa per Lusitaniam id temporis vocabantur. Earum fundatrix fuerat Domna Justa Rabaldis, quæ in Monasterio Canonizarum S. Joannis Colimbriensi professionem emiserat, & inde ad istud novum Olyssiponense Monasterium transmigravit institutura. Ejus sepulcrum in veteri Monasterii clauistro inventum est anno 1217. à Suario Olyssiponensi Episcopo, hoc inscripto epitaphio :*

*Justa à Cruce dicta ; Justa nomine, & vita  
Facet hic à nece extincta*

*Prima Fundatrix, & optima contemplatrix  
At nunc in calo est pro nobis auxiliatrix.*

Justæ memoria cognomine quoque Rabaldis observatur in codice antiquo manuscripto archivi Monasterii S. Crucis Colimbriensis. Nullum quidem, nisi fallor, firmum extat monumentum, quo eruditissimus, ac clarissimus Vir Fr. Ludovicus de Sousa Ordinis Prædicatorum in sui Ordinis chronico Monasterium istud à suis fundamentis Dominicani fuisse instituti arbitretur. (a) Ex præfato donationis monumento constat constructum esse ante insignem Prædicatorum Religionem, quæ ex Natali Alexandro sapientissimo ejusdem Ordinis scriptore ad sæculum 13. cap. 7. art. 5. à S. Dominico initium

(a)  
P. 1. fol.  
57.

habuit anno 1215. Fulcone Tolosatam Episcopo, & Simone Montis fortis Comite faventibus; & 11. Kalendas Januarii anno 1216. apud S. Sabinam ab Honorio III. Romano Pontifice. fuit confirmatus. Fortasse Canonica illæ sæculo decurrente 13. Dominicanis aliquando parerent; quod neque novum, neque incongruum; cum sub eadem Magni Parentis regula degerent, quam Prædicatores fratres profitentur.

Inter cetera, quæ hujusce Monasterii præ ceteris Lusitaniæ antiquitatem prædicant monumenta, sacre sunt exuvia Sanctorum Martyrum Felicis Africani è Scyllitana oriundi, & Gerundæ sub Diocletiano Imperatore Christianos in Hispaniis per Præsides persequente extincti, ac martyrio coronati, simul & Adriani, Nataliæ, ac sociorum, qui sub Maximo Cæsare pro Christi pietate pugnanda Nicomediæ egregiam operam fortiter posuerunt, & martyrii palmam adepti sunt. Hæ reliquiæ Gothorum imperii tempore, ante Saracenorum in Hispaniis tyrannidem cœlestis Numinis beneficio ad arenarias id temporis cœnobio vicinas appulerunt; in quarum memoriâ Christiani templum extruxerunt, quod inter Arabum barbariem permanit, ubi sacros suos conventus peragebant. S. Martyris Felicis apud Gerundam passi reliquias ait S. Gregorius Turonensis lib. 1. de Gloria Martyrum cap. 92. sæculo. sexto apud Narbonem in Basilica retineri. Tamais in Martyrologio Hispano ad diem 1. Augusti ex Auctore Domineco, qui secundum Bollandianos ad eandem diem scripsit anno circiter 1602. ait S. Felicis caput. in Ecclesia Collegiata seculari apud Gerundam in ejusdem Sancti honorem erecta extare. Quapropter non omnes S. Felicis reliquiæ in Monasterio de Chelas veneratione coli conjectandum est.

Venerabilis Rex Alfonso Henricus, Olyssipone jam Mauris erepta, & crucis vexillo stabilita, cum nova templa condere, & quæ antea extiterunt, elapsa ex ruderibus reparare, & erigere intenderet, in veteri hujus Monasterii Ecclesia Sanctorum reliquias invenit, & in templo, quod recens instauravit, altaria duo in ipsorum honorem, & memoriam erigi iussit his inscriptionibus.

BEATISSIMO CHRISTI DOMINI MARTYRI  
 FELICI DIACONO, ALIISQUE DUODECIM MAR-  
 TYRIBUS, QUI IMPIORUM GLADIO SUB DIOCLE-  
 TIANO OCCUBUERUNT, QUORUM CORPORA HIC JA-  
 CENT ANTE ALFONSUM PRIMUM PORTUGALIÆ RE-  
 GEM, HOC ALTARE DICATUM EST.

In honorem Sanctorum Adriani, & Sociorum.

FIDELISSIMO, ATQUE INVICTISSIMO CHRISTI DOMINI  
 MARTYRI ADRIANO, ET NATALIÆ UXORI EJUS,  
 ALIISQUE UNDECIM SOCIIS, QUI SUB MAXIMINO  
 VARIO TORMENTORUM GENERE OCCUBUERUNT, QUORUM  
 CORPORA ANTE ALFONSUM PORTUGALIÆ REGEM HIC  
 QUIESCUNT, HOC ALTARE DICATUM EST.

Ex veteri S. Vincentii Monasterii Neucrologio constat istud  
 Vincentinis Canonicis obsecundasse, Prioremque ex ipsis ha-  
 huere: *Decimo quinto Kalendas Augusti obiit Dominus Au-  
 gustinus Suerii Prior de Aobiles Canonicus Sancti Vin-  
 centii.* Achelas nomen ex Achile olim ibi latente corruisse  
 in tantis antiquitatum tenebris præterire potius arbitror, quam  
 fabulam confirmare.

#### §. VI.

*De Monasterio de Refloriis, sive Refugio.*

**P** Rope Forum Limicorum Monasterium *de Refloriis*,  
 vel ut alii appellarunt, *de Refugio*, extractum est. Al-  
 fonfus Ancemondes ex Lusitanæ primoribus, qui Henrico  
 Comiti in tot certaminibus memorandus socius fuerat, sæculi  
 illecebras abhorrens avitum solum petiit cum Deo tantum vi-  
 tam acturus. Beatissimæ Virgini, cujus auxilio in præliis sem-  
 per victor evaserat, grates impensurus, Ecclesiam condidit,  
 & Monasterium, in quo Clerici secundum Magni P. Augu-  
 stini Regulam degerent in hymnis, & canticis laudantes  
 Deum. Nobilibus viris sanctæ vitæ propositum amplectenti-

bus anno circiter Christi 1140. Petrus Menendus Alfonsi filius prælatus est. En Alfonsi donationem : *Alfonsus Ancemondes, & filius meus Menendus Alfonsi, & filia mea Maria Alfonsi, & Gelvira Alfonsi, & nepotes mei Menendus Gelvires, Didacus Gelvires, & Nuno Gelvires, cum filiis, & filiabus nostris, ac nepotibus, nec non cum omnibus parentibus nostris ob remedium animarum nostrarum, & propter honorem Dei, ac Beatæ Mariæ semper Virginis, omniumque Sanctorum toto mentis affectu de eadem Ecclesia cum omnibus suis præstantiis, quæ nunc possidet, vel in futurum acquirere poterit scripturam libertatis facimus tibi Petro Menendi præfatæ Ecclesiæ Priori, & omnibus Canonicis sociis tuis, qui tecum in præsentiarum sub Regula S. Augustini Deo militare videntur; nec non cunctis successoribus tuis, qui secundum eandem Regulam vivere voluerint; ita scilicet, ut nec nos, nec aliquis nostræ posteritatis præsumat de hujus Ecclesiæ redditibus, vel possessionibus quoquo modo, seu qualibet occasione minuere, fraudare, vel aliquas immisiones facere, sed omnia vobis, vestrisque successoribus integra, illibataque permaneant. Obeunte vero te ejusdem Ecclesiæ Priore, nullus ibi qualibet subreptionis astutia, vel violentia præponatur, nisi quem fratres communi consensu, vel fratrum pars consilii sanioris secundum Dei timorem canonice elegerint. Decernimus etiam, ut nulli omnino hominum tam de nostris, quam de extraneis liceat eundem locum super hac nostra confirmatione temere perturbare, aut ejus possessiones auferre, vel ablatas retinere, sed omnia integre conserventur eis, pro quorum sustentatione, ac gubernatione concessa sunt omnimodis usibus profutura ...* Facta scriptura libertatis quarto Idus Novembris Era 1192. Ego Alfonsus Ancemondes, & filius Menendus Alfonsi, & Gelvira Alfonsi cum supradictis parentibus nostris hanc scripturam libertatis perpetuæ, volenti animo propriis manibus roboramus. Regnante in Portugalia Rege Alfonso Henrici Comitis, & Regine Tarasie filio,



*Cardinalis etiam Hyacinthus nomine, qui tunc temporis aderat præsens, laudavit, & auctoritate Apostolica confirmavit. Ego Joannes Archiepiscopus Bracarenfis.*

Domnus Nicolaus à S. Maria in Canonico chronico (a) ait hanc Alfonsi Ancemondes donationem fuisse factam Era 1162. anno scilicet Christi 1124. sed deceptum ipsum existimo, ex numeralibus characteribus, quibus Era scripta est in veteri monumento: sic inscribitur Era *MCLXII*. litteram *X* supra signatam ille non inspexit, quæ apud veteres Lusitanos quadragenarium numerum exprimebat; & in Era 1192. incidit. Cetera etiam, quæ ibidem enarrantur, nec ad annum 1124. nec ad Eram 1162. contigisse creduntur. Nondum enim erat Bracarenfis Archiepiscopus Joannes Peculiaris, qui subscripsit, nec Alfonsus Henricus regni moderamen susceperat; ut ex antehabitis capitibus agnoscet quisquis legerit: nondum Hyacinthus Cardinalis, qui Anastasii IV. primam legationem per Hispanias susceperat, Lusitaniam venerat. Hyacinthi Cardinalis adventus memoria invenitur in veteri Ordinario Monasterii S. Crucis à tempore S. Theotonii: *Dominicæ Incarnationis anno 1153. temporibus Domini Alfonsi Portugalsium Regis Comitis Henrici, & Regine Tarasie filii, ac Regis Hispaniarum Alfonsi nepotis: vir venerabilis Domnus Hyacinthus Cardinalis Sanctæ Ecclesiæ Romanæ legatus processione in Colimbriensi Monasterio Sanctæ Crucis honorifice susceptus est.* Omnia tamen ad Eram 1192. annum Christi 1154. bene conveniunt.

Menendus Alfonsus Alfonsi Ancemondes filius de prole suscipienda nullam spem habens Beatissimam Virginem, quæ in Reslorii Monasterio veneratione maxima colebatur, bonorum suorum hæredem instituit. *In Dei nomine Ego Menendus Alfonsus, & uxor mea D. Gontina Pelais timentes extremum judicii diem, quando retribuetur unicuique secundum opera sua; decrevimus offerre servis Dei portionem nostræ possessionis, ut nos illorum orationibus adjuti à Domino. Jesu Christo in cælestibus Regnis mereamur.*

(a)  
P. 1. lib. 6.  
cap. 8.

*mur coronari. Offerimus itaque Deo, & Sanctæ Mariæ de Restoriis, tibi que Petro fratri nostro ejusdem Ecclesiæ, & Monasterii de Restoriis Priori, & ceteris Canonicis suis ibi degentibus in perpetuum totum nostrum Condatum, quod est in eodem loco de Restoriis cum suo Palatio, sicut illum mihi dedit pro meo servitio inclitus Infans D. Alfonsus Henrici Comitis, & Regine Tarasie filius cum omnibus præstantiis suis, & terris, ruptis, & non ruptis, & fontibus, & cum omnibus ruribus suis. Hoc autem totum facimus pro remedio animarum nostrarum, parentumque nostrarum, & ut semper in orationibus, & sacrificiis ejusdem Monasterii partem habeamus. Quicumque vero contra hoc totum facere præsumpserit sit maledictus, & cum damnato Juda in inferno crucietur, & quantum inde auferre tentaverit, tantum in duplum componat. Facta testamenti charta mense Junio Era 1178. De hujus donationis tempore dubietatem ingerunt subscriptiones; subscripserunt quippe Menendus Lamecenis Episcopus, & Olibrius Vilenis; utrumque anno 1144. ad Episcopatum evectos supra scripsi: ex scriptorum igitur vitio vertendum puto, qui ad annum 1140. ad Eram scilicet 1178. retro traierunt: Eram potius 1198. annum scilicet Christi 1160. conjecturabo.*

Tot largitionibus, ac Canonicorum virtutibus locupletatum Monasterium de Pelagio Tudenſi Episcopo, intra cuius Diœcesis limites id temporis erat circumscriptum, ita est meritum, ut ille ab Episcoporum jurisdictione de sui Capituli consensu immane redderet, & Ecclesias, quæ eidem Monasterio tribuæ fuerant. Immunitatem firmavit Hyacinthus Cardinalis Sælis Apostolicæ legatus: *Hyacinthus Dei gratia Sanctæ Romanæ Ecclesiæ Diaconus Cardinalis, Apostolicæ Sælis legatus; dilectis filiis Petro Priori Monasterii de Restoriis, ejusque Canonicis regularem vitam professis in perpetuum...* Nihilominus instrumenta libertatis à venerabili fratre nostro Pelagio Tudenſi Episcopo consensu Canonicorum suorum, & ab illustri Alfonso Duce Por-

*tugaliae, nec non & à fundatore Alfonso Ancemondes, filioque suo Menendo Alfonso, & ceteris ejusdem lici coheredibus, tibi, & Ecclesie tue collata, rata, & in perpetuum inviolata, Apostolica auctoritate permanere censemus... Datum Tuden per manum Roberti Capellani Domini Hyacinthi Diaconi Cardinalis Apostolicæ Sedis legati; 18. Kal. Decembris Indictione 3. Incarnationis Dominicæ 1154. Anastasii Papæ IV. anno secundo.*

Anno 1163. Summus Pontifex Alexander III. Monasterium in B. Petri protectionem suscepit, libertatemque in posterum observari indulgit: *Ecclesiam B. Mariæ de Resforiis, in qua divinis obsequiis estis mancipati, in Beati Petri tutelam, protectionemque suscipimus, statuentes ut Ordo Canonicus, qui secundum Deum, & Beati Patris Augustini Regulam ibidem, cooperante Domino, noscitur institutus perpetuis temporibus inviolabiliter observetur... Præterea libertatem illam, quam Pelagius quondam Tudenfis Episcopus vobis, & Ecclesie vestræ concessit, & scripto proprio roboravit, vobis cunctis Apostolicæ confirmamus. Statuit siquidem, ut eadem Ecclesia cum omnibus suis pertinentiis, & Parochianis ab omni Episcopali jure, & exactione sit omnino libera. Et ad libertatis indicium singulis annis duo bisantii Apostolicæ Sedi solvebantur.*

## §. VII.

*De Monasteriis de Landim, & de Oliveira.*

**M**onasterium Sanctæ Mariæ de *Landim*; quod veteres appellabant de *Nandim*, undecimo vergente sæculo, tribus leucis a Bracarensi Civitate ad meridionalem plagam situm est. Primum hujus Monasterii fundatorem tradituruisse Dominum Gondisalvum Roderici fratrem Gondisalvi Pereira, nepotem Domni Roderici Frojás hujus nominis secundi, & pronepotis celeberrimi illius viri Domni Nonii Frojás de Traстамара, quos meminit Serenissimus Infans Dominus Petrus in libro, quem edidit de Lusitanæ Primoribus tit. 2.:

quo tamen tempore conditum, & anno non reperitur. Anno 1177. à Virginis partu Monasterium istud moderabatur Præsul D. Nonius Menendus; eoque Præfule eodem anno filii Domni Gondisalvi Roderici prædicto Monasterio donarunt aſylum, seu cautum de *Palmeira*, quod anno 1306. Dominus Alſonſus IV. ſuamet ipsius ſententia, & poſtea anno 1385. Dominus Joannes I. Luſitaniæ Reges firmarunt. Hujus Monasterii Prior omni civili ſruitur juridiſtione in ipſo *Cauto*, cujus incolæ inter ſe judices, ædiles, & cetera munera eligant, quos Prior ipſe confirmat.

In veteris clauſtri angulo ſepulcrum viſitur: eſt omnium traditio Domnum Michaelem Sylviuſ Priorem Monasterii Commendatariuſ, Viſenſem Epiſcopuſ, tandemque Sanctæ Romanæ Eccleſiæ Cardinalem, illud aperire juſſiſſe, & viri Dei ibidem conditi oſſa in aliuſ locuſ transferre, quod id temporis nimiuſ odor, & flagrantia exierit: ſepulcri lapis inſcriptuſ habet epitaphiuſ.

VIR BONUS, ET RECTUS JACET HIC SUB LAPIDE TECTUS  
OBIIT KAL. MARTII PETRUS GARGIÆ PRIOR ERA 1236.

Duplex quoque fuiſſe Monasteriuſ ex veteri conſtat Neucrologio S. Crucis in ejuſdem archivo. *Obiit 8. Kalend. Martii Domna Elvira ſoror de Nandim.* En filioruſ Gondisalvi Roderici erga Monasteriuſ donationem. „ In nomi-  
„ ne Patris, & Filii, & Spirituſ Sancti. Amen. Nos Filii de  
„ Domino Gondisalvo Roderici, Fernandus Gondisalvi, &  
„ & Gondisalvus Gondisalvi, & Elvira Gondisalvi, & Ro-  
„ dericuſ Gondisalvi, eodem animo, & eodem conſenſu  
„ facimuſ ſcriptuſ firmitudinis inter noſ, quod numquam  
„ à nobiſ in vita noſtra, nec à filiis, & progenie noſtra poſt  
„ noſ ſit licituſ infringere. Placuit nobiſ, & juramento,  
„ ac benediſtione, & malediſtione, atque poena firmavi-  
„ muſ cautuſ, quod Pater noſter bonæ memoriæ Dominuſ  
„ Gondisalvuſ Roderici fecit Monasterio de Nandim, & Or-  
„ dini Sancti Auguſtini pro remedio animæ ſuæ conceſſit,  
„ ratuſ, & ſtabile in perpetuuſ permanere. Ita videlicet,  
quod

„ quod ille, qui præfuerit Monasterio habeat liberam pote-  
 „ statem uti eodem cauto, pro sua, & Canonicorum ibidem  
 „ commorantium voluntate; nec aliquis nostrum in omni vi-  
 „ ta nostra, vel filii nostri post nos habeamus in eo cauto  
 „ vassallos, vel exigamus ibi contra voluntatem illorum  
 „ quaslibet exactiones: quicumque de nobis, vel de filiis no-  
 „ stris, vel progenie nostra, istud scriptum compleverit ha-  
 „ beat Domini benedictionem, & Dominus Jesus Christus  
 „ donet ei feliciter vivere, & hic, & in futuro; qui vero  
 „ aliter, quam statutum est facere temptaverit sit maledictus,  
 „ & excommunicatus, & in hoc sæculo, atque in alio sem-  
 „ per, & infelicitur vivat: insuper autem quicumque ille fue-  
 „ rit perfolvat Monasterio mille solidos. Nos filii de Domno  
 „ Gondisalvo Roderici supernominati, hoc scriptum manibus  
 „ nostris roboramus. Facta charta mense Junii Era milleesi-  
 „ ma ducentesima decima quinta. Regnante Domino Alfon-  
 „ so Rege in Portugale, in Bracara Archiepiscopo Domno  
 „ Godino Munio, Menendo, Petrus, testes, & multi, qui  
 „ viderunt, & audierunt, & confirmant, Menendus notavit.

„ Item de Monasterio Sanctæ Mariæ de Nandim Pe-  
 „ trus Joannis Prior ipsius Monasterii juratus, & interroga-  
 „ tus dixit; quod Dominus Rex non est Patronus, nec ha-  
 „ bet ibi colletam, quod quitavit eam in perpetuum per su-  
 „ am chartam, quam nos Inquisitores vidimus, & legimus;  
 „ & Monasterium ipsum est cautatum per Patronos à Dom-  
 „ na Regina Tarasia filia Magni Regis Alonsi, & habent  
 „ chartam de ea, quam nos similiter vidimus, & legimus  
 „ continentem, quod omnia illa, quæ ibi prædicta Regina  
 „ habebat, ipsi Monasterio pro eleemosyna conferebat. Item  
 „ dixit, quod terminos ipsius cauti, secundum quod in char-  
 „ ta expressi sunt, nunquam amplius dilatavit, nec dilatarī  
 „ audivit. Item dixit, quod homines istius cauti non exeunt  
 „ foras laborare, quantum ad istos Parochianos pertinet hæ-  
 „ reditates forarias, seu Regalengas Domini Regis. Item  
 „ dixit, quod forarii Domini Regis non sunt ibi, nec ali-  
 „ quod aliud est ibi, de quo Dominus Rex incurrat dam-

Aa

„num. Pelagius Novaes Canonicus ipsius Monasterii, Di-  
 „dacus Egez, Dominicus Pelagius, Domnus Julianus,  
 „Domnus Roneus, Martinus Stephani, Gonfalus Fernan-  
 „di, iurati, & interrogati dixerunt omnibus, & per om-  
 „nia, sicut Petrus Joannis Prior. „

Cum Monasterium S. Mariæ de *Oliveira*, de quo sæ-  
 culo 11. cap. 6. §. 7. egi, non longe situm sit à *Landim*, hic  
 advertendum duxi, quod alibi omisi. Equidem Era 1071.  
 fuit extractum, non ab Aria de Brito, ut ex quodam monu-  
 mento veteri, sed incerto, & impolito fui deceptus; verum  
 à Miçto, & Aldosinda; quod palam sit ex donationis scripto,  
 quod ex ejusdem Monasterii de *Oliveira* archivo latinitate  
 barbara adductum est: *In nomine Sanctæ, & Individuæ*  
*Trinitatis Patris, & Filii, & Spiritus Sancti, & in*  
*honorem, vel amorem Cbriste triumphatilem Apostolorum, &*  
*Martyrum tuorum, nos exigui servi vestri Miçtus, &*  
*Aldosinda ob nostro inclyto solatio edificamus nos auxili-*  
*ante, ob remedio animas nostras, edificamus Ecclesiam*  
*vocabulo S. Salvatoris, & S. Mariæ semper Virginis, &*  
*Genitricis Domini nostri Jhesus Cbristi, & duodecim Apo-*  
*stoli, & S. Michaelis Archangeli, & S. Adriani, & Ma-*  
*talitie, & Sanctorum Belleem nutitorum Martyrum, &*  
*S. Vincentii Levitæ, quæ sunt reconditæ in villa, quæ vo-*  
*citatur Olivaria, quæ est subtus cautum saucroso discur-*  
*rente rivulo Ave territorio. . . . Urbium Bracaren. ipsam*  
*villam concedimus, & præstationibus suis ab integrum per*  
*suis terminis, & locis antiquis, concedimus ad ipsum tem-*  
*plum, quæ sint pro vestimentum, vel tegumentum servor-*  
*um, vel ancillarum, quæ in isto loco in vita sua perfisse-*  
*rint sub manus patrocínio, vel Abbati nostro Alani cõfero,*  
*id est ipsum locum, in quo Ecclesiam in nostro nomine fun-*  
*data esse dignoscitur cum ornamentis ejus, quod ad hujus*  
*nostræ Ecclesiæ pertinet. . . . . Factum series testamenti X.*  
*Kal. Madii Era M.LXXI.* Duplex erat Monasterium Ca-  
 nonicorum, & Canonicarum, *servorum* scilicet, vel *ancil-*  
*larum.* Ariam Tellonem Germanum fuisse Miçti, & Aldo-

findæ constat ex ipsius monumenti verbis , quæ diffusionis vitandæ causa non exscripsi : *Et Villa Belmil, quod caduit in portionem de Germano nostro Tello Arias pro remedio animæ suæ.*

## §. VIII.

*De Monasterio S. Salvatoris de Paderne.*

**I**Nter cetera , quæ in hujus Monasterii archivo inveniuntur monumenta de prima sua conditione nullum est ; ex quadam tamen donatione à Rege Domno Alfonso Henrico erga Abbatissam Domnam Elviram anno Domini 1140. constat fuisse Monialium , quæ sub eadem Elvira communem agebant vitam. A' Paterna Comitissa Elviræ matre , & Comitissæ Tudenlis Hermenegildi conjuge Fundatrice *Paderne* cognomen habuit. Quo tempore Canonici ibidem florere cœperint , & Monialium Monasterium deserit , certum quiddam proferri nequit. Attamen anno 1231. Canonici sub Priore Domno Joanne Pires incolebant , quos Alfonso III. privilegiis , ac donationibus plurimis locupletavit. En Venerabilis Regis Alfonso Henrici donationem erga Elviram Abbatissam.

„ In nomine Sanctæ , & Individuæ Trinitatis Patris ,  
 „ videlicet & Filii , & Spiritus Sancti , quorum divisa majestas , & una Deitas per infinita sæculorum sæcula. Amen.  
 „ Dominis meis invictissimis , atque triumphatoribus , gloriosisque Sanctorum Sancti Salvatoris , Sanctæ Mariæ semper Virginis , Sancti Michaelis Archangeli , & Sancti Pelagii , Justi , & Pastoris , & aliorum Sanctorum , & Sanctarum Virginum , quorum esse dignoscitur fundata est  
 „ Basilica , quæ vocatur Sancti Salvatoris de Paterni subtus  
 „ mons Leborario territorio Tudenlis sedis juxta fluvium  
 „ Minei. Quoniam Ego Rex Alfonso Portugalsium Princeps , filius Comitissæ Henrici , & Reginæ Tarasie filius  
 „ Magni quoque Regis Alfonso nepos in provinciarum propria largiri desidero , ut in futurum , quod seminaverim  
 „ metam ; & quasi cum pingue lapade ingrediar cum sponso

„ad nuptias, facio largitatem ad honorem Sancti Salvato-  
 „ris, & Sanctæ Mariæ Virginis de Monasterio Paternii jam  
 „supra nominato pro remedio animæ meæ, & matre meæ,  
 „& parentum meorum, & pro servitio, quod mihi fecit  
 „Domna Ilvira Sarrazeni Abbatissa ipsius Monasterii, servi-  
 „tio scilicet decem Equas cum suis pullos, & triginta mo-  
 „dios de vino, & unum equum adapretiatum in quingentos  
 „soldos, & centum aureos. Istum pretium, & servitium  
 „fuit datum quando tomavit Dominus Rex Castellum de  
 „Leborario, & pro amoris cordis, quem erga eam habeo,  
 „ut habeant inde in vita sancta perseverantes refectionem,  
 „unde vivant, & hospites, ac peregrinos recipiant. Cauto  
 „igitur prædictam Ecclesiam Sancti Salvatoris, & Sanctæ  
 „Mariæ Virginis per terminos istos habeat. Itaque terminum  
 „Montezelo, & inde ad portum de Carvalho, deinde sub  
 „Oiteiro de Cabronis, deinde vadit ad petra aguta subtus  
 „verea de Sancto Thome, inde vadit ad ribalo de Molinus,  
 „& intrat in Mouro, deinde vadit sursum per ipsum fluvium  
 „de Mouro, deinde vadit sursum per Rialem de fontano co-  
 „bo, deinde quomodo dividitur per costa mala, deinde ad  
 „Fontem de Seixo, & descendit ad Fontem de Pezo, deinde  
 „descendit ad Cabeça de fonte de Cobello, & descendit per  
 „ipsum rivulum de Cobello, & inde ascendit ad ipsum oi-  
 „teiro de Sante, & venit ad Cepeda, deinde quomodo vadit  
 „pera a petra, inter Sanctum Pelagium, & Monasterium,  
 „inde per illum de festam usque ad pontem de Cotos, &  
 „descendit per ipsum rivulum: inde ad civitatem, inde cau-  
 „tum de Maceira. Deinde quomodo vadit per illum agrum  
 „de frontania, & deinde admontezelo. & versum unde pri-  
 „us inchoavimus. Habeat itaque prædictum Monasterium  
 „per hos terminos quantum ego ipse habeo, & ad Regem  
 „pertinet potestatem exopeto unum meum casalium, qui est  
 „in loco, qui dicitur Rial, & illi casali habeat Monasterium  
 „suas voces, contra quod factum nostrum quicumque vene-  
 „rit ad derrumpedum, quam de propinquis, quam de ex-  
 „traneis quantum invaserit, vel rapuerit, tantum in triplum



„ prædictæ Ecclesiæ componat, & sit maledictus usque ad  
 „ septimam generationem, & à fide Christianorum excom-  
 „ municatus, & cum Atam, & Biram vivat in infernum, & cum  
 „ Juda traditore habeat portionem, & teneatur perfolvere  
 „ Domino Regi secundi auri talenta, vel ei, qui terra im-  
 „ peraverit, & facta charta cauti sub die, quod erit XVI.  
 „ Calendas Maii Era MCLXXVIII. Ego Rex Alfonso Hen-  
 „ rici hoc cautum propria manu confirmo, & nobis Garcia  
 „ Mendes Alferes confirmat, Gonsalves confirmat, Petrus  
 „ confirmat, Egas Monis confirmat, Laurentius Egee confir-  
 „ mat, Egee Nunes confirmat, Nuno Rodericit confirmat,  
 „ Gonsalves Roderici confirmat. Portugal Alfonso Rex,  
 „ ac testibus Petrus testis. Pelagius graduator scriba Domini  
 „ Regis notavit.,,

## §. IX.

*De Monasterio S. Martini de Crasso.*

**I**N oppido de *Crasso* Interamnenfis provinciæ Bracarenfis  
 Diocesis Dominus Onericus Suarius in honorem S. Mar-  
 tini Turonensis Monasterium Canonicorum extruxit Era  
 1174. & ex inscriptione veteri in lapide supra januam com-  
 monstratur : *Era MCLXXIII. XVI. Kalend. Maii cæ-*  
*pta est opera ista.* Primus Monasterii ejusdem regimen ha-  
 buit Prior Dominus Dominicus Paes ex Canonicis Sanctæ  
 Crucis.

Anno Domini 1190. Clerici quidam ex Onerici proge-  
 nie, quorum nomina infra in monumento scripta sunt, erga  
 Monasterium testamentum suum condiderunt, & regularem  
 vitam sunt amplexati. *Ad honorem Domini nostri Jesu Chri-*  
*sti, ac gloriosissimi Sancti Martini de Crasso, & omnium*  
*Reliquiarum Sanctarum, quorum Basilica fundata esse*  
*dignoscitur. Nos famuli Dei, qui sumus Clerici, & ex*  
*progenie Domni Onerici Suarii de Crasso nati; ego scilicet*  
*Onericus Venegas, & ego Rodericus Fernandes, & ego*  
*Guterres Suarii, & ego Petrus Suarii testamentum cle-*  
*gimus facere ad ipsos Sanctos, quos superius diximus;*

*idcirco damus, & testamus pro remedio animarum nostrarum ipsas Ecclesias, quas habemus de manibus parentum nostrorum, videlicet: Sancti Adriani de Oleiros, Sancti Jacobi de Sampris; Sancti Romani de Sancta Olaya, & Sancti Michaelis de Brivanes; testamus illas cum omnibus pertinentiis illarum, dictæ Ecclesiæ, & Monasterio Sancti Martini de Crasto, pro Ordine Canonico Sancti Augustini, quem ibi accepimus, & ubi habemus in communi victum, & vestitum, ut subveniat nobis Dominus in die judicii, & audiamus vocem Domini dicentem: venite benedicti Patris mei. Facta series testamenti II. Aprilis Era MCCXXVIII.*

Ea erat S. Martini Canoniorum disciplina, ac virtutum incrementum, ut Dominus Godinus Canonicus Regularis Archiepiscopus Bracarensis tempus, quod Episcopatus oneribus aliquandiu eripiebat, cum iis infunderet soli Deo facilius vacaturus. De Bracarensum Canonicorum assensu, ac Regis Alfonsi, & Reginæ Mafaldæ precibus inclinatus eidem Monasterio exemptionis privilegium indulgit, & ab omni jure Episcopali prorsus absolvit; quamobrem possessionem quamdam in Villa de *Mollas*, & duo casalia in terra de *Regalder* Archiepiscopus ipse in compensationem accepit. Ab humanis sublato Godino, inter Bracarensem Antistitem illius successorem, & S. Martini Canonicos orta est lis.

Bracarensis Archiepiscopus opposuit prædictum Monasterium, cum adhuc Parochialis Ecclesia existeret, & postmodum cum per Bracarensem Archiepiscopum Godinum facta esset Canonica Regularis, jura Episcopalia Bracarensi Ecclesiæ perfolvisse; Canonicos vero Archiepiscopo memorato duo *Casalia* conferentes, juris Episcopalis relaxationem impetrasse, sed dissensione postmodum exorta, Canonicos eosdem, *Casalibus* prædictis receptis, jura Archiepiscopo, & successori diutius perfolvisse: adjecit quoque, quod ipse ab eadem Ecclesia, sicut ab aliis Monasteriis Bracarensis Diocesis, jura Parochialia, & procuraciones annuas aliquandiu receperat, quæ cum sibi præsumpsisset post mo-

dum denegare , post primam , secundam , & tertiam commonitionem , suspensionis in Priorem , & in Monasterium interdicti sententiam promulgavit , ac postea tam Priorem , quam Conventum , quia sententiam ipsam non servarent , excommunicationi subjecit

Coram Guidone S. Romanæ Ecclesiæ Cardinali Diacono , qui id temporis in Portugalia legationis officio fungebatur , quæstio istæc fuit agitata , & tandem Priori Monasterii Sanctæ Crucis ex ipsius delegatione commissæ : pars adversa , lite pendente , ad Apostolicam Sedem accedens veritate tacita prædicti privilegii confirmationem à Cælestino III. impetravit. Allegabat tamen Archiepiscopus Bracarensis , ex privilegio ita impetrato nullum debere sibi præjudicium generari , & ante omnia debere restitui , cum jure consueto a Priore , & Canonicis auctoritate propria spoliaretur. Denique ad Innocentium III. anno 1. sui Pontificatus à Virginis partu 1198. integra causa delata est ; qui cum ad plenum de præmissis non esset certus ad Lamecensem Episcopum , & Priorem de Ecclesiola Apostolica scripta mandavit , ut partibus convocatis , audirent hinc inde proposita , & quod justum foret inter eos , appellatione postposita , statuerent , & quod decernerent , firmiter observari præciperent.

Anno 1199. Bracarensis Archiepiscopus vehementius conquestus est obedientiam , ac reverentiam à S. Martini Canonicis denegari ; quapropter Innocentius eorundem Priori scriptis suis præcepit , ut non obstante hujuscemodi privilegio , & commissione , quam ad Episcopum Lamecensem , ac Ecclesiolæ Priorem dederat , Bracarensi Antistiti , & Ecclesiæ Bracarensi , quemadmodum alii suæ Diocesis Prælati , humiliter obedire curaret. Quocirca ad Episcopos Portugalsensem , & Lamecensem , ac Abbatem de Burio literas misit , ut si S. Martini Prior parere renueret , veritate cognita , per censuram Ecclesiasticam sine appellationis obstaculo compellerent. Innocentianas literas in lucem prodidit Stephanus Balusius n. 119. & 150. nec non Eminentissimus de Aguirre tom. 5. Conciliorum Hispaniæ.

## §. X.

*De Monasterio S. Marinæ da Costa.*

**A** Nno Domini 1154. Domna Mafalda Portugalix Regine, ac Venerabilis Regis Alfonsi Henrici conjux in honorem Sanctæ Marinæ prope Vimararum Canonici Regularium Monasterium extruxit de *Costa* nuncupatum, quod ævo nostro à Monachis Hieronymianis ab anno 1528. incolitur. Novo conventui primus præfectus est Dominus Menendus ex septuaginta duobus Canonicis S. Theotonii discipulis, quem Mafalda ipsa ad confessiones suas destinaverat: id eundem constat ex veteri monumento Emphyteutico Era 1183. inter Menendum, ac Didacum Amarellum virum ex Lusitanix primoribus. Inter Bracarensem Archiepiscopum, ac Monasterii hujus Priorem dissidium crevit. Prior Archiepiscopo obedire renuebat, seque immunem referebat; Archiepiscopus ad Innocentium III. Romanum Pontificem detulit, qui tamen literis suis Priori jussit, ut Bracarensi Ecclesiæ obedientiam, ac reverentiam debitam, sicut alii ejusdem Diocesis clerici, impenderet; quin tempus præscriberet: ex cap. 12. lib. 2. Decretalium tit. 26. de Præscriptionibus.

(a)  
De Anti-  
quit. Lu-  
sitaniæ cap.  
25.

Gaspar Estatius (a) existimat Reginam Mafaldam non in honorem S. Marinæ Gallacæ, aut Portugalensis, sed Antiochenæ, quam Martyrologium Romanum ad diem 20. Julii meminit, Monasterium condidisse. Quis crederet Mafaldam in extraneæ, & non in Lusitanæ, & concivis suæ obsequium opus insigne perfecisse? Dominus Theotonius de Mello Canonicus Regularis, ac Prior Monasterii de Refloriis inter cetera monumenta, quæ scripta Chronico Canonico laborando reliquit, ait inter alia, quæ in Auriensis Sedis archivo de Domino Petro Seguino S. Crucis Canonico, & illius Sedis Episcopo invenerat, id reperisse Reginam Mafaldam Seguino supplicasse, ut S. Marinæ, quæ ibidem ad *Aguas Sanctas* passa erat, reliquiam ad se mitteret in novo Monasterio omnium venerationi collocandam, & Seguinum Sanctæ ejusdem

ejusdem capituli portionem per Canonicos suos obtulisse, quæ argento circumclusa anno 1156. veneratione maxima habitata est. Idemmet scriptor addit post Masaldæ mortem ad S. Vincentii Olyssipontis Monasterium fuisse translata, ibidemque miraculis quamplurimis coruscasse. Id tamen præterire nequeo Marinam Martyrem Antiochenam apud Lusitanos Masaldæ tempore maxime coli, quod videre erit in vetustissimo codice de Sanctorum vitis manuscripto a tempore S. Theotonii, qui apud nos in archivo custoditur.

Plurima alia præter dicta erant per Lusitaniam duodecimo sæculo Canonicorum Regularium Monasteria, quorum nomina catalogo dicam ex manuscripto codice Sanctæ Crucis archivi. Alia Canonicis jam destituta, vel ex Regularibus Collegia Clericorum sæcularium sunt effecta, vel Commendata, vel ad alios Ordines Regulares sunt translata, illisque unita. Quæ Canonicis Regularibus jam carent, & facta sunt sæcularium, vel ad alios Ordines pertinent, ista sunt.

Ecclesia Leirinenfis, quæ ex simplici Collegiata, erecta est in Cathedralē, & sæcularis effecta.

Ecclesiæ Scalabitanæ Sanctæ Mariæ de Alcaçova, & Maravillæ.

Monasterium de Leça juxta fluvium Leça ædificatum, nunc Ordinis militiæ S. Joannis Hierosolymitani.

Monasterium Aquarum Sanctarum ejusdem Ordinis Mo-litenfis.

Monasterium Sanctæ Mariæ vulgo Sedoseita juxta Portugalem civitatem, nunc Canonicorum sæcularium.

Monasterium Sancti Martini de Mancellis, nunc Prædicatorum Ordinis S. Dominici.

Monasterium S. Andreæ de Anfede, nunc ejusdem instituti.

Monasterium Sanctæ Mariæ de Carquere prope Durium non longe à Lameco, quod Jesuitæ possederunt.

Monasterium S. Joannis Longarum Vallium ejusdem postea instituti.

Monasterium S. Jacobi Dantas, nunc Abbatia sæcularis.

Bb

Monasterium S. Salvatoris de Balneo, olim nobilissimum, modo Commendatum Ordinis militiæ Jesus Christi.

Monasterium S. Salvatoris de Ribas, nunc Commendatum, cujus Prior, & Canonicus Beatus Menendus sanctitate floruit, & ob ejus sanctimoniam post illius obitum sepulcro inscriptum fuit: *Hic jacet Dominus Menendus bujus Monasterii Prior, qui nunquam dum vixit, pedem movit, nisi ad obsequium Dei.* Quod epitaphium à veridicis inscriptum, compertum est anno 1565. annis circiter quadringentis ab depositione transactis, cum Rodericus de Mello ejusdem Monasterii Commendatarius ob famam sepulcrum aperiri jussit: nam repertum est cum epitaphio corpus reliquum in cineres volutum præter pedes, & crura integra, & cum carne quasi animata, cum caligis, & calceis, quæ crura, & pedes tegebant, quæ ita reperta sunt illæsa ad viri Dei sanctitatem, & epitaphii veritatem probandam.

Monasterium S. Torquati, nunc ad Ecclesiam Vimaranensem unitum.

Monasterium Rivuli mali, quod ad S. Simonis da Juncaria nunc pertinet.

## C A P. VII.

*De Monasteriis, quæ sub regula S. Benedicti floruerunt.*

### §. I.

*De Monasterio S. Joannis de Tarouca.*

**Q**uo jure Cisterciensi Ordini devincitur Lusitania, quæ per tot clarissimorum Monachorum merita, & orationes à Saracenorum jugo est liberata? Sanctus Bernardus Claravallensis Abbas sæculo incunte duodecimo per Gallias tot Monasteriorum Auctor, & Parens in Lusitaniam spiritum suum, & animam dividere intendit. Monachos octo,

quos virtutibus ornatos agnoverat, Boemundum, Aldebertum, Joannem, Bernardum, Albericum, Selmandum, Rolandum, & Alanum misit, qui in Hispaniarum terminis Monasterium conderent loco, quem Deus iis destinaret. Per ipsos ad Joannem Ciritam virum quemdam insignem literas dedit, sub cujus auxilio, & ope novo operi incumberent. Lusitaniam ingressi Lamecum petierunt, & prope hanc civitatem Ciritam in via invenientes lætati sunt, & S. Bernardi literas tradiderunt.

*Venerabili Fratri Deo dilecto, & in via sæculi hujus commilitoni nostro Joanni Cirite Bernardus Abbas dictus de Claravalle salutem in Domino sempiternam. Permittente Patre miserationum, & Deo totius consolationis, qui non sinit animas peccatorum in æternum baratrum demergi, scivimus de Fraternitate, quo pacto assiduis orationibus pectus dominicum pro peccatorum venia pulsare non finis, & quia vir desideriorum es, adimplexii Dominus desiderium tuum, dum nobis aperuit exaudiri deprecationes tuas, & nos qui in eadem voluntate societatem tuam sequimur, mittimus hos filios tuos, quos lacte sanctissimæ doctrinæ Domino nutrivimus, ut quocumque miseratione Divina disposuerit, & signum cælestis micaverit, Monasterium condatis, cujus tu, dum advixeris, tanquam Prætor, & ceterorum signifer præeris, & sub invocatione S. Joannis, eidem, & Altissimo, qui sic voluit, consecrabis. (a) Fraternitatem tuam servet Dominus, & in inclinis augeat.*

(a)  
Ex Archi-  
vo de Ta-  
rouca.

Perlectis literis, Joannes Abbas, ac ceteri Monachi Vimararum ad Alfonsum Portugalensium Principem properarunt, à quo Joannes ipse postulavit locum, in quo novum conderet Monasterium: Piissimus Princeps non tam annuit, quam chartam fecit exarari: *Alfonsus Gloriosissimus Princeps Portugalensium, Comitis Henrici, & Reginæ Tarasie filius, magni quoque Alfonsi nepos pro remedio anime mee, & parentum meorum facio vobis Abbati Joanni, & fratribus, qui vobiscum sunt, chartam, & cautam, nequis*

*vos impediatur eundi, & edificandi Monasterium Ordinis Sancti Benedicti sub nova reformatione, tali pacto, ut solum ubi illud feceritis, sit vestri domini, & si alterius fuerit, ematur vestris expensis: & si aliquis de vassallis vestris, vel militibus contra hoc venerit, sit maledictus à Deo, & inferno dampnatus. Facta charta cauti apud Vimaranes, Kal. Octobris. Era . . . Ego supradictus Princeps hanc chartam propriis manibus roboro.*

Regis nutu accepto, ad fluvium Barosam redierunt, & in montis declivi sacellum erexerunt, ubi per aliquot dies in oratione perseverantes spectabant, ut Deus opere adimpleret, quod Sancto Bernardo promiserat. Nocte quadam Frater Boemundus cœlum aspiciens lucis radium in imo vallis juxta fluvium conspexit, & per alias septem noctes reliqui omnes demirantes crediderunt id à Deo signum ostendi, ut Monasterium fieret; quapropter ad Joannem Ciritam scripserunt, qui erat apud Lasoës. *Venerabili Patri Joanni Cirite, Boemundus, & reliqui, qui cum eo sunt, salutem. Noveritis, miseratione Divina sic disponente, signum mirabile indignis oculis conspexisse, non solum ego, sed & nos omnes, quos in hoc loco reliquistis, & quia duodecim jam transferunt noctes, postquam illud primitus vidimus, & à Patre nostro, qui nos huc direxit, simile prodigium audivimus, ideo visum est hoc sibi eis referre, ne forte velit Altissimus hac parte Monasterium stabilire. Valeat Paternitas tua, & hos filios apud Deum commendatos habere. Literas non sine lacrymis legit Joannes, & respondit.*

*Dilectissimis fratribus, qui sunt in Romitorio supra fluvium Barosæ ad montem curvum Joannes indignus servus Christi in Salvatore mundi perpetuam salutem. Miscericordiam Domini in æternum cantabo, quam dignatus est ostendere super servos suos. Fiduciam habete, & credite verbis Magistri vestri, quia secundum ea appropinquat dies gaudii vestri, & ne falsis ostentationibus deducamini, innixe observate, & cum lacrymis petite à Domino universorum, ut signum istud iterum dignetur ostendere, &*



quo loco post missarum celebrationem claritatem videritis, signate, & circumvallate, ut in eo, Domino adjuvante, Monasterium construamus. Servet nos servator omnium, & in sanctis orationibus vestris veniam postulate pro peccatis meis.

His transactis, lux iterum pristino loco emicuit, & paucis post elapsis diebus, venit Joannes, cui in oratione lux ipsa apparuit: quo portento commotus cum Monachis Bracaram ad Alfonsum profectus est Principem de prodigio certum redditurus, facultatemque habiturus, ut Monasterium construeretur in loco, quem Deus ipse signo probaverat. Eorum desideriis, ac postulatis annuit Alfonfus, septuaginta quatuor *frisantes* de argento pro adjutorio designavit. *Frisante* nummus erat id temporis ulitatus, cujus tamen valoris esset, in tanta veterum nummorum regni varietate nemo est, qui invenerit. Cum Mauri Trancolum impeterent, ac vastarent, Alfonfus collecto milite Lamecum venit, & Barosam pertransiens novi Monasterii meminit, ac invisit. Monachorum in tuguribus degentium pauperiem, nec non celestium rerum assiduam contemplationem demiratus Angelos in terris vivere credebat.

Vidit sub Boemundo Abbate divinis laudibus, & laboribus manuum spiritum, & corpus terentes, & tamen nihil præter panem ex typhæ confectum, nigrum, & insipidum gustare, nec illo semper vesci licebat; nam multa oppressi penuria vix aliquando oleribus aqua pura decoctis sine oleo, sine sale, aut aceto saturabantur. Hæc dum Princeps sedula meditatione perpenderet, interius commotus est, quod si sanctæ illius Congregationis muniretur suffragiis, facile de Saracenis reportaret victoriam. Cum inter ceteros Aldebertum sanctitate præcipuum agnosceret, eum secum ducere statuit, ut orationibus, & meritis tanti viri hostium exercitum adoriri non timeret. Aldebertus, annuente Boemundo Abbate, ferens secum aneam crucem, quam ipsi Sanctus Bernardus in amoris signum dederat, & reliqua ad peragendum sacrum necessaria, in Alfonsi comitatu discessit.

Brevi confecto itinere, Albucaſanum numeroſis copiis conſtipatum in Trancoſi obſidione inveniunt, qui in militum ſuorum multitudine confidens, exiguum Catholicorum exercitum contemnebat. Alfonſus milites ſuos ad prælium præveniens, piis verbis exhortabatur, ut in Domino ſpem omnem collocarent. Et converſus ad Aldebertum rogavit, ut dum ipſe certaret, precibus ſuis Deum oraret, Divinamque eſſagigaret clementiam, qua de hoſtibus obtineret victoriam. Igitur certamine inito, Arabes in congreſſu Luſitanos nimis collidebant, iſtis viriliter reſiſtentibus. Interea Sanctus Monachus ferventiſſimas preces Deo pro Principe, ac populo fundebat; & quo magis in oratione incaleſcebat, eo plus roboris chriſtianiſ divinitus augebatur. Dum hoſtes ſe plus ſolito vexari cernerent, noſtris terga præbuerunt; Alfonſus eos infequitur, innumeros ſtravit, reliquos fugavit, victor divina virtute factus eſt, ac diviſis inter milites ſpoſiis, Domino, & ejus ſamulo Aldeberto grates impendit. Inde nuntiatum eſt Principi, aliquos Saracenos ex his, qui fugerant, verſus Pacem Juliam tendiſſe, Luſitaniam, & quæcumque Alſonſi eſſe ſciebant, vaſtaſſe. Quare equitibus collectis, occurrat, Aldebertum in tentoriis reliquit, & ſeſe hoſtibus medium dedit. Saraceni ſemper eos irruentes, fortiterque congregientes, multis proſtratis Luſitanis, in fugam dederunt. Alfonſus fugiens triſtis evalit, & in certamine cruce illam anciam Sancti Patris Bernardi amiſit.

Luſitanorum ſtragem Princeps ægre tulit, agnovitque ſe antea non ſuorum fretum virtute, ſed Aldeberti precibus victorem exitiſſe. Ad caſtra reverſus, Trancoſum militibus, ac hellicis instrumentis munivit, & verſus Araducam iter egit. Ecce inimicus iterum vires erexit, copias ſuas diſpoſuit, quibus vias occupavit, tranſitumque juxta fluvium Tavoram obſedit. Alfonſus priori cæde cautus exercitum ſuum compoſuit, & Aldebertum præveniens, ut inter præliandum Deum exoraret, prælium iniit, contra Mauros fortiter dimicans, ipſos præ nimia clade fatigatos fugere coegit, & abſque periculo cum ſuis flumen trajecit. Sequenti die Sancti Joan-

nis de Tarouca Monasterium victor intravit, latantibus Monachis, & Divinam Potentiam, ac Pietatem hymnis recolentibus. Tunc Alfonsus munificentia sua Christi pauperibus ex spoliis adquisitis magnam partem tradidit, & se illius Monasterii Patronum, & Fundatorem constituit. Ad quod incipiendum, perficiendumque Joannem Froylacum egregium sui temporis Architectum accerlivit: & Princeps ipse primum lapidem jecit in fundamentum die Junii anno 1122. Sic illius expensis Monasterium erectum est, in cujus templò, ne tanti miraculi memoria periret, Regis Arabis Pacensis vexilla militaria magno populi applausu collocavit. Extat in ejusdem Monasterii archivo hujus victoriæ, ac fundationis monumentum; istud scilicet Alfonsi privilegium.

*In nomine Sanctæ, & Individuæ Trinitatis Patris, & Filii, & Spiritus Sancti. Ego Alfonsus Portugalsium Princeps victoriosissimus, Comitis Henrici, & Reginæ Tarasæ filius, Magni quoque Alfonsi Imperatoris Hispaniarum nepos, notum facio presentibus, & futuris; quod Rex Albucafan, Rex de Badalbouce venit cum sua gente destruere nostras terras, & circumdedit Trancosum, & multa alia Castella de mea terra depopularit, & levavit captivos homines, mulieres, parvulos, jumenta, & multos ganetos, & fecit multum roxum, & reliquit destructam totam terram; per ubi ego congregavi meos homines, & fui per ubi erant fratres Sancti Joannis de Barosa, & inveni eos, quod vivebant in multa sanctitate, & quia cognovi Dominum esse cum illis, levavi de ibi Priorem Aldebertum, ut rogaret pro me, & pro mea ecclesie, & diceret missas; & adjuvavit me in praelio sic bene, quod cum oraret, ego vincebam. Et uno die reliqui meam castram, & fui sine illa rixare cum Mauris, in qua rixa perivi unam crucem, quam levavi de Monasterio, & multos milites, & cum Lazaria recessi, propter qui rixavi sine oratione boni viri. Ego igitur prædictus Princeps cum intellexi virtutem, & bonum secorum, quod mihi dederunt sine orationes pro servitio Dei, & remedio anime meæ, & faven-*

tum meorum do Monasterio Sancti Joanni, & fratribus; qui in eo servierint, casalia, reguenga, quæ habeo apud Trancosum, ut sit illis in victum, & vestitum cum omnibus suis pertinentiis, ingressibus, & regressibus. Si vero aliquis tam de nostris, quam de extraneis, hoc pactum erumpere temptaverit, imprimis sit maledictus, & cum Juda traditore in inferno damnatus. Facta charta mense Junio Era 1160. Ego prefatus Princeps banc chartam, quam fieri jussi propriis manibus roboro, & mea auctoritate confirmo.

## §. II.

## De Monasterio S. Christophori de Lafoés.

**P** Rope fluvium Vaccam in monte aspero, & inculto, quidam Lusitaniæ viri sub Joanne Peculiari postea Canonico Regulari, & Archiepiscopo Bracarensi eremum coluerunt, quibus etiam adscriptus est Joannes Cirita postea hujus Monasterii Abbas, qui sæculari militia derelicta, soli Deo militare intendit. Joannis, ac Eremitarum ceterorum meritis excitatus Alfonsus Portugalensium Princeps facultatem præbuit, ut novum Monasterium conderent: *In Dei nomine. Quoniam decet unicuique fidelium de bonis sibi à Deo collatis, Dei ministros participes efficere. Idcirco Ego Infans Alfonsus, Dominus Portugalensium, Comitis Henrici, & Regine Tarasie filius, cognoscens bona, quæ quotidie de manu Dei suscipio, facio vobis Abbati Joanni Cirite cautum, & donationem de illa terra, quæ jacet super fluvium Vacca ad rivulum de Tortello, ut possitis ibidem facere Monasterium in loco, quem volueritis pro servitio Dei, & Martyris Sancti Christophori, & nemo vos contradicat, nec impediat, neque de nostris, neque de extraneis; quod si aliquis attentaverit, sit à Deo, & ejus Martyre Christophoro maledictus, & in inferno cum Juda traditore damnatus, insuper pariat decem solidos, & charta firmiter maneat in suo robore. Facto cauto mense Januario Era 1161. Ego supra nominatus Infans roboro, & confir-*

*confirmo. Petrus Cancellarius Principis , qui notavit.*

Elapsis aliquot annis, ad annum circiter 1136. Sancti Benedicti regulam amplexus est Joannes Cirita, & qui cum eo erant apud *Lafœs*, nec in Sancti Christophori tantum Monasterio, verum & Sancti Joannis de Tarouca vixit Abbas: quod constat ex monumento veteris donationis a Rege Alfonso Henrico erga idemmet Monasterium: *Pro vobis Abbate Joanne Cirita, & Aldeberto, & reliquis fratribus, qui vobiscum regulam Sancti Benedicti Patriarchæ tenent, facio cautum ...* Era 1169. Ex alio quoque monumento Sancti Joannis de Tarouca archivi fit certum: *Abbas* (Boemundus) *claruit miraculis, & dedit habitum ordinis nostri* (Sancti Benedicti) *Joanni Cirita, qui suos fratres in Romitorio de Alafum commcrantes sub eadem regula, & reformatione constituit, & in ea sanctissime vixit.* Joannes, derelictis dignitatibus, quibus veluti Abbas Generalis Cisterciensibus Monachis præerat, in Sancti Christophori Monasterio dies suos transegit; morti proximus eos, qui secum erant, ad perfectionem commonuit, & ad absentes epistolam misit.

*Joannes pauper virtutum, & dives defectuum vobis Religiosis viris, qui Domino offertis sacrificium immaculatum, salutem sempiternam, & mei recordationem. Placuit Domino Jesu Christo deducere me ad finem, quem desiderabam, appropinquat dies resolutionis, & gaudii mei, sed quia me novi inopem vestrarum virtutum, & timo non sine oleo compaream coram sponso, vos qui cum tempore præparastis lampades vestras succurrite mihi, dum tempus est, ne forte audiam illud durum eloquium: nescio vos: & si Dominus dederit quam spero lucem inaccesibilem, meum erit vestris non deesse necessitatibus, quippe qui frater, & socius vester fui in tribulationibus, vos non relicturus tempore gaudii, & quia infirmitas labefactat corpusculum, salutat vos anima, pro qua Dominum deprecemini.* In eodem Monasterio post obitum sepultus est hoc veteri inscripto epitaphio:

Cc

JOANNES ABBAS CIRITA REXIT MONASTERIUM SANCTI JOANNIS, SANCTI CHRISTOPHORI, SALZEDÆ, ET SANCTI PETRI, CLARUS VITA, CLARUS MERITIS, CLARUS MIRACULIS, CLARET IN CŒLIS OBIIT DECIMO KALENDAS JANUARIi ERA MCCII.

Joannes non tam à Cisterciensibus laudatur, verum & ab omnibus, qui Lusitani imperii initia memorarunt. D. Nicolaus Antonius in veteri Bibliotheca Hispana lib. 7. cap. 6. eum inter veteres scriptores numeravit, quem sequutus est Regiæ Academiæ, & Liturgiæ eruditissimus Socius Didacus Barbosa Machado in Lusitana Bibliotheca. D. Casimirus Oudinus de Scriptoribus Ecclesiasticis sæculi 12.

### §. III.

#### *De Monasterio Alcobatiæ.*

Cum Saraceni, quos Alfonso junctis copiis non semel profligaverat, reassumpto exercitu, rapinis, ac incendiis Lusitanorum agros devastarent, & Scalabim munitissimam urbem obtinerent, unde veluti ex tutissimo propugnaculo exeuntes crebris incursionibus Christianos infestabant. Alfonso populum suum variis, adversisque bellis protritum cernens, conatus omnes intendit, ut civitatem illam situ arduam occuparet, & Saracenorum jugum excuteret. Paucis igitur, sed strenuis militibus stipatus, rem aggreditur. Vix civitate, rupium altitudine, murorum fortitudine, à spe, quam conceperat, resiliit; & nimio dolore angebatur. Alfonso frater Petrus Alfonso, qui aderat, Regis anxietatem agnoscens ei persuasit, ut negotium illud Beati viri Bernardi precibus committeret, nec de felici eventu dubitaret. Quibus verbis commotus Catholicus Princeps in cacumine montis, ubi cum exercitu castrametatus fuerat, flexis genibus deprecatus est Deum. Promisit etiam se Ordinis Cisterciensis Monasterium extructurum, cui omnia quæcumque

cernere poterat, in perpetuum Monachorum usum assignavit. Edito voto, exaudita sunt preces, statimque Deus famulo suo Bernardo Regis oppressionem, preces, & de ædificando cœnobio votum revelavit, qui etiam indicavit fratribus suis Claravalensibus, ut & ipsi Divinam pro ea necessitate interpellarent Clementiam.

Sequenti nocte eidem Alfonso precibus, & orationi insistente Sanctus Bernardus apparuit, pio Regi animum dedit, victoriam promisit. Visitatione ista munitus Rex iterum Scalabim obsidere parat, ducentos, & quinquaginta deligit, & proficiscitur: nulla suorum clade, hostium tamen plurima, munitissimam urbem obsidet, expugnat, possidet. In hujus prodigii memoriam columna ex lapide erecta est, ubi votum de ædificando cœnobio voverat. Era 1185. anno Domini 1147. novo extruendo Monasterio locum dedit Alfonso, anno vero 1148. in die Purificationis Beatissimæ Virginis Mariæ, ipse Rex primus omnium ligone apprehenso, terram fodit, (a) qua sportam implens humilis asportavit: ejus exemplum imitatus est Petrus ipsius frater, & post ipsum ceteri nobiles. Domum illam ex quadrato lapide singularem extruxit, censu divitem, ope quidem visendam, magnitudine augustam, incolarum numero tam frequentem, ut semper alii per vices canendo in orbem ire dicerentur; & perenni laude choro adessent, cum non posset tam ingens multitudo simul omnis in idem officium convenire; aliquando enim nongentos fertur superasse. Tanta erant exempla, ut omnis fere Lusitania commota Alcobatensibus claustris includi videretur.

(a)  
Chrisostomus  
Henricus in  
fasciculo  
Sanctor.  
Cisterciensium  
lib. 1.  
dist. 4. cap.  
27.

Nec tantum Alfonso, verum & Ferdinandus Hispaniarum Rex Monasterium redditibus ampliavit. *In nomine Domini Jesus Christi. Amen. Regiæ Majestatis officium esse dignoscimus, sancta loca, & religiosas personas diligere, ac venerari, & eas largis ditare muneribus, ut dando terrena adipisci mereatur æterna. Ea propter ego Dominus Fernandus Dei gratia Hispaniarum Rex recipio in protectione, & defensione mea omnes res Monasterii de*

*Alcobaga, videlicet mercaturas, & equitaturas, & universam pecuniam supradicti Monasterii, & mando, quod in toto Regno meo nullus sit ausus pedagium, sive de rebus, vel de mercaturis suis accipere. Quicumque igitur de cetero portaticum in aliqua parte regni mei de rebus, vel de mercaturis jam dicti Monasterii acceperit, vel ullam injuriam, seu violentiam in illis eidem Monasterio fecerit iram Dei Omnipotentis, & Regis indignationem incurrat, & cum Juda Domini traditore in inferno sit damnatus, & protemerario ausu parti Regis mille morabitanos persolvat, & quod invaluerit quadruplum reddat, & hoc scriptum semper maneat firmum. Facta charta apud Zamoram mense Aprilis Era M.CC.XII. Regnante Rege D. Fernando Legione, Extremadura, Gallæcia, & Asturiis.*

Mortuo Alfonso, Sanctius I. ejus filius non minus erga Monasterium istud afficiebatur, & præter donationem de Abemeneci in Algarbio hanc fecit exarari, quæ in ejusdem asservatur archivo. In nomine Sanctæ, & Individuæ Trinitatis Patris, & Filii, & Spiritus Sancti, Catholicorum Regum devotio idcirco commendatur, quatenus quod ab eis pie agitur firmi roboris teneat dignitatem, & habeat exinde posteritas, quod studeat imitari, ut tunc se sentiat boni paremis heredem, qui succedit in regno, cum in moribus, fide, & religione, possit non dissimiliter inveniri: quapropter ego Sanctius Dei gratia Portugalensium Rex, & uxor mea Domna Dulcia, una cum filiis nostris Rege Domino Alfonso, & Rege Domino Petro, & Rege Domino Fernando, & filiabus nostris Regina Domna Tarasia, & Regina Dñna Sancia, volentes pro temporalibus cælestia, pro perituris æterna mercari ad honorem ejus, qui nobis, ut finis contulit, & regnæmur, & Beatæ Mariæ de Alcobatta, & omnium Sanctorum Dei. Damus, & in perpetuum habendam concedimus paludem de Otta a loco illo, quo discurrere solebat rivus de Alamquer usque ad portum de Saicera, sic dividitur per illa cauta, quæ jussione nostra Magister Dominus Galdinus, & Pelagius Dadi Prætor tunc de Santaren,



& Egeas Pelagii, & Joannes Carapetal tunc Prætor Leirene, & Fernandus Bispo, & Menendus de Repesli, & Gendisaltus DD, & Suerius Ribeira, & Suerius Monachus cum Portario nostro Petro Magistro utrique erexerunt vobis Domino Martino Abbati Alcobatie, & loci ejusdem Priori Fratri M. & Christi pauperibus ibidem sub religione regula conversantibus, ut misericors Deus nos suos hæredes constituat, qui si datum reputat, quod processius pauperibus erogatur, cum integra igitur devotione vobis quidquid infra prædicta cauta concluditur, assignamus, & ut factum nostrum robur obtineat in perpetuum, quod pie fecimus presentis inscripti testimonio confirmamus, abhibemus etiam nequis ausu temerario assignata à nobis cauta transgredi præsumat, ut inter quidquid volente subtrahat inter quidquid facere temptet contra voluntatem pauperum Christi, quibus pernominata hæreditas assignatur; at si quisquam fecerit, tanquam Regii transgressor mandati voci Monasterii ducentos solidos pro cauto rupto compenat, & damnum, quod fecerit, dupliciter restauret. Siquis igitur de successione nostra, quod à nobis factum est in melius promoveret, & assignatam Christi pauperibus hæreditatem manu tenuerit, benedictionibus desuper illisretur, ut videat, quæ desideraverit oculis ejus, & à bono desiderio non fraudetur, si vero secus facere præsumpserit pro ausu temerario Dei maledictionem, & nostram incurrat, sique illi successor, quidquid boni fecerit ipse pervertat. Amen. Facta charta donationis, & tanti mense Martio Era M.CCXXXVII. Ego Rex Dominus Sancius una cum uxore mea, & filiis, & filiabus nostris supra nominatis vobis Domino Martino Abbati Alcobatie, & Priori Domino M. & Fratribus vestris presentibus, & futuris hanc chartam roboro, & confirmo . . . . Julianus Cancellarius notavit. Qui adfuerunt. Comes Dominus Menendus Maier domus Curie confirmo. Dominus Petrus Alfonso signifer Regis conf. Dominus Petrus Fernand. confirmo. Dominus Gonçalvus Gonçalvi, confirmo. Dominus Alfonso Henri-

*gii conf. Alcaudus Dominus Menendus Hestrema confirmo; Dominus Joannes Fernandi Dapifer Regis conf. Egeas Pelagii testis, Petrus Menendi testis. Suerius Ulixbonensis Episcopus conf. Pelagius Eiborensis Episcopus conf. Martinus Colimbricensis Episcopus conf. Joannes Visensis Episcopus conf. Godinus Lamecensis Episcopus conf. Reynoldus Joannes testis. Suarius Suarii testis. Pelagius Minis testis.* Ex hoc monumento putarunt alii Dominum Menendum primum fuisse Comitem in Lusitania à tempore Venerabilis Regis Alfonsi; immerito tamen; cum alios eodem titulo ante ipsum subscripsisse videremus.

Romani Pontifices gratiis, & privilegiis novum Monasterium exornarunt. Alexander III. anno 1163. die vigesima septima Martii literis suis illud sub Apostolica protectione suscepit. Urbanus III. anno 1186. ad Archiepiscopum Bracarensem scripsit, & ad ceteros Præsules suffraganeos, ut subditis suis prohiberent, ne de possessionibus Alcobatiæ, ac reliquorum Monasteriorum Cisterciensium, quæ intra Dioceses suas sitæ erant, & à Monachis sumptibus propriis cultæ, decimas peterent. Lucius III. Clemens III. ac Cælestinus III. erga Monachos ipsos plurimarum gratiarum largitores fuerunt munificentissimi. Id quidem erga Romanam Sedem Monachorum sanctimonia promerebatur: per universam

(a) Lusitaniam Sancti, & Christi pauperes audiebant; (a) ita ab  
*Ex archi- Venerabili Rege Alfonso nominabantur. Regi eidem Alfonso*  
*vo Alcobatiensi.* ac successoribus adeo grati erant, ut Alcobatiæ Abbates à Regum eleemosynis, & consiliis instituerentur, ante

(b) militarium ordinum Magistros post Episcopos in curia olim  
*Ex archi- sedebant, ac subscribebant. Dominus Martinus I. Abbas Al-*  
*vo Laur-* *cobatiæ post Alvarum Olyssiponensem Episcoporum ultimum,*  
*banienfi.* qui subscribere, suo nomine donationis roboravit monumentum, quod Venerabilis Rex Alfonsus de oppido Abiul erga  
 Post Martinum in Abbatem assumptus est Dominus Petrus, cui  
 alius Martinus successit, ad quem Sanctius Rex præfatam donationem fieri iussit; & in ejusdem Monasterii capitulo se-

pultus est : *Era M.CCXXXII. Kal. Octobris obiit Dominus Martinus Abbas III. Alcobatie.*

## §. IV.

*De Monasterio de Burio.*

**C**larissimus Vir Fr. Antonius Brandaõ (a) monumentum quoddam se habuisse testatur, quo notum sit Monasterium istud ab anno usque octocentesimo octogesimo tertio Cluniacensis Ordinis extitisse. Postea tamen saculis decurrentibus, Cluniacensem Ordinem ibidem fuisse extinctum, ac Eremitas degisse indicio est scriptum aliud monumentum apud eundem clarissimum virum. *Ego Alfonso Rex Portugaliæ, una cum filiis meis facimus cantum vobis Abbati de Burio Domino Pelagio, & vestræ Eremitæ.* Enim vero Inclytus Rex Alfonso cum domum Dominae nostræ de *Abbadia* tot miraculis claræ apud Burium visitaret, Alfonso exuens, & Antonium Magnum inducens persi asit Abbati Nonio, & Eremitis aliis, qui illic pie, ac libere vivebant sine votis, ut cœnobium conderent, & aliquam ex sanctis regulis ab Ecclesia approbatis profiterentur; & ut haberent, unde viverent, pingui donatione promovit, nempe integro castro Sanctæ Marthæ, & regia parte salinarum *Fan*, quorum primum anno 1152. posterius 1158. privilegiis firmaverat, quæ hodie in cœnobio perseverant. His possessionibus auctam Burii domum loco, quo nunc extat, ejusdem Regis consilio, auxilioque Nonius Abbas Cistercio tradidit sub filiatione domus Alcobatiæ, in qua ipse professus, & inde secum Monachos adduxit, qui reliquos docerent Cistercii mores.

Anno 1161. inopinato incendio suorum privilegiorum, quæ in scriptis servabantur, jacturam passum est Monasterium; verum Alfonso religiosum statum promovendi, & conservandi zelum ostendens omnia, quæ Nonio Abbati dederat, successori Pelagio firmavit: „ Ego Alfonso Rex Portugaliæ una cum filiis meis facimus cantum vobis Abbati de Burio Domino Pelagio, & vestræ Eremitæ, vestrisque

(a)  
*Monarch.  
Lusit lib.  
10. cap. 2.*

„successoribus in perpetuum promovendis, sicut jam alii  
 „Abbati feceramus, sed quia scripturæ vestræ in domibus  
 „vestris cum aliis rebus arserè, cautum illum deletum esse,  
 „& eleemosynam nostram destitui, Deo donante, passi non  
 „fuimus. „*Eremitam* Alfonso vocat Monasterium, & ad  
 tempus, quo Eremitæ incolebant, respicit, quibus sub Ab-  
 bate Nonio primum donaverat. Erga idem Monasterium  
 Alfonsi Patris gratum animum imitatus est Sanctius filius, qui  
 anno 1206. oppidis Sancti Joannis de *Rege* illud locupletavit.

## §. V.

*De Monasterio de Ceça.*

**N**on longe à faucibus, per quas Munda fluvius in Diœ-  
 cesi Colimbriensi Oceano se immiscet, Monasterium  
 de *Ceça* situm est. Ejus origo Beautissimæ Virginis delubrum  
 fuerat, quod Joannes Abbas Laurbanienſis, parta de Sara-  
 cenis victoria, condiderat, ibidem soli Deo in solitudine va-  
 caturus. Ad sæculum usque duodecimum exiens Monacho-  
 rum Laurbanienſium Benedictinorum sacellum illud erat,  
 & ab Eremitis quibusdam colebatur: nostra vero ætate cœ-  
 nobium Cisterciense perennat, quod Venerabilis Rex Alfon-  
 sus Deipare beneficiis adstrictus, inchoavit, absolvit tamen  
 ejus filius Sanctius. Ad Mundæ ripas spatiabatur Alfonso  
 graves animi ægritudines, & mordaces curas, quæ illius  
 pungebant cor, amæno fluminis prospectu depositurus, su-  
 pervenit nuntius non longe conditam esse Dei genitricis ædi-  
 culam, de qua mira plurima commemorabantur. Statuit Rex  
 sacram ædem invisere, ad quam cum se reciperet, à quo-  
 dam Anachoreta ibi degente susceptus audit prodigiosum  
 illius sacelli principium, & vulnere apparentium in sacris  
 Matris Virginis, ac pueri Jesus imaginibus, quas Joannes  
 Abbas populorum venerationi collocaverat.

Regis filien, ac devotionem auxerunt, quæ ipsius in  
 comitatu acciderunt. In leporem ante oculos excitatum tan-  
 to impetu eques equum immisit, ut ad fruticis radices impa-  
 ctus,

ctus, ab equo supinus in terram deflueret, quem equus in ruinam præceps ita propulsavit, ut exanimi similis corruerit. Ad Virginis sacellum delatus ut sepeliretur, acerbissimam calamitatem Alfonsus adeo ægre tulit, ut pristinus ille mæror animum jam melius habentem denuo vellicaret. Ubi vero ad adiculam horrentes inter sylvas extructam venit, ante Deiparæ aram in genua provolutus, animi mærorem ita deposuit, ut in posterum, nec mœstitiæ quidem vestigium animum percelleret. Ille tamen, qui mortuus habebatur, statim atque sacelli pavementum attigit, ad pristinum vigorem restitutus, Virgini auxiliatrici grates impendit, & voto facto, se Deiparæ obsequio mancipavit.

Devotus Rex erga Virginem gratum animum ostensurus eo loco sub ejusdem Deiparæ nuncupatione novum Monasterium condere decrevit. Quo extructo, Laurbanienses Monachos Benedictinos accerlivit, quibus illius loci cultoribus Abbas Præfectus est Dominus Martinus, qui exemptionis Monasterii Sanctæ Crucis monumento subscripsit anno 1162. Era 1200. coram Rege Alfonso, & Michaelē Colimbrienti Episcopo exemptionis largitore. Anno 1175. Era 1213. Alfonsus ipse, Pelagio Egeæ Abbate Martini successore, Monasterii *Cantum* instituit, redditibusque ampliavit: & cum ab humanis discederet, Sanctio filio novi cœnobii curam commisit; qui Patris voluntatem peramenter adimplens opus perfecit, quod ille inceperat. Cistercienses Monachi id temporis per Lusitaniam maxime florebant, quorum virtutibus undique evolantibus instructus Sanctius ab eis Monasterium habitari decrevit, præsertim cum Cisterciensis Ordo Deiparæ cultui, ac patrocinio totus devoveretur. Die 1. Martii Era 1233. anno Domini 1195. Domino Menendo Abbati, & ceteris Alcobatiæ Monachis de Monasterio donationem firmavit, ex quo tempore Cistercienses sub Alcobatiæ filiatione doctrina, & exemplo eo loci emicant. En donationis monumentum.

*In nomine Domini nostri Jesu Christi. Amen. Quoniam antiqua temporis institutione juris debito rationabilis con-*  
Dd

suetudo penes omnes emerferit , ut factorum series , successuum , numerorum , fortunarumque eventus scripto commendentur , ut commendata ab hominum memoria non decedant , & omnibus præterita præsentialiter consistant , idcirco Ego Sanctius Dei gratia Portugalsensium Rex , una cum uxore mea Regina Domna Dulcia , & filiis , & filiabus meis facio chartam donationis , & perpetuæ firmitudinis vobis Domno Menendo Abbati Alcobatiæ , & fratribus vestris de Monasterio de Ceicia , quod damus vobis , & cunctis successoribus vestris jure hæreditario in perpetuum possidendum cum omnibus suis pertinentiis , ut sit filia Monasterii Alcobatiæ ; & concedimus vobis plenariam potestatem instituendi ibi Abbatem , Priorem , aut deponendi juxta discretionem , & voluntatem Abbatis , & Conventus Alcobatiæ in cunctis sæculorum temporibus vobis Abbati Domno Menendo , & Conventui Alcobatiæ , & cunctis successoribus vestris sit potestas integra ordinandi cuncta in Monasterio de Ceicia in perpetuum ; & si aliquis vobis resistere præsumpserit , juxta beneplacitum vestrum tractetur. Quicumque igitur contra hoc factum nostrum venire præsumpserit sit maledictus à Deo. Amen ; & qui vobis illud integrum consecravit benedictionibus repleatur. Facta charta donationis , & perpetuæ firmitudinis apud Leirenæ Kalendas Martii Era M.CC.XXXIII. Nos supra nominati Reges , qui hanc chartam fieri mandavimus coram subscriptis eam roboravimus , & hæc signa in ea fecimus , qui affuerunt Joannes Fernandi Dapifer Regis conf.

## §. VI.

*De Monasterio de Salzedæ.*

**I**Nter cetera Cisterciensis Ordinis clariora Monasteria , quæ per Lusitaniam sæculo duodecimo florere cœperunt , postremum locum non obtinet Salzedæ Monasterium intra limites Diocesis Lamecenfis. Parentem , & Fundatricem habuit Domnam Tharasiam Alonsum Egæ Monisii conjugem ex

Lusitanix primoribus, Regis Sanctii I. ac Reginae Domnæ Urracæ Regis Alfonsi filiorum nutricem; quod constat ex vetustissimo epitaphio in lapide sepulchrali inscripto, quod clarissimus Vir Cisterciensis Fr. Antonius Brandaõ vidit, licet post Illustrissimæ illius Fœminæ translationem ad novum templum non extet.

*Hoc loco latet, cujus per sæcula latere fama requit*

*Solita perpetuare bonos, fama mori i claros, nec morte* (a)

*Sinit, sed & ipsa clarorum meritis, vivere semper habet,*

*Multis domina modis lituit Tharasia famam*

*Sanguine, progenie, moribus, ac operis.*

*Ex ducibus sanguis soboles clarissima Regum,*

*Absque voto mores est opus ista domus.*

*De his sexcentis, & denis Monade dempta,*

*Invenies eram, quæ sepelivit Heram.*

(a)  
Ex Archi-  
vo de Sal-  
zeda.

Mira quidem Tharasiæ erat munificentia, quæ Monasterium tot largissimis donationibus ditavit, ut inter alia ditius numeretur: Anno Domini 1156. Era Cæsaris 1194. Abbati Joanni Ciritæ illud tradidit à Monachis sub regula Benedictina incolendum: *Facio chartam testamenti pro remedio animæ meæ vobis Domno Abbati Ciritæ, & omnibus fratribus vestris, atque sequacibus, qui ibi regulariter juxta normam Patris Benedicti vivere voluerint, de loco illo, qui dicitur Salzedada ... Facta charta testamenti mense Majo 4. Kalend. Junii Ildefonso Rege regnante, Menendo Lamecensi Episcopo existente. Era M.CLXIII.* Nec temporalibus tantum privilegiis, verum & spiritualibus Illustrissima Fœmina cœnobium augeri fecit; ab Menendo Lamecensi Episcopo, Rege quoque Alfonso postulante, Monasterii exemptionem ab Episcoporum jurisdictione obtinuit; quam ad hanc usque ætatem servat: in compensationem tamen libertatis Pius Princeps Ecclesiam de Bagauito Menendo obtulit.

Hæc sunt Cisterciensis Ordinis illustriora Monasteria, quæ duodecimo sæculo per Lusitaniam floruerunt; alia tamen erant, quæ clarissimi ordinis ritus, ac mores observabant: videlicet Sanctæ Mariæ de *Tamaraes*, Sanctæ Ma-

riæ de *Fiaes*, Sancti Petri de *Aquilis*, & Sanctæ Mariæ de *Aguiar*.

Alia quoque erant, quæ sub Benedictina regula Deo militabant, & à Monachis, quos nigros appellare consuevimus, regebantur.

In Diœcesi Bracarenſi Sancti Petri de *Lomar*, Sanctæ Mariæ de *Adaufe*, ſive *Reundeufe*; celeberrimum aliud de *Villar de Frades* ætate noſtra Canonicoꝝ Sæcularium Sancti Joannis Evangelistæ; Sancti Salvatoris de *Travanca* prope Amarantum, Sancti Romani prope Nebim fluvium, Monasterium in loco Caldellas à Regina Dôna Tharasia erectum, & ſervo Dei Arnolſo traditum, & fociis ejus Era 1162. Monasterium Sancti Salvatoris de *Ganfei* prope Valentiam, Sancti Michaelis de *Boffello* juxta *Arrifanam*, Sancti Salvatoris de *Palme* prope *Barcellos*, Sancti Joannis de *Arnoya* prope *Amarantum*, Sanctæ Mariæ non longe à flumine Ave, Sanctæ Mariæ de *Carvoeiro* non longe à *Vianna*, Sancti Joannis de *Cabanas* non procul a *Caminba*.

In Diœceſi Portugalenſi Monasterium Sancti Salvatoris de *Vairaõ*, nunc Monialium ejusdem Ordinis. Sancti Martini de *Cauto*. Monasterium duplex S. Chriſtophori de *Rivolo tinto*. Monasterium S. Petri de *Sefmondo*.

In Diœceſi Colimbrienſi Monasterium de *Semide* sub nuncupatione Beatissimæ Virginis in cælos assumptæ olim Monachorum, nunc Monialium.

In Eborenſi Diœceſi Sancti Benedicti de *Caſtris* ætate noſtra Monialium Ordinis Cisterciensis. Monasterium *Cucufati* in oppido *Villa de Frades* ætate iſta Canonicoꝝ Regularium S. Vincentii patronatus Ecclesia.

Nec minus eodem sæculo florebant illa, quæ decimo, & undecimo sæculis clariora deſcripi.

Tot Monasteriorum Abbates Pontificalibus insignibus nondum utebantur; Bernardi enim Sanctissimi Abbatis institutis adhærebant Cistercienses Lusitani, nec discedebant alii. Mellissius Parens in Ep. 42. ad Archiepiscopum Seno-



nensem, sive Tractatu de Moribus, & Offic. Episcop. cap. 9. Abbates redarguit, quod similia privilegia non sine multo labore, & pretio sibi compararent: *Multo (ait) labore, & pretio Apostolicis adeptis privilegiis per ipsa sibi vendicant insignia Pontificalia, utentes, & ipsi mere Pontificum, mithra, annulo, atque sandaliis . . . Quo ista ò Monachi? ubi timor mentis, ubi rubor frontis? quis unquam probatorum Monachorum tale aliquid, aut verò docuit, aut reliquit exemplo?* Generale Capitulum Cisterciense constituit, ne ullius Ordinis Abbas uteretur umquam mithra, vel chirothecis Episcoporum; & hoc statutum ab Innocentio III. confirmari curavit, ut inconcussum deinceps hoc esset monumentum humilitatis. Decurrente postea sæculo, Pontificalium insignium exercitium, & usus Abbatibus privilegio, non ex dignitate, competiit, ut in cap. Ut Apostolica de Privilegiis in 6. Attamen baculus Pastoralis ad eos semper pertinuit antequam alia Pontificum insignia, mithra scilicet, annulus, sandalia, & similia, ipsis fuerint communicata: unde Sanctus Bernardus, aliique sui temporis scriptores dum agant de Pontificalibus, quæ Abbates à Romana Sede sollicitabant, quæque sibi in illis non placere ostendebant, nequaquam baculum numerant, quasi Pastoralis jure iis competentem. Verisimile quippe est hoc ornamentum primitus fuisse Abbatum, sive Pastorum, ac temporis successu Pontificalibus adscriptum. (a)

Ex monumento veteri archivi Monasterii S. Vincentii Olyssiponenſis sæculo hoc duodecimo eadem Diœcesi floruisse inveni Monasterium S. Bartholomæo dicatum, sub qua tamen regula incertum, quamobrem in fine memorandum: „ In Dei nomine. Hæc est Karta testamenti, & firmitudinis, „ quam Ego Pelagius cognomine Claudus jussu facere Domini „ no Pelagio Priori, & Fratribus Monasterii Beati Vincentii „ Ulixbonensis de vinea, quæ fuit Petri Monachi S. Bartholomæi . . . Facta Karta testamenti mense Martii Era „ M.CC.XXXVIII. „

(2)  
Van Espen  
P. 1. tit. 31.  
cap. 6.

## C A P. VIII.

*De Viris sanctitate, aut sapientia clarioribus, & illustrioribus.*

## §. I.

*De S. Theotonio 1. Priore Sanctæ Crucis.*

**I**Nclyti Patris Theotonii vitam methodo licet brevi scripsit Auctor Synchronus nomine Discipuli Anonymi, ex quo postea didicerint, qui admirabilis viri gesta in lucem prodere conati sunt. Canonici Regulares per Lusitaniam suæ disciplinæ, quæ jamjam perdi videbatur, Patrem agnoscunt; & Lusitania Monarchiæ suæ fundatorem mirata est. Theotonii precibus tot palmas, tot coronas, tot triumphos debebat Alfonsus. Virum igitur Lusitanæ Ecclesiæ propagatorem tempore, quo Saracenorum iugo premebatur, præ omnibus, qui eodem sæculo florere sanctitate periillustres, meminisse juvat, & laudare. Canonici Ordinis Chronographo potius, quam universæ Lusitanæ Ecclesiæ Historiæ scriptori licet in Clarissimi viri gestis describendis immorari; amor tamen filii erga patrem non sinet extensori, quam oportet, methodo non referre. In Gallæcia, civitatis Tudenfis Vico *Ganfei* primam lucem hausit, ex honestis, justis, nobilissimisque parentibus, patre scilicet Oveco, & Eugenia matre progenitus. Clarissimam tamen avorum stirpem piis suis moribus exulit, optimisque gestis exornavit: nec sine magno Sancti Spiritus præfagio Theotonius in baptismatis fonte vocatus est, quod Græce *Divinus* resonat.

Vere divinus, & sanctus, qui vitam suam sanctissimis moribus adimplevit. Parentes diligentissime nutrierunt; & cum ad ætatem disciplinæ opportunam pervenisset, spiritualibus literarum studiis tradiderunt. Inde Cresconius Colimbriensis Episcopus ejus avunculus ipsum Colimbriam secum adduxit,

& Telloni ejusdem civitatis Archidiacono commisit in Ecclesiæ rebus instruendum. Sub Tellone profecit Theotonius Ecclesiastica disciplina apprimè instructus. Ast defuncto Cresconio Colimbriensem Sedem dereliquit, Viseum petiit, & in Cresconii gratiam, quem Viseses desiderabant, in ejusdem civitatis Sede id temporis Colimbriensis Diocesis recipitur. In cleri, ac totius populi oculis gratiam invenit mirabilis juvenis, omnibus verbis, ac exemplo gratus, nec aliud, nisi cæleste totus ille anhelabat. Presbyter ordinatus, quæ morum prudentia, quæ maturitate bonæ conversationis cœpit accrescere? quo profectu, & sanctitate vivere non instituit? Sancti, ac perfecti Sacerdotis vita omnium vitæ erat exemplar. Sacerdotii munia diligentissimus obibat, otium fugiebat, nullique labori parcebat, populum rudem erudiebat, baptisabat; pœnitentes reconciliabat Deo, delinquentes ad pœnitentiam revocabat, pro omnibus exorabat tanquam bonus mediator inter Deum, & homines: non in persuasibilibus sapientiæ humanæ verbis, sed in ostensione suæ virtutis prædicabat.

Deo soli adstrictus, populique saluti; quid mirum quod sæculum abhorreret, luxum sperneret, & lenocinia; divitiis non tumeret, quas in pauperes erogabat, cum ex suis redditibus provenirent. Laudant alii ex coævis suis, quod nunquam curiositati studuerit, numquam servierit ambitioni, aut voluptati. Quis non mirabitur hominem nondum paupertatis voto adstrictum pauperiem ita adamare, ut in domo sua, neque lectum, vel scamnum, aut etiam scabellum, quo quiesceret, vel sederet, aliquando habere voluerit. Pudicitiae habitus illi erat; ut semper ab illicitis longe esset, à se plerumque etiam licita abscondebat: cum sœmina sine teste nunquam colloquebatur, nec privatam earundem confessionem audiebat; ab iis veluti à facie colubri fugiens, familiaritatem omnem funditus extinxerat. Quis erga piissimum, ac justum virum singulari cordis nexu non ferretur? Quis animarum Magistrum non coleret Theotonium? non appeteret, non diligeret? Gondisalvus Colimbriensis Episcopus,

& Vifensis populi precibus, & Theotonii ipsius moribus de-  
 victus eam, licet invitum, Vifensis Ecclesiæ Priorem instituit.  
 Quam prudens, & sapiens, quam rectus, ac diligens suarum  
 ovium Pastor, quam servidus ministeriorum Dei Dispensator!

Verum quia temporalibus honoribus non oblectabatur,  
 sed abhorrebat; se abdicare conatus est. Hierosolymam sacra  
 loca visurus petiit, & socio suo Honorio Presbytero Priora-  
 tum commisit; & in propria reversus amplius non recepit,  
 quamquam omnium precibus, & Honorii quoque obsecratio-  
 nibus plurimum rogaretur. Nec aliud honoris fastigium de-  
 inceps assequi voluit: sæpissime enim Henricus Comes, &  
 conjux Regina Tharasia cleri, & populi consensu exorarunt,  
 ut Episcopatum susciperet; numquam tamen adduci potuit,  
 ut assensum præberet: mundana omnia quasi pestem fugiens  
 in humilitate se mirabilem conservabat: soli Deo placere  
 cordi illi erat, licet hominibus, etiam Principibus displice-  
 ret. Cum in una Sabbatorum jam sacerdotalibus vestimentis  
 indutus incurventum Sacrificium in Dei Genetricis honorem  
 de more offerre vellet, & Regina Tharasia, quæ pro foribus  
 erat, ad ipsum misisset nuntium, ut cursim brevi missam pe-  
 rageret: respondisse fertur aliam in cœlo Reginam esse me-  
 liorem, longeque nobiliorem, cui ille cum summa venera-  
 tione solemniter missæ agere disposuerat, in potestate vero ejus  
 esse, vel sacro interesse, vel discedere. Quod cum Regina  
 audiret, statim culpam agnoscens se peccatricem, Dominum  
 vero Theotonium sanctum, & justum proclamavit: cujus an-  
 te pedes post peractam Missam humilis in genua provoluta  
 est, & ad tanti Sacerdotis exhortationem erecta pœnitentiam  
 lacrymis patefecit, orationemque pro se ab illo fieri postu-  
 lavit.

Personarum non acceptor, omnium erat; subveniebat  
 pauperibus, visitabat languentes, provocabat hospitio, le-  
 niebat blanditiis, cum gaudentibus gaudebat, cum flentibus  
 flebat. Sextis feriis in Ecclesia Sancti Michaelis Archangeli,  
 quæ extra murum Vifensis civitatis erat in cœmeterio, pro  
 cunctis fidelibus Missam celebrabat, cui eodem die, & pro  
 reveren-

reverentia Sacerdotis, & pro charorum suorum memoria totius urbis populus confluebat, & plurima offerebat. Ex oblationibus nihil sibi reservabat, sed post sacrum, & generalem cœmeterii processionem cunctis indigentibus latus, & pene non visus omnia distribuebat. Ita in bonis operibus exercebatur, ut sinistra nesciret, quod faceret dextra; sed quæ operta esse voluerat, & in abscondito, coram omnibus lucebant, & tot opera videbant bona Patrem in cœlis glorificaturi.

Id temporis quædam mulier Theotonium expetiit; & causam blando sermone confinxit: ast Dei famulus per diabolum laqueum sibi parari cognoscens, infervescente spiritu in faciem scœminæ, quanto potuit nisu, conspuit, & exprobravit. Alias quoque humani generis inimicus propter corporis speciem sæpissime tetendit inlidias: statura quippe ejus tam bene formata erat, ut cum decenti quadam, & mirabili moderatione videretur esse deducta. Corpore magnus, ac pulcherrimus erat: facie venustus, & alacrior vultu. Hujus viri pulchritudine commota quædam magnæ dignitatis scœmina credibilem causam prætendens ad domum suam accerfiri fecit Theotonium; qui accessit. Illa vero tanquam libidinis bestia seorsum eum religionis obtentu in cubiculum adduxit, blanditiis cœpit lenire, de ejus ore pendere, obsequium exhibere, calceamenta dissolvere, & quasi pro diei fervore temperando, pedes abluere: ad rem illicitam jamjam eum impellebat. Macte virtute Vir! Ille, quem ulla scœmina nunquam contigit, nec propius adstitit, impudentem mulierem miratus, crucis signo se muniens, nudis, ut erat jam pedibus, multo conatu foras sese præcipitem tulit, calceamenta dereliquit, ac domum execrando, vocatis Clericis, qui cum eo venerant, ad Ecclesiam se contulit.

Succensus igitur virtutibus, ac desiderio sanctorum locorum, non propinquorum, non possessionum suarum memor, cum peregrinis aliis patria egressus ad desideratam diu Hierusalem iterum proficiscitur. Post septem hebdomadas ad Sancti Nicolai portum venit, prosperis ventis cessantibus,

Ee

sex ibidem hebdomadas cōmoratus est. Quibus operibus bonis ibi, & in omni peregrinatione non abundavit! pauperibus beneficentiam exhibuit; exemplo suo simul, ac verbo, & cives, ac Hierosolymam euntes ad misericordiæ opera provocavit; pacem, & concordiam inter dissidentes composuit: omnes enim eum justum, & sanctum esse scientes, quasi omnium Patrem venerabantur, ad suam exhortationem intenti tacebant, diligentissimeque obtemperabant. Itaque aura flante secunda, navem conscendit cum aliis plurimis, pro quibus asportandis naulum dedit, & quos pro Dei amore pascendos secum duxit. Cum post dies aliquos per Maleas navigassent, magna maris tempestas subito excitata est, cœlum tenebatur, nubes, agitantibus ventis, ac terribili fragore sonantibus desuper obumbrat: navis undarum molibus turbata modo in profundum mergebatur, modo de præcipiti profundo versus ad superiores aquarum montes, & cumulos ferebatur: nautæ cum summa celeritate arborem absciderunt, & in undas projecta cœperunt vela deponere, rudentes, antemnasque ligare, cunctaque armamenta, ne maris vi solverentur, componere; & ut navis ipsa levaretur; vasorum, ac mercium jacturam fecere.

Terribilibus terribiliora succedunt: mortis metum adauxit visa cunctis in eodem periculo monstuosa, & valde horrenda bestia, adeo formidolosa, ut nulli posset comparari. Ejus oculi quasi faces ignis accensi. Alii draconem, alii monstrum, alii dæmonem esse dicebant. Nulla spes erat salutis; morti omnes parabantur: Omnipotentis auxilium precabantur cum lacrymis, ut qui eorum corpora fluctibus tradiderat, eorum animas benignissimus succiperet, aut à periculo liberaret. Theotonius vero cum lacrymis prostratus, ac totus ad Deum conversus post Psalmos, & Litanias Dominatorem vitæ, ac spiritus invocavit: „ Domine, Domine Jesus Christe Fili Dei vivi, Fili Sanctæ Mariæ, qui cum Patre, & Spiritu Sancto unus Deus es in Summa Trinitate, & vera Unitate, succurre nobis in supremo periculo constitutis, quatenus ex sævientibus maris fluctibus

„eruti, gloriosum sepulcrum tuæ sanctæ Resurrectionis,  
„pro quo de finibus mundi venerando, & osculando ve-  
„nimus, videre mereamur, & tuæ liberationi gratias agi-  
„mus. „

Hortabatur etiam omnes, & consolando admonebat, ut peccata sua expiarent, & totam in Deum credentes, & orantes spem suam ponerent: denuntians eis, si perseverassent, in proximo Redemptoris clementiam adfuturam. Quod & factum est: nam dum hæc agerentur in navi; ecce status auræ coepit placidior fieri, paulatimque elisis aquarum molibus, redditur mare tranquillum. Nova igitur lux coepit oriri: & mirantes omnes fluctuum quietem debitas laudes Deo retulerunt. Liberatus itaque de pelago Maleæ ad Jopen appulit: longissimis viarum anfractibus per Beati Georgii sepulcrum circumvit, quousque Nasareth pervenit: inde abiit per viam, quæ ducit in Tabor. In cuius verticem ascendens, loca aspiciebat plurima, quæ Dominus itinere suo sanctificaverat. Inde descendens perrexit Samariam: vidit sepulcrum Beati Joannis Baptistæ, & duodecim Prophetarum, Elisei quoque, & Abdæ: ad puteum, super quem Dominus residens, esuriensque Samaritanæ mulieris fide satiatus est, accessit: & adorato per singula loca Redemptore, latus properavit in collem, quo diu desiderata conspicitur Hierosolyma: accolæ gaudii montem vocabant, quod peregrini de visa civitate ineffabile gaudium conciperent.

Quas Deo gratias impendit Theotonius! qua flexis genibus exultavit lætitia! Civitatem ingressus in Calvariæ montem accurrit Dominicam crucem visurus; quasi pendentem Dominum cerneret, adorabat; Redemptoris beneficia in se, & universum Orbem recordabatur. Hinc ad Resurrectionis sepulcrum conversus sacrum locum, quasi sitiens desideratas aquas fidei ore lambebat. Cum aliquandiu, prout sua devotio distaverat, per memorata loca Vir sanctus orasset, postremo se in hospitium recepit; & dum mens ejus tota illa die, ac nocte per ea, quæ viderat, ducebatur, in pace dormi-

vit, ac requievit. Altera die, & sequentibus quanto studio, ac desiderio sancta loca orando circumierit quis dicat? Christum se videre credebat, de facultatibus suis, prout habebat, in pauperes eleemosynas erogabat & quidquid in eos conferebat, in Deum contulisse lætabatur. Multis autem diebus ad sepulcrum Domini permanfit in oratione, & Divino opere: cujus sanctitatem ejusdem sepulcri Canonici Regulares adtendentes ejus orationibus se commendarunt: eumque mutuo suis beneficiis receperunt. Communem vivendi societatem ei dabant, si cum ipsis vellet habitare; & sepulcri custodiam, quod ipsum præ omni negotio desiderare cognoverant. Ille vero se id agere minime posse dicebat; nisi prius Hispanias rediret de domo sua dispositurus. Quam obrem per totam Hierosolymam ubique locorum sanctorum iterum, atque iterum attentius se Omnipotenti Domino commendans, Canonicis quoque, & cunctis Dei servis valedicens Jopen reversus est, quo prius appulerat. Unde ventorum vi per Græciæ insulas devectus, multos in itinere labores passus, siquidem navibus, nunc pedibus, nunc asello deportatus, attritus tandem, & debilitatus in Hispaniam ad propriam domum remeavit: modo ut in proximo Hierusalem rediret, & ad gloriosum sepulcrum ultimos vitæ suæ dies devotior clauderet.

Rebus suis dispositis, tertio ad sacra loca redire meditabatur, sed à Tellone Archidiacono, & ceteris Religiosis viris, de quibus in §. de Monasterio Sanctæ Crucis, præventus, ut sæculo derelicto, in novo Monasterio Deo inferiret, duodenarium sociorum numerum adimplevit. Diu tamen, multumque, licet pie, reluctatus est, asserens se ex multo tempore voto obstrinxisse ultra mare abeundi, & suorum dierum finem ad Dominicum sepulcrum præstolari. Religiosi tamen viri utilius esse referebant, in hac occidua mundi plaga, ubi vix Christi nomen prolatum erat, secundum Sanctorum Patrum regulam vivere; & ignaris aliis honestæ vitæ formam demonstrare. Devictus Theotonius tandem annuit, seque eorum in omnibus comitem effecit. Nec



mora; ea, quæ in sæculo adquisierat, fideliter dispensavit: partem disperfit pauperibus; partem Vifensi Ecclesiæ contulit, partem quoque rebus novi Monasterii secum adjunxit: ut unde subministraret pauperibus, inde & ipse tamquam pauper voluntarius viveret, qui se in numero pauperum fratrum paupertatis amore constituebat.

In novo Monasterio Canonicus Regularis jam factus fratrum omnium consilio, voce, ac gratulatione Prior fuit electus; & cum ad tanti regiminis pondus iterum, ac sæpius se indignum proclamaret, virtute obedientiæ opposita, invitus suscepit. In tanta humilitatis arce se collocaverat, ut ne nomen quidem Abbatis aliquando habere voluerit; unde usque ad ætatem nostram Monasterium sub Prioratus nomine perseverat. Eo Patre, novum Monasterium brevi tempore Deus multis suæ gratiæ muneribus illustravit; optimis viris, ac Religiosis nobilitavit: nec minus amplum possessionibus, quam clarum virtutibus reddidit. A' vitæ regularis exordio meritis ceteros anteivit, vitæ gravitate, abstinentiæ singularitate, & assidua oratione. Si quando ab oratione cessabat, numquam de manibus sacram lectionem deponebat: maxime enim Psalmodiæ operam dabat; nam quotidie præter Canonicas horas, & divinum officium, quod religiose complebat, totum percurrebat Psalterium: deinde ceteris bonorum operum exercitiis, aut quibuslibet Monasterii utilitatibus incumbibat. Mansuetudo, silentium, & omnium pax illi erat cordi; in tanta humilitate se dejecerat, ut omnium minimus videretur. Tanto præterea Canonicum erga ordinem fervore accendebatur, ut cum toto orbe quasi fugientem prosequeretur. Inde fuit, quod hujus rei gratia mitteret ad Compostellam, frequenterque ultra Pyreneos montes ad Sancti Ruffi Monasterium.

Vir Deo plenus sic vivebat, ut nec in habitu, nec in actu, aut incessu reprehensibilis esset; nec susurriones, aut criminatores quidquam in eo notarent, quod sanctum, & justum non foret. Alii alias in eo numerabant, ac laudabant virtutes: alii humilem prædicabant; alii ejus innocentiam,

gravitatem, religionem, & fidei ardorem extollebant: alii mirabantur cum fratribus suis charitatis vinculum, quo omnibus semper fuit adstrictus: ut Domini gregem tractabat; siqua ab iis facienda forent, non præcipiebat, sed humilis demonstrabat. Invicem eos obsequio, beneficio, & honore præveniebat. Superiorem locum fugiebat, non imperabat, sine superbia gubernabat. Si quos delinquentes, aut aliter quam dignum erat, agere cerneret, aut vanis confabulationibus terentes tempus reperiret, rectitudinis zelo objurabat; & quandoque adeo severus corripiebat, ut ceteris, præsertim juvenibus, terrorem incuteret; ne quid simile perpetrarent; sed potius correcti in melius proficerent: prius tamen eos secreta monitione, & pio Patris affectu puniebat. Si aliqui inter se commovebantur, secundum Evangelium in lenitatis spiritu eos conjungebat, & illud Apostoli memorabat: sol non occidat super iracundiam vestram.

Quæ saluberrima amantissimi Parentis erga filios suos consilia! quæ suæ ædificationis verba! eos ad bene vivendum informare non cessabat; ut qui sæculum dereliquerant, Christi tenerent vestigia, religionis donum sibi divinitus collatum nullo modo macularent; sed virtutum omnium incremento exornarent; & non solum erga Deum, sed ab his, qui foris erant, bonum testimonium haberent. Ad juniores sæpe alloquebatur: „ Filioli affligendum est corpus, quod „ in sæculo vanitates sequebatur; lingua custodienda, quæ „ omni tempore labitur ad peccatum; & *addebat*; quia divines loquacitati servierat, in inferno positus vehementius „ in lingua cruciabatur; & *aliud*: Mors, & vita in manibus linguæ: „ ad virtutes omnes provocabat, & à vitiis abstinere erudiebat singula Divinæ auctoritatis subjiciens exempla. Omnia non pomposa eloquentia, sed simplici sermone proferebat; & sancta simplicitate, quæ interdum mundana Philosophia, & facundia est efficacior, & magis necessaria ad fratrum ædificationem. Circa pueros, & adolescententes, qui in Monasterio nutriebantur adeo invigilabat, & eos Ecclesiasticis constringebat disciplinis, ut eorum lat-

civa ætas nullum posset reperire locum , quo in peccatum prorueret.

Utramque annonam spiritualem , ac temporalem Dominico gregi subministrabat servus iste fidelis , & prudens, quem constituit Dominus super familiam suam. Qua pietate senes, ac debiles , secundum virium imbecillitatem supportabat, honorabat , & honorare præcipiebat ! Quæ ejus clementia erga ægrotantes, quos miris obsequiis , & ministeriis consovebat, & gratia visitationis assiduæ sublevabat ! Quæcumque enim diversarum infirmitatum sustentationi necessaria erant , omni observantia iis ministrari jubebat : frequenter fratribus aiebat : *Filioli, hujusmodi portandi sunt, quia de talibus superna retributio adquiritur.* Cum aliis ægrotis large præstaret omnia , si quando ipse ægrotabat, sibi non indulgebat: non delicata, aut insolita ciborum genera, nec laute præparata appetebat: sed ferculorum luxu spreto, assatum cepe cum sale tantum sumebat, aut omnino paucos, & frugales cibos. Nec in ægritudine tantum, verum & sanus miram, & inimitabilem habuit parcimoniam. Numquam temperantiæ metas transivit; numquam disciplinæ suæ oblitus est: semper cum fratribus communem ciborum usum in refectorio habuit, & parcius de suo cibo, quam quis alius sumpsit. Nativa bonitas, & disciplinæ rigor cunctas petulantiae gulas in eo extinxerat: numquam ad infirmorum domum, quamvis fratres rogarent, ire voluit sanandus: numquam sanguinem minuit; numquam vel levissimam potionem aliquando accepit; clementiam, qua in omnes, sanos, infirmos, ac debiles utebatur, in duritiam erga se commutabat.

En insigne Theotonii erga miseros clementiæ indicium: cum Alfonso ad Hispalim ducto exercitu pene totam Sarcenorum provinciam deprædaretur, ejus milites inter ceteram prædam Mosarabes quosdam Paganorum ditione detentos, Christianos tamen ritus observantes captivarunt; atque belli jure servituti subjugarunt. Audiit Theotonius, & valde doluit: qui numquam ne ad exteriorem quidem Monasterii januam de claustro exierat, fide succensus obviam Re-

gi egressus dixit : *O Rex, & Barones cuncti, qui Sanctæ Matris Ecclesiæ filii estis ; cur fratres vestros vobis in servos, & ancillas subjecistis ? Peccastis Domino Deo vestro : & cum alloqueretur, quod nisi ii liberarentur à servitute, Domini furor eis immineret ; Rex illud hominum genus dimisit liberum. Non prætereundum quo honore Alfonso, & optimates obviam venientes Theotonium susceperint : de equitatibus descenderunt, ac illius manum supplices osculantes promiserant, quidquid ab iis postularet. Igitur Theotonii ope à servitute liberatis plerumque mille, exceptis scilicet feminis, & parvulis ; quicumque ex iis Colimbriciæ commorati sunt, habitationis locum juxta Monasterium ipse dedit, eosque per plurimos annos de Monasterii annona pavit, utpote imbecilles, & extraneos.*

Curandi gratia etiam emicuit : Alfonso nimis febribus æstuabat, & magnis stridoribus veluti extra se positus, in ultimo se constitutum esse clamabat, visitationem Theotonii ultimum medicamen anxius quæsit : à quo visitatus, ejusque dextra clementer tactus, feбри paulatim tepescente, salutem recuperavit. Tanta coram Theotonio virtus Dei Regi collata est, ut eadem hora cibum, quo diebus multis caruerat, nec concupierat, sospes acceperit. In Reginam Mafaldam Alfonso conjugem non minus gratus fuit : Piissima foemina ob partus difficultatem jam periclitabatur, post Deum penes se deliberavit ; si à Theotonio signaretur, Deus ipse subveniret. Ad Mafaldam vocatus accessit ille, & crucis signo facto, ante pedes ejus filium produxit mater, quæ de nato læta sanitati restituta est. Beneficii vero oblita Regina, postea in Theotonium fuit insensa : nam cum quodam die ad ipsam visitandum venisset ; & claustrum interius videre, & ingredi voluisset, Sanctus Prior blande restitit dicens aliam interius esse Reginam : nec esse ordinis, nec approbatæ consuetudinis, foeminam habitaculum mundum fugientium ingredi, nisi forte defunctam. Nec Reginæ officii esse : proponebat Ozia Regis exemplum, quem lepra percussit, quod Domini templum intrare, & adolere incensum voluerit. Tan-

ta ordinis æmulatione tenebatur, ut Spiritus Sancti virtute præsumenti Reginæ intrepidus obfisteret: maluit ille Malfaldæ furentis odio succumbere, quam claustro abuti.

Dæmonibus erat timori Vir Sanctus. Monachus quidam Samuel Affu natione Anglus agitudine correptus ad Monasterium istud perductus est. Ad extremum veniens vidit tetros, ac horrendos spiritus in se crudeliter spicula injicere: eorum imagine perterritus huc, illeque vertebatur: & turbatis vocibus id sibi adstantibus memorabat: ipsi malignos spiritus non videbant, sed eorum præsentiam in tremore, ac pallore illius, qui turbabatur, credebant. Ægrotum visitavit Theotonius, & mox maligni spiritus per tenues auras evanescentes, nusquam, Monacho teste, comparuerunt. Hujus Monachi causa ad perseverantiam, & obedienciam hortabatur. Dicere consueverat: *Si Monachus iste, qui de sui Abbatis licentia venerat, & commendatitias literas habuerat, de habitaculo suæ carnis sic evulsus est; quid de illis, qui levitatem, ac mentis mobilitatem sequentes per lites, & scandala dividuntur, & per inobedientiam à Monasterio recedunt? Propterea cavete vobis, o filii, ne Domini jugum leve, & suave obtrahatis, ne Christi compedes abjiciatis: circuit enim diabolus querens, quem devoret, & eos, qui de congregatione sua inobedientes fugiunt, cruciat, & exstinguit.*

Simili poena vexabatur in Monasterio frater quidam conversus, sine intermissione ante oculos habebat Ethiopis umbram, qui vehementer extento arcu sagittabat; cruciabatur miser plus pavore, quam infirmitate: quoties Theotonius ad fratrem accedebat, arcum protinus diabolus remittebat, & abscondebatur, nec coram eo jaculari audebat. Vir Dei præsciens qua de causa conversus lueret poenas, dixit: *Confitere frater ruinam adulterii, in quod lapsus es.* Erat alius quoque in Monasterio valde devotus, qui à suæ conversionis initio à diabolo cruciabatur. Cum die quadam Theotonius extra chorum in Ecclesia debilitatus sederet, & prædictum fratrem à dæ-

mone cruciari cognosceret, nondum ipse pati viderat, mox apprehensa illius dextra, spiritum nequam comminando dixit: *Exi immunde spiritus in nomine Jesu Christi, & in virtute Spiritus Sancti præcipio tibi, ne amplius Dei servum conturbes.* Et contestim ex illa hora liberatus est.

Quid plura? Cœlestem vitam in terris agebat; quapropter Rex, Principes, & omnis utriusque sexus populus ad ejus genua provolvebantur, ab eo benedici enixius exorabant, & oris sui verba audientes, quasi cum Angelo Dei colloqui gaudebant, & maximis muneribus Monasterium illustrabant. Rex ipse de rebus suis plurima contulit; ut supra dixi cap. 6. magis Theotonio, quam alicui hominum confidebat, sequè, & res suas commendabat. Theotonius quoque Regem præ cæteris diligebat, qui in regno erant: idcirco paterno amore frequenter illum admonebat, ut Deum, per quem Reges regnant, & in cujus potestate sunt regnorum jura, timeret, & ejus mandata servaret. Cum Rex ad bellum proficisceretur, Theotonius totus in Deum precibus pro illo ferebatur; Alfonsus pugnabat, Theotonius orabat; & Piissimi Sacerdotis orationibus debebantur triumpho, quos apud Scallabim, & Campum Orichium Alfonsus reportavit.

Post vigesimum, & primum ab ingressu Monasterii annum viribus suis fractus Prioratu se abdicare intendit soli Deo se daturus. Fratres in Capitulum accersivit, & coram omnibus Priorem elegit Domnum Joannem Theotonium, virum quidem prudentem, discretum, sobrium, benignum, omni genere virtutum præditum, meritis, & nomine sibi successorem, & filium. Cui totius Monasterii regimen commisit, cunctis plaudentibus fratribus. Cum novo Priore per decem, quibus postea vixit, annos, ita fuit in concordia pace, ut singulis diebus, imo singulis horis, & penè momentis se invicem prævenirent, & benedictionis dulcedine, & signaculo Sanctæ Crucis. Ceteros verò fratres omni die benedicebat; & eos nominatim ex puritate animi Dei amicos nominabat; ac ex hu-

milite quodidie in singulorum orationibus se commendabat. A' Pastoralis curæ solitudine liberatus, & absolutus soli deinceps contemplationi animum dedit; permanens semper in oratione, & lacrymarum compunctione pro hujus mundi miseriis, & cælestis Jerusalem desiderio. Unde sæpissimè in hujus civitatis sanctæ amorem raptus exultabat: *Lætatus sum in his, quæ dicta sunt mihi, in domum Domini ibimus.* Quamvis in claustris angustiis clauderetur, Paradisi latitudine fruebatur. Inde erat quod jam ciborum esuriem non sentiret, saturatus enim Christo erat. Stinebat tamen non vescendi desiderio, sed humana confectione, numquam tamen ante legitimam horam; & reficientibus ceteris, ille ex more suo ad Ecclesiæ limina gratia orandi semper penè invisus properabat: & in loco suo gementem, & dolentem, tanquam vere solitarium sua solitudo cohibebat.

Si tunc aliquis fratrum ei in solitudine sua apparebat, mox hilari vultu dulcia cum eo commiscebat colloquia. Semper in ore Christus erat, aut exempla Sanctorum Patrum: semper pax, & dulcedo charitatis: semper dulcius susurrabat: *Domine dilexi decorem domus tuæ, & locum habitationis gloriæ tuæ: & quam dilecta tabernacula tua, Domine virtutum! concupiscit, & deficit anima mea in atria Domini.* Sustentabat senilia membra suabaculo illo, quem ei pro munere, audita ipsius sanctitate, Sanctus Bernardus Claravallensis Abbas de Burgundiæ finibus per Monachos suos miserat, & frequenter cum eodem baculo doloris aculeos contingebat. Baculum istum hodie inter hujus Monasterii pretiosissimas reliquias veneratione maxima asservamus. Ex eo jam tempore inter Claravallense Monasterium, & Sanctæ Crucis Collimbricense societas, pactum, & fraternæ dilectionis vinculum sancitum est; itaut ab utroque Ordine per singulos annos generale servitium summa cum devotione pro invicem ageretur.

Canonicus quidam Monasterii Senex, ac boni testi-

monii per triduum in extasim raptus vidit se per visum fuisse in cœlis: vidit etiam quosdam, quos ipse bene noverat, qui adhuc in carne positi erant, & nonnullos jam vita functos adstare ante tribunal Christi Deum laudantes. Iis autem omnibus superior visus est Theotonius, & Deo propinquior, incomparabili candore vestitus. Qui cum Deum adoraret, maiorem præ ceteris gloriam à Deo sortitus erat. Senex verò ad sæculum reverfus non sine multorum admiratione, quæ viderat, enarravit.

Ante paucos dies quam ab humanis discederet, hæc visio ipsimet apparuit: videbat se in turri quadam sublimi, quæ è claustri medio super cuncta Monasterii fastigia eminebat: manu quoque hastam gestare sibi videbatur sine cuspidē, longissimam quidem, & candidam. E' regione vero vir venerandus habitu splendēte apparebat, qui Domini mandatum se habere restabatur. Mox Theotonium blanda voce consolatur: „Homo Dei, laboras plurimum, „& diu peregrinaris carnis sarcina prægravatus: sed „æquo animo esto, quia in proximo est, ut pro brevi „labore æterna beatitudine perfruaris. Jam enim in hoc „sæculo bene pugnavisti, & cuncta, quæ licuit sine ferro superavisti; id enim hasta sine cuspidē significat. Age „ergo gratias bonorum omnium largitori, quia cito curaberis, & ad antiquam possessionem diu peregrinatus „conscenderis. Scitò etiam quod Omnipotens Deus per te „plurima bona fecit huic loco, & facturus est, „Monstrabat ei præterea scalam in cœlum usque porrectam, per quam eos, qui de Monasterio purgatiores exirent, cœlum conscenderent. Nonnullos verò adhuc purgandos in Monasterio esse dicebat minus de perfectione habentes. Cum igitur hæc commemoraret, & nomen suum, quod esset Apostolus Petrus, indicaret, in cœlum disparuit.

Evigilans itaque vir Dei, & agnoscens obitum sibi imminere, Sacramentum unctionis accepit, & Domini Corporis Sacramento, quod per singulos dies peragebat, se munivit; fratres tamquam viscera sua admonuit: *Hodie,*



inquit, *vos filii, Religiosum studium arripuisse arbitramini*: & universis fratribus circa eum dolentibus, ille consolabatur tristem Conventum. Cum septima Sabbati post matutinum seniorum canonicos benediceret, repente super humerum caput inclinavit: inde in cinere, & cilicio christiana traditione superpositus, sanus, & integer mortem lætus aspexit. Lato vultu quasi in occursum se erexit, itaut ex hilari vultu Sanctorum Angelorum præsentiam existimarent. Sed priusquam de sæculo exiret, immensus stellarum globus visus est de cœlo ad medium claustrum descendisse ita coruscans, ut cunctos in admirationem converterit. Nil pallor mutavit in facie, sed ita dignitas quædam, & gravitas ora complevit, ut plane videretur non emori, sed migrare, & quasi amicos mutare, non relinquere. Quo miraculo eum viventem tota civitas haberet, in ejus obitu demonstravit. Omnes ei suas animas commendabant; omnes de beatitudinis gloria congaudebant. Favebant sibi homines de gloria ipsius, de cujus conversatione Angeli lætabantur in cœlo. Hac vox una omnium erat, quod ejus anima felix, & beata transferretur ad cœlos. Rex quoque Alfonsus nimio dolore affectus usque ad vultus suffusionem dixisse fertur, *prius anima ejus erit in cœlo, quam corpus in sepulchro.*

Omnibus igitur pro funere peractis, fratrum gementium manibus in Ecclesiam translatus est: ubi non ululatus, & lacrymæ, sicut pro sæculi mortuis, audiebantur, sed per duos dies continuos choris psallentibus, fratrum suorum fervor circa corpus fuit exhibitus in orationibus, Psalmis, & hymnis, & canticis spiritualibus. Inde à Michaele Colimbriensi Episcopo, & ejusdem Monasterii Canonico in capitulo sepelitur. Dormivit in Domino duodecimo Kalendas Martii, & sepultus undecimo. Vixit in Religione annos 31. omne suæ vitæ tempus implevit, ut ipse referebat inter 70. annos, & 80. idest obiit octo genarius anno Domini 1162. Cum sancta illa anima corporis ergastulo soluta esset, adfuit humani generis hostis,

& quia in ea de suis actibus nihil invenerat, fremens, & frendens in quendam de Monasterii familia festinus agitator irruit, ac per dimidiam fere horam vexavit: de hinc confusus abscessit cunctis indicans quod Beata Theotonii anima in cœlum transcenderet. Numquam in Monasterio plures Canonicos admisit, quam ratio sineret, aut ejusdem Monasterii facultas suppeteret.

Cum miraculis plurimis micaret post obitum Theotonius; tota enim Colimbriensis civitas, & Vifensis, quæ per ipsum Deus conferebat, beneficia mirabantur: Joannes Peculiaris Archiepiscopus Bracarenfis, Michael Colimbriensis Episcopus, Petrus Rabaldus Portugalensis Episcopus, Menendus Lamecensis, ac Odorius Vifensis, Canonici omnes Regulares in Monasterio Sanctæ Crucis convenerunt, & de tot conspicuis viri Dei prodigiis ex inquisitione certi, postulante Rege Alfonso, rogante Clero, ac populo Colimbriensi, Leirienti, ac Vifensi, die decima octava Februarii anno 1163. Theotonium Sanctorum fastis adscripserunt: & Joannes Bracarenfis Missam de communi Confessorum: *Os Justi meditabitur sapientiam* solemni apparatu celebravit. Canonisationem ab Episcopis de more tunc factam Alexander III. vivæ vocis oraculo confirmavit. Sancti Theotonii festum sit per totam Lusitaniam; ab anno 1605. sub die 14. Septembris invenitur in registris Sacræ Rituum Congregationis Decretum recitandi de illo tanquam de Patrono in civitate Vifensi cum octava. Quæ facultas inde est extensa pro tota Diocœsi in Decreto 17. Junii 1676. Etiam ex Sacra Rituum Congregatione emanarunt Decreta diversis temporibus pro Diocœsi Portugalensi, Lamecensi, & Algarbienti cum concessio officio sub ritu duplici secundæ classis, & Sanctissimus Dominus Benedictus XIV. idem officium concessit pro Diocœsi Leirienti cum ritu duplici secundæ classis, & pro Diocœsi Colimbriensi cum duplici primæ classis ex Decreto die 24. Augusti 1743.

In antiquis Breviariis Bracarenfi, Eborensi, Alcoba-

tienſi, ac Benediſtino, extra Luſitaniam in Tudenſi, Aurienſi, Oxomenſi extant Lectiones propriæ inter ſe diſverſæ verbis, ſed in cetero cohærentes. Canonici Regulares S. Genoveſæ in Gallia de eodem recitant cum Lectionibus propriis, & cum Lectione Evangelica cap. 9. ſecundum Lucam : *Dixit quidam ad Jeſum ſequar te quocumque ieris.* Cum aliis recitant Canonici Regulares Lateranenſes ex conceſſione à S. Pio V. per litteras in forma Brevis motu proprio, quæ leguntur initio libri officiorum ad uſum ipſorum Canonicorum. Erga Theotonium Regia Luſitaniæ domus tenerrima devotione fuit. Brigantiæ Sereniſſimi Duces filiis ſuis Theotonii nomen aliquando indiderunt. Unde ad maiorem devotionis affectum excitandum, Fideliſſimus Luſitaniæ Rex Joannes V. Sanctiſſimo Benediſto XIV. ſupplicavit, ut concederet pro ſuis dominiis officium ſub ritu duplici maiori ſine octava, remanente ritu claſſico tam cum octava, quam ſine illa, ubi jam eſt conceſſus : officium verò tam pro locis, ubi jam eſt conceſſum, quam pro illis ad quæ extenditur, juxta acta ab omnibus approbata, imò ſecundum Lectiones Breviarii Bracarenſis, Eborenſis & ſecundum alias antiquas approbaret, & concederet. Sanctiſſimus Dominus ad Fideliſſimi Regis preces die 17. Januarii 1750. annuit, & conceſſit, ut in omnibus ejuſdem dominiis officium proprium cum miſſa Sancti Theotonii ſub ritu duplicis maioris ab omnibus Chriſti fidelibus utriuſque ſexus, qui ad horas Canonicas tenentur, recitari, ac celebrari poſſet : firmo remanente altiori ritu tam cum octava, quam ſine illa, quo in aliquibus locis idem officium fieri conſuevit.

## §. II.

*De Venerabili Tellone Archidiacono Canonico Regulari.*

**V**enerabilis viri Tellonis vitam descripsit Magister Petrus Alfardus Auctor coævus, & Con-canonicus. Clarissimus vir Fr. Antonius Brandaõ Domnum Salvatum Tellonis quoque Con canonicum ejusdem Archidiaconi vite fuisse scriptorem opinatus est; sed Anonymus Canonicus in Theotonii vita Petrum Alfardum Auctorem refert: *Siquis desitu loci, & libertate Monasterii plenius nolle desiderarit, legat dictatum Domni Petri Alfardi Magistri.* Tanti operis Sanctæ Crucis Colimbriensis Monasterii Auctor fuit Tello Archidiaconus. Patriam habuit Colimbriam, Patrem Odorium ex Lusitaniæ proceribus, Matrem Eugeniã Sororem Sefnandi Colimbriæ Consul. Vix pubertatem exceſſerat, à parentibus suis optimè instructus Domno Paterno Colimbriensi Episcopo traditus est, ut inter nobiles adolescentes in Colimbriensis Sedis Collegio Ecclesiæ disciplinis imbueretur. Ætate, ac sapientia proficiebat illustris adolescens, adeo ut Martinus Episcopus Paterni successor inter Canonicos Colimbrienses, qui id temporis Augustinianam Regulam in Communi degentes profitebantur, Tellonem suscepit. Post Martini mortem Cresconius in ejus Sedem eveſtus Tellonis meritis commotus eum suæ Ecclesiæ Archidiaconum instituit: qui in dignitate super omnes animi prudentia, morum honestate enicuit coxtaneos: unde Principum familiaritate habebatur charus.

Sub nullo Colimbriensi Episcopo vixit, cui gratus in moribus non complaceret: maxime Mauritio Cresconii successor, quocum socio Hierosolymam ivit, & per triennium totius Curia, & Episcopi curam gerens, & cuncta pro suo nutu componens. Ibi cum sancta loca Vir tantæ discretionis circumspeceretur, & pererraret, vidit diversos ordines loco, & habitu diversissimos, sed tenaci cha-

charitatis vinculo conjunctos ad summum, & unicum accendentes trivium, quod est summum bonum: diversæ vitæ genera mirabatur Tello, & admirando obstupescibat, intra semetipsum quantum valebat, doloris gemitus comprimens aiebat: *Heu mihi quia incolatus meus prolongatus est: habitavi cum habitantibus cedar; sed enim ardorem cum non posset temperare, Instructores caput inquirere; ipsum Christum reperit caput, & Apostolos membra.* Tunc pro Canonicis Regularibus jam nimio affectus gaudio, institutiones coepit scrutari: Præpositorum scilicet officia, subditorum eximiam, ac in omnibus devotam, humilemque obedientiam: Ecclesiasticarum rerum assiduam, perfectamque doctrinam: senum piissimam, misericordemque in omnibus patientiam, maiorum amabilem charitatem. Tam sancta instituta observare illi in deliciis maxime erat.

In rebus iis observandis, admirandisque triennio transacto, Bizantium cum Episcopo Mauritio appulit; ubi ferme per medium annum commoratus sacra illa instituta non obliviscebatur, & siquid iis deerat, pius Archidiaconus addebat. Cum incolumes jam recrearent ad propria, Mauritius in locum defuncti Giraldi Bracarensis Archiepiscopi sufficitur; & in Mauritii Sede Colimbriensi sublimatur Gondisalvus; cujus cor efficitur Tello. Hic votum suum Hierosolymis conceptum perficere conabatur; Canonicorum, quos illic viderat, & adamaverat, institutum Colimbriæ stabilire procurabat; sed quamvis opibus, potentiaque opitulantibus, nequit vel incipere desideratum, cum focii, locusque deficerent. Plurimis vero labentibus annis, postquam Gondisalvus non tam senio, quam infirmitate confectus cœlo redderet spiritum, Archidiaconus Tello moribus, & vita honestior à clero, & populo precibus quærebatur Episcopus. Regina Tharasia, & Ferdinandus Comes in id nitebantur; & quidem fieret, nisi Princeps Alfonso Reginam, & Comitem regno expelleret, & suum susceperet Principatum. Ad tantum novi Monasterii Sanctæ

Crucis opus Deus Tellonem reservaverat. Quare vir iste religione plenus votum suum adimplendi cœpit urgere propositum.

Novo igitur extracto, ut jam diximus, Monasterio, sociisque adscriptis; quæ non fuit Tellonis diligentia, & cura, ut omnia firma stabiliret? Romam properavit à Romana Sede privilegia, & exemptiones petiturus. His omnibus pro illius voto compositis, cum jam post Innocentii II. manus osculum rediret in patriam cum Joanne Peculiari, qui in omnibus præerat, rei voti à raptoribus in medio itinere detinentur, voverant enim se sepulcrum Magni Parentis Augustini visitaturos, & aliquod pignus, si possent, ad suum Monasterium allaturos; quod cum non complerent à raptoribus spoliati, vix multis exantlatis laboribus, multaque viarum fatigatione pedites totum fere iter usque ad Sancti Rufi Monasterium calcarunt. Divinum sibi in omnibus adesse patrocinium Tello agnovit; & maxime, quod cum custodierit à pomis venenatis, quæ Joannes Michael itinere obviam factus ad ipsum composuit. Pro quibus omnibus Deo gratias referens cum Sancti Rufi Canonicis societatem firmavit, & secum adducens Dominum Dominicum, quem Theotonius ei obvium miserat, cum Joanne simul Peculiari Colimbriam reversus est, apud Sanctum Rufum dimisso privilegii exemplari, quod Romæ pro suo Monasterio obtinuerat. Ille vero, qui ei in itinere laqueum sub veneno tendenderat, iusto Dei judicio peregrinus interiit, ante obitum tamen Monachus factus.

A' confecto itinere mensibus quinque nondum completis, Pissimus Pater lethali morbo corripitur, quod Arabes vocabant *Alvaram alfazamuni*, id est *Apossema*. A' morbo jam sanus, velut Martha satagebat circa frequens ministerium, Monasterio construendo vacabat, murum in circuitu construi fecit, turres erigi, domos intra, & extra claustrum ædificari; villas, & hæreditates propriis facultatibus emit. Quia vero totum, quale erat futurum, fundare, vel perficere minime poterat ædificium, veluti peritus Archi-

tectus totius structuræ internam, externamque dispositionem stylo descripsit, quam transgredi non liceret. Cum nimia infirmitatis languore, & diutino labore frangeretur, pondus, licet sibi gratum, ferre recusavit, & claustro inclusus illud Davidicum memorabat : *In me sunt Deus vota tua, quæ reddam laudationes tibi.* In dies, ac noctes se ipsum Deo vivo, & vero verum, & vivum sacrificium offerebat. Mors jam propinquabat; & quis suarum lacrymarum imbres uberrimos enarrabit, non pro se, sed pro suorum Canonico- rum sollicitudine, & amore, quos in Monasterii exordio re- linquebat.

*Non pro se lacrymabatur, quia Vir Sanctus erat: fuit enim a pueritia usque ad Senectam purissimæ castitatis amator; humilitatis mirabile exemplar; veritatis asser- tor verax, obedientiæ custos integerrimus, in adversita- tibus gaudens, in tribulationibus patiens; in fide strenuus, in spe longanimis, de promissione certus, ut Abraham, hospitalitatem sectans, ut Lot, Justitia pollens, ut Isaac, charitate exuberans, ut Jacob, in sermone morantissimus dulcedine refertus, semum venerator, virorum frater, pue- rorum, ac juvenum pater. Mira fuerunt, & pene homi- nibus suæ ætatis incredibilia in eo divina revelata myste- ria: quandiu potuit Canonico- rum suorum manibus ad Do- mini altare ferri, sacrum Corpus, & Sanguinem Domini communicabat; ante ipsum altare, & ante crucem Domi- nicam, veluti ante Christi Tribunal judicandus in lacry- mas profunde- batur, & in mentis excessum rapiebatur. Ita mirabiles Tello- nis dotes depinxit Alfardus.*

In claustris medio inter olivarum consita recumbens fra- tres suos, quos ut filios, parturire videbatur, veluti Jacob benedixit: & inter spem cœlestem constitutus, & fratrum amorem proferebat: *Non adeo, ut dicebat Apostolus, cupio dissolvi, & esse cum Christo, necesse autem existimo esse in carne propter vos: gratis quidem est Domine corporeæ pugna militiæ: nec deficientem causabo ætatem, munia tua devotus implebo, pro tuis cæstris quoad ipse juf-*

*seris militabo. At si parcis ætati, bonum est mihi, bos, quibus timeo, ipse custodias; tu namque es verus Pastor, & animam tuam pro his ovibus dedisti; quod minus est supple, qui, quod maximum est, consumast.* His dictis, uberiore lacrymarum vi profundebatur. Cum Deus ejus laboribus finem jam vellet imponere, & confessorem suum in cœlis suscipere; cunctantibus fratribus, & lacrymantibus, feria quarta quarto Idus Septembris, illucente die post nativitatem Beatae Mariæ agens ætatis quasi annum sexagesimum, deosculatis omnium manibus, ut in orationibus ipsius essent memores, protulit: *In manus tuas, Domine, commendo spiritum meum*, & dignum Sanctorum ordine emisit spiritum. Quantus fratrum Canonicorum mœrentium luctus, quantus sororum Virginum, & viduarum fletus! quantæ Colimbriensis populi lacrymæ! Tota civitas ruit, omnes ad sanctum Tellonis corpus videndum influunt uno ore clamantes: *Benedictus Deus, qui talem sibi elegit famulum.* Matronæ vero, ac pauperculæ foeminae, quia eis prope adstare non liceret, vel ipsum corpus attingere, pro foribus adstantes, vel per rimulas, quantum fas erat, insipientes pio ejulatu protestabantur, ut pro ipsis deprecaretur Dominum, pro quibus sæpe sancta monita, sæpe casta consilia, sæpe peritiles correctiones, eleemosynasque largissimas sancte, ac pie profuderat. Cum corpus devote, religioseque à latere Ecclesiæ dextro juxta altare Sancti Spiritus conderetur, fit maximus omnium clamor uno suspirio precantium: *Requiescat in pace.* A' populo Beatus nominatur, & à Lusitanis scriptoribus inter insignes viros prædicatur.

En Tellonis testamentum, & diligentiam pro Monasterio fundando: *In nomine Sancte, & Individue Trinitatis Patris, & Filii, & Spiritus Sancti, Pietatis Divinae, & non aliunde est indictum conditioni humane, quibus virtutibus, quibusve modis perdita sedes queat recuperari, ac summa felicitatis participari. Sed quia virtutes perlongum est explicare, sub brevitate transcur-*



*rimus, ut si quod legimus, opere exerceamus. Habemus  
jem unde gaudere debeamus. Quoniam sunt nonnulli, qui  
largitione elemosynarum, alii monasticæ prædicationis,  
alii frequentatione orationum, & quod vilius putatur,  
datione aquæ frigida, æternæ beatitudinis gaudia Deo  
propitio adipisci possunt. Inter hæc quidem non parva pe-  
nes Deum fulget gratia, qui ad ejus honorem, & laudem  
fundat ædem, in qua diversa membra efficiuntur unum.  
Legimus namque Salomonem mirifice Dei templum  
construxisse, & ob id magnifica gloria eum Dominum in-  
duisse. Hoc igitur exemplo Ego Tello Archidiaconus Sedis  
Sanctæ Mariæ divina gratia illustrante animatus, ad ani-  
mæ meæ, parentumque meorum remedium; illius v' deli-  
cet balnei, quod Dominus Infans Ildefonsus Magni Im-  
peratoris nepos dedit mihi dono, prius accepta à me, qua-  
dam, quæ vulgo dicitur sella, maximeque in remissione  
suorum, parentumque facinorum, unde etiam firmitudinis  
chartam mihi roboravit; & illius horti, qui fuit de  
Domna Susanna matre Principis Alvacilis Seseñandi,  
quem à Pontifice Colimbriano Domino scilicet Bernardo,  
& à Domino Joanne ejusdem Sedis Colimbriæ Priore, suo-  
que conventu pro triginta aureis nummis comparavi, &  
chartam ipsius venditionis libentissime roboraverunt, ad  
construendum ibi Sanctæ Crucis templum, illis qui erdi-  
nem Canonicorum devovere tenendum gratulantibus testa-  
mentum feci. Testamentum, inquam, feci, ipso Infante, ac  
Episcopo, omnibusque Principibus Portus Gaxe, ac nobi-  
libus Colimbriæ collaudantibus, & recto nec faventibus:  
hoc ordine, ut nec ego, nec alius in mea, aut sua voce, nec  
Colimbriana Sedes, nec ejus Episcopus, & ut simul dicam,  
nec aliqua alia Ecclesia ibi potestatem dominandi sibi ven-  
dicet: sed soli Deo vivo, & vero, ejusque simulis tam  
presentibus, quam futuris ibidem canonice conversantibus  
perpetum sit. Sed si quis contra hoc agere temptaverit, pro  
sola temptatione mille solidos argenti ipsis Canonicis pa-  
riat, & Domino patriæ aliud tantum, atque in Regia ser-*

virtute redigatur, & quod hæc omnia excedit à liminibus Sanctæ Ecclesiæ sequestratus, inferni claustra cum diabolo, & Juda Domini Jæsus Christi traditore inhabitet per omnia sæcula seculorum. Amen. Facta testamenti charta 3. Kalend. Julii Era 1169. Ego Tello Archidiaconus, qui hanc testamenti chartam, sicut superius legitur, scribere jussi, ante idoneos testes confirmavi, & propria manu roboravi.

Ejus corpus, Fidelissimo Rege Emmanuele Monasterii Ecclesiam reparante, ad novum claustrum transfertur, unde anno 1630. in capitulo juxta altare S. Theotonii ab Evangelii latere conditum est hoc inscripto epitaphio :

QUINTO IDUS SEPTEMBRIS OBIIT D. TELLO  
ARCHIDIACONUS COLIMB. CANONICUS, ET  
FUNDATOR HUIUS MONASTERII SANCTÆ  
CRUCIS, ET SOCIUS S. P. THEOTONII ANNO  
DOMINI 1136. TRANSLATA FUERUNT EJUS  
OSSA E' CLAUSTRO IN HUNC LOCUM DIE 7.  
APRILIS ANNI DOMINI 1630.

### §. III.

#### *De S. Martino Sauriensi.*

**M** Artinus in vico Auranca à Colimbriensi civitate 26. milliario in lucem prodiit ex Matre Argia, & Patre Aria Emmanuelis, licet sine sanguinis claritudine, rectis tamen, & virtutum merito insignitis. Postquam pia mater è vita discederet, Arias in eremo Deo soli vacans dies suos transegit. Martinum præ ceteris filium nimio amore nutrierunt, à primis suæ infantia unguiculis literarum rudimenta docuerunt, ac Domino devoverunt. Cum Mauritius Colimbriensis Antistes de finibus Bracarensis Metropolis per vicum Aurancam transiret, Martini Parentes hilari obsequio, & hospitio eum susceperunt, & qua potuerunt copia ministrarunt, dicentes se filium cleri studii jam adscriptum habere,

quem tanti Præfulis arbitrio obtemperare desiderabant : quorum piam indolem agnoscens Episcopus in suam sedem puerum deferri precepit. Pullulante morum pietate, Canonico-  
rum consensu, & Martini ejusdem Sedis Prioris Colimbri-  
entis Ecclesiæ Canonicis, qui communem vitam tunc age-  
bant, à Mauricio fuit adscriptus Martinus juvenilis adhuc æta-  
tis, qua viris, ac senioribus dignum erat exemplum. Hinc  
cum per sacrorum ordinum gradus ad Presbyteratum ve-  
nit, bona opera, atque virtutes impensius exercebat, vete-  
rem hominem cum actibus suis omnino removit; per om-  
nia omnibus in bono placere studebat, omnesque Canonici  
de illius societate plurimum gaudebant, atque Deum Pa-  
trem glorificabant.

Teste Domno Salvato Sanctæ Crucis Canonico, & de  
tanti Presbyteri gestis coævo scriptore : *Non erat invidus,  
aut clatus, non murmurans, aut verboſus, aut verba va-  
na, aut fabulas diligens, non ſeruus gulæ; tanta enim in  
eo ciborum rigeſcebat parcimonia, ut ſemper propria portio-  
nis panem pupillis diſtribueret, atque egenis: non erat  
negligens, aut piger, non oculis vagus, aut inceſſu levis,  
ſed per omnia gravis, maturus, & bonus. Qui Presbyter  
ordinatus viſitationis aſſidue medicamine agiotantium cu-  
ras lenire ſolebat. In divinis quoque officiis plurimum erat  
aſſiduus, & quod non parvi muneris creditur, in cunctis  
ſuis motibus ſignum humilitatis habebat.* En Martini con-  
ditionem in Colimbriensis Ecclesiæ Canonicatu à Salvato  
brevis stylo descriptam.

Iis dotibus perfectum Martinum dignum credidit Gon-  
difalvus Colimbriensis Episcopus, cui Sauriensis Ecclesiæ  
curam committeret. Saurium proficiscitur, sed propter Sa-  
racenorum insidias, qui in viarum comeatus incurſabant,  
aut ſervitutem, aut mortem iter facientibus inferebant, per  
abrupta montium devius ire coactus est. Tantum vero onus  
faſtidians, Colimbriam, unde advenerat, revertitur; timens  
ne propter inſenſos aliquos, niſi privilegio eſſet munitus, ex  
Eccleſia ſibi commiſſa ejiceretur. Quamobrem Gondifalvus

Episcopus, Martinus Sedis Prior, Tello Archidiaconus, omniumque Canoniconum Conventus per Regine Tharasiæ consensum, quæ tunc Portugaliæ præerat, Martino, & iis, qui de ejusdem essent progenie Sauriensem Ecclesiam jure hæreditario tradiderunt. En firmæ donationis chartam.

„ In nomine Domini : cum illud castrum, quod ap-  
 „ pellatur Saurium ob frequentem guerram Saracenorum,  
 „ raro incoleretur habitatore; placuit Divinæ voluntati per  
 „ eximiam Reginam Tharasiæ præficientem eidem castello  
 „ Gonsalvum Gonsalvi, pro Principe manu teneri cum Dei  
 „ a iutorio, ac defensari. Quod ubi ego Episcopus Colim-  
 „ brienſis compertum habui, utilitati nostræ sedis providens  
 „ sollicitus fui Canonicos nostros Martinum Arias, fratrem-  
 „ que suum Menendum ad Ecclesiam, quæ ibi jacebat de-  
 „ structa, reædificandam, atque obtinendam dirigere. Sed  
 „ quanvis multum resisterent propter pavorem Maurorum  
 „ illo ire, tamen gratia nostri permoti flexerunt animum  
 „ suum, quæ imperabantur, facere, si ex testamento  
 „ scripturam firmitudinis de illa prædicta Ecclesia factam  
 „ à nobis sibi reciperent. Quibus nos propter utilitatem Se-  
 „ dis Sanctæ Mariæ acquiescentes, placuit mihi Gonsalvo  
 „ Episcopo, & Martino ejusdem Sedis Priori una cum as-  
 „ sensu Canoniconum, Dominæ nostræ Regine Tharasiæ  
 „ chartam donationis, & firmitudinis facere, tibi videlicet  
 „ præfato Martino, fratrique tuo Menendo de supra nomi-  
 „ nata Ecclesia, tali videlicet pacto, ut firmiter illam ob-  
 „ tineatis, & secundum vires vestras reficiatis, & in uno-  
 „ quoque anno, quod inde ad sedem pertinet, fideliter red-  
 „ datis. Et ab hac die in tēpore, tam vos quam quisque vestrum  
 „ ex propinquitate vestra professione Clericus fuerit per suc-  
 „ cessiones temporum firma stabilitate obtineatis: & num-  
 „ quam eam sine vestra culpa, secundum Decreta Cano-  
 „ num pro aliquo alio homine perdatis. Supponimus etiam,  
 „ quod si peccatis exigentibus, iterum ab incurſione Mau-  
 „ rorum destructa fuerit, & præterea vos potueritis illam  
 „ recuperare, licentiam habeatis semper possidendi eam quo-  
 „ cumque

„cumque tempore volueritis. Siqua igitur persona hoc no-  
 „strum factum temerario ausu disturbare temptaverit, non  
 „sit ei licitum per ullam assertionem: sed quisquis is fuerit,  
 „qui illam Ecclesiam vobis auferre præsumperit, sit à Deo  
 „Omnipotente excommunicatus, & à Sacratissimo Corpo-  
 „re Domini nostri Jesus Christi alienatus, & cum Juda in  
 „inferno, nisi resipuerit, collocatus, & hæc charta plenam  
 „stabilitatem semper obtineat, quæ facta est VI. Idus Octo-  
 „bris Era M.C.LXI. Ego Gonsalvus Episcopus confirmo.  
 „Martinus Prior confirmo. Tello Archidiaconus confirmo.  
 „Laurentius Archidiaconus confirmo. Ego Tharasia Regi-  
 „na confirmo. „

Confirmatus in Ecclesia Martinus Saurium petiit nullius  
 terreni emolumenti spe deductus, sed lucrandis animabus  
 intentus. Quot sui corporis labores perpeßus non est, ut  
 populo vigilaret assiduus? Saracenorum manibus fuerat ob-  
 ruta Ecclesia: hanc interius, exteriusque restaurare, & ad  
 divinum officium refarcire opus erat: totam pulchriorem  
 reddidit, & exornavit; proventibusque ditavit terras exco-  
 lendo, novalia tandem perrumpendo. Verum de spiritualis  
 vitæ negotiis quid referam? Plebem sibi commissam inter  
 Maurorum errores rudem Catholicæ fidei regulis sapiens  
 instituebat; Dei verbum seminare non cessabat. Si aliquis  
 ex iis, quos rectitudinis zelo arguebat, in verborum con-  
 tumeliam deducebatur, quanto amplius ipsi efferebantur,  
 tanto magis eorum ille miserebatur insaniam, ut ad eorum  
 furorem sæpissime lenitatis fomenta præberet, & sua man-  
 suetudine litigantium iras demulceret. Eis, qui scæminam vi  
 opprimerent, & in Saurio reciperentur, Vir Dei statim ob-  
 viam fiebat, cognitoque negotio, vel ipsos scædere legitimo,  
 si res exigeret, conjungebat, vel nisi secundum Canones  
 imperio suo obtemperarent, inde proculdubio expellebat.  
 Si Clericus id perpetraret, velut Ecclesiæ hostem rejiciebat.  
 Non tam doctrina clarebat, quam vita, non immemor Pauli  
 dicentis: *Castigo corpus meum, & in servitutem redigo*  
*ne forte aliis prædicans, ipse reprobus efficiar.*

Hh

Hospitalitatem omnibus exhibebat, quæ dispensatio divina largiebatur, cum gratiarum actione peregrinis ministrabat. Hilarem datorem diligit Deus, quapropter tanto charitatis flagrabat ardore, ut non solum adventantes hospites invitaret, imo & quandoque resistentes traheret: numquam corpus alimento prius refecit, quam forum, & plateas Saurii circuitet, quem secum ad cibum capiendum advocaret. Eos frequentius pauperes, quam divites, & potentes ad mensam convocabat, quin tamen minus ipsius mensa aulicos caperet, qui multoties regium agmen cum suo Principe accurate suscepit. Hic misericordiae operibus plenus omnem laudis humanæ favorem, veluti pestem fugit divitiis suis non tumens, nec paupertate contractus. Ecclesiae proventus tamquam pauperum bona possidebat, seu ministrabat; sub tegumento panem egenis, atque pauperibus deferre consueverat; nihil sibi erat, quod egenis commune non foret, & universis utilius, quam sibi non proficeret. Si quando mens ab oratione, & à divinorum celebratione cessabat, in assiduis agrorum laboribus sua sponte urgebatur, de quibus uberes fructus colligens illud Davidicum commemorabat: *Labores manuum tuarum manducabis: beatus es, & bene tibi erit.*

Cum unum, & viginti annos suam rexisset Ecclesiam anno Domini 1144. Saracenorum exercitus sæviit, & Saurii fines invasit, viros, foeminas, pecora, aliaque multa in servitutem relegit. Milites Templi, quibus Regina Tharasia postea confirmante Alfonso, totius Saurii dominium cum redditibus contulerat, hostibus euntes obviam Martinum sibi collegam asciverant Christianorum interitum, & Ecclesiae suae detrimentum dolentem. Sorte belli adversa, Martinus, & omnes fere Templarii à Mauris capti in Scalabim deferuntur; ubi in fatidum, ac horrendum carceris ergastulum mittitur, in quo Christiani quamplurimi compedibus tenebantur astricti. Tanta animi diligentia erga fidei, & carceris consortes in eo erat, ut ne spurcissimis Maurorum ritibus commacularentur, Evangelii prædicatione pro tempo-

re, & loco congruis illos instruxerit, & ipsis in proximo futuram libertatem, & in Christianorum manus eandem civitatem adventuram, exclusis Mauris, prædixerit. Quæ omnia sequenti anno, ut prædixerat, completa sunt; nam à Rege Alfonso tunc Scalabis capta est. A' Scalabi in Eboram, inde Cordubam Dei virum semper in vinculis asportarunt, ubi tot ærumnis confectus spiritum Creatori suo redeidit pridie Kalendas Februarii; cujus corpus à Christianis sepultum est in Basilica Sanctæ Mariæ. Martini vitam scripsit Salvatus Canonicus Sanctæ Crucis antea ejusdem Martini discipulus, & Menendo Martini fratri, ac in Sauriensî Ecclesia successori nuncupavit: cujus acta ab Auctore coævo scripta in Monasteriî Sanctæ Crucis archivo asservantur, & in lucem jam prodidit Bollandus ad diem 31. Januarii. Clarissimus Resendus lib. 1. de Antiquitatibus Lusitaniæ de monte Tapazio agens ait se hujusmodi acta publici juris facere intentasse, ne tanti viri memoria excideret. Canonici Regulares Congregationis Gallicanæ Sanctæ Genovesæ Sancti Martini festum celebrant ad diem 16. Februarii cum lectionibus propriis ex prædictis actis, quod constat ex ipsorum Breviario edito jussu Capituli Generalis anno 1757. Abbate Fr. Ludovico Chaubert: Lusitani vero Sancti gentilis sui sunt obliti.

## §. IV.

*De Beato Attone Episcopo.*

**A**tto Lusitanus patria Pacensis sacra loca visendi desiderio Palæstinam petiit; inde Italiam profectus in Congregatione Monachorum Vallis umbrosæ professus est, ubi virtutibus apprimè imbutus octavus ejusdem Congregationis Abbas fuit electus; hinc ad regendam Pistoriensem Ecclesiam clerus, ac populus Episcopum, licet invitum designarunt anno 1133. cujus electionem ratam habuit Innocentius II. à quo amplissimo privilegio ad suæ sedis favorem, ac successorum ditatus est: non minorem gratiarum copiam Cælestinus II. effudit. Favore Didaci Archiepiscopi Compo-

stellani, Sancti Jacobi Apostoli colli articulum obtinuit, procurante Rainerio Pistoriensi Canonico Compostellano anno 1145. summoque honore collocavit in Cathedrali; in cuius Sancti honorem cum Atto facellum munifice construxisset, Pistorienses maioris opis impetrandæ spe pleni, Sanctum Jacobum suæ civitatis protectorem renuntiaverunt. Extant de hac re nonnullæ tum Rainerii, tum Didaci Archiepiscopi literæ, quas edidit Ferdinandus Ughelius, ex quibus Attonis virtutes, ac pietas prædicantur: (a) unam, omnium postremam, ac ceterarum compendium exscribo.

(a)  
Tom. 3.  
Italia sacra pag.  
359.

*Didacus Dei gratia Compostellanae Sedis Archiepiscopus Attoni Reverendissimo Pistoriensi Episcopo salutem, & Beatissimi Jacobi Apostoli Benedictionem. Vestras, quas sæpius vidimus, & audivimus, salutationes, & literas, quas cuidam nostro filio, videlicet Domino Rainerio, in vobis nos à vobis per ipsum salutatos cognovimus. Unde vobis gratias agimus, & quia pretiosissima Beatissimi Jacobi Apostoli capitis honorifice, atque Sanctissime tractastis patrocinia, quæ nos supradicto Magistro dedimus Rainerio, laudes immensus Deo, & vestræ referimus sanctitati; pro certo namque teneatis, quod si aliquid maius, quod est nobis impossibile, haberemus, vestri amore, & Magistri Rainerii, diligentissime transmitteremus. Quocirca vestram imploramus clementiam, & me vestrarum omnium Vallis umbrosæ Congregationis fratrum orationum participem, & beneficiorum consortem, deinceps facere dignemini. Quod nos pro vobis facimus, & nunc confirmamus in omnibus vestræ Ecclesiæ beneficiis. Rogamus præterea, ut vestris literis nos visitare dignemini, & supradictæ, atque Sanctissimæ Congregationis similiter literas nobis adquirere dignemini. Nempe vere es, quod diceris Archimandrita, pius, & sobrius. & iustus Præsul. Salutant vos omnes Canonici Ecclesiæ nostræ. Salutamus etiam vestros Canonicos. Vale.*

Post egregia opera, & meritis plenus decessit Atto die 22. mensis Maii anno 1153. sepultusque in Ecclesia Sancti



Mineatis in Curte: anno vero 1337. ejus sacrum corpus translulerunt in Cathedralē, ubi maxima veneratione asseruatur. Attonis res insignes descripsit Franciscus Forte Guerra, Justinianus Marchetus, & Ferrarius in catalogo Sanctorum Italiae. Chrysostomus Talentus Monachus Vallis-umbrosae in Epistola ad Philippum III. Hispaniarum Regem de Attone sic loquitur: *Quare excelsiores Vallis-umbrosae rei publicae Senatores eximii Pacensis urbis pignoris Beati Attonis Lusitani Regni decoris, ac totius Hispanae Monarchiae Patroni gloriosam vitam Augustissimo nomini tuo inscribendam curarunt.* Scripsit Atto vitam Sancti Joannis Gualberti Abbatis Congregationis Vallis-umbrosae Institutoris: vitam quoque Sancti Bernardi Monachi Abbatis Monasterii Sancti Salvii Vallis-umbrosae etiam Generalis, Parmensis Episcopi, Sanctae Romanae Ecclesiae Cardinalis: Epistolarum librum unum, quae in Bibliotheca Vaticana manuscriptae asservantur, teste Montfaucon in Bib. Bibliothecar. Salvianus Rasi, Josephus Dondori, ac Hieronymus Setinus Beatum Attonem existimarunt scriptorem fuisse vitae Sanctae Verdianae Castellii Florentini: Bollandus tamen tom. 1. Februarii pag. 256. Attoni adjudicat. Clemens VIII. Misissam, & Officium ad honorem Beati Attonis Episcopi ex praescripto Sacrae Rituum Congregationis concessit celebrandum anno 1605. die 24. Januarii. Lusitania gentilem suam oblita est, quem Italia maxima veneratione colit.

Pacensis Ecclesiae Attonem fuisse Canonicum merito ab aliquibus dubitatur, cum Pacensis civitas id temporis Sarcenorum iugo oppressa jaceret sine Praefule, sine sede. Nunc pro coronide S. Attonis aëla venusto carmine conscripta à D. Peneratione Florentino Monacho Vallis-umbrosae dabo pro Comprovincialis nostri apud externos tanta veneratione habiti honore, & pro sublevando carminis dulcedine lectoris spiritu.

*Huc ades præsens celebrande miris  
 Laudibus, dulci, noviterque cantu  
 Nomen includi, precibus vocari  
 Annue nostris.*

*Tbura jam sacris, Arabumque costum  
 In focis guttas adolens Sabæas,  
 Nomen Attonis precibus Beati  
 Mysta frequentes.*

*Tu super cæli residens coruscis  
 Ignibus, fixus Triadem tuendo  
 Vota, quæ nostris labiis, & ore  
 Fundimus, audi.*

*Nis tuum cuncti genus, & nepotes  
 Anxii, præsens petimus levamen;  
 Comis extensas mediis procellis  
 Accipe dextras.*

*Propter id nostrum Deus appulisse  
 Fecit ad littus, resonis ab usque  
 Tunc Annæ ripis, ubi Lusitanos  
 Bætica finit.*

*Hic lares gestis celebres avitis  
 Vidit, Attonis teneram juventam  
 Imbuit claris, Anna, Paxque dudum  
 Julia factis.*

*At truces Mauros, Arabesque molles  
 Sacra sedantes monumenta passim,  
 Ritibus pravis, veluti colubros  
 Lavit ubique.*

*Sed gravis cunctis nimius videtur  
 Barbari rerum feritas potiti;  
 Qua solum multi proprium coacti  
 Vertere tentant.*

*Inter hos Atto patriæ, propinquis  
 Nuntium, pergens Latium, remisit  
 Martyrum bustis, Cathedræ daturus,  
 Oscula Petri.*

*Hic sacras ædes rudera Quiritum.  
Magna priscorum monumenta, cultu  
Splendido dites, opibusque sanctis  
Visitat omnes.*

*Hæc agens, toto volitare famam  
Protinus sensit Latio, probata  
Vallis umbræ Monachos vigere  
Integritate.*

*Mox eo gressus, meliora dona  
Æmulans vertit; cupiens sacro  
Nomen adscribi numero virorum  
Seque, suumque.*

*Annuit iuste Deus obsecranti,  
Fecit incertum recipi petitum;  
Atto jam gaudet cecidisse fausto  
Omne votum.*

*Cæpit arcanis documenta curis  
Strenue secum reputare Patrum;  
Scita maiorum sibi sarta tecta  
Usque capescit.*

*In brevi cunctis vigili labore  
Ad Deum casta prece præferendus  
Corporis luxum cohibet flagellis  
Esurieque.*

*Famque virtutum titulis corusco  
Proximis æque, celebrique longe  
Diffitis, rerum statuere summam  
Tradere Patres.*

*Quando Bernardus decoratus ostro  
Ei sacrum tractans onus insulatus  
Administratas sociis regendus  
Liquit habenas.*

*Invicem sciscunt moderamen omnes  
Cujus intactæ fidei datur  
Sint gregis Sancti; subito recurrit  
Integer Atto.*

*Inde concordi studio regendos  
Offerunt sese ( licet ipse nolit )  
Tunc sacris proni manibus pudice  
Oscula figunt.*

*Atto Joannis patris instituta  
Præses effectus , rata mandat esse ,  
Comiter cunctos monet , allicitque  
Reddere vota.*

*Ad tuum cælis regimen relictis ,  
Atto, descendit pietas , amorque  
Paxque ; divino sociata cultu  
Te duce crevit.*

*Terque felices , quater , & beati ,  
Hæc quibus Christus dedit intueri ;  
Qui tuos mores imitantur , horum  
Gloria maior.*

*Ad Deum cunctos stimulas amandum ,  
Comites quosdam monitis ciendo  
Molliens dictis gravibus protervos  
Lædere monstras.*

*Sedibus tamen superum relictis  
Ima virtutes petiisse cunctas  
Fecerat , quarum cupidus fuisti  
Semper amator.*

*Fama virtutum penetrat tuarum  
Accolas omnes , simul & remotos.  
Quæ tuæ cuncti fidei libenter  
Se , sua credunt.*

*Clara Tyrrenas nitet inter urbeis  
Nomen à cura capiens fidei ;  
Spondylo Sancti , tonitruque nati  
Clara Jacobi.*

*Hæc sua supplex capias habenas ,  
Et gregis curas , apicesque sacros ,  
Qua datur , monstres iter ad salutem  
Anxia poscit.*

*Respuestas*

*Respuas quævis onus, ac honores  
 Pauper, oblatas neque dignitates  
 Æstimas pluris, levequàm putamen  
 Vel quasi flocum.*

*Pertinax cæpi manet ipsa voti  
 In tua fidens mage comitate;  
 Qua doles cunctas animi decoras  
 Vincere dotes.*

*Præsulem cæpit rogitare summum,  
 Qui Dei terris regimen, vicesque,  
 Et datas claves gregis administrat,  
 Gramine pascit.*

*Ut gregis sacrum moderamen uni  
 Tendat Attoni pietate claro,  
 Integro vitæ, sophiæ perito  
 Iusta petenti.*

*Annuat votis populi, piæque  
 Audiit voces Deus universum  
 Ante qui summa regit, & gubernat  
 Numine complet.*

*Pontifex tantum regimen benigno  
 Censet Attoni fore largiendum;  
 Consecrat sancta caput unctiône;  
 Corpus amictu.*

*Qualis extensis nebulis coruscis  
 Phæbus exsertans faciem comatam;  
 Ore se mundo manifestat omni  
 Splendidiorem.*

*Confluit fusc genus omne vulgi,  
 Nobiles, necnon procerum caterva,  
 Patris auditum documenta sancti;  
 Oraque visum.*

*Erudit verbis populum disertis,  
 Arguit durus facinus virorum,  
 Criminis blando cito pœnitentes  
 Excipit ore.*

*Hac sibi mentes hominum benignas  
Arte devinxit, pepulit protervos,  
Ne pecus morbo vitata sanctum  
Fœdet ovile.*

*Inter hæc Atto populum vereri  
Urbe cum tota reperit Jacobum,  
Cui pio cultu sacra nuncupare  
Vota solebat.*

*Ut queat cultum cumulare sacrum,  
Et pium ritum populi secundet,  
Spondylum sanctum Minio ex Ibero  
Duxit in urbem.*

*Hic jugis cura vigili fovebat,  
Creditum sanctæ fidei popellum,  
Nec minus clara veneratur ortos  
Nobilitate.*

*Spiritum castis precibus levabat,  
Nec pedem sacra removebat ade;  
Donec à cunctis agitur synaxis  
Suppliciumque.*

*Pauperes blandis, inopesque verbis  
Mulcet, ac ejus agape referta  
Nutrit, & morbis gravibus medetur  
Supplice dextra.*

*Hisque virtutum titulis onustus  
Obsitis longo senio lacertiis,  
Nec tamen fessus solito labore,  
Desistit unquam.*

*Ut diem tandem properare novit  
Qua Deum siccis oculis tueri  
Corporis gessit spolio relicto,  
Ludere mundum.*

*Tunc Deum fixe gemebundus orat,  
Sospites quotquot dederas regendos  
Ne tuo, quæso, spoliæ amore  
Meque, meosque.*

*Hunc gregem tanto pretio redemptum ,  
Moribus nolis rabidis luporum  
Et nec hostili manui patre ,*

*Te , Deus , oro.*

*Insuper Fratres tuearis omnes ,  
Qua soles charos pietate Chryste ,  
Quos in Umbrosa genuere valle  
Publica vota.*

*Proximus cælis , animus reliquit  
Membra lethæo rapienda somno ,  
Inde pernici super astra cursu  
Scandit olympum.*

*Te Dei vultu petimus fruentem ,  
Ut tui fias memorum patronus ,  
Ne ve nos miti patiare Christo  
Crimine velli.*

*Ne ve permittas nimis procellis ,  
Quas graves nostræ meruere culpæ ,  
Obrui ; sed dà miseris levamen  
Omnibus aptum.*

## §. V.

*De S. Fructuoso Canonico Regulari.*

**E** Ra 1199. Rex Alfonsus donationem de Ecclesia Parochiali Sanctæ Mariæ de *Constantin* prope Villam Regiam in Diœcesi Bracarensi Canonicis Monasterii de Caramos fecerat ; quam regendam Monendus Petri ejusdem Monasterii Prior Domino Fructuoso Gundisalvi Con-canonico suo commisit. Fructuosus omne dignitatum genus abhorrens extra claustra degere renuebat ; sed Domni Joannis Peculiaris Archiepiscopi Bracarensis precibus adduci potuit , ut susciperet. Pastor constitutus qua doctrina , & quo virtutum exemplo gregem suum non instruxit ? Quis umquam Fructuosum adiit , qui eum plerumque flexis genibus orantem non invenerit ? Pau-

petum pater quidquid ex suis proventibus poterat, in ipsos profundeabat. Ea erat illius sanctitatis fama ut ex omni Transmontana, imo Inter Durium-minienti provincia maxima populorum turba conflueret, ut vel à languoribus sanarentur, vel à vitiis intra confessionem purgarentur: curationum gratia ei erat divinitus data, & lenitatis spiritus, quo ad poenitentiae fructus promovebat.

Anno Domini 1162. mortis die sibi revelata, ad Monasterium de Caramos accessit Canonicos suos salutatum, ac petum, ut in orationibus Deo pro ipso supplicarent, quod ultimus dies jam immineret, nec vita sua ad festum Sancti Martini ejusdem Monasterii Protectoris protenderetur. Fructuosi dictum exitus comprobavit, nam eodem anno in Ecclesiam suam reversus die decima Novembris sanctitate conspicuus in Domino suo obdormivit. A' Joanne Peculiari Archiepiscopo, & Canonicis de Caramos, qui illuc convenerant, sepultus est juxta aram Sancti Fructuosi Bracarenfis Archiepiscopi, quam in Ecclesia de *Constantin* ille extruxerat. Dominus Alfonsus Pelagii Canonicus de Caramos, & Fructuosi in eadem Ecclesia successor in sepulchri lapide id inscripsit Epithaphium: *Hic jacet in terris Fructuosus Abbas celebris, custos, & amicus gregis, ejus anima sit in calis; obiit plenus meritis IV. Idus Novembris, Era biscentesima peracta millesima.*

Cum à die obitus quinquaginta annos miraculis bene multis Fructuosi sepulchrum coruscaret, Dominus Stephanus Suarii Bracarenfis Præsul tot prodigiis permotus die 28 Februarii anno 1216. ad Constantini Ecclesiam profectus est ea inquisitum. Quibus diligenter, ac debito ritu cognitis, sepulchrum aperiri jussit, ex quo nimius odor undique flagravat. Hinc Sancti Viri ossa ad sepulchrum aliud in pariete ejusdem sacelli Sancti Fructuosi Episcopi transfudit, & caput argento inclusum servavit ad omnium venerationem, quod miraculis indies tanti Sacerdotis sanctitatem indicat, præsertim erga eos, quos canum rabies,



& furor veneno inficit. Fructuosi meminerunt Cardosus in suo Agiologio ad diem 16. Aprilis, Vasconcellos in Lusitanæ descriptione de Sanctis; alique, licet cujus esset religionis, inter se dissideant Auctores, quorum alii Benedictinum Monachum fuisse autumant cum Fr. Leone à S. Thoma. Ast alium Fructuosum Benedictinum Monachum, & Abbatem sanctitate quoque illustrem necesse est perhibere, (a) cum vetusta Archivi Monasterii de Cambramos monumenta Fructuosum Abbatem de *Constantin* ejusdem Monasterii fuisse Canonicum certò exhibeant. Unde quoque evincitur Fr. Antonius à Purificatione in suo Chronico, qui Fructuosum Constantiniensem Abbatem sui ordinis fuisse autumavit, & ad annum 568. vixisse descripsit.

(a)  
Benedict.  
Lusitan.

## §. VI.

*De Beata Felicianæ Canonica Regulari.*

**F**elicianæ ex Lusitanæ primoribus in Reginæ Mafaldæ aula optimis moribus instructa sæculi blanditias, quas ceteræ suæ ætatis, ac nobilitatis foeminæ appetebant, fugere consueverat. Cum Rex Alfonsus, ac ejus conjux Mafalda cuidam Regni optimati Felicianam matrimonio locare procurarent, Illustris puella, quæ castitatis voto jam se obstrinxerat, de Sancti Theotonii consilio, cui conscientiae suæ arcana prodere solita erat, ad Canonicarum Monasterium Sancti Joannis fuga sese recepit, ubi in Canonicam fuit induta. Monasterio inclusa virginitatem adeo coluit, ut numquam cum viro aliquo colloqueretur. Orationis dono insignis dies, ac noctes ante Christi Cruci affixi imaginem, quæ nunc in Sanctæ Crucis Ecclesia maxima veneratione colitur, sponsi sui passionem acerbissimam contemplans transigebat. Ex antiqua Monasterii traditione fertur ad Felicianam sacram Domini imaginem fuisse alloquutam, & super injusta petitione respondisse: *Nescitis quid petatis*. Anno 1162. die 4. Februarii in sui sponsi oculo ab humanis excessit.

Ejus corpus juxta aram maiorem Ecclesiæ Sancti Joannis sepulchrum permansit ad annum usque 1172. quo Dominus Michael Colimbriensis Episcopus propter Virginis Sanctitatem, ac miracula, quibus emicabat in eadem Ecclesia sepulchrum erigi iussit. Anno 1510. Dominus Petrus Gavianus Episcopus Egyptienensis, & Monasterii Sanctæ Crucis Prior Commendatarius sacras Virginis exuvias ex Ecclesia S. Joannis in Sanctæ Crucis transtulit, & in capsula asservatas juxta prædictæ imaginis Crucem collocavit. Inter Lusitanos Beata nuncupatur Felicianæ; ejusque memoriam descripserunt Cardosus in suo Agiologio ad diem 4. Februarii, Pennotus in Historia Generali Canonico-rum Regularium lib. 2. cap. 32. Dominus Nicolaus de S. Maria in suo Canonico Chronico P. 2. lib. 12. cap. 6. & Fr. Ludovicus ab Angelis in Lusitaniæ viridario pag. 171.

## §. VII.

*De Venerabili Domino Joanne Theotonio.*

**D.** Joannes Theotonius secundus Prior Monasterii S. Crucis S. Theotonio sanguine conjunctus post tanti Viri obitum Monasterii, quod decem annos jam regebat, omnium Canonicorum consensu Prior. Quantum Joanni debeat Monasterium testantur tot diplomata aut Pontificia, aut Regia, & tot fidelium largitiones, quæ in ejusdem archivo asservantur. Ita testatur Magister Alfardus in libro, quem testamentorum dicimus: „Sub quo Patre „(*Joanne Theotonio*) & ejus sollicitudine, & industria coo- „perante Domino Jesu Christo, Colimbriense Monaste- „rium in sancta conversatione profecit, opinione claruit, „& rebus necessariis crevit, non minus amplum posses- „sionibus, quam clarum virtutibus. Summopere namque „in diebus suis operam dedit, quatenus cœnobium præ- „ter eam quam ab Apostolicis viris libertatem, & à Rege „Portugalis Domino Alfonso jam habebat, iterum tam- „quam duplici fulciretur, & roboraretur confirmatione,

Joannis prudentiam, discretionem, charitatem, ac ceteras virtutes optimo Præsule dignas exposui in vita S. P. Theotonii Monasterii curam ipsi in vita committentis. Joannes post Theotonii mortem in Monasterio S. Crucis Generale Capitulum fecit adunari, cui interfuerunt Priores S. Vincentii, S. Georgii, S. Petri de Arganil, S. Mariæ Leirinenfis, S. Romani de Sena, & alii ex nostris, qui Monasterii Parœciis præfecti erant. Hæc erant Monasteria veluti ex filiatione S. Crucis. Hujus Generalis Capituli meminit Dominus Pelagius Prior 3. Monasterii S. Vincentii in statutis de Hospitali supra scriptis.

Non tam ad Canonicorum, qui in Monasterio commorabantur, regimen, ac instructionem leges protulerunt, verum & ad aliorum, qui animarum curæ in Parœciis præfici consueverant, quo modo in sæculo extra versarentur: ab exordio enim Monasterii id institutum erat, quod Innocentius III. cap. Quod Dei 5. de statu Monachorum, & Canonicorum Regularium exposuit, ac decrevit. Sub Joanne Theotonio Priore pro Rege Alfonso Monasterii Parente, & Fundatore decreta sunt suffragia illa jam dicta in cap. 4. §. 1. pag. 100. licet in exemplari authentico sit: *Igitur Theotonio S. Crucis Priore cum Conventu devote respondentibus dixerunt.* Joannis nomen pratermittitur, sicut & in aliis quamplurimis monumentis, quibus Theotonii tantum nomine subscribere solitus erat. Illud monumentum suffragiorum scriptum est, ac factum Era 1204. anno Domini 1166. quo S. Theotonius jam in vivis non erat, imo ab illius obitu jam fere quatuor effluerant anni.

Ea erat Joannis erga proximos amor, ut ab populorum instructione non desisteret; in concionibus frequens, in sacra Exomologesi, ac Synaxi ministranda diligens, in oratione assiduus quidquid temporis ex muneribus sibi præscriptis supererat coram altari Deo vacabat. Prioratu se voluit abdicare, ut ad solum Deum cogitationem inrenderet, verum desideratissimo Parente carere reuenerunt

fili. Meritis tandem, virtutibus, ac ætate plenus in Domino suo obdormivit die 29. Octobris anno 1181. Venerabilis Rex Alfonsus, qui Joannem Theotonium utpote virum justum, ac rectum diligebat, cum regni sui optimatibus sepeliendo ejus corpori adtuit. Ad parietem in clauistro sepultus est hoc inscripto epitaphio: *IV. Kal. Novembris obiit Dominus Joannes Theotonius secundus Prior Monasterii S. Crucis in Era M.C.C.X.VIII. quadraginta annis vixit in Monasterio. Anno 1629. Colimbriensi Episcopo Joanne Emmanuele, & Hispaniarum Rege Philippo IV. integrum Venerabilis Joannis corpus repertum est; quod venerationi aliquandiu expositum, suavissimum odorem diffudit, donec in capitulo juxta S. Theotonii altare ab Epistolæ latere in marmoreo sepulchro conditum est hac inscriptione*

III. KAL. NOVEMBRIS OBIIT DOMNUS JOANNES THEOTONIUS SECUNDUS PRIOR MONASTERII S CRUCIS ANNO DOMINI 1181. TRANSLATA FUERUNT EJUS OSSA E' CLAUSTR0 IN HUNC LOCUM DIE 7. APRILIS ANNO DOMINI 1630.

## §. VIII.

*De Venerabili Fr. Egidio, & Sociis.*

**E**gidius, Benedictus, Lazarus, & Abrahamus Viri Lusitanæ nobiles mundi illecebras abhorrentes, supernas tantum res appetentes montis Oslæ solitudinem petierunt in Transtagana provincia, ubi celeberrimum nunc extat cœnobium D. Pauli, & virtutum, & sanctimonix, & literarum genere valde insigne. Illustres socii in solitudine à mutuo conspectu amoti, antrum unusquisque suum habuit, quo soli degerent. Hujusmodi loca adhuc ab habitatoribus suis nomen servant. Antrum Egidii prope cœnobium ad septentrionem: antrum Benedicti prope

rivulum: antrum Lazari prope vallem Infantis arboribus coopertam, & rivulo rigatam: antrum denique Abrahamæ, cujus nomen valem alteram insignivit. Elapsis annis, Eremitarum fama per Lusitaniam longe, lateque diffusa est, ut quamplurimi alii illius vitæ normæ adriterentur; inter quos emicuit Ferdinandus Annes, & Rogerius natione Hibernus, qui Olysiponensi interfuit expeditioni. Verum Ferdinandus Christianis opem adlaturus à Sarcenis Lusitaniam id temporis impetentibus cremum dereliquit, Avisiensem militiam, unde exierat, iterum petiit, & omnium Equitum consensu ejusdem militiæ Magister renunciatus est.

Unum de montis Ossæ Eremitis præterire nequeo monumentum quoddam tot virorum sanctitatis præclarum. Cum Gregorius XI. Petro Colimbriensi Episcopo, Joanni Tudenfi, & Velasco Præcentori Bracarensi vices suas committeret in Hispaniis, & munus obeuntes suum Eremitas ceteros, qui per Hispaniarum provincias in solitudine degebant, extinguerent, ac inhiherent; eos, qui Ossæ eremum à S. Mantii tempore incolebant, illaſos affervarunt, imo venerati nihil circa eorum institutum innovarunt. Digni quidem, qui in Ecclesiæ ornamentum, ac Lusitiæ decus permanerent, donec Serenissimus Infans Cardinalis Henricus postea Lusitiæ Rex eorum commotus exemplo anno Domini 1578. ab Apostolica Sede confirmationem obtinuit, & reformationem, præsertim in literarum studiis, quibus Ecclesiæ prodesſent; quibus omnibus munificentissimus annuit Summus Pontifex Gregorius XIII. Tot virorum, ac vitæ perfectionis meminerunt Fr. Antonius Brandaõ Cisterciensis Monachus, (a) Cardozus in Agiologio Lusitano, & Clarissimus Vir Fr. Henricus à S. Antonio ejusdem Eremitici Ordinis olim Generalis, in suo Chronico in lucem edito anno 1745.

(a)  
P. 1. lib. 8.  
cap. 32.  
Tom 2.  
pag. 94.

Clarissimus iste scriptor lib. 1. sæculo 1. cap. 15. in cœnobio vetus monumentum, non tamen integrum se in

venisse ait, quod illius solitudinis accolæ sic descripsit:  
 „Cum nos a Maurorum telis huc fugissemus... inveni-  
 „mus, & vidimus multos Anachoretas per hanc eremum  
 „Montis Ossæ dispersos jam post multa sæcula in spe-  
 „luncis, & cavernis hujus promontorii degentes in stri-  
 „cta poenitentia, & alta contemplatione Altissimo jugi-  
 „ter famulantes, à quibus accepimus ..... nec persecutio  
 „gentilium in principiis nostræ fidei, nec crudelitas Sa-  
 „racenorum in perditione Hispaniæ potuit extinguere de  
 „hoc monte solitarios & contemplativos Anachoretas,  
 „quos Deus sua Divina Providentia usque adhuc tem-  
 „pora custodivit. Era M.CCX.X.,

lis adnumerari non incongruum est insignem agri  
 Orichienfis Anachoretam Leovigildum Petri de Almeida,  
 qui sexaginta ferme annos in solitudine cœlestem egit  
 vitam infidelibus ipsis id temporis ea loca habitantibus  
 venerandam. Leovigildo quid non debet Lusitania? Hæc  
 per Venerabilem Regem Alfonso, Leovigildo orante,  
 Saracenorum jugum excussit: Leovigildus apud Orichium  
 Dei nuntius & victoriam, & triumphi Auctorem Christum  
 Cruci affixum Regi nuntiavit appariturum. Qui Alfon-  
 sum de quinque Regibus Mauris triumphantem prædica-  
 verint, Leovigildum quoque extollant, necesse est.

## §. IX.

*De S. Tharasia Regina Ordinis Cisterciensis.*

**T**harasia Regis Sanctii I. filia ex Dulcia Regina tan-  
 ta virtutis indole à puerita floruit, ut, cum in ea  
 ætate Avus Alfonso orationi, jejuniis, eleemosynis;  
 ac ceteris pietatis officiis tam deditam cerneret, lacry-  
 mas cohibere non posset. Adulta ætate, nihil antiquius  
 erat piissimæ adolescentulæ, quam inter religiosa clau-  
 stra degere, & illibatam virginitatem perpetuo custodire.  
 Ast obstitit sanctis filiæ desideriis Sanctius Pater, qui  
 anno Domini 1190. eam in matrimonium dedit Alfonso

consobrino suo Legionis, & Gallæciæ Regi. Illa ut conjugii pareret, de vitæ austeritate remisit aliquid, quod aliis virtutibus, misericordia præsertim compensavit. Captivos sub Maurorum jugo degentes redimere, puellas parentibus orbatas dotare, & quovis die festo duodecim fœminas, totidemque pueros novis vestibus ornare consueverat. Ea Regina, ac Magistra, Alfonsi regia iis moribus, & exemplis ornabatur, ut penè Monasterium, non Principum aula videretur. Alfonso filios Ferdinandum, Sanctiam, & Dulciam procreaverat; sed ob magnam tempestatum vim, terræmotus, & pestem undique grassantem, atque alias calamitates, quas incestuoso Tharasiæ, & Alfonsi conjugio Lusitani imputabant, quod fratrum essent filii, a Cælestino III. separationem enixe contenderunt. Pontificis jussu Episcoporum Portugalix, & Legionis Concilium Salmanticæ est indictum, Præside Guillelmo Cardinali Sancti Angeli: in quo divortium eorum Principum decretum est. Omnium Episcoporum consensu, Salmantino excepto, qui hac de causa ab Innocentio III. fuerat excommunicatus, & absolutio reservata Romanæ Ecclesiæ, ut constat ex Epistola Innocentii ad Archiepiscopum Compostellanum anno 2. Pontificatus. Olim enim Ecclesia in hoc, quemadmodum in aliis disciplinæ articulis solita non erat dispensare: ægre Patres à fixis semel regulis, sive Canonibus recedi permittebant.

Tharasia autem rediens ad patrios lares studiosior Deo vacare intendit, in oratione, & vigiliis assidua, in misericordiæ erga pauperes, & Ecclesias operibus largissima. Innocentius Papa III. Tharasiæ virtutibus, ac meritis auditis ad ipsam scripsit: (a) „Innocentius Episcopus Servus Servorum Dei Charissimæ in Christo Filix, Tharasiæ Reginae illustri salutem, & Apostolicam benedictionem. Ea te novimus circa Ecclesias, & viros Ecclesiasticos sinceritatis affectione fervere, ut honori eorum, attente inter ceteras personas invigiles, & studiose ipsorum utilitatibus procurandis intendas, nos quæ pro ipsis,

„ & maximè pro Episcopis Regni Portugaliz eo fiduci-  
 „ alius tibi cum expedit dirigimus preces nostras, quo à  
 „ te speramus firmiter, & audiri. Hinc est quod cum Vi-  
 „ sensis Ecclesia pastoris solatio destituta, Canonici ipsius  
 „ venerabilem fratrem nostrum Visensem Episcopum tunc  
 „ Thesaurarium Colimbriensem in eorum Pastorem du-  
 „ xerint eligendum, & nos eo ad Sedem Apostolicam  
 „ personaliter accedente, considerato provide quod per  
 „ diligentiam, & circumspectionem ipsius dicta Ecclesia  
 „ laudabilibus Auctore Domino in spiritualibus, & tem-  
 „ poralibus proficere poterit incrementis electionem hu-  
 „ jusmodi de fratrum nostrorum consilio duximus confir-  
 „ mandam, munus consecrationis eidem postmodum im-  
 „ ponendo. Celsitudinem tuam rogamus, & hortamur at-  
 „ tente, quatenus Episcopum ipsum virum utique littera-  
 „ tum, honestate decorum, consilio providum, & in spi-  
 „ ritualibus, ac temporalibus circumspectum, ac Ecclesiam  
 „ Visensem pro nostra, & Apostolicæ Sedis reverentia  
 „ habens specialiter commendatos tibi, cum pro suis, &  
 „ ipsius Ecclesiæ negotiis tuum duxerint suffragium po-  
 „ stulandum, consilium, & auxilium tribuas opportunum.  
 „ Ita quod Deum exinde magis merearis habere propi-  
 „ tium, & nos Excellentiam tuam dignis in Domino lau-  
 „ dibus commendemus. Datum Lugduni 16. Kalend. Fe-  
 „ bruarii Pontificatus nostri anno 6.,

Pia intra claustra vivendi desideria adimplere impen-  
 sius satagebat. Cum Laurbaniense Benedictinum Mona-  
 sterium sub Abbate Juliano à pristina Monachorum, qua  
 florebat, disciplina excideret, & magnis criminibus Ab-  
 batis, & Monachorum in spiritualibus, & temporalibus  
 esset collapsum. Sanctius Rex ut filix votis satisfaceret,  
 curavit ut Julianus cum Monachis suis Monasterium di-  
 mitterent. Monachis ex Innocentii III. Decreto ab Archi-  
 episcopo Compostellano de illo exclusis, & per alia  
 Monasteria bene ordinata collocatis ut dignam agerent  
 poenitentiam; Tharasia ibidem Cisteriense institutum am-



plexa est, cujus exemplum sequutæ sunt multæ nobiles virgines è comitatu suo, quas illa deinde ad omnem pietatis, ac regularis disciplinæ custodiam verbo semper, & factis inflammabat. Principem exuens, ac famulam induens vilissimis quibusque in monasterio vacabat muniis, infirmis ministrabat, valentes ad nocturnas, & antelucanas preces excitabat, quibus transactis, reliquas oratione sæpe explebat, in qua miro interdum splendore coruscare, & quandoque in aere suspendi visa est. Laneam subuculam setis asperatam gestabat, straminea cubabat in culcitra, rigidis flagris in tenerum corpus non usque ad sanguinem tantum, sed etiam virium, atque animi defectum sæviebat. Quartis, & sextis feriis, ac toto Adventus, ac Quadragesimæ tempore solo pane, & aqua reficiebatur. Sacrum Domini Corpus tot lacrymis, tantoque pietatis ardore communicabat, ut stantes mirarentur, ac compunctione moverentur. Cum ipsa colloquentibus celestium amorem, quo æstuabat, mirum in modum inspirabat, & sæculi rerum contemptum, quo unice gloriabatur.

Igitur cum ita semper viveret fervido spiritu, se mori semper existimabat, multis annis ante obitum suum ad sepulchrum, quod sibi præparaverat, quotidie sedens, funebrem ipsa sibi psalmodiam pracinebat. Tandem ingruente morbo correpta, Sacramentis rite se munivit, & in templum deferri petiit, ubi sorores cum ad perfectionem excitaret, & valediceret, Beatissimæ Virginis, cujus amore semper exarsit, canticum recitari iussit; ac ad-  
*versiculum Suscepit Israel puerum suum; Deo creatori animam reddidit die 17. Junii anno Domini 1250. Era 1288. ex veteri Neucrologio Monasterii Sanctæ Crucis: Obiit Illustrissima Regina Domina Tharasia filia Illustrissimi Regis Domini Sancii, & Domine Dulciæ 15. Kalendas Julii Era 1288. Incredibili pulchritudine demortuæ feminæ facies apparuit, ut vivam potius crederent, actotum templum suavissimo odore perfusum est: quin & ẽ*

summo fastigio igneus globus ad instar solis visus est extolli, & nubes superare. Corpus post quatuor ferè sæcula integrum, odoriferum, recentibusque floribus sparsum repperunt. Statim à morte miraculis claruit erga plurimos, qui patrociniū impetrabant. Clemens XI. anno 1705. die 23. Decembris Beatorum fastis Tharasiā prodigiis claram adscripsit, anno 1709. ejusdem festum sub ritu duplici jussit celebrari pro Ordine Cisterciensi, ac Colimbriensi Diocesi, intra cujus limites situm est Laurbanienſe Monasterium; verum anno 1713. pro universo Lusitaniæ regno, ac dominiis extendit. Anno 1715. sacrum corpus ab Episcopo Colimbriensi Domno Antonio de Vasconcellos, Fr. Antonio do Quental Cisterciensis ordinis per Lusitaniam Abbate Generali, & ceteris ejusdem ordinis Præsulibus in capsâ argentea fuit inclusum, & in ara ad omnium venerationem collocatum.

## §. X.

*De Sancta Sanctia Ordinis Cisterciensis.*

**S**ANCTIA Princeps Sanctii I. Lusitaniæ Regis, ac Reginæ Dulciæ filia non tantum regio parentum sanguine perillustis, verum & virtutibus, quibus ab incunte ætate exornabatur. Puella divinis jam tum bene instructa piorum librorum lectioni identidem vacabat, ex quibus quasi admotis facibus ita exarsit, ut virtutis causa nihil, quamvis arduum tentare, ac pati dubitaverit. Tenerum corpusculum cruentis flagellis, aspero cilicio, ac frequentibus jejuniis macerabat: humi, aut in duro suberis cortice, ligno in cervical adhibito, cubare consueverat. Longam, diuque protractam orationem brevis somnus, & hunc rursus oratio excipiebat. Missæ Sacrificio maiori, quam pro illa ætate fervore aderat, atque horas Canonicas in genua provoluta quotidie recitabat. Quo amore erga Beatissimam Virginem fragrabat? Quam adeo coluit, ut vel visa ipsius imagine, vel audito dulcissimo nomine

incenderetur, ac intuentibus eandem spiritus suavitatem inspiraret. Vera pauperum mater eos omni, qua poterat, ope sæpè sublevabat, duodecim pauperes fœminas singulis quartis feriis in regiam admittebat, quas splendida mensa reficeret, pecuniaque, ac vestibus donatas dimitteret.

Mortuo Patre, aulae illecebras abhorrens *Gerabricam* in dotale oppidum se contulit, ubi cum domesticis fœminis propriam domum in Monasterium mutavit sibi, ac Deo impensius vacatura: vitæ proludebat religiosæ, quam postea amplexaretur. Illic quinque è Franciscana familia viros, qui Marrochii martyrium sunt adepti, aliquandiu hospitio suscepit, de cœlestibus colloquentes audivit, eorumque proposito laudato, rebus omnibus, ut par erat, instructos in Africam dimisit. Qui vero eadem hora, qua martyrium subierunt, suo in cubili oranti Sanctiæ splendore circumfusi apparuerunt, sibi que de jam parata felicitate congratulantem summo religiosæ perfectionis desiderio inflammarunt. Quamobrem regia in Sancti Francisci Ordinis cœnobium commutata, *Gerabricam* reliquit, ad *Cellas* oppidum, olim *Vimaranes*, vel *Vallem medianum*, prope Colimbriam discessit, ubi Monasterium extruxit, redditibus ampliavit, & Cisterciense institutum amplexa est: quamvis Alfonsus frater repugnaret, & ad nuptias tum blanditiis, cum vi impelleret. Sed Piissima Puella matri prædixerat fieri non posse, ut ulli hominum nuberet, quam sibi uni Christus jam desponderat; & malle se illibata virginitate tardius, quam illico à nuptiis cœlum ingredi.

Monasterio inclusa admirabilius erat orationis studium, fuit contemptus, vitæ austeritas, laboris constantia, ac in omnes profusa charitas. Prophetiæ dono illustri futura prænovit, & remotiora cordium arcana penetravit; quæ cum sororibus aliquando patefaceret, omnes deinde adeo continebat, ut earum nemo quidquam licentius auderet; sciebant enim omnes animi latebras Sanctiæ pa-

tesieri. Cum extremo morbo coereretur uberiori cœlestis sponsi amore æstuabat, cupiens jam dissolvi, & esse cum ipso; hilari vultu, & gratiarum actione tolerabat, Sacramentisque omnibus munita ad sui sponsi castissimos amplexus evolavit die decima tertia Martii anno 1229. secundum vetus Neucrologium Monasterii Sanctæ Crucis: *Tertio Idus Martii obiit Regina Donna Sancia filia Regis Domni Sancii, & Regine Domne Dulciæ* Era 1267. Obeunti Sanctiæ adfuit Regina Tharasia, quæ sororis corpus Laurbanium transtulit, ac in sepulchro, quod sibi comparaverat, condidit. Miraculis clara à Clemente XI. Romano Pontifice eadem die cum Tharasia Sorore Beatorum fastis adscripta est, & ejus officium, ac festum eodem ritu indultum.

Tharasiæ, & Sanctiæ constantia in laboribus maxime enituit in dissidio cum Alfonso fratre, qui oppida testamento Patris legata iis sine causa voluit adimere. Sed nihil perfecit tam armis Regis Legionensis, cui Tharasia fuerat nupta, quam Summi Pontificis interminationibus, & interdictione sacrorum coactus. Innocentius III. ad Tharasiam, & Sanctiam hujusmodi litteras misit: „Innocentius Episcopus Servus Servorum Dei. Dilectis in Christo filiabus nobilibus mulieribus Tharasiæ Reginæ, & Sanctiæ, Sanctii quondam Regis Portugalsensis, salutem, & Apostolicam benedictionem: olim ad petitionem inclytæ memoriæ Sanctii Patris vestri Regis Portugalix testamentum, quod fecerat in articulo mortis constitutus, duximus confirmandum. Verum quia dubitatis, ne super his, quæ vobis eodem testamento legavit, ab aliquibus vobis molestia inferatur, nobis humiliter supplicastis, ut eadem vobis confirmare auctoritate Apostolica dignaremur. Nos igitur vestris precibus inclinati, personas vestras cum omnibus bonis, quæ in præsentiarum rationabiliter possidetis, aut in futurum justis modis, præstante Domino, poteritis adipisci, sub Beati Petri, & nostræ protectione suscipimus, & Castrum Montis

„Montis maioris, & Villam Esqueira, quæ tibi Reginæ  
 „Tharasiæ, & Castrum de Alenquer, quod tibi Sanctiæ,  
 „cum pertinentiis eorundem, dictus Pater cum omnibus  
 „filiis, & filiabus suis donavit, sicut ea iuste, & pacifice  
 „possidetis, devotioni vestræ auctoritate Apostolica confir-  
 „mamus, & præsentis scripti patrocínio communimus. Nul-  
 „li ergo hominum &c. . . Datum Laterani III. Idus Octo-  
 „bris, Pontificatus nostri anno 14. „Nescio quo fundamen-  
 „to Eduardus Nonius de vera Regum Portugalix Genealogia  
 Sanctiam cum Patre suo in S. Crucis Monasterio fuisse sepultam  
 asseruit; cum Laurbanientia vetera monumenta opponant.

## §. XI.

*De Sancta Mafalda Regina Ordinis Cisterciensis.*

**M**afalda Sanctii Regis, ac Reginæ Dulciæ filia iis ani-  
 mi dotibus insigniebatur, ut non tam patri, quam  
 fratri suo Alfonso licet in ceteros infenso fuerit grata. Virtute-  
 tes cum ætate ipsa augebantur, in regia Monialis potius,  
 quam Princeps videbatur omnes & pauperes, & optimates  
 exemplo consovens. Cum pulcherrima esset, & tot dotibus  
 exornata ab Alfonso fratre Henrico I. Castellæ Regi duode-  
 cimum ætatis annum vix egresso data est in conjugem. Be-  
 renguella Regina Legionensis Henrici soror pueri fratris nu-  
 ptias ægre ferens ad Innocentium III. scripsit certiorum red-  
 dens de consanguinitatis gradu inter contrahentes Principes  
 prohibito. Innocentius Episcopis Munioni Burgenfi, & Telloni  
 Palentino commisit causam, quorum sententia solutum est  
 conjugium, quod nondum fuerat consummatum. Anno 1212.  
 Lusitaniam reversa est Mafalda, & sæculi delicias abhorrrens  
 in Monasterio de Arouca, quod parens Sanctius testamento  
 ipsi legaverat, sese recepit; ubi Cisterciense institutum re-  
 stauravit, cum antea sub Monialibus, & Monachis Benedi-  
 ctinis, quos nigros dicimus, duplex floreret. In Monialem  
 induta omnium virtutum generi incubuit; admirabilis erat  
 suimet ipsius contemptus, vilia quæque præ omnibus in

Monasterio obibat, flagris corpus cædebat; erga pauperes tam munifica manu ferebatur, ut omnes matrem appellaverint. Nihil erat religiosissimæ sceminæ antiquius, & dulcius, quam orare; oratione noctes sæpe, ac dies transigebat. Ex stricta, qua erga Deum tenebatur consuetudine, erga Dei servos, & amicos etiam erat benevola, & qua poterat facultate adjuvabat, ac subveniebat.

Licet Religiosis voto esset obstricta, Innocentius III. anno Pontificatus sui 14. literis suis concessit, ut quæ Sanctius pater testamento reliquerat, possideret, & ministraret: *Innocentius Servus Servorum Dei. Nobili mulieri Masalda filia Sanctii quondam Regis Portugalie. Olim ad petitionem inclytæ memoriæ Sanctii Patris tui Regis Portugalensis testamentum, quod fecerat in articulo mortis constitutus, duximus confirmandum. Verum quia dubitas, ne super his, quæ tibi eodem testamento legavit, ab aliquibus tibi molestia inferatur, nobis humiliter supplicasti, ut eadem tibi auctoritate dignaremur Apostolica confirmare. Nos igitur tuis precibus inclinati, personam tuam cum omnibus bonis, quæ in presentiarum rationabiliter possides, aut in futurum iustis modis præstante Domino poteris adipisci, sub Beati Petri, & nostræ protectione suscipimus, & tam Baucias, Tujas, & Arouca cum pertinentiis suis (quæ jam dictus Pater, & Mater tua cum omnibus filiis, & filiabus suis tibi donavit) quam hereditates, quas tibi nobilis mulier Egeæ nomine, quæ te nutrit, & adoptavit in filiam, hereditario jure tibi concessit, sicut iuste, ac pacifice possides, devotioni tuæ auctoritate Apostolica confirmamus, & presentis scripti patrocinio communimus. Datum Laterani III. Idus Octobris Pontificatus nostri anno 14.*

Id erat in usu sæculo duodecimo, ut plures Virgines, & Viduæ vitam Religiosam profiterentur obedientiam tantum, & castitatem promittentes, rerum suarum servata substantia. Quædam mulier ad annum circiter 1200. in urbe Salmantina votum emisit castitatis in manibus cujusdam Ca-

nonici Regularis Sancti Augustini Monasterii Sanctæ Mariæ de Veiga, eo adjecto, ut in domo propria cum omni substantia remaneret, & in ejusdem Ordinis habitu biennio post permanfit, licet se invitam fuisse asseveraret, & coactam secundum Innocentii III. Decretalem ad Episcopos Lisbonensem, & Colimbriensem eodem anno Salmanticæ cōmerantes Cōciliū causa, in quo Lusitanæ, & Legionis Præsules anno 1195. convenerant pro divortio faciendo inter Alfonsum IX. Regem Legionensem, & Tharasiā filiam Sancti Lusitanæ Regis. Quamvis alii Innocentii decretum intelligant de voto simplici castitatis, quocum non repugnat proprium Patrimonium retinere; Decretalis verba: *Sane in ejusdem ordinis habitu biennio post permanfit*: non castitatis simplex votum, sed solemne cum professione emissa in Religione important. Nec Innocentius matrimonium postea contractum irritum declararet, si simplex esset votum, & non solemne; simplex quippe non irritat, sed solemne. Quamobrem Clarissimus Vir Juris Canonici Professor Emmanuel Gonzales Innocentianam Epistolam descriptam in cap. 7. Decretalium tit. Qui Clerici, vel voventes matrimonium de veteri Monialium disciplina jam exposita interpretatur.

Anno 1256. mortis diem prænosces Masalda testamentum suum condidit, quo pauperibus, Ecclesiis, ac Monasteriis legavit plurima: ut in lucem jam edidit Eruditus vir Dominus Antonius Caetanus de Sousa Clericus Regularis.

(a) Ecclesiæ Sacramentis roborata in Domini osculo obdormivit Kalendis Maii ejusdem anni: cujus corpus in suo Auracensi Monasterio sepultum est hoc monumento lapideo epitaphio inscripto.

(a)  
Tom. 1.  
Probationum  
Historia.

*Hic jacet Illustris Regina Masalda sepulta.*

*Quam sua concedat: Bonitas, & gratia multa*

*Regnans Castellæ: induatur more puella*

*Virgo manet munda: fugiens à morte secunda.*

*Servavit Christo: mundo dum mansit in isto*

*Omnibus ista satis: exemplum dedit bonitatis.*

*Prandia concenis: dispergens gratis, & egenis.*

*Æs dedit, & vestes: cui sunt sua munera testes  
 Hec humilis, branda: divitans facta nefanda.  
 Fulta bonis nituit: crimina nulla luit;  
 Cunctis discreta: factis, verbisque faceta,  
 Vera, pudica, pia, docta modesta, scia,  
 Grandis, munifica: fuit & specialis amica  
 Patrum Sanctorum: quos cantat gloria morum.  
 Hec loca ditavit: quibus hic sumus reparavit;  
 Et Monachos fixit, cum quæis sine crimine vixit.  
 Est hæc Regina cum Sanctis absque ruina,  
 Et jam letatur, quia cæli sede locatur.  
 Mille ducentorum nonaginta fuit Era  
 Quinque quando adjunctis cum transit semina mera.*

Inter Lusitanos veneratione maxima colitur; & Cisterciensis Ordo ad diem secundam Maii ejusdem festum celebrat cum officio communi Virginum. Anno 1617. Domnus Alfonso Mexia Lamecensis Episcopus jussu Philippi III. Hispaniarum, & Lusitaniæ Regis sepulcrum aperiri fecit, quo Sanctæ Reginæ corpus integrum invenit; quamobrem die 7. Augusti anno 1619. in honestiori loco conditum est. Eruditus quidem Cisterciensis Monachus Fr. Antonius Caldeira Clarissimus Academiæ Liturgicæ Socius miraculorum, ac virtutum tantæ Principis processum collegit, quo Apostolica Sedes ipsam Sanctorum fastis canonisationis ritu adscribat.

## §. XII.

*De Domno Petro Alfardo, & Joanne Camelo, & Stephano Præcentore.*

**P**rimus ex Lusitaniæ scriptoribus à Regis Alfonsi Henrici constituto imperio floruit Petrus Alfardus. Colimbria ortus ex parentibus piis, ac nobilibus Joanne Alfardo, & Especiosa conjugæ. Ad literarum studia cum in Petro insoles appareret, parentes Parisiorum Lutetiam eum miserunt, unde optimis literis instructus in patriam rediit. Domni Joannis Peculiaris, cujus consuetudine Pariliis usus fuerat, ex-



emplo commotus novum Sanctæ Crucis Monasterium cum Tellone Archidiacono ingressus Canonicam Regulam professus est. Non minus literarum scientia, quam virtutibus emicabat: quapropter Monasterii Præpositus fuit electus, dignitas enim erat, qua quis constitutus choro præerat, regebat officium, ac divinum cultum dirigebat: indeque de nova fundatione scriptor à Sancto Theotonio designatus. Librum quidem composuit, qui ex membranarum in Monasterii archivo asservatur, de Monasterii fundatione, de testamentis in ejusdem cœnobii gratiam, ac de aliis memoratu dignis: opus quidem ex vetustate sua venerandum. Domnus Nicolaus à Sancta Maria in suo chronico ait Petrum Alfardum fuisse Priorem 4. Monasterii; sed cum Alfardo Petrum alium confudit, Martini cognomine, qui anno 1190. è vivis excessit. Addit quoque Regem Alfonsum de Petri Alfardi ingenio, ac studiis certum illum Regni, ac suorum gestorum instituisse Chronographum, operi quoque laborando adjuncto Joanne Camelo Presbytero Regis facinorum teste in præliis; & post illius obitum ceteros claustrales Sanctæ Crucis Priores. Alfonsi diploma Lusitano idiomate ex Monasterii archivo protulit ipsius Regis voluntatem ostensurus.

Optimum quidem monumentum, nisi falsum posset judicari. Scriptum fertur Era 1183. anno scilicet Domini 1145. & Sanctii Regis Alfonsi filii, ac successoris mentionem facit; qui anno Domini 1154. primam lucem vidit. Quid inter critices Professores clarius, & illustrius, ut diploma illud apocryphis adjudicent? Addit Canonicus scriptor ceteros Priores Monasterii claustrales ex prædicto diplomate Regios Chronographos extitisse usque ad Regis Alfonsi V. aetatem, quo Domnus Joannes Galvanus Monasterii Prior Commendatarius anno circiter 1460. fratri suo Eduardo Galvano munus istud concessit, & Canonicis suis ademit. Concanonico meo in præsentia fidem non habeo, veritatem plus veneror, quam fraternitatem. Ante Eduardum Galvanum Regius Chronographus claruit Ferdinandus Lopes Vir Regni antiquitatibus apprime eruditus, à secretis Infantis, & postea Lu-

fitaniae Regis Domni Eduardi; ab ipsomet Chronographus institutus, & ab Alfonso V. confirmatus die 11. Januarii anno 1449. Alfardi memoria, seu vita ex Monasterii archivo annum 1180. non superat.

Magistro Alfardo coævus extitisse fertur Joannes Camelus Regis Alfonsi Henrici à facello Presbyter: ipsius meminit Dominus Nicolaus à Sancta Maria in dicto regio diplomate, quod si authenticum, & verum esset, Joannis etiam scriptoris vetustissimi auctoritati plurimum conferret. Fragmenta quædam Geanologica Alfonsi I. tempore exarata, quæ Clarissimus Vir Gasparus Alvares Louzada in archivo regio invenit, Camelo adjudicarunt aliqui, nullo tamen monumento enixi, quam illo, quod Dominus Nicolaus Canonicus Chronographus ediderit: alii vero abjudicarunt, quos inter fuit Clericorum Regularium decus non exiguum Dominus Antonius Caetanus de Sousa in Historia Lusitanorum Regum Genealogica tom. 1. in Apparat. n. 1.

Id temporis quoque floruit Stephanus Olyssiponensis Sedis Præcentor, qui miracula S. Vincentii descripsit in ejusdem corporis translatione ad Olyssiponem perpetrata. Stephanum Sanctæ Crucis Colimbriensis Canonicum fuisse scripserunt alii ex eodem Monasterio ab Episcopo Alvaro Canonico Regulari in Sedem suam assumptum: verum inter Canonicos nostros, qui cum Alvaro communem in Monasterio vitam agebant, & quorum nomina in pervetusto codice Monasterii inveniuntur, nulla de Stephano fit mentio. Stephani scripta, quæ Lusitanis adversus Gallos pro S. Vincentii Martyris Oscensis arma suppeditant, in lucem edidit Fr. Antonius Brandaõ 3. P. Monarchiæ in appendice.

## §. XIII.

*De Viris Lusitanis, qui extra patriam Episcopi floruerunt sæculo 12. aut in aliis Ecclesiæ dignitatibus constituti.*

**E**A erat Lusitanorum fama Venerabilis Alonsi tempore, ut exteri domesticis suis non contenti Lusitanos adamarant, eosque ad Ecclesiarum suarum Præsules invitarent. Oxomenses Canonici Magistrum Domnum Menendum Sanctæ Crucis Canonicum Regularem Episcopum elegerunt; qui Colimbria in Ecclesiam suam profectus totus incubuit, ut in Oxomeni Sede Canonicum institutum secundum Augustinianam Regulam instauraret. Illustis quidem, & Canonicorum Regularium Oxomensium, & civium Præsul erat, non tam verbo, quam virtutum exemplo. Ejus memoria permanet in veteri Neucrologio Monasterii Sanctæ Crucis: *Sexto Idus Augusti obiit Magister Domnus Menendus Episcopus Oxomensis Canonicus Sanctæ Crucis Era 1190.*

Menendo cœvus extitit Domnus Petrus Seguinus Canonicus Regularis Sanctæ Crucis, quem Aurienfis clerus, & populus in suæ Sedis Episcopum elegerunt. In Episcopatu Petrus sublimatus inter Canonicos Aurienses Augustinianam Regulam observari instituit. Domnus Joannes Tamayus Salazar in Martyrologio Hispanico septimo Idus Augusti, & alii non tam Lusitani, quam Hispani tradunt Seguinum acta translationis primæ corporis Sanctæ Eufemiæ idioma Gallæco scripsisse, à quo didicerunt ceteri scriptores, & Dñus Alonsus Aurienfis Episcopus Petri successor in lectionibus Breviarii Aurienfis.

*Cum quedam puella ( in actis fertur ) apud Chalcedoniam Galliciæ municipium vetustissimum postoratio muneris incumberet cum patris sui grege, dum aliquando supra petram sisteret, inter quedam cacuminis saxa, eductam manum inroisit aureo annulo ornatam, cujus fulgore inescata protinus surgens, & ad manum imperterrita*

accedens, annulum aprehendit, sed continuo elinguis evasit. Hujus portentis eventum admirans puella, ex templo in domum paternam accurrit, & patri annulum, & causam deperditæ nutibus, & signis ostendens loquela, remedium ab eo lacrymis deprecabatur. Pater filiae periculum considerans, & altius rem, & attentius explorans ad montis apicem cum filia, & annulo contendens, locum sepulcri, & manum intuitus, reverenter accedens, illi annulum restituit, & protinus filiae loquela restituitur. His sic peractis, & quid ibidem inesset mysterium rusticus evolvens, vox de caelo personuit: Hic jacet corpus Sanctæ Eufemie Virginis, & Martyris, cura igitur statim, ut hincce educatur, & honorifice sepeliatur in Ecclesia Beatae Marine sororis suæ. His ille attonitus vocibus ad vicum suum festinus descendit, Parocho, & accolis omnia, quæ evenierant, patefecit. Tunc omnes ad locum prodigii accurrentes sacra Beatae Virginis, & Martyris pignora, maximum odorem eructantia, è saxorum ruderibus extraxerunt, & theca lignea inclusa ad Ecclesiam Sanctæ Marine transfulerunt.

Post multos annos postmodum à Petro Seguino Episcopo Auriensi magnis precibus, & jejuniis impetrata fuit à Domino translatio Sanctissimi Corporis in suam Ecclesiam Cathedralē Auriensem; siquidem antea multi sepe conati fuerant illud educere, semper tamen ad pristinum locum revertebatur. Denique cum Bracarense Corpus Sanctissimum sibi pertinere arbitrarentur, & Aurienses itidem in eodem proposito permanerent, actum, & pactum fuit, quod sacra pignora in curru reponerentur, & solutis bobus, ipsi quo vellent ire. Ita factum, & currus perstitit in itinere urbis Auriensis ad saltum album, ubi Eremitorium fuit constructum; deinde in Ecclesiam Cathedralē perducti à Seguini tempore ibidem requiescunt, & multis miraculis effulgent. Id Seguini opus in membranis scriptum se invenisse testatur Gregorius de Louvarinhas Feijó in archivo cujusdam Ecclesiæ Tadenlis, & eadem latinitate bar-

barbara, aut potius Gallæco idiomate edidit Tamajus de Salazar. (a)

(a)  
Tom. 4.  
pag. 413.  
or 493.

Seguini operibus etiam adnumeratur Gallæciæ Historia à Servando Auriensi Episcopo Latine scripta, & à Seguino in Gallæcum idioma translata. Hujusce operis meminerunt idem Tamajus in suo Martyrologio, (b) Dominus Nicolaus Antonius Bibliot. vet. Hispan. (c) Cardofus in suo Agiologio ad diem 4. Maii, (d) Egidius Gondifalvus de Avila in Theatro Ecclesiæ Auriensis, & Gandara in Nobiliarchia Gallæca. In veteri Sanctæ Crucis Neurologio die septimo Idus Julii obiisse fertur Dominus *Petrus Seguinus Auriensis Episcopus Canonicus S. Crucis.*

(b)  
Tom. 4.  
pag. 105.  
(c)  
Lib. 6. c. 1.  
n. 15.  
(d)  
Tom. 3.  
pag. 383.

Ovetensis Ecclesia Pastore suo Aria Lusitano gaviſa est sæculo undecimo exeunte. Arias ex Monacho Benedictino, & Abbate Monasterii Sancti Joannis de Cauria Ovetensis Episcopus fuit electus anno 1073. Dominus Emmanuel Caetanus de Souza Clericus Regularis in Cathalogo virorum Illustrium Lusitanæ qui extra patriam Ecclesiarum dignitates obtinuerunt, scripsit Ariam viginti tres annis rexisse Ecclesiam, inde tanto onere se abdicasse in Monasterii solitudine vitam cum Deo acturum; ibique quatuor elapsis annis in Domino dormiisse, anno scilicet 1100. Fatetur ipse Clarissimus Vir Ariam Fussellensi Concilio apud Sanctam Mariam de *Hufillos* subscripsisse; quod equidem ejusdem vitæ in Episcopatu annos, & dies protrahere me cogit, & impellit: cum Episcopus illuc convenisse constet ad annum circiter 1105. ut supra cap. 3. §. 1. satis expositum; de Aria Lusitano scripsit Egidius Gondifalvus de Avila in Ecclesiæ Ovetensis theatro.

Inter ceteras, quæ sub Lusitanis viris Antistitibus suis floruerunt Hispaniarum Ecclesiæ, eminet Tudenſis, quæ duodecimo sæculo trium Portugalensium virorum doctrina fuit imbuta. Isidorus ex anno 1158. usque ad 1166. Ecclesiam rexit: Isidoro successit Joannes Roderici, cujus ætas in Episcopatu est in incerto: Joannis in locum successus est Bertrandus; de quo in veteri Sanctæ Cru-

Mm

cis Neucrologio scriptum est: *Idibus Aprilis obiit Dominus Bertrandus Episcopus Tudensis Canonicus Sanctae Crucis* Era 1229. Eisdem meminerunt Fr. Prudentius de Sandoval Tudensis Episcopus in suae Ecclesiae Praefulum Syllabo, & Egidius Gondisalvus de Avila in ejusdem Ecclesiae theatro, & Dominus Nicolaus à Sancta Maria in Canonico chronico.

Cauriensis Ecclesia veteris Lusitaniae civitas, hodie Hispaniae Extremadura, duodecimo saeculo licet extra Lusitaniae novae limites esset sub Hispaniarum Rege, Lusitanum, aut Portugalem virum Episcopum habuit Arnoldum, sive Arnaldum. Hunc duodecimo vergente saeculo fuisse in quadam manuscripta hujus S. Crucis Monasterii historia legi inter ejusdem Monasterii confratres, quos S. Theotonius suis adscripsit. Verum tertio decimo saeculo in Cauriensi Ecclesia floruisse testatur Tamajus ad diem 13. Aprilis in Cauriensem Praefulum Syllabo: *Arnoldus hujus nominis II. & Episcopus Cauriensis* 19. fuit *Canonicus Conimbricensis, ejus memoria ad annum* 1252. Egidius Gondisalvus in suo theatro Arnoldi meminit, quamvis Episcoporum seriem invertens, forte erroris incuria Ferdinandum quemdam hujus nominis i. ad annum usque 1258. poneret, & Arnoldum in annorum computo fileret.

Inter viros qui extra patriam Lusitanam maiores Ecclesiae dignitates tenuerunt quid praeteream Clarissimum Dominum Alfonsum Venerabilis Regis Alfonsi Henrici filium nothum? Nonne inter Ecclesiae maiores dignitates numeratur Magister magnus Ordinis S. Joannis Hierosolymitani, qui apud Rhodium insulam domicilium habuerat? Anno 1194. Magno Magistro Gothofredo Duifon in Magisterio successit Alfonsus. Et Claudius Paradisus ait anno 1195. apud Margatum generale ordinis capitulum convocasse, ut praedecessorum statuta firmaret, & nova institueret, Magisterio tamen postmodum se abdicasse, Lusitaniam rediisse unde ad bellum sacrum Hierosolymi-

tanum exierat strenuissimus miles. Obiit die 1. Martii anno Domini 1197. Scalabi in Ecclesia S. Joannis sepultus est ad sepulchrum hoc inscripto epitaphio.

IN ERA M.CCXXXV KALENDIS  
MARTII OBIIT F. ALFONSUS MA-  
GISTER HOSPITALIS HIERU-  
SALEM.

*Quisquis ades, qui morte cadis, perlege, plora  
Sum quoderis, fueram quod es, pro me, precor, ora.*

Auctor Chronici Ordinis Melitensis (a) Alfonsum istum Regis Alfonsi fuisse legitimum filium opinatus est, ac Magisterio se abdicasse, Lusitaniamque repetiisse, ut patris mortui regnum hæreditario jure caperet; inde à fratre Sanctio veneno periisse. Fallitur tamen; nam decem elapsis annis à patris obitu, & Sanctii fratris regno ad Magisterium euectus est, & extra Lusitaniam commorabatur. Fr. Antonius Brandaõ (b) Alfonsum istum cum Petro Alfonso, de quo ad sæculum undecimum, & cap. 5. §. 1. de Avisiensi Militia, confundit, unum, eundemque existimat: sed annorum, quibus uterque obiit, diversitas diversos etiam exhibet. Petrus Alfonsus Regis Alfonsi frater ex lapide alibi inscripto obiit anno Christi 1175. Alfonsus iste Era 1235. anno Christi 1197. Magistri Alfonsi meminerunt Cardozus in suo Agiologio Lusitano, Abbas de Vertot in Historia Melitensi, & Dominus Antonius Caetanus de Souza in Historia Genealogice Regia. (c)

Nec tantum iis Ecclesiarum dignitatibus duodecimo sæculo extra patriam efulserunt Lusitani, verum & alia, quæ undecimo sæculo novis radiis in Ecclesia fulgere coepit, cum præcipuas in Summi Pontificis electione partes haberet in Synodo Romana sub Nicolao II. anno 1059. Cardinalitia igitur dignitate floruit

(a) *Funes.  
Chron.  
tom. 1. l. 1.*

(b) *Monarch.  
Lusit. part.  
3. lib. 10.  
cap. 20.*

(c) *Part. 3. p.  
Maii.  
Tom. 1. l. 3.  
p. 255.  
Tom. 1.  
c. 2.*

Domnus Pelagius Galvanus patria Lusitanus Interamnen-  
sis Canonicus Regularis Monasterii *da Costa* filius Petri  
Galvani, cujus memoria erat in ejusdem Monasterii Neu-  
crologio: *Pridie Idus Augusti obiit Petrus Galvanus Pa-  
ter Pelagii Cardinalis Canonici hujus Monasterii da Co-  
sta in Era M.CCXVII.* Anno 1178. in eodem Monaste-  
rio Canonicam Magni P. Augustini regulam professus est.  
Inde studiorum causa Parisios profectus sub Magistro Lo-  
thario, postea Romano Pontifice Innocentio III. sacras  
litteras didicit, quibus optime excultus in patriam rediit.  
Anno 1198. cum Lotharius Papa Innocentii III. nomine  
eligeretur, Sanctius Lusitanæ Rex Pelagium Romam  
misit suo nomine novo Pontifici congratulatum. Pelagii,  
quem scierat, meritis, ac doctrina commotus Innocen-  
tius eum Cardinalium Collegio adscripsit, primum titulo  
S. Mariæ *in septisolio*, deinde S. Cæciliæ; Episcopus  
tandem Albanensis creatus est.

Ab Honorio III. illius celeberrimæ expeditionis,  
qua capta est Damietta Ægypti urbs, legatus factus toti  
illi prælio, & Christianorum denique desolationi inter-  
fuit: exitiali quippe inter ipsum, & Joannem Hierosoly-  
morum Regem orto dissidio urbem illam, quam inter tot  
discrimina Christiani ceperant, vix anno elapso, perdi-  
derunt; & cuncti rebus infectis Europam reversi sunt.  
Pelagio, dum in hac erat legatione, Honorius jussit,  
ut Rupinum Principem Antiochenum Armeniæ Regem  
coronaret; quod regnum ei jure competeret hæredita-  
rio; ejusdem Pontificis nomine, pacta, & conventiones  
inter Reginam Cypri, & Episcopos, regnique procures  
confirmavit; Metropolitam unum, & tres Episcopos La-  
tinos constituit. In Italiam redeunti Honorius per liti-  
ras mandavit, ut Veronam accederet quo Pontifex, Im-  
perator Fredericus, Hierosolymorum Rex, & alii Prin-  
cipes Christiani conventuri essent pro terræ sanctæ sub-  
sidio, quos omnes Imperator statuto tempore non acce-  
dens elusit. Sub Gregorio IX. Papa Pelagius cum Gran-



fredo tituli S. Marci legatus in Sicilia regnum missus Cassini Imperatorem Fredericum adiit, & juramentum ab eo accepit, ut in terræ sanctæ auxilium quantocius transfretaret, quod cum Cæsar non observasset Gregorio Papæ dedit occasionem, ut excommunicaret. Hæc ex Domino Nicolao à S. Maria in Canonico Chronico, & Ciaconio in vita, & rebus gestis Innocentii III.

## §. XIV.

*De Lusitanie Regum filiabus, quæ extra Portugalliam regnarunt.*

**U**rraca Venerabilis Regis Alfonso filia anno 1160. Regi Ferdinando II. Legionis, & Gallaciæ nupsit, à quo postea Summi Pontificis Alexandri III. sententia anno 1171. separatur, quod sanguinis ratione essent conjuncti; nato tamen jam Alfonso, qui Ferdinando patri successit in regno, & genuit Ferdinandum III. qui sanctus est habitus, & sanctorum fastis adscriptus à Summo Pontifice Clemente X. die 25. Februarii anno 1671. Urraca Lusitaniam rediens Colimbriæ obiit, & in S. Crucis Monasterio cum patre sepulta est. Hæc prima nuptiarum fœdera inter Lusitanas Principes, & Hispanos. Ex hoc repudio graves simultates inter focerum Alfonso, & generum Ferdinandum exortæ sunt. Quapropter Marianna de reb. Hispaniæ lib. 11. cap. 11. ait Urracam à viro fuisse repudiatam, offensione inter ipsos conjuges nata.

Tharasia secunda ipsius Alfonso filia anno 1185. mense Augusto Philippo Flandriæ Comiti matrimonio locata est; solemnī pompa, regio apparatu, & ambitione multa ex Lusitania Flandriam proficiscitur. Apud Flandros Tharasiæ nomen in Mathildem invertit ex quodam privilegii monumento à Philippo Comite Orchienſibus conceſſo: *Ego Philippus Flandriæ Comes, & Viromandiæ notum fieri volo ... hoc autem factum assensu illustriſſis conſortis meæ Mathildis Reginæ, ad cujus dotalium prædicta vil-*

*la pertinere noscebatur... Signum Matbildis Reginae inclitæ consortis mæ... Actum Duaci anno 1188.* Flandri eam maxime venerabantur tam propter regium stemma, quam propter magnam prudentiam, & animi fortitudinem, qua ipsos gubernavit, dum maritus Philippus cum Regibus Franciæ, & Angliæ versus mare Syriaci belli causa transfretasset. In obsidione civitatis, quæ dicitur Achra, quam Saraceni valde munierant, & servabant, multoque tempore propugnabant, Philippus post clare gesta erga indigentes, ac milites, qui stipendia sua pestilentia grassante contumpserant, eodem contagio obiit 3. mense transfretationis suæ anno 1191. Kal. Julii, sepultus in Basilica S. Nicolai extra murum Achræ, sed postea per diligentiam uxoris suæ Mathildis, quam codex manuscriptus Monasterii Clari-marisci vocat *Reginam Portus equalis*, Claram-vallem translatus est, & reconditus honorifice in sarcophago intra capellam, quam illa ipsi, & sibi paraverat.

Mortuo Philippo omnium nobilissimo, qui fuerant ante ipsum in Flandria, regnum in tres partes scisum est. Tertiam partem Insulam scilicet, Duacum, & plures villas hinc inde jacentes Cassetum, Watesfes, Bergas, Burbugum, totamque maritimam regionem habuit Mathildis, cui Comes ipse propter nuptias donaverat. Dominabatur fœmina divitiis, & honoribus affluens, potentia, & prudentia insignis, clericos honorabat, monachos amplectebatur, pauperes defendebat, religiosorum causas, etiam contra suos quandoque Barones, & milites tuebatur. Enim vero tribus elapsis annis à Philippi mariti obitu, ad secundas nuptias cum Odone III. Burgundiæ Duce anno 1193. convolvit; ast sequenti anno propter sanguinis necessitudinem, qua in gradibus prohibitis juncti erant, Romani Pontificis Cælestini III. sententia separantur. Matrimonio dissoluto, multos annos piissima fœmina in virtutis operibus transegit, donec infelici exitu mortua est prope Furnas anno 1218. Dum per viam palustrem iret,

lapso, quo vehebatur, curru aquis suffocatur, illumque locum foramen Reginae appellarunt.

Ejus morte audita, confunditur, & turbatur patria, dolor, & timor occupat universos maxime Clerum, & populum. Joannes Iperius in Chronico S. Bertini ait: *Eodem anno (1218.) piæ memoria Domina Matildis Regina relicta Comitissæ Flandriæ Philippi in Furnis obiit, & apud Claram-vallem delata juxta maritum sepelitur, pro cujus anima magnæ pecuniæ summa à Domino Adam Minorum Episcopo ejus testamenti executore per Ecclesias, per egenos, & pauperes est liberaliter distributa.* Primum tamen in Duncensi Monasterio sepulta est, ac inde in Claram-vallem delata. Quamvis Comiti nupta Regina appellabatur pro ceterarum Regum filiarum id temporis per Hispanias præsertim, unde orta erat, consuetudine. Clarissimæ fœminæ memoria fit in Thesauo novo Ane doctorum studio, & opere eruditissimorum Edmundi Martene, & Ursini Durand Ordinis S. Benedicti Congregationis S. Mauri, (a) & à nostris etiam scriptoribus Lusitanis laudatur.

(a)  
Tom. 3.  
pag. 391  
& 677.

Ex Sanctio I. Rege prodierunt Reginae Tharasia, Mafalda, & Berengaria, quæ Regibus exteris datæ sunt in matrimonium. De Tharasia, & Mafalda propter insignem sanctitatem, qua esulserunt, & coluntur, singulatum, & diffusius egi: nunc de Berengaria, quæ nupsit Valdemaro II. Daniae Regi. Scriptores omnes veteres Lusitani Berengariæ matrimonium silentio prætermittunt: ignorantes potius, quam omittentes dicerem; ferunt cum sorore Tharasia a pueritia cælibem duxisse vitam in Monasterio Laurbanicensi, & post mortem cum patre Sanctio in S. Crucis Monasterio fuisse sepultam; sed Clarissimus Vir Antonius de Souza de Macedo in libro quem edidit Londini anno 1643. *Genealogia Regum Lusitaniæ* ait: *In Joanne Isaco Pontano legitur Berengeliæ filiam Sanctii I. Regis Lusitaniæ fuisse uxorem Valdemari II. Regis. Daniae Reges ex illis non procedunt.* (b) Le Quien de

(b)  
Tom. 1. lib.  
1. pag. 112.

la Neufville Pontano consensit Valdemarum II. Daniæ Regem tertias nuptias contraxisse cum Berengaria Sanctii I. Lusitanix Regis filia. Eam quoque ait tantæ fuisse fortitudinis, & amoris erga conjugem suum, ut ipsum in prælium proficiscentem sequeretur, quamobrem sagittæ ictu cæsa obiit anno 1220. Ejus corpus balsamo delibutum Lusitaniam defertur, & in S. Crucis Monasterio cum Sanctio patre sepelitur, necnon cum Blanca Guadalaiaræ domina, quæ in Castella obiit, & ossa ad idem Monasterium translata sunt. Berengariæ nuptias cum Valdemaro scripserunt ex recentioribus Lusitanix scriptoribus D. Antonius Caetanus de Souza, & D. Josephus Barboza Clericorum Regularium sydera fulgentissima. (a)

(a)  
*Historia*  
*Genealog.*  
*tom. 1. cap.*  
*11. Catal.*  
*Regin. Lusit.*

## §. XV.

*De Joaso, & Giraldo Regibus Saracenis virtute illustribus.*

**G**iraldus Rex Ciæ, & Joas Rex quoque, cujus tamen regni nescitur, à Venerabili Rege Alfonso devicti, & Colimbriam adducti S. Theotonii curæ commissi sunt, qui catholica fide eos instrueret. S. Prioris doctrina, & exemplo instructi sacro lavacro, quod ardentius desiderarunt, & petierunt, regenerati sunt Christo; & quidquid regium in sæculo habuerant, fervidi Christiani renunciarunt. Adeo in Christiana perfectione proficiebant, ut sæculum omnino relinquere intenderent. Religionis habitu in Monasterio induuntur. Joas ad Sacerdotium ex suis meritis evectus est, Giraldus vero ex humilitate ad eam dignitatem evehi indignum se reputans in converforum numerum fuit adscriptus. Quæ Giraldu erga Beatissimam Virginem cordis devotio! Quæ etiam Sanctissimæ Domine erga Giraldum in sui amoris compensationem munificentia! Fertur non semel ei apparuisse, & ejus mortem ad diem 15. Augusti, quæ ad cœlos assumpta est, futuram promisisse, quod eventu comprobatum est. Uterque

que in Monasterio sepeliuntur ; & utriusque memoria inter nostrum antiquitates perennat.

## §. XVI.

*De Sanctis Viris , qui in Maurorum persecutione Martyres occubuerunt.*

**M**aurorum persecutionem in Christianos per Lusitaniam longe , lateque saculo duodecimo exeunte excitatam posterorum memoriæ tradidit Auctor ille vetusti Erorum libri , quem Nonæ omnes appellare consueverunt. *In Era ( inquit ) 1228. septimo Idus Januarii venit Miramolim de Marocbis cum ingenti exercitu , & obsedit Monasterium istud ( Sanctæ Crucis ) & deleuit quantum , extra civitatem invenit ; exiensque usque in Umar multos captivavit de servis Domini , & interfecit ibi magna crudelitate Præpositum Dominum Joannem toto conatu fidem prædicantem , & ceteros Canonicos ibidem commorantes gladio transverberavit 6. Idus Januarii.* In ejusdem Monasterii Neucrologio legitur : *Sexto Idus Januarii obiit Dominus Joannes Martyr Canonicus Sanctæ Crucis , & commemoratio ceterorum Canonicorum ; qui cum illo interfecti sunt in Umar Era 1228.* Joannis in martyrio socii fuerunt Dominicus , & Egidius. Inter plurimos Christianos , quos Miramolinus captos secum adduxit , Canonici quidam erant ejusdem Monasterii , quorum memoria in citato Neucrologio permanet : *Duodecimo Kalendas Martii obiit Martinus Petri Frater Sancti Petri Canonici Sanctæ Crucis , qui mortuus est apud Marrocbios , & alii multi ; qui cum eo interfecti sunt à Saracenis.* Decimo cælaro Kalendas Septembris obiit Nicolaus Joannes Frater Sancti Alfonso Canonici Sanctæ Crucis , qui mortuus est in terra Saracenorum , & alii , qui cum eo interfecti sunt Sancti.

Inter Christi Martyres , qui pro fide contra hostes obierunt , numerantur Eques nobilis Colonienfis , & socii mi-

Nn

lites in Olyssiponis recuperatione cæli. Venerabilis Rex Alfonso, ut jam vidimus cap. I. §. I. ex veteri Indiculo non hæsitavit eos Martyrum honoribus dignis prosequi, & sanctis viris fore sociandos. Henrici sanctitas tot miraculis fuit stabilita, quæ in §. de Monasterio S. Vincentii ex eodem Indiculo exscripsi. Jacebant isti in Ossario quodam veteris Ecclesiæ intra facellum S. Antidii, cujus imaginem in altari Piissimus Rex Alfonso jussit in populorum venerationem collocari. In veteri missali gothicis literis exarato ejusdem Monasterii sic notatur : *Sexto Idus Novembris festum Martyrum Henrici, & sociorum, quorum reliquæ sunt in Monasterio S. Vincentii.* Missa erat de communi Martyrum, & Oratio hæc propria : *Propitiare Domine nobis famulis tuis per horum Sanctorum tuorum, quorum reliquæ in præsentia requiescunt Ecclesia, merita gloriosa, ut eorum pia intercessione ab omnibus semper protegatur adversis; per Dominum nostrum, &c.* Nunc à restaurata Ecclesia Equitis Henrici ossa in S. Antonii facello ad parietem asservantur vernacula inscriptione in latinam ita translata.

OSSA EQUITIS HENRICI ALEMANI, QUI  
OBIIT IN RECUPERATIONE CIVITATIS  
OLYSSIPONENSIS A' MAURIS; IN CUJUS  
SEPULCRO PALMA GERMINAVIT, HUIUS  
FOLIA PLURIMI DEGUSTABANT INFIRMI,  
ET SANABANTUR: IN HUIUS MONASTERII  
SANCTUARIO ASSERVATUR.

Sociorum vero militum ossa custodiuntur sub choro post maiorem capellam, ubi est quædam species catacumbæ. Non tantum Canonici ordinis scriptores tam illustrium virorum meminerunt, verum & alii : Bollandiani ad diem 25. Junii in vita S. Antidii; & Vasconcellos in Lusitanæ descriptione; ubi etiam de iis scripsit, qui in Ecclesia Olyssiponensi S. Mariæ de Martyribus pie, ac religiose colebantur.

## §. XVII.

*De Petro Alfonso Hebræo Lusitano.*

**P**etrus Alfonsi, Moyſes antea nominatus patria Luſitanus Judaïſmum profitebatur; anno Chriſti 1106. Era 1144. menſe Julio Oſcæ, quo profectus fuerat, in die Sanctorum Apoſtolorum Petri, & Pauli, erroribus abjuratis, ſacro baptiſmate ablutus eſt, quamobrem Petri nomen accepit, & ab Alſonſo VI. Hiſpaniarum Rege ad baptiſmi fontem ſuſceptus, & oblatus ejuſdem nomen in cognomen accepit. Converſus ad Chriſti fidem floruit circa annum 1110. peritus quidem in divinis, & humanis literis. Scripſit ſub nomine Petri, & Moyſis Dialogum adverſus Judæos, quæ duo erant iplius tum Judæi, tum Chriſtiani nomina: ſcripſit etiam opuſculum inſcriptum: *Clericalis diſciplina* MS. in Bibliotheca regia Galliarum. Incipit: *Dixit Petrus Alſonſus ſervus Chriſti Jeſus compoſitor bujus, gratias ago Deo, qui primus eſt ſine principio.* Denique ſcripſit Logicam, quæ MS. extat in Bibliotheca Galliarum regia Cod. 6279. in 4. Incipit: *Dialectica eſt ars artium, ſcientia ſcientiarum, ad omnia habituum principia viam habens.* Hanc Alſonſi Dialecticam in linguam græcam tranſtulit Georgius ille Scholarius, ſive Gennadius Patriarcha Conſtantinopolitanus, cujus ita translata excerpta proferit Petrus Lambecius lib. 8. Commentariorum Bibliothecæ Cæſareæ Vindobonenſis. De Petro Alſonſo loquuntur Labeus, & Bellarminus de Scriptoribus Eccleſiaſticis, Antonius Poſſevinus in apparatu ſacro tom. 2. Natalis Alexander ſæculo 12. & Caſimirus Oudinus de Scriptoribus Eccleſiæ tom. 2. ſæculo 12. ad annum 1110.

Plurimi quidem erant Petri Alſonſi tempore per Luſitaniam, & ceteras Hiſpaniarum provincias Judaïſmi profefſores, multæ ſynagogæ, & ſcholæ, quarum unam florentiſſimam Colimbriæ extitiſſe prope locum, quo Sanctæ Crucis Monaſterium ſitum eſt, ſupra jam diximus. Ibi Judæo-

rum fons celeberrimus lotionibus suis aquam destinatam adferens ; ibi cœmeterium ritu suo cadaveribus humandis aptum ; quæ omnia ex vetusto manuscripto Monasterii didici, & exscribo. Quid Gregorius IX. anno 1236. ad Asturicensem, & Lucensem Episcopos literas dedit Sanctium II. Portugalix Regem inducerent, ne in officiis publicis Judæos Christianis præficerent, nisi quod veteris legis professores per Lusitaniam perseverarent Hebræi ? nisi quod ad Christianam fidem nondum essent conversi ? Sanctii II. tempore publica officia obire cœperunt, ast non Alfonsi Henrici, & Sanctii I. tempore, quo licet opulenti facultatibus, & possessionibus fungerentur, Christianis præesse non permittebantur.

Judæorum Hispanienses hoc sæculo Academias neminit Bafnagius in historia Judæorum. Moysen Maimoniden Corlubæ natum anno 1133. è patre, ut quidem ipse jactitabat, Davidici generis, Magistrum, & Doctorem suum maximum id temporis venerabantur omnes, qui per universas Hispanias diffusi erant Judæi : eadem observantia iis erat erga Josephum Kimchi etiam gentilem suum Hispanum iniquissimum Christianorum adversarium. Miraculum sane erat tanta Maurorum, & Judæorum colluvie Christianos non offendi, non sedari, & ex tot translationibus sacrorum Bibliorum ex Hebræa lingua in Arabicam hoc sæculo à Judæis Cordubæ per universas Hispanias, ut ait Genebrardus in chronico, dispersis Christianam religionem non perturbari.

## §. XVIII.

*De Tribus Insignibus Eremitis Petro, Titione, ac Suario.*

**P**ROPE fluvium *Arde* sæculo duodecimo adulto anno 1142 in solitudine degebant tres illustres Lusitaniæ viri Petrus Comitæ Alfonsi filius, Petrus Titionis, & Suarius ; quorum austeritate, ac pietate commotus Alfonsus Rex de iis curam suscepit, & Trutesindo Ecclesiolæ Monasterii Priori com-



misit, ut ipsis indigentibus necessaria quæque suppeditaret, & donationem istam firmavit : *Trium Monachorum Petri scilicet Comitis Alfonsi filii, Petri quoque Titionis, & Suaris, qui vivit in solitudine, quæ est in ripa fluminis Arde commorantium curam agendo devote suscipio, illorumque temporalium necessitati obviare delibero, necessitudine, vel oblivione coacta p'sponat, salubriori usus consilio Monasterio S. Salvatoris de Ecclesiola de hereditate mea testamentum facio prædictes Dei pauperes Tibi Trutesindo ejusdem loci Priori, tuisque sociis cum summa animi benevolentia commendo, quatenus de lucris hereditatis redditus vestro Monasterio victum, & vestimentum competenter habeant, & post eorum obitum eadem hereditas in vestri Monasterii jure perpetim testata maneat. Illustrium virorum memoria, ac strictior vivendi methodus, ab omni sæculi fastu aliena in Ecclesiolæ archivo permanet, unde exscripsi. Egregium quoque monumentum istud circa Comites id temporis in Lusitania.*

## C A P. IX.

*De Sedis Apostolicæ Legatis in Lusitaniam.*

**R**ichardus Sanctæ Romanæ Ecclesiæ Cardinalis Episcopus Albanus ad annum circiter 1104. à Paschali II. in omnes Hispaniarum provincias legationem suscepit, Fuffelenſi Concilio prope Palentiam cum Giraldo Bracarenſi interfuit, & præfuit. Ab Hispaniis discedens ab eodem Paschali in Germaniam legatus mittitur, ubi anno 1106. omnium Germaniæ procerum maximo conventui Moguntino aſſuit. Gallicanam quoque legationem obiit causa Philippi Francorum Regis, qui Bertradæ consuetudinem in Concilio Neumassenſi dimissam repetierat.

Ad annum circiter 1110. Bernardus ex S. Facundi Abbate Archiepiscopus Toletanus à Paschali II. in Hispaniis legatus constituitur, ut constat ex Concilio Carrionenſi anno

1110. exeunte, ex Legionensi anno 1114. Mauricium Bracarensem ab officio suspendit, ut suo loco dictum est. Instituenti per Hispanias legati Bernardi Toletani causa apud Paschalem II. fortasse esset Carnotensis Ivo, qui apud Paschalem intercesserat ne legatos è latere Romanos mitteret in Gallias, sed potius alicui Episcopo Transalpino legationem committeret, quod Ecclesiæ Gallicanæ rebus opportunius foret: quod ad Gallorum exemplum Paschalis ipse erga Hispanos constitueret: Callisti II. tempore ab ipso per literas anno 1122. in Hispaniis legationem habuit, exceptis Bracarensi, & Emeritana provinciis.

Boso Cardinalis tituli Sanctorum Quatuor Coronatorum à Gelasio II. Romano Pontifice legatus in Hispanias venit, cum Archiepiscopo Toletano, Cæsar-augustano Episcopo, aliisque Hispaniensibus Præsulibus indulgentias promulgavit iis, qui Cæsar-augustanæ Ecclesiæ auxilium, aut eleemosynas impenderent: id constat ex Epistola, quam Hieronymus Blanca ex Tabulario Cæsar-augustano edidit.

Guido de Vicos ab Innocentio II. Diaconus Cardinalis creatus ab eodem Innocentio in Hispanias legatus mittitur, anno 1136. Concilio Burgenſi præſedit, in quo plura circa divina officia statuit, ac deliberavit ad conciliandos animos Regum Navarræ, Aragoniæque, invicem præliantium: anno 1137. fecit Guido, ut Alphonſus Henricus Lusitanæ Rex cum Alphonſo Hispaniarum Imperatore mutuum inirent colloquium. Mortuo Innocentio, ejus successoris Cælestini II. legatus permanſit, ut constat ex ejusdem Cælestini Epistola ad Toletanum Archiepiscopum. Anno 1144. Colimbriam veniens Synodo Colimbriensi interfuit, de qua dictum est. Ejusdem Guidonis mentio extat in Epistola Venerabilis Regis Alphonſi ad Lucium II. Pontificem Romanum.

Hyacinthus S. Romanæ Ecclesiæ Diaconus Cardinalis tituli S. Mariæ in Cosmedin sub diversis Pontificibus Romanis legatione Hispanica functus est. Anno Domini 1153. ab Anastasio IV. missus Colimbriam venit, & in Sanctæ

Crucis Monasterio honore debito susceptus est, ut constat ex veteri Ordinario ejusdem Monasterii à Sancti Theotonii tempore, in quo legatorum in Ecclesia suscipiendorum ritus præscribitur. Anastasio è vivis sublato, Adriani IV. successoris auctoritate fretus permansit. Romam inde profectus ab Alexandro III. iterum mittitur, Olyssipone fuit anno 1173. Ex Epistola Alexandri III. ad Zamorensē Episcopum numero 29. in Collectione Aguirri fit certum Hyacinthum Concilium quoddam in Hispaniis adunasse, anno tamen, & loco incerto. Annis sexaginta quinque in Ordine Eminentissimo transactis, jam annum ætatis agens octogesium quintum electus est universæ Ecclesiæ Pastor, & Cælestinus III. appellatus.

Odo Italus Brixienfis post legationem, quam ad Longobardos Adriani IV. nomine gesserat, ab Alexandro III. legatus ad Hispanias venit, ejusdem Alexandri partes contra schismaticos egregie tuitus est, ipsum Pontificalibus vestibus indutum primus contra Victorem IV. acclamavit Papam. Ab Eugenio III. Diaconus Cardinalis S. Georgii in Vellabro creatus fuerat; ejus frequens in Ecclesiæ annalibus sæculi 12. mentio extat.

Albertus Sartorii de Mora ex Ordine Cisterciensi ab Adrianno IV. Cardinalis creatus, S. R. E. Cancellarius ab Alexandro III. renuntiatus, ejusque legationibus in Anglia, & Lusitania functus est, vir doctrina, & sacundia pollens, ut testatur Guido Claravallensis in lib. de Viris Illustribus sui Ordinis, tandem Romanus Pontifex Gregorius VIII. Alberti legationis Lusitanæ mentionem facit Natalis Alexander Histor. Ecclesiast. sæculi 12. cap. 2. art. 8.

Guillelmus Gallus Theobaldi Magni Campaniæ, & Blesensium Comitum filius, Carnotensis primum Episcopus, deinde Senonensis, ac demum Remensis Archipraeful, Presbyter Cardinalis tituli S. Sabinæ Sedis Apostolicæ legationibus ornatus in Germania, Angliæ, & Gallia; deinde in Hispaniis à Clemente III. Romano Pontifice. Anno 1195. Cælestini III. jussu Salmanticæ præfedit Concilio ex Epif.

copis Legionensibus, & Lusitanis; & in eo post accuratum examen irritum declaratum est matrimonium inter Alphonsum IX. & Tharasiam Lusitanam Reges Legionenses.

Cælestinus III. ad summum Pontificatum post Clementis III. obitum euectus Magistrum Michaellem tunc Romanæ Ecclesiæ notarium ad Lusitaniam destinavit datis literis ad Sanctium I. Lusitanæ Regem, ut annum censum Romanæ Ecclesiæ persolveret.

Post Michaellem Gregorius Cardinalis Diaconus S. Angeli in Piscina legationem obiit Cælestini III. per universas Hispanias. Innocentius III. in Epistola 10. apud Eminentissimum Aguirre tom. 5. Conciliorum Hispaniæ Legati Apostolici Gregorii meminit, ejus quoque memoria extat in Ecclesiolæ archivo circa limites exemptionis.

Miror Eduardum Nonium Leonis in Regum Lusitanæ chronico de Rege Alfonso Henrico scripsisse Cardinales id temporis ad eam amplitudinem nondum fuisse promotos, ut Sedis Apostolicæ legationes obirent. Callisto II. Pontifice, id est anno circiter 1120. ingens illa contentio inter Imperatores, & Pontifices, quæ quinquaginta propemodum annis totam Ecclesiam continenter turbaverat, tandem trium Cardinalium Legatorum egregia opera plane sublata est, & quidem cum magna Ecclesiæ dignitate. Quamplurimas alias id temporis contra Eduardum Cardinalium legationes prætermitto, & S. Bernardi judicium lib. 4. de Consideratione cap. 4. ad Eugenium III. pro isto Cardinalium munere exscribo. *Veniamus, inquit, ad Colatérales, & Coadjutores tuos (Cardinales) . . . qui legatione pro Christo fungi, nec jussi renuant, nec non jussi affectent. Qui quod verecunde excusant, obstinatius non recusent. Qui missi post aurem non eant, sed Christum sequantur. Qui quæstum legationem non æstiment, nec requirent datum, sed fructum.*

Nondum tamen sæculo duodecimo Hispaniarum provinciæ divisæ erant; ut ad Lusitaniam unum, & ad ceteras alterum Legatum mitteret Romanus Pontifex, sicut atate nostra

stra observat; sed unus tantum in omnes Hispanias proficiscatur Apostolica auctoritate fretus, ut de singulis, & omnibus earum Ecclesiarum negotiis provideret. Tanta erat eorum auctoritas ut Episcopos ad concilia vocarent, non accedentes aliquando suspenderent; ceteris præessent, arguerent, damnarent; novos etiam consecrarent, & firmarent, Principis tamen consensus desiderabatur, cum spiritali Ecclesiarum regimini multum interesset Principes cum Ecclesiæ Præsulibus mutua concordia foveri, & vinciri: & Alfonso Henrico, ceterisque Hispaniarum Regibus, ac Lusitanis jus istud proficiscatur à triumphis in Saracenos deportatis, atque ita quasi conditis de novo, fundatisque à se, & mox magnifice dotatis Ecclesiis.

Vidistis, Academiæ Auditores optimi, & religiosissimi, vidistis Lusitanam Ecclesiam sæculo duodecimo florentem, & veluti ex tenebris, quibus inter Maurorum barbariem latuerat, suscitata: vidistis Lusitanum imperium à Potentissimo Rege Alfonso Henrico fundatum, & stabilitum. Quid universa Ecclesia debet Constantino, quod Lusitana de Alfonso non bene mereatur? Piissimi Imperatoris munificentiam post redditam Ecclesiæ pacem laudavit Eusebius Cæsariensis lib. 10. Historiæ Ecclesiasticæ cap. 3. „Post hæc votivum nobis, ac desideratum spectaculum præbebatur, dedicationum scilicet festivitas „per singulas urbes, & oratoriorum recens extructorum „consecrationes.... Jam Antistitum absolutissimæ cæremoniar, & accurata Sacrificia Sacerdotum, & divini quidam, augustique Ecclesiæ ritus: hinc psalmos canentium, „& reliquas nobis divinitus traditas voces auscultantium, „Nonne erat Alfonsi ætate hæc Lusitanæ Ecclesiæ facies, ornatus, pulchritudo? Ultra centum, & quinquaginta, quas Alfonsus extruxit, Ecclesiæ non erant Christianorum Conventus? Non erant ibi augusti Ecclesiæ ritus? absolutæ Sacrorum Præsulum cæremoniæ? Presbyterorum Sacrificia, & mutua populorum charitas? non audiebant

Oo

tur psalmos canentium voces in tot Monasteriis, quæ erexit? Divina, & arcana non agebantur mysteria? Restaurata est ab Alfonso Lusitana Ecclesia quinquaginta septem annis, quibus regnavit, in semine suo crevit à mari usque ad mare, ut si per Deum potuerim, sæculis suis admirabimur, & in novissimo suorum posterorum Josepho, quem nuper in lucem prodire gaudentes vidimus, & Deus sorsitet, in dies crescet, diffundetur, germinabit à mari usque ad mare, & à flumine usque ad terminos orbis terrarum. Nunc Dissertationes ad eandem Historiam adtinentes vobis propono, ut difficiliora quædam clariori indagine dignoscantur.

## DISSERTATIO. I.

*Utrum ad sæculum usque duodecimum de Status Religiosæ essentia votum esset paupertatis?*

**P**ropter Piissimæ Reginæ Mafaldæ testamentum, quod à patre Sanctio sibi data, aut legata in pias causas reliquerat, opus quidem judico id longiori methodo inquirere. Provincia sane peragratu difficillima; si tot sæculorum eventus percurram, & scriptores legam, qui aliquando in ancipiti me versarunt, ut quo declinarem, incertus fuerim. Religiosæ conditionis originem non exponam; in præsentia per me sit in lege naturæ adumbrata, in lege Moysis magis expressa, Apostolorum autem tempore perfecta. Audiendi non sint Magdeburgenses Centuria 4. cap. 6. sæculo 4. incepisse, partim casu, partim errore, partim prava imitatione. Despiciatui habeantur liberrimi homines, qui viam omnibus vitiis aperuerunt, virtutibus autem præcluserunt. Apostolorum sufficiat exemplum, qui ex Actis eorundem cap. 4. eam vitam instituerunt, ubi essent omnia communia, & distribuebantur prout unicuique opus erat. Vivendi ne hæc norma omnium fuit Christianorum? Minimè profecto: sed eorum tantum, qui

perfectius vivere conabantur : ex Actorum cap. 5. cum Ananias fraudasset de pretio agri, & Apostolos decipere vellet, Petrus objurgavit : *Nonne manens tibi manebat, & venundatum in tua erat potestate ?* ac si Christianam Religionem posset amplecti, quin sua dimitteret. De Apostolis ipsis ait Magnus Parens Augustinus lib. 17. de Civitate Dei cap. 4. *Dixerant enim potentes illi (Apostoli) Ecce nos dimisimus omnia, & sequuti sumus te : hoc votum potentissimi voverant.*

En in Evangelii exordio perfectissima Religiosi status conditionem, ut primi propagatores apud Matthæum cap. 10. ex Magistri sui præcepto neque aurum possiderent, neque argentum, neque pecuniam in zonis suis, neque peram in via, neque duas tunicas, neque calceamenta, neque virgam ; superflua omnia abhorrebant. Quis igitur nisi sui valdè impos, tamquam noxium impugnavit, quod Christus præcepit ; quod Christo nos jungit, quod Christum glorificat ? Ait Magnus Gregorius Homil. 8. 2. par. super Ezechiel : *Cum quis suum aliquid Deo vovet, & aliquid non vovet, sacrificium est ; cum verò omne quod habet, omne quod vivit, omne quod sapit Omnipotenti Deo vovit holocaustum est.* Holocaustum dixit ; dignissimum scilicet sacrificium, quo Deus maximè propitiùs reddebatur ; perfectissimum opus paupertas, quæ libere sumitur. Eo igitur insanix inciderunt quotquot obtenderunt paupertatem hancce non solum perfectionis alicujus notam non addere, imo & esse salutem spirituali adversam, Christi præceptis, & exemplo contrariam, cujus erroris semina Jovinianus Romæ projecit, & ejus sectator Vigilantius dispersit apud Hieronymum adversus eundem : *Afferis eos melius facere qui utuntur rebus suis, & paulatim fructus possessionum suarum pauperibus dividunt, quam illos, qui possessionibus venundatis, semel omnia largiuntur.* Inde per impiorum successionem transfusus error devenit in Willelmum de Sancto Amore insignem ordinum Mendicantium hostem, omnis Lutheri,

Calvino, Melanctone, & aliis: quorum versutias ad debellationem usque impugnarunt calamo, & exemplo Patres, ac Religiosissimi viri, aut sceminae, quæ sæculi illecebris derelictis, Deo secum omnia sua tradiderunt.

Quotquot igitur Religiosæ perfectionis viam sunt ingressi omni tempore Christi consilium ob oculos habuerunt Matthæi 19. *Si vis perfectus esse, vade, & vende omnia, quæ habes, & da pauperibus, & sequere me*; ad Religionis substantiam id semper adinuit; numquam Religiosus in Monasterio floruit, qui tribus votis obedientia, nimirum, castitate, & paupertate non esset obstrictus. Quapropter Innocentius III. ad Abbatem, & Conventum Sublacensem in cap. cum ad Monasterium 6. de statu Monachorum in fine concludit: „Nec æstimet Abbat, „bas quod super habenda proprietate possit cum aliquo „Monacho dispensare; quia abdicatio proprietatis, sicut „& custodia castitatis adeo est annexa regulæ monachali, „ut contra eam nec Summus Pontifex possit licentiam „indulgere, „Audiatur etiam Angelicus scholarum Præceptor Divus Thomas in 2. 2. quæst. 186. art. 7. „Religionis status potest considerari tripliciter: uno modo „secundum quod est exercitium tendendi in perfectionem „charitatis: alio modo secundum quod quietat animum „humanum ab exterioribus sollicitudinibus: secundum illud primæ ad Corinthios 7. volo vos sine solitudine „esse: tertio modo, secundum quod est quoddam holocaustum per quod aliquis totaliter se, & sua offert Deo. „Et secundum hoc ex tribus his votis integratur Religionis status. Primo enim quantum ad exercitium perfectionis requiritur, quod aliquis à se removeat illa per quæ totaliter posset impediri, ne totaliter ejus affectus tendat in Deum, in quo consistit perfectio charitatis. „Hujusmodi autem sunt tria. Primum quidem cupiditas „exteriorum bonorum, quæ tollitur per votum paupertatis: secundum autem est concupiscentia sensibilium „delectationum, inter quas præcellunt delectationes ve-



„nereæ, quæ excluduntur per votum continentia: tertiana  
 „autem est inordinatio voluntatis humanæ, quæ exclu-  
 „ditur per votum obedientia:. Similiter autem sollicitudi-  
 „nis sæcularis inquietudo præcipue ingeritur homini circa  
 „tria. Primo quidem circa dispensationem exteriorum re-  
 „rum, & hæc sollicitudo per votum paupertatis homini  
 „aufertur. Secundo circa gubernationem uxoris, & filio-  
 „rum, quæ amputatur per votum continentia: tertio cir-  
 „ca dispensationem propriorum actuum, quæ amputatur  
 „per votum obedientia:, quo aliquis se alterius dispo-  
 „sitioni committit &c.,. Scripsit equidem Innocentius an-  
 „no 1213. floruit Divus Thomas ad ejusdem sæculi me-  
 „dium, sed nil novi enuntiarunt, quod ante duodecimum  
 in Monachorum non esset observantia. Anteriora igitur  
 tempora inquiramus, & primò ex Regulis, quas profite-  
 bantur: secundo ex Patrum auctoritatibus, ac exemplis.

### *Ex Regularum professione.*

**E**X vita Posthumii cap. 7. lib. 1. de vitis Patrum Ma-  
 carius Alexandrinus a Magistro suo Antonio Mona-  
 chorum fere quinque millia suscepit gubernanda. Quæ  
 inter ipsos rerum inopia? „Qui susceptus fuerit, non  
 „solum de substantia quam intulit, sed etiam nec de se  
 „ipso ab illa judicabit hora. Nam si aliquid prius eroga-  
 „vit pauperibus, aut veniens in cellulam aliquid intulit  
 „fratribus, ipsi tamen non est licitum, ut aliquid habeat  
 „in sua potestate,. Ita in cap. 24. Macarii regulæ apud  
 Lucam Holstenium tom. 1. Tanta erat eorum paupertas,  
 ut Hieronymus ad Eustochium in Epistola 22. referret quod  
 non ante plures annos Nitriæ inter ipsos gestum fuerat:  
 „Quidam ex fratribus parcior magis, quam avarior, &  
 „nesciens triginta argenteis Dominum venditum, centum  
 „solidos, quos lina texendo adquisierat, moriens dere-  
 „liquit: initum est inter Monachos consilium (nam in  
 „eodem loco circiter quinque millia divisus cellulis ha-

„bitabant) quid factum opus esset, alii pauperibus distri-  
 „buendos esse dicebant, alii dandos Ecclesiæ, nonnulli  
 „parentibus remittendos. Macarius verò, & Pambo, &  
 „Isidorus, & ceteri, quos patres vocant, Sancto in eis  
 „loquente Spiritu, decreverunt fodiendos esse cum eo-  
 „dem dicentes: Pecunia tua tecum sit in perditionem.  
 „Nec hoc crudeliter quisquam putet factum: tantus cun-  
 „ctos per totam Ægyptum terror invasit, ut unum soli-  
 „dum dimisisse sit criminis.,

Ex Regula S. Basilii in responsione ad interrogatio-  
 nem 29. „Siquis proprium sibi esse dicit aliquid, sine du-  
 „bio alienum se facit ab electis Dei, & a charitate Do-  
 „mini; qui docuit verbo, & opere complevit, & animam  
 „suam posuit pro amicis suis. Si ergo ipse animam suam  
 „pro amicis dedit, quomodo nos etiam ea, quæ extra  
 „animam sunt, propria vindicamus?

Idem præscripsit Magnus Parens Augustinus in Regula:  
 „Ne dicatis aliquid proprium, sed sint vobis omnia com-  
 „munia.... & *infra* Cum quis suis filiis, aut aliqua nece-  
 „ssitudine ad se pertinentibus in Monasterio constitutis  
 „aliquam contulerit vestem, sive quodlibet aliud inter  
 „necessaria deputandum, non occulte accipiatur, sed sit in  
 „potestate præpositi, ut in rem communem redactum, cui  
 „necesse fuerit præbeatur. Quod si aliquis rem sibi col-  
 „laram celaverit, furti iudicio condemnatur. Ipsemet  
 Sanctus Parens hanc sui Monasterii legem refert sermo-  
 ne 355. alias de Diversis 49. „Volui habere in ista do-  
 „mo Episcopii mecum Monasterium Clericorum. Ecce  
 „quomodo vivimus. Nulli licet in societate nostra habere  
 „aliquid proprium; sed forte aliqui habent. Nulli licet:  
 „siquid habent, faciunt quod non licet.,. Quibus lacry-  
 mis ibidem Presbyteri Januarii testamentum post mortem  
 non meminit Augustinus? Januarius Monasterii Presby-  
 ter testamentum fecerat, heredem instituerat ex pecunia,  
 quam ante professionem reservaverat, quasi puellæ filiæ  
 servaret, ut cum legitimos annos attingeret, faceret inde

quod Virginem deceret , quando bene id facere posset. Testamenti confcius Augustinus prorupit : „O' dolor illius societatis ! O' fructus natus , non de arbore , quam „plantavit Dominus ! Sed Ecclesiam scripsit heredem ? „Nolo munera ista , non amo amaritudinis fructum. Ego „illum Deo quærebam , societatem professus erat , hanc „teneret , hanc exhiberet , nihil haberet , testamentum „non faceret. Habebat aliquid ? Non se nostrum socium „quasi Dei pauperem fingeret.,,

Secundum Sancti Benedicti Regulam cap. 33. „Præcipue hoc vitium peculiare radicitus amputandum est „de Monasterio ; nequis præsumat aliquid dare , aut accipere sine iussione Abbatis , neque aliquid habere proprium , nullam omnino rem , neque codicem , neque „tabulam , neque graphium , sed nihil omnino.,,

En famosiores Regulæ , quarum sectatores paupertatis voto tenebantur ; nec ulli profiteri licebat , qui pauperiem non adamaret , non teneret. Prætermitto alias bene multas in Occidente , Oriente-ve ante sæculum duodecimum custoditas. Pachomii , qui in Ægypto plurima erexit monasteria , & distante Angelo , præcepta tradidit : Fructuosi tot Monachorum per Lusitaniam , & Hispanias Parentis , & Bracarensis Archiepiscopi : Isidori per Hispanias etiam tot Monasteriorum Fundatoris : celeberrimi illius Monachi , quem per antonomasiam Magistrum appellant , & Smaragdus quoque Monachus in commentariis ad Regulam S. Benedicti sæpe numero laudat : alias tandem omitto , quas Lucas Holstenius Vaticanæ Basilicæ Canonicus , & Bibliothecæ Præfectus in tres partes digessit , atque edidit.

*Ex Sanctorum Patrum auctoritate , & exemplis.*

**P**rima sese offerret Urbani I. Epistola ad omnes Catholicos, quam Gratianus collegit causa 12. quæst. 1. cap. Scimus: *Quicumque vestrum communem vitam susceptam habet, & vovit se nihil proprium habere, videat ne pollicitationem suam irritam faciat.* Verum Urbano omnes eruditi abjudicant, & scriptori imponunt, qui Vulgatæ versionis, Prosperi, Gregorii, & Theodosii Codicis sententias commentis suis admisit, & errante calculo alieni temporis notas apposuit: ad alios melioris fidei veniamus.

Maximus Hieronymus arguens Vigilantium possessionem usum earundem renuntiationi præferentem, tot Monachorum id temporis Christum, & Apostolos sectantium exempla opposuit: „Non à me eis, sed à Domi-  
„no respondebitur: si vis perfectus esse, vade, & vende  
„omnia quæ habes, da pauperibus, & sequere me: Ad  
„eum loquitur qui vult perfectus esse, qui cum Aposto-  
„stolis patrem, naviculam, & rete dimittit. Ille, quem  
„tu laudas secundus, & tertius gradus est, quem & nos  
„recipimus, dummodo sciamus prima secundis, & tertia  
„præferenda. Nec à suo studio Monachi deterrendi sunt  
„à te lingua viperca, & morsu sævissimo,„

Magnus Pater Augustinus lib. 1. de moribus Ecclesiæ Catholicæ cap. 31. non tam suos in Monasterio sub Regula sua degentes ad Manichæorum adducit exemplum, quam eorum multitudinem per totum orbem indies magis magisque diffusam, in Oriente maximè, atque Ægypto:  
„Quis non illos miretur, & prædicet, qui contemptis,  
„atque desertis mundi hujus illecebris in communem vitam castissimam, sanctissimamque congregati simul ætatem agunt in orationibus, in lectionibus, in disputationibus;

„tionibus; nulla superbia tumidi, nulla pervicacia tur-  
 „bulenti, nulla invidentia lividi.... nemo quidquam pos-  
 „sudet proprium, nemo cuiquam onerosus est. Operan-  
 „tur manibus ea, quibus & corpus pasci possit, &  
 „Deo impediri non possit,,.

Magnus Gregorius lib. 4. Dialogorum cap. 55. scri-  
 psit quid actum erat in suo Monasterio: „Quidam Mo-  
 „nachus Justus nomine medicinali arte fuerat imbutus...  
 „hic itaque languore corporis præventus ad extremum de-  
 „ductus est. Cui in ipsa sua molestia frater germanus nomine  
 „Copiosus serviebat, qui ipse quoque nunc in hac urbe  
 „per eandem medicinæ artem temporalis vitæ stipendia  
 „sectatur; sed prædictus Justus cum jam se ad extremum  
 „pervenisse cognovisset, eidem Copioso fratri suo, quia  
 „occultatos tres aureos haberet, innotuit. Quod nimirum  
 „fratribus non potuit celari, sed subtiliter indagantes,  
 „atque omnia illius medicamenta perscrutantes tres au-  
 „reos invenerunt absconditos in medicamine. Quod mox  
 „ut mihi nuntiatum est tantum malum de fratre, qui no-  
 „biscum communiter vixerat, æquanimiter ferre non va-  
 „lui; quia ejusdem mei Monasterii semper regula fuerat,  
 „ut cuncti fratres ita communiter viverent, quatenus eis  
 „singulis nulla habere propria liceret. Tunc nimio mœ-  
 „rore percussus cogitare capi, vel quid ad purgationem  
 „morientis facerem, vel quid ad exemplum viventibus  
 „fratribus providerem. Precioso igitur ejusdem Monaste-  
 „rii Præposito ad me accersito dixi: vide ut nullus ex  
 „fratribus se ad eum morientem jungat, nec sermonem  
 „consolationis ex cujuslibet eorum ore percipiat.. Cum  
 „vero mortuus fuerit, corpus illius cum fratribus corpori-  
 „bus non ponatur, sed in quolibet sterquilinio fossam fa-  
 „cite, & in ea corpus ejus projicite, ibique super eum  
 „tres aureos, quos reliquit, jactate, omnes simul cla-  
 „mantes: Pecunia tua tecum sit in perditione; & sic cum  
 „terra operite.

Dura quidem poena; sed justam declaravit Latera-

Pp

nense Concilium 3. sub Alexandro III. Can. 10. & postea Clemens III. anno 1190. super quodam Canonico Regulari, qui in articulo mortis agens, licet à Priore suo commonitus, proprium, quod habuerat latenter contra regulam, noluit resignare, & sic diem clausit extremam: non tantum Christiana sepultura fore privandum rescripfit, verum & si sine maximo scandalo posset fieri, de ipsa projiceretur Ecclesia: ex cap. super quodam 4. de Statu Monachor.

Hinc ob bonorum defectum, quæ à se omnino abdicaverant Monachi, statutum erat can. quia ingredientibus causa 19. quæst. 3. *Ingredientibus Monasterium ulterius nullam esse testandi licentiam, sed eorum res ejusdem Monasterii fieri aperta definitione.* Coævum igitur est Monasticæ vite paupertatis votum. Sed non contemnenda sunt argumenta, quæ ex Historia Ecclesiæ ante duodecimum sæculum adduci possunt.

Sæculo 5. Monachi testamentum condere poterant: de quibus, nisi quæ possederant? Imperator Theodosius Junior anno 434. Ariovindo, & Aspere Consulibus, 14. Kalendas Januarii ad Taurum Præfectum legem tulit, quæ est 1. in Cod. Theodosiano tit. 3. lib. 5. & 20. in Justiniano tit. 3. lib. 1. ut *Siquis Presbyter, aut Diaconus, aut Diaconissa, seu Subdiaconus, vel cujuslibet alterius loci Clericus, aut Monachus, aut mulier quæ solitariæ vitæ dedita est, nullo condito testamento decesserit; nec ei parentes utriusque sexus, vel liberi, vel qui agnationis cognationis ve jure junguntur, vel uxor extiterit, bona, quæ ad eum, vel ad eam pertinent, vel pertinuerunt, Sacrosanctæ Ecclesiæ, vel Monasterio, cui forte fuerit destinatus, aut destinata, omnifariam socientur.* Imperatores etiam Valentinianus, & Marcianus X. Kalend. Maii anno 455. Anthemio, & Valent. VIII. Coss. ad Palladium Præfectum Prætorium generali lege, quæ est 13. in Cod. Justiniano de Sacrosanctis Ecclesiis, sanxerunt, ut si virgo Deo dedicata, vel sanctimonialis mulier, sive quocum-

que alio nomine religiosi honoris, vel testamento, vel codicillo suo Ecclesiæ, vel Martyrio, vel Clero, vel Monachio, vel pauperibus aliquid crederet relinquendum, id modis omnibus ratum, firmumque consisteret.

Argumentum quidem est non infirmum, quod attendens Glossa, & Doctores advertunt in iis temporibus Monachos habuisse proprium, de quo possent agere testamentum; & notat etiam Clarissimus Barbosa ad legem *Generali* 13. Cod. de Sacrosanctis Ecclesiis, olim Monachis permissum esse testari, quia bona per ingressum non transferebantur in Monasterium; postea tamen cum ea ratio fuerit correctæ, correctam quoque fuisse legem per Justinianum in Authentica Collat. 1. tit. 5. Novella 5. cap. 5.

*Qui in Monasterium introire voluerit, antequam Monasterium ingrediatur, licentiam habeat suis uti quo voluerit modo: ingredientem namque simul sequuntur omnino res: licet non expressim, qui introduxerit eas, dixerit: & non erit Dominus earum ulterius ullo modo.*

Ut in hac re certum quid appareat duos paupertatis modos exponam: primus modus est ejus qui nec licite, nec valide habere potest dominium alicujus rei, neque illa tamquam propria uti, quem paupertatis gradum nunc servant omnes, qui solemnem vovent paupertatem. Secundus erit ejus qui non potest licet habere proprium dominium alicujus rei, neque etiam ulla re tamquam propria uti, quamvis non sit incapax dominii, qualis esset paupertas per votum omnino absolutum, si Ecclesia nondum redderet solemne. Primum paupertatis gradum in statu perfectionis religiosæ semper viguisse, nullique religioso licere re tamquam propria uti, nec valide dominium potuisse habere, sed hujus reddi incapacem nullo antiquitatis monumento quis ostendet. Paupertas istæ, quæ hominem reddit dominii incapacem postea justis de causis introducta, & ex institutione Ecclesiæ facta est solemnis. In primis enim Ecclesiæ saculis, quamvis in usu esset votum paupertatis perfectissimum, omnia

scilicet pro Deo derelinquere , nondum tamen erat solemnitatis hæc institutio , nullum illius vestigium in antiquitate per plures annos invenitur.

Basilii, Augustini, Benedicti, & alii Sanctorum Regularum Auctores Monachos suos dominii incapaces non exhibent ; iis tantum quidquam habere non licere indicant ; & prohibent , ne terrenarum rerum curis irretiantur. En Augustini verba supra in probationem relata : *Ecce quomodo vivimus ; nulli licet in societate nostra habere aliquid proprium ; sed forte aliqui habent. Nulli licet : siquid habent , faciunt quod non licet.* Non dixit Augustinus : omnes de societate nostra incapaces sunt habendi dominium ; sed *Nulli licet , & siquid habent faciunt quod non licet.* Januarium sui Monasterii Presbyterum deplo- ravit significans in condendo testamento graviter peccasse , non tamen negavit testamentum fuisse validum , neque argentum legatum vere fuisse Januarii ; sed significavit licite non potuisse illud retinere propter communem vitam , quam profitebatur. En secundum paupertatis gradum religioni coævum.

Igitur ex simplici hoc paupertatis voto Monachi non erant incapaces dominii ; sed valide testamentum agebant de bonis , quæ ad ipsos pertinerent ; & eorundem licita erat dispositio , quam leges , & superiores permiserant. Posteriorum exemplum temporum adduco. Religiosos Societatis JESUS , qui vota tantum simplicia emisserunt , quæ biennii dicuntur , vere esse Religiosos declaravit Gregorius XIII. in Const. 89. quæ incipit *Ascendente Domino* , iis tamen paupertatis voto simplici ætatis permittitur retinere jus , & dominium suorum bonorum , donec superior aliter mādaverit , prohibita solum administratione , seu usu : iidem usque ad solemnem professionem de suis bonis disponendis facultatem habent , etiam testamentum condendo , vel illud in sæculo factum revocando , licentiam vero superioris pro actu licito faciendo , non ad validitatem requirunt. Hæc Monachorum quoque primis Ecclesia sæculis



conditio erat, cum nondum paupertatis votum solemne fieret: nondum statutum erat Ecclesiae, per quod qui in circumstantiis ab Ecclesia praescriptis vovet, ad certos effectus incapax redditur; scilicet ad valide contrahendum matrimonium ratione castitatis, ad habendum rei alienae dominium ratione paupertatis, ad se aliis, quam superioribus obligandum, ratione obedientiae.

Quo tempore haec voti paupertatis solemnitas introduci coeperit, certo non constat. A temporibus Justiniani Imperatoris introductam existimo ex Authenticis ejusdem Caesaris in collatione supra citata, ubi decernit per professionem Monachi omnes res ejus fieri Monasterii, etiam si expresse non donentur, & *non erit (inquit) amplius Dominus illarum ullo modo*. Siquis tamen dubitet quo jure Imperatores de re mere spirituali, ac Ecclesiastica leges protulerint, sciat dubium istud esse generale, & de omnibus fere legibus, quae in titulis Codicis de Sacrosanctis Ecclesiis, de Monachis, de Clericis, & Episcopis continentur, oriri posse. Aut Justinianus ex consensu Pontificum legem edidit, vel certe ea, quae in favorem, & bonum Ecclesiae erant, expresse, vel tacito consensu Pontificum admittit. Magnus Gregorius qui non multo post Justinianum vixit lib. 7. Epistolarum Epistola 7. Justiniani constitutionem suscepit, & irritum fieri iussit testamentum Sirciae Abbatissae: *Quia ingredi-entibus Monasterium convertendi gratia ulterius nulle sit testandi licentia, sed res eorum ejusdem Monasterii sint, aperta legis definitione decretum est*. Quae verba exscripsit Gratianus in supra citata causa 19. quaest. 3. cap. 7.

Adversari tamen videntur, quae in antiquis post Gregorium Ecclesiae annalibus referuntur. Ex ipso Gregorio lib. 1. Ep. 42. Joannes Monachus quidam moriens Fanti-num Defensorem in sex uncias heredem divisit, cui id quidem, quod fuerat dimissum, traditum est. In lib. 9. Ep. 22. Gregorius ipse Probum Abbatem facultate donavit testandi, & legandi quidquid rei habuisset, antequam

Abbatis officio fungeretur. Sæculo ineunte 8. Beda Vir Sanctus, cujus festum sub ritu duplici omnis Ordo Benedictinus celebrat, teste Guthberdo ejus discipulo, morti jam proximus ad se cunctis Monasterii sui Gyrvensis accersitis munera quædam, quæ apud se pretiosa in capsula habuerat, distribuit. Quid referam tot Abbatissarum testamenta? Cointius in annalibus Ecclesiæ Francicæ laulat testamenta Irminæ Abbatissæ Horreentis apud Treveros, Adelæ Abbatissæ Palatiolensis: in monumentis Lusitani Monasterii de Arouca laudatur testamentum S. Mafaldæ, & his longe plura in Ecclesiasticis Historiis. Ast præterquam quod hæc testandi ratio facile adtineret ad officium administratoris; si Abbatissæ, aut alii Monachi, (qua in re una est ratio Abbatum, & Monachorum) quæpiam suæ Ecclesiæ, aut aliis testamento adjecerunt, ea utebantur facultate, qua Gregorius ipse Probum Abbatem donaverat, ad dispensationes Pontificias recurrerant. Bedæ tamen munuscula erant oraria, incensa, & piper, quæ ex administratoris injuncto officio apud ipsum ad Monasterii usus servarentur.

Pro comperto quis non habeat Romanum Pontificem posse habilem reddere Monachum solemniter professum, ut testamentum eondat, aut revocet; cum incapax ille tantum sit ex jure positivo: secundum Cardinalem de Luca de testam. disc. 35. n. 6. Suares tom. 3. de Relig. lib. 8. cap. 16. n. 9. Cardinalem de Lugo de Justitia disput. 3. sect. 6. n. 109. Cardinalem Petra tom. 3. ad Const. 11. Clementis IV. n. 41? Dispenratio istæ cum voto paupertatis compatitur. Regularis enim Episcopus voto religiosæ paupertatis adstrictus est, nec per Episcopatum dissolvitur: eidem non solum, ut Episcopo testamenti *factio activa* in bonis Ecclesiæ suæ intuitu acquisitis est interdicta, sed uti Religioso est omnino adempta, ne dum in bonis Ecclesiæ intuitu, ut ceteri Episcopi, sed in patrimonialibus, & aliis quibuscumque ex Can. Statutum 18. quæst. 1. & Barbosa in cap. quorundam de testamentis n. 4. & potest Episcop. part. 3. alleg. 14. n. 20.

Verum ex dispensatione Papæ testamentum condere potest: secundum D. Thomam 2. 2. quæst. 185. art. ad 3. Et plurima sunt exempla, quæ congestit Eminentissimus Petra tom. 3. ad Const. 11. Clementis IV. n. 44. nempe anno 1667. Episcopi Tropienſis Ordinis S. Augustini pro summa Ducatorum 1250. de Camera, solutis Cameræ 10. pro centenariis: anno 1668. Alphonsi Episcopi Cordubensis Ordinis S. Francisci de Observantia pro summa Ducatorum 20000. solutis Cameræ Ducatis 10. pro centenariis: alia omitto.

Inter alia vetustatum monumenta, adversus thesimum sese offert textus ille in Canonico jure cap. *Inſinuante* 7. Qui Clerici, vel voventes matrimonium, de muliere nobili, quæ in manibus cujusdam de Fratribus Sancti Augustini castitatis votum emisit eo adjecto, ut in domo propria cum omni substantia remaneret. Religionis votum vovisse foeminam textus ipse indicat ad finem: „Inquisita diligentius veritate, si præmissis veritas suffragatur, præfatam foeminam ad male dimissum religionis habitum resumendum, & servandum quod vovit, inducere procuretis; & si opus fuerit per centuras Ecclesiasticas procuretis. En Monialem nullo paupertatis voto adstrictam.

Difficillimum quidem semper id fuit Canonici juris interpretibus: existimarunt alii religiosum posse licite retinere bona sua ad usumfructum, vel usum, aut administrationem de superioris licentia, & consensu; intellectum hunc ad Decretalem istam *Abbas* n. 5. mirabilem vocat, sed 1. loco recenset Innocentius n. 1. aitque in domo propria posse quem profiteri in Episcopi, vel Abbatibus manibus, & ipsos posse ei statuere certum locum, quem habitet, & bona in administrationem dare, neque id esse contra Monachatus substantiam, cum sit sine proprio, & sub obedientia superioris, licet solus Papa hoc possit indulgere in perpetuum. Sed quis non refellet? quis verba illa: *Cum omni substantia in domo*, bona quoad u-

sum, non quoad dominium, & proprietatem intelligat? Lucas legatur in Evangelico cap. 15. de filio prodigo: *Pater da mihi portionem substantiæ, quæ me contingit; & divisit illi substantiam.* Filio ne a patre tunc bonorum usus, non dominium, & proprietas in rerum substantia data est?

Alii alia inceserunt via de voto simplici, & non solemnī religionis intelligentes textum, unde cum hujusmodi voto proprium patrimonium retinere poterat mulier: textus tamen impugnat: post emissum votum illa religionis habitum susceperat, & per biennium gestaverat: *Sane in ejusdem ordinis habitu biennio post permansit.* En professionis emissionem. Amplius: Innocentius III. matrimonium ipsius postea contractum irritum judicavit; judicaret ne si solemnē non esset votum? Si simplex esset, quod non dirimit? Insignis Prosper Fagnanus ad hanc Decretalem n. 23. tenet pactum istud de reservatione bonorum vitari, & non valere, & firmat decreto Congregationis Concilii Tridentini Interpretis, & præsertim in causa Panormitana de quadam Moniali, quæ præter dotem Monasterio tributam sibi reservaverat scuta quinquaginta annua pro necessitatibus suis, & petiit à Sacra Congregatione sibi fieri facultatem illa in prædictos usus erogandi. Congregatio tamen censuit hanc pecuniam annuam, non obstante reservatione, Monasterio jam esse adquisitam. Fagnani sententiam veram post Tridentinum quis neget? de seculo duodecimo, & antea totalis est in præsentia. Si conditio illa proprium retinendi religionis substantiæ repugnat; professionem vitiet necesse est, non vero ut vitietur; juxta textum in cap. *Si conditiones* 7. de conjugii inserantur ... *matrimonialis contractus quantuncumque sit favorabilis, caret effectu.* Nec Innocentius ipse in causæ decisione conditionem illam ut turpem improbavit, quæ juxta eundemmet textum pro non adjecta haberetur.

Iis omiſſis, textus intellectum ex more antiquo petendum exiſtimo, quo olim plures Virgines, & Viduæ religioſam vitam in domo propria profitebantur obedientiam tantum, & caſtitem promittentes, quas ſorores appellare conſueverant in Monafterio Sanctæ Crucis Colimbrienſis, & S. Vincentii Olyſſiponenſis. Ex his Sanctæ Crucis ſororibus extat profeſſionis charta in ejuſdem archivo Tharaſiæ Suarii: *In nomine Domini noſtri Jeſus Chriſti hæc eſt ſcriptura veritatis, quam ego Tharaſia facere jubeo. Imprints offero me ipſam Eccleſiæ S. Crucis, & Domno Theotonio ejuſdem Eccleſiæ Priori, atque ſucceſſoribus ejus tam in vita, quam in morte.* Ex S. Vincentii archivo adductum quoque eſt monumentum. Eræ 1423. anni Salvatoris 1375. quo Sanctia Vincentii ejuſdem Monafterii ſoror poſt triginta & quinque annos, quos ſoror vixit in ſæculo, Canonicarum tandem numero, quæ communem agebant vitam in Monafterio, fuit adſcripta, & bona ſua Canonicis Vincentinis teſtamento reliquit. Alia quamplurima hujusmodi in utriuſque Monafterii archivis reperiuntur. Ante duodecimum ſæculum ex Eccleſiæ annalibus quam multæ erant, quæ in privatis domibus Deo ſacrabantur Virgines, aut Viduæ. Can. 27. Concilii Eliberitani Epifcopo, vel cuilibet alii Clerico permittitur aut ſororem, aut filiam Virginem dicatam Deo tantum ſecum habere. Doct̃or Maximus Hieronymus in Epift. 88. ad Principiam Marcellæ religioſam vitam in domo propria laudat.

Quamobrem pro diſſertationis coronide dicendum puto Monachos ante duodecimum ſæculum paupertatis voto, ſeu regula adſtriſtos fuiſſe, qui in Monafteriis communem agebant vitam, de quibus loquebatur Auguſtinus Parens: *Ecce quam bonum, & quam jucundum habitare fratres in unum.* Unde aliter diſſerendum de iis, qui ſolitariam degebant vitam, qui ſtriſtiſſimam paupertatem profiteri non poterant; non enim poterant non habere ad victum, & veſtitum aliquid neceſſarium, cujus dominium apud aliquem eſſet; non apud aliquam communitatem, aut ſuperiorem,

Qq

quod neutrum iis esset ; igitur apud ipsos , & sine alicujus licentia de iis poterant disponere in quemlibet honestum usum ad arbitrium suum. Id ostendit Historia , quam refert Gregorius lib. 3. Dialogorum cap. 26. de Mena , qui in eremo degebat , & ad suum usum pauca apium vascula possidebat , quæ virtute mirabili à latronibus , & uris fuerant custodita : ac ut haberet quod ad se venientibus offerret , à vicino populo aliquid recipere consueverat. In Hilario- nis quoque vita de duobus eremi cultoribus mentio fit , quorum alter cum vineam haberet , diligenter eam custodiri fecit , ne hospites tangerent.

Advertendum denique Doctores inter se dissentire , an duodecimo sæculo ex permissione Abbatis liceret simplici Monacho peculium habere in administrationem tantum , non quoad proprietatem. Diversarum opinionum causa sunt verba capituli *Monachi* 2. de statu Monachorum in Concilio Lateranensi III. *Qui vero peculium habuerit , nisi ab Abbate fuerit ei pro injuncta administratione permissum , à communione removeatur altaris.* Suárez tom. 3. de Religione lib. 8. cap. 12. ait sufficere superioris licentiam , ut proprietatis peccatum vitetur , nam interveniente superioris facultate , & dependentia ab illa , jam res proprio nomine non possidetur , sed Religionis , neque habetur ut propria , sed ut communis , quod non est contra paupertatis votum ; hæc sententia plurimos habet fautores , & quidem pios. Fagnanus vero in dicto cap. *Monachi* n. 42. aliud sentit : *Illa verba , nisi ab Abbate fuerit ei pro injuncta administratione permissum hæc tantum important , ut bonorum stabilium administrationem habere possint Monasterii officiales ad nutum amovibiles . . . nam Glossa infiguratione casus , Nota , inquit , concedi peculium ex causa administrationis , quæ verba Glossæ sic explicanda videntur ; non enim dicit concedi in administrationem , sed causa administrationis , nempe propter officium administrandi , quia officialis est conventus.* Fagnano adhæret Vanespen. P. I. de vitio Peculiaritatis cap. 2. §. 1. & hunc sensum confirmat.

se ait Concilium Turonense anno 1231. can. 26. apud Casstrum Gonterri integro pene sæculo post Lateranense Concilium 3. inhibens : *Ne Monachi, nisi sint in administratione constituti, habeant sub alio colore aliquam possessionem, vel aliquam proprietatem etiam de licentia Abbatum, cum licentia Abbatis in hoc eis non valeat suffragari.*

Hæc sunt ad sæculum usque 12. nam post Tridentinum Concilium sess. 25. de Regularib. cap. 2. *Nemini Regularium tam virorum, quam mulierum licet bona immobilia, vel mobilia cujuscumque qualitatatis fuerint, etiam quovis modo ab iis adquisita tanquam propria, aut etiam nomine conventus possidere, vel tenere, sed statim ea superiori tradantur, conventuique incorporentur.* Non obstante tamen Concilio Tridentino, ait Sanctissimus Dominus Benedictus XIV. lib. 3. de Servorum Dei Beatificatione cap. 41. n. 12. peculii usus potest esse religiosis permissus ex hujusmodi conditionibus 1. ne illud habeant titulo dominii, sed simplicis usus : 2. ut accedat tacita, aut expressa superiorum licentia : 3. ut sit moderatum, & non superfluum : 4. ut sit immixtum ceteris bonis Monasterii ; 5. ut peculii concessio sit revocabilis ad superioris mandatum : 6. ut regularis eo non utatur, nisi pro rebus licitis, & necessariis 7. ut peculium non habeat penes se, sed sit in manibus publici officialis à superioribus deputati : 8. ut si religiosus aliquid petat à dicto officiali, rem exprimat, quam sibi dicit necessariam : 9. ut hic vivendi modus sine scandalo non possit immutari. Hujusmodi circumstantiæ Romæ anno 1695. à celebrioribus Theologis fuerunt approbatæ in Opusculo, cui titulus *Trattato della vita commune* cap. 20.

## DISSERTATIO II.

*Utrum Gotbi Reges Hispaniarum ante Galliarum Reges  
sacro oleo ungerentur ?*

**G**alli cum Hispanis concertant, patriæ gloriam utrique vindicant ; sed Hispani meliori sorte ; utpote quibus adscribuntur non vulgaria Galliarum ingenia , virorum scilicet , qui de literario stipendio bene merentur. Quos inter Martene Clarissimus emicat lib. 2. de Antiquis Ecclesiæ ritibus cap. 10. Adnumerantur etiam iis insignes Itali Josephus Catalanus Pontif. Rom. tom. 1. pag. 383. & Caetanus Cennius tom. 2. de Antiquitate Ecclesiæ Hispanæ Dissert. 4. cap. 1. n. 19. quorum sententiæ subscribere in præsentia placet : remque totam , ut dicunt , ab ovo habeamus.

Sacra Regum unctio ab Hebræa gente originem traxit ; eam quidem Moyses non præcepit , sed multis exemplis fertur in Historia sacra lib. 1. Regum cap. 10. v. 11. *Tulit Samuel lenticulam olei , & effudit super caput ejus ( Saulis ) & deosculatus est eum , & ait : ecce unxit te Deus super hæreditatem suam in principem.* Eadem unctio innovata est postea in Galgalis à Samuele , cum Saul postquam Ammonitas percusserat , ad populum dixit : *Non occidetur quisquam in die hac , quia bodie fecit Dominus salutem in Israel... & fecerunt ibi Regem Saul coram Domino* lib. 1. Reg. cap. 11. v. 13. 15. ubi septuaginta Interpretes , & Joseph legant : *Unxit ibi Samuel Saulem in Regem.* Eodem lib. 1. Regum cap. 16. v. 13. *Tulit Samuel cornu olei , & unxit ( David ) in medio fratrum ejus , & directus est spiritus Domini à die illa in David.* Cum David propter æmulos Principes è genere Saulis regnum anceps haberet , iterum unctus est in Hebron , agente Tribu Juda post obitum Saulis 2. Reg. cap. 2. v. 4. Davitem sequuti sunt ejus filii Absalon , & Salomon , ille excusso jugo Regis patris sui adscivit sibi cum titulo regiam unctionem ,



hic cum de regni successione cum Adonia fratre contenderet, à Sadoe Summo Sacerdote, & Nathan Propheta sacro oleo inauguratus est 3. Regum cap. 1. v. 34. & 39.

Hebræorum Regibus ritus adeo erat peculiaris, ut nullus Rex alius gentis usque ad Magni Parentis Augustini tempora illum observaverit: in Psalmum quippe 44. n. 19. ait: *Unctus est Deus à Deo: unctum audis, Christum intellige. Etenim Christus à chrismate: hoc nomen, quod appellatur Christus, unctionis est: nec in aliquo alibi ungebantur Reges, & Sacerdotes, nisi in regno, ubi Christus prophetabatur, & ungebatur, & unde venturum erat Christi nomen.* Hebræorum morem innovarunt Gothorum Reges Hispanienses, quorum primum Reccaredum à S. Leandro fuisse inauguratum conjicit Fr. Franciscus Berganza Monachus Benedictinus de antiquitatibus Hispaniæ lib. 6. cap. 2. n. 123. ad Theodosii junioris exemplum, qui à Proclo Constantinopolitano Patriarcha fuerat inauguratus.

Verum cum nullum sit suæ conjectationis argumentum, apud Gothos unctionem regiam à Wamba initium duxisse dico. Rex iste patria Lusitanus (teste Juliano Episcopo Toletano in Wambæ Historia) unctione sacra decoratus est: *Wamba Princeps Clarissimus de Regali sanguine ortus, quem digne principari Dominus voluit, quem sacra unctio decoravit ... curvatis genibus oleum benedictionis per sacri Primatis, & Pontificis Quirici manus vertici ejus refunditur, & benedictionis copia exhibetur.* Floruit in regno Wamba ad annum 675. Anno 681. Cercilium Toletanum 12. cap. 1. asserit Ervigium Wambæ successorē regnandi per sacram unctionem suscepisse potestatem. De Egica, Witiza, & aliis sæculo 7. idem referant Julianus in chronico, & Ambrosius Morales lib. 12. cap. 41. 53. & 57.

Quis igitur, amabo, dicant, Francorum Regum ante Wambam unctus est? Si Galliarum veteres annales percuramus, Pippinus anno 754. in Monasterio Sancti Dionysii agri Parisiensis à Summo Pontifice Stephano III. qui ad Gallias

accefferat adversus Longobardos auxilium petiturus, inter Missarum solemnias cum filiis, & uxore in Francorum Regem primus omnium fuit inunctus. Id testantur Anastasius Bibliothecarius, Hilduinus in Areopagiticis, Annales Bertiniani, Metenses, & Laures-hamenses, & jam antea anno 752. Sueffione à Moguntino Archiepiscopo Bonifacio unctionem acceperat. Pippini sacram inaugurationem erudius Cennius impugnare credidit, quod secundo fieret. Si ad Gallos id moris viguit, inquit ille . . . *Cur Pippinus ille, quem omnium primum liquet in Galliis esse inunctum à Bonifacio Moguntino Episcopo, postea novam à Stephano III. unctionem accepit?* Nulla tamen ratione in præsentia Cennium ferri existimo: an quia Saul unctus est à Samuele lib. 1. Regum 10. falsa existimabitur unctio alia, quæ in Galgalis postea facta est lib. 1. Reg. cap. 11. ? Subsecutis etiam sæculis novum non erat Imperatores pariter, & Reges secundo, aut tertio sacro ritu coronari. Justinus Imperator non tantum à Joanne Exscholastico imperii coronam suscepit; verum & à Joanne Papa iterum coronatus, & benedictus est Constantinopoli. De prima coronatione scripsit Theophanes in Chronographia, de secunda Anastasius Bibliothecarius in vita Joannis I. Papæ. Hincmarus Remensis in Capitulis suis loquitur etiam de secunda coronatione Caroli Calvi. Hovedenus ad annum 1159. prodidit Henricum II. Angliæ Regem ter una cum uxore sua Elionora fuisse coronatum Lincolnix, Londini, Wigornix.

Hæc observat Martene Auctor Gallus eruditissimus supra citatus: *Longe tardius in Galliis Reges solemnem Episcoporum benedictionem suscepisse videntur, quippe ante Pippinum, qui Sueffione à Moguntino Archiepiscopo Bonifacio primum, deinde à Stephano Papa apud S. Dionysium unctus est in Regem, nullus ab Episcopis benedictus legitur; sed omnes, ut Regni imperium adepti erant, à populis clypeo evecti, Reges constituebantur.* Id ipsum tradidit alius scriptor Gallus Franciscus Pagius in vita S. Zachariæ Papæ: *Et quidem Pippinus videtur esse primus ex*

*Francorum Regibus, qui unctus est in Regem, nullus enim antea ab Episcopis benedictus legitur.* Ex quorum testimonio impugnantur Galli scriptores, qui tenent mordicus Galliarum Reges primos fuisse ab Episcopis consecratos, ac ad eorum normam ceteros Reges sacro oleo ungi coepisse. Hinc nescio quo fundamento scripsit Franciscus Hallier part. 3. sect. 8. cap. 10. n. 8. de Sacris Electionib. *Ad eorum (Gallorum Regum) ceteri fere Reges oleo sacro inungi ceperunt, quavis enim Albericus, Rosatenfis, Hestrensis, & alii solos in Occidente Francorum, Hierosolymorum, Anglorum, & Siculorum Regum inungi in sua coronatione testentur, quæ nempe Regna cum à Francis olim possessa fuerint, nihil mirum, si eorum Reges, Francorum more, inungi voluerint, priusque ceteris hanc sacræ unctionis cærimoniam usurparint.* Miror quidem, quod Hallier vir antiquitatibus apprime instructus Gothos Hispaniarum Reges Wambam, & Ervigium sacro delibutos oleo ignorasset; aut, si non ignorabat, non meminisset inter ceteros Occidentis, quos fatetur ipse inunctos. Per me Hierosolymitani, Angli, & Siculi Reges Francorum exemplum sequuti sint; non sequuti tamen sunt Gothi, sed Gothi Francis præiverunt.

Enim vero Clodovei Francorum Regis Historiam antiquiori Gothorum Regum unctioni adversari putant. Clodoveum anno 496. in Vigilia Natalis Domini, cælitus à columba demissa chrismatiss ampulla, à Sancto Remigio Remensi Episcopo fuisse Regem inunctum testatur ejusdem S. Remigii testamentum in Historia Flodoardi lib. 1. cap. 18. Sed inter emunctionis naris eruditos fabulam ista sapit Historia. Quis coævus testis, & scriptor asseruit? Non meminit Gregorius Turonensis in scrutandis, & memoriæ tradendis miraculis tam diligens; non meminerunt Avitus Vinnensis, Papa Anastasius, S. Nicetius Trevirensis, & Fortunatus in vita S. Remigii de Clodoveo loquentes: meminērunt ii, qui annos fere quingentos, aut quadringentos Clodoveo sunt posteriores, Hincmarus in vita S. Remigii, Ai-

moinus lib. 1. cap. 16. Flodoardus supra citatus, & Codex MS. Petavianus editus à Francisco Duchesnio tom. 4. pag. 161. de Philippi I. inauguratione. Testamentum illud in Flodoardi Historia tot auctum erat interpolationibus, quæ nec tempora, nec Remigii indolem indicant, ut plerumque suppositum habeatur. Sincerum aliud, quod brevius vocat testamentum, scripsit Dominus Guillelmus Marlotus, Historiæ Metropolis Remensis tom. 1. lib. 2. cap. 11. ex MS. codicibus Abbatiarum S. Remigii, Nicasii, & Theodorici prope Remos, hujusmodi tamen narrationibus non intermixtum. Si Clodoveus in Regem esset inunctus à Remigio, ejus posterì tam sacræ inaugurationis ritum negligerent? Neminem quidem Francorum Regum ante Carolinam stirpem unctum legimus. Unctus est Clodoveus, ut Christianus fieret, non ut fieret Rex, qui decimum quintum Regni annum agebat. Quod etiam Natali Alexandro placuit Histor. Ecclesiastic. sæculi 6. cap. 4. art. 3. de S. Remigio.

Causa tamen, cur posterì scriptores Clodoveum Regem inunctum crederent, hæc erat. Legerant quippe veteres, qui scripserant chrismate, vel oleo cælitus misso Clodoveum Regem sacratum, ordinatum, vel consecratum esse. Ita quidem loquitur Symmachus Romanus Pontifex, non Hormisdæ, ut falso putarunt alii, in Epistola, qua Sedis Apostolicæ vices S. Remigio Remensi committuntur per omne regnum Clodovei, *quem sacri dono baptismatis consecraverat*. Gregorius quoque Turonensis lib. 2. cap. 31. ait de Clodovei baptismo: *Delibutusque sacro chrismate cum signaculo Crucis Christi*. Cum sæculis decurrentibus Pippini proles peculiari consecratione in Reges coronarentur, existimarunt aliqui istam Clodovei unctionem eo esse referendam, non adtendentes juxta primævæ Ecclesiæ disciplinam chrisma baptismi adhiberi. Quamobrem S. Ambrosius in lib. de Initiandis unctione capitis significari docet, *ut fias electum genus, sacerdotale pretiosum: omnes enim in Regnum Dei, & in Sacerdotium unguimur gratia spirituali*. Chrisma Clodovei baptismi adhibitum cum Regia unctione confuderunt.

Verum

Verum Martene jam citatus miraculoso oleo à Clodovei tempore asservato postea ceteros Galliarum Reges ( post Hispanos tamen ) fuisse linitos non renuit, n. quippe 6. ait : *Ex singulari privilegio non quæsitbet oleo, sed calitus misso consecrari solent, ex sacra scilicet ampulla, quæ Remis in percelebri Sancti Remigii monasterio servatur, cujus defectu alia adhibetur ampulla ex Tirocensi Maiori monasterio, quæ Sancto Martino olim ab Angelo adlata memoratur, uti contigit in Henrici quarti benedictione Carnoti celebrata.* Jacobus Longueval Jesuita tom. 2. Histor. Gallicanæ pag. 231. ut traditionem Ecclesiæ Remensis, ac suorum Regum prærogativam defendat, advertit apud Hincmarum, & in antiqua missa S. Remigii narrari, quomodo cum vellet ipse ægroto conferre Sacramentum Extremæ-Unionis, ampullæ vacuæ oleo mirabiliter repletæ sunt, quo cum unctus fuerit Clodoveus, rectè asseritur unctum fuisse oleo è cælo delapso: quæro tamen unde collegit Longueval unctum fuisse in Regem, & non in Christianum? Itaque ostendant, quæso, Galli tam vera, & indubitata fidei monumenta, qualia pro suis Regibus propalant Hispani. Traditionem igitur illam de uncto Clodoveo in Regem quam Eruditus Episcopus Antonius Gaudeau in Ecclesiastica Historia Gallice scripta, ad annum 495. n. 67. antiquam vocat, & à nemine Gallo dicit impugnandam, erroris potius vetustatem dicerem. Impugnavit supradictus Natalis scriptor Gallus: impugnaverunt alii veritatis quidem amore Valdes de Dignit. Reg. cap. 14. Passimotus, sive qui Auctor est non ignobilis inter vindicias, & Martem Gallicum cap. 8.

Si Hispani cum Scotis contenderent, palmam quidem iis, sicut Gallis, non eriperent. Antiquior sane fuit Aidani Scotorum Regis benedictio, qui ex anno 568. ad annum usque 604. regnavit; cujus benedictionis factæ à Columba Abbate Hienfi iussu Angeli meminit Cumeneus Albus in vita S. Columbæ n. 5. sæculo 1. Benedictino;

Rr

meminit etiam Mabillonius eodem sæculo, & citatus Martene. Imo hæc supponit ritum istum in receptissimo Scottorum usu, cum dicat Domini Angelum ad Columbam fuisse missum, *qui in manu vitreum ordinationis Regum habebat librum*. Quæ certe innuunt antea reges fuisse benedictos. Id singulare fuit in Aidani benedictione, quod non ab Episcopo, sed ab Abbate fuerit ordinatus: *Qui imponens manum super caput ejus, ordinans benedixit eum*. Quamobrein sacra Regum coronatio per Episcoporum manus suam haud dubie ducit originem à Gothorum Regibus: qui in genua provoluti ante altare per Toletanum Præsulem sacro oleo super caput effuso consecrabantur; neque aliam hac in cæremonia celebritatem obtinebant.

Quod ut verum sit, recentiorum Regum benedictionem spectemus. Ante Metropolitam, ut præ se fert Romanum Pontificale, Episcoposque Pontificiis vestibus indutos electus in Regem deducitur: admonetur à Metropolitâ, professionem agit, quâ Ecclesiæ defensionem promittit; post orationes à Metropolitâ inungitur brachium dexterum inter juncturam manus, & cubiti; & inter scapulas in modum crucis oleo Catechumenorum: electus postea discedit ab altari, atque redit regiis vestibus indutus, incruento missæ sacrificio interfuturus ex thalamo eminenti sibi in Ecclesia parato; post graduale ab Episcopis, & Optimatibus ad altare iterum adducitur, ibi à Metropolitâ gladium accipit, quo subinde ab eodem ungitur, corona ejus capiti imponitur, sceptrum datur, ductusque ad solium, in eodem per Metropolitam evehitur. Cæremonia hæc omnibus numeris est absoluta, quæ velut rudis, atque incipiens erat apud Gothos. sacræ tantummodo scripturæ ritum sequutos, solaque olei sacri effusione à Metropolitâ benedictos.

Gallorum Reges ante Pippinum nullo unctionis ritu, nec rudi, aut incipiente coronabantur, sed in regni comitiis clypeo impositi elevabantur, acclamabanturque, ut constat ex Gregorio Turonensi lib. 2. Historia Regni

Francorum cap. 45. ubi referens quomodo Colonienſes poſt Sigiberti Regis, ejuſque filii Cloderici obitum Clodoveo Magno ſe dederint, inquit : *Plaudentes tam parvis, quam vocibus, eum clypeo erectum ſuper ſe Regem conſtituunt.* Quam coronationis conſuetudinem obſervabant etiam Imperatores nuper creati ex Codino Curopalata de Officiis Eccleſiæ, & Aulæ Conſtantinopolitanæ cap. 17. ita deſcribente : „Novus Imperator in ſcuto ſeſcitans tollitur in altum, & ab univerſa multitudine inſra ſtante conſpicitur. Teneat verò priores partes clypei Imperator, parensque renuntiati, ſi adhuc ſit in vivis, & Patriarcha partes à latere, & retro tenent qui dignitate præcipua excellunt, videlicet Deſpotæ, & Sebeſtacratores, ſi fuerint. Sin minus, hoc obeunt præſtantes, & nobiliores ex proceribus. Si non ſuperſit novi Imperatoris pater, anteriores partes clypei tenent excellentior ex illis, qui in dignitate ſunt, aut aliquis ex proceribus cum Patriarcha : partes poſteriores tenent, quos antea jam commemoravimus. Populo, & univerſo Foſſato fauſtis acclamationibus perſonante, deſcendit de ſcuto, duciturque ad S. Sophiæ templum, in quo coronandus eſt,.

Hanc tamen unctionis conſuetudinem omiſerunt Hiſpaniarum Reges ; quia hæreditario jure omnes ad ſolum ſublimantur, non vero electione, ut olim Gothorum tempore creabantur. Poſt ipſos tamen Gothos multi ſacro hoc ritu ad thronum erecti ſunt. Alſonſus II. inunctus fuit in Eccleſia Burgenſi, Alſonſus VII. in Eccleſia Compoſtellana à Didaco Ramires ejus Præſule, Alſonſus VIII. à Ramone Archiepiſcopo Compoſtellano. Luſitaniæ quoque Reges omiſerunt, qui ab Archiepiſcopo Bracarenſi poterant inungi ; Eugenius quippe IV. ad Regis Eduardi inſtantiam Bracarenſi hanc Reges inungendi dederat poteſtatem, quam Clemens XI. Joanne V. Fideliſſimo poſtulate ad Eminentiſſimum Olyſiponenſem Patriarcham anno 1720. tranſtulit. Advertendum tandem plurimos Re-

ges ab Episcopis coronam olim suscepisse, quin ab ipsis sacro oleo ungerentur, inter quos numerabitur Venerabilis Rex Alfonsus Henricus in comitiis Lamecensibus ab Archiepiscopo Bracarenfi coronatus, Theodosius Junior à Proclo Constantinopolitano, & alii.

## DISSERTATIO. III.

*Utrum Lusitania Alexandro III. vero, & legitimo Romano Pontifici adhæsit, an Callisto 3 aut 4. Antipapæ.*

**D**Um Adrianus IV. Summum Pontificatum gerebat, Cardinales in duas factiones divisi erant. Prima maior, Duce Rolando tituli S. Marci Cardinali, & Romanæ Ecclesiæ Cancellario partium erat Guillelmi Siciliæ Regis contra Fridericum Imperatorem, alia duce Octaviano S. Cæciliæ Cardinali, Friderico obsecundabat. E' vivis ablato Adriano, Cardinales, qui triginta erant, 3. die Nonas Septembris in Basilica Vaticana congregantur de Pontificis electione tractaturi. Quatuordecim Rolandum patriam Senensem, familia nobili Bandinella ortum, ex Canonico Lateranensi Cardinalem creatum Papam elegerunt, qui Alexander III. appellatus est. Ceteri novem Octavianum suum designarunt, qui Victoris IV. nomen assumpsit. Reliqui Cardinales hæsitantes primum, ad maiorem partem se adjunxerunt, & suffragia ad numerum 19. auxerunt. Recruduit schisma inter Victorem, & Alexandrum. Mortuo Victori Antipapæ successit Antipapa Paschalis III. quo etiam humana ponente, Antipapa alius designatur Joannes Strumensis Abbas, nomine post electionem Callistus III. aut IV. Galliarum, & Angliæ Reges ceu legitimū Pōtificem Alexandrum colebant. Synodi Bellovacii in Galliis, & apud Novum Mercatum in Anglia adunantur, in quibus, veluti etiam in Comitibus, Barones cum Præsulibus confidebant: earum memoria superest apud Robertum de Monte in



Appendice ad Siebertum: *Anno*, inquit, 1161. *menſe Julio*, Henricus Rex Anglorum congregavit omnes Epifcepos Normanniæ, & Abbates, & Barones apud Novum Mercatum: & Ludovicus Rex Francorum adinavit ſuos Bellovaci, & ibi tractatum eſt de receptione Pape Alexandri, & refutatione Viſtoris: & conſenſerunt Alexandro, reprobo Viſtore.

Quenam Luſitaniæ erga Alexandrum obedientiæ monumenta? meridiana luce cæcutiret, qui negaret. Alexander ad Venerabilem Regem Alfonſum Henricum literas ſuas miſit amore, & benevolentia plenas anno 1179. pro regio titulo, quas ad cap. 2. hujus operis §. 5. expoſui: ad Alexandrum ipſum in folio Petri ſublimatum Alfonſus ſuas juſſit congratulatum: *Sanctiſſimo Patri, & Domino ſummæ Apoſtolice Sedis, per Dei gratiam Pontifici Alexandro, Alfonſus eadem gratia Portugaleſium Rex, quod devotiſſimus filius optimo Patri*. Quodnam illuſtrius monumentum? Nonne anno 1163. Monafterii Alcobatiensis privilegia firmavit Alexander? Nonne eodem S. Crucis Colimbriensis? Nonne Aviſienſem Militiæ Ordinem anno 1162. à Venerabili Rege inſtitutum confirmavit? Inſinitus eſſem, imo ſatiſidioſus, ſi tot Alexandri III. Romani Pontificis diplomata in Luſitaniæ Regno promulgata, & accepta referrem, quæ hujus hiftoriæ volumine continentur. Quis umquam Viſtoris IV. Paſchalis III. aut Calliſti III. ſive IV. literas in Luſitania vidit? Quis horum Antipaparum legatos id temporis per Luſitaniam audivit? Vidit, aut audivit Germania; non Luſitania. Suos equidem miſit Alexander III. Hyacinthum, Albertum, & Odonem Cardinales, quorum memoria apud Hiſpanos omnes aſſervatur. Teſtatur Hiſtoria Monafterii de Reſloriis, teſtatur Concilium Salmanticenſe de quo Cardinalis de Aguirre tom. 5. Conciliorum anno incerto; Ordinis Militiæ S. Jacobi inſtituta teſtantur, & alia apud Natalem Alexandrum ſæculo 12. cap. 2. art. 7. & 8.

Surius tom. 3. die 26. Junii apud Eminentissimum Annalium Parentem ad annum 1161. n. 4. ait : *Interim vero præsentibus Carthusianis , ac Cisterciensibus , Alexander Pontifex à Gallis , Hispanis* ( quorum nomine Lusitani ) *brevis receptus est.* Surio consentiunt omnes Lusitani scriptores , unum si excipias Domnum Rodericum da Cunha Bracarensem Archiepiscopum , qui contrarium expresse non profert , sed ad dubitandum inducit.

Illustrissimus Præsul P. 2. Historiæ Bracarenfis Ecclesiæ cap. 17. n. 10. ait Godinum Canonicum Regularem Monasterii de Balneo à Clero , populoque de Venerabilis Regis Alfonsi consensu Bracarensem Archiepiscopum electum Romam petiisse confirmandum , quo accedens à Callisto III. sive IV. fuit consecratus , ab ipso pallium suscepit , & obtinuit veniam ad sacra Hierosolymitana visitanda loca , antequam patriam repeteret. Si Godinus à Callisto vere fuit ordinatus , & pallio exornatus ; en Hispaniarum Primas Lusitanus , & Bracarenfis Ecclesia Lusitani regni illustris portio in suo Pastore Antipapæ Callisto III. adhæsit , eum ceu legitimum Pontificem habuit , & ab Alexandro III. defecit ? An Rodericus da Cunha suæ Ecclesiæ Pastorem , ac Prædecessorem à Callisto ordinatum non incusaret , si Callistum Pseudo-Pontificem crederet ? non incusat , non arguit , nec condemnat : ergo probat , & annuit.

Illustrissimi scriptoris pace dicam Godinum non à Callisto , sed ab Alexandro III. & ordinationem , & pallium suscepisse. Post annum 1176. quo fuit electus , Romam ivit : anno 1177. & 1178. ineunte Romæ commorabatur : quo tempore Callistus III. sive IV. Alexandrum III. jam venerabatur , & Pseudo Pontificatum suum deposuerat. Eminentissimus Annalium Parens ad annum 1177. & Conciliorum Collectores hoc anno inter Fridericum , & Alexandrum pacem tenent fuisse confectam in Concilio Venetiis hac de causa celebrato , indeque Callistum schisma quoque sequenti anno abjurasse , & ab Alexandro

tanta benignitate fuisse susceptum, ut familiaritate, & mensa illum dignaretur; teste Romualdo Salernitano Archiepiscopo in Chronico Auctore coavo, qui Concilio Veneto interfuit: „Anno Dominicæ Incarnationis, ait  
 „*Romualdus*, millesimo centesimo septuagesimo octavo,  
 „mense Augusti, undecima indictione, tertia die ante finem mensis ejusdem, videlicet in festo Decollationis  
 „S. Joannis Baptistæ, Joannes de Struma, qui & a suis  
 „Callistus appellatus est; reatum suum agnoscens, montem Albanum deseruit, & apud Tusculanum ad pedes  
 „Papæ Alexandri cum quibusdam suis Clericis humilis,  
 „& devotus accessit, & in conspectu Cardinalium, & multorum se peccasse publice confessus est, dicens: Domine  
 „Venerande Papa, peccatum meum manifeste confiteor,  
 „& me auctoritate Imperiali contra Deum, Sanctam Ecclesiam, & vos egisse cognosco, sed nunc reversus ad  
 „cor delictum meum recolo, & veniam à vestra pietate depono,  
 „omnem hæresim, & schisma abjuro, & vos in dominum, & universalem Patrem totius Ecclesiæ devote recipio. Quem Alexander Papa, ut erat pius,  
 „& humilis, non objurgavit, vel reprehendit, sed secundum sibi innatam mansuetudinem benigne recepit, dicens: Frater, gaudium est super uno peccatore poenitentiam agente.... De cetero Alexander Papa cum in mensa sua honorifice habuit,.

Quod in memoriarum quodam libro Bracarensis archivi Rodericus invenit, exscripsisse se refert; ex suo penu non addidit, neque tulit. Nec illius cedicis ea est auctoritas, ut credamus facile, cum plurima alia ibidem aliis misceantur, quæ ex Pseudo Chronicorum decipulis ortum suum duxerunt. Creditum ne est Godinum Virum piûm, Alfonso Regi gratum, quem Beatum venerabantur, & appellabant, suæ patriæ Alexandro III. obedientis conscium Antipapæ partibus fuisse, & obtemperasse? Per me etiam Godinus à Callisto III. esset ordinatus: non renuam, omitto, libenter dabo. Quis, amabo, certo di-

cat illum scelus suum non purgasse, & poenitentem Alexandro vero Papæ non adhæsisse? Si Callistus ipse, ejurato schismate, adhæsit, quare alii qui Callisti partibus favebant, non adhærerent? Amplius; quid tunc Godini schisma cum Lusitaniæ regno? An quod Episcopus unus à vero Papa defecerit, totum regnum, tota provinciæ, aut nationis Ecclesia defecisse credenda est? Cardinales quidam, & Clerici Itali ab Alexandro fuere sejuncti, schisma tenuerunt; sed non tota Italia: eodem tempore in Gallicana, & Anglicana Ecclesiis viri quidam erant, qui in neutram partem declinabant, teste Arnulpho Lexoviensi in Epistola ad Cardinales Romanæ Ecclesiæ: Gallicanam tamen, & Anglicanam Ecclesias Alexandrum III. Romanum Pontificem venerantes coluisse est certum quod maxime, & laudat Arnulphus ipse non tantum in citatis literis, verum & in aliis ad Archiepiscopos Anglicanos, quæ incipiunt, *Quanta tempestate laboret Ecclesia*. Rex, Episcopi, Barones, universusque populus Lusitanus Alexandrum legitimum Christi Vicarium, Petrique successorem, non Victorem IV. non Paschalem III. non Callistum III. agnoverunt.

Urgebunt tamen: si Lusitani Episcopi Alexandro III. obedientiam præstabant; cur ab ipso ad Lateranense 3. Concilium non fuere convocati? Concilium istud anno 1179. Romæ in Basilica Lateranensi fuisse adunatum causa prohibendi in posterum schismatis scripserunt Matthæus Paris, Willhelmus Tyrius, Rogerius de Hoveden in Anglorum annalibus, & alii bene multi. Ex Hispaniarum provinciis, Toletana scilicet, Tarraconensi, & Compostellana vocati interfuerunt Episcopi, quorum nomina, Sedesque numerantur in ejusdem Concilii subscriptionibus, & actis apud Labeum: ibi nullum invenies Lusitanum Præfulem, non Lamecensem, non Vicensensem, non Colimbriensem, non Portugalem, non Bracarensem, non Olysiponensem quorum Sedes florebat: parere igitur aut recusarunt vocati; aut non fuerunt vocati ne recusarent interesse. Cur Godinus

dinus Bracarenſis, qui Romæ aderat anno 1177. quo Concilii convocatio fieri cœpta eſt, teſte Willelmo Tyrio lib. 21. de Bello ſacro cap. 26. ad annum uſque 1179. non eſt commotus, ſed in patriam abceſſit?

Ita arguent; ſed Luſitaniz id temporis eventus argumentum infirmant. Convocati fuerunt Antifites Luſitani; nam ut teſtatur jam citatus Tyrienſis Archiepiſcopus Willelmus: *Anno ab Incarnatione Domini 1178. cum anno præcedente indiſta eſſet per univerſum Latinorum orbem Romæ Synodus generalis, ad eandem Synodum vocati profecti ſunt de noſtro Oriente.* Si per univerſum Latinorum orbem indiſta eſt Synodus, ergo & per Luſitaniam in Latinorum orbe circumſcriptam. Epiſtolam ad Epiſcopos, & Abbates Tufciæ ea de re miſſam anno 1178. ad Orientales primum, deinde ad aliarum regionum Praſules eſſe directam credendum eſt: huiusmodi quippe literas eaſdem ad univerſos orbis Chriſtiani Epiſcopos dari ſolitas, ſola inſcriptione mutata, apud antiquitatum Eccleſiaſticarum peritos eſt certum. Bella, quibus Luſitania à Mauris vexabatur, Eccleſiæ quædam recens reſtaurata, quarum oves abſentem Paſtorem non ſinebant, ſeniorum Antiflitum ætates, omnia hæc erant, cur Romam non adirent generali orbis Concilio interfuturi. Eboreniſis Epiſcopus Suarius, & ſenio, & ægritudine ſic tenebatur anno 1179. ut ſequentis initio ab humanis exceſſerit: Michael Colimbrienſis anno 1176. Epiſcopatu ſe abdicaverat, & in ſuo S. Crucis Monafterio vitæ ſolitudini vacabat. Bermudus vero ejus ſucceſſor anno 1179. poſtmodum, quo menſe Decembri municipalibus de *Abrantes* ſubſcripſit, fuit electus. Portugaleſis Petrus III. anno 1175. obiit; qui ſucceſſit Ferdinandus anno 1180. in ſede ſua eſt confirmatus: quomodo ergo Concilii tempore Romam accederent? Olyſiponenſis, Lamecenſis, & Viſenſis Epiſcopi Eccleſias ſuas barbaris nuper ademptas relinquerent? oves ſuas nondum à barbarorum conſuetudine liberas, nondum bene inſtructas defererent? Ea non erat Luſitanorum Epiſcoporum indoles. Notandum.

Ss

quoque Michaellem Colimbriensem dum Episcopatum regabat, ad Alexantrum scripsisse literas, quibus ejusdem auctoritatem agnoverat, ut cap. 16. §. 3. scriptum est.

Procuratores suos, & Vicarios misisse conjicio, qui nomine suo probarent, subscriberent, firmarent; quorum tamen nomina licet in subscriptionibus, & actis apud Conciliorum collectores taceantur, silentium istud argumentum negans tanti roboris non erit, ut in contrarium convincamur. Nam ex universo orbe 300. Episcopos interfuisse ait oculatus testis Tyrius Archipræsul Willelmus citato lib. cap. 25. solos 300. Episcopos ex universo orbe fuisse per literas convocatos quis credat? An in universa Ecclesia, pro qua indicta erat Synodus, soli 300. Antistites erant? Concilium Lateranense II. sub Innocentio II. vix elapsis quadraginta annis ante Lateranense istud III. convenerunt mille circiter Episcopi, ut constat ex Abbate Uspergenſi, & Othone Frisingensi lib. 7. cap. 33. necesse igitur est dicere plurimos ultra 300. fuisse convocatos, justa tamen causa non interfuisse, aut Vicarios suos misisse, quorum etiam nomina desiderantur. Si isti schismatis non accusantur, quare absentes accusabuntur Lusitani?

Ulterius: quis umquam Lusitanos dixit Petri Leonis, qui Anacletus II. dici voluit, fautores, & factiosos, quod ad Lateranense II. Concilium anno 1139. non confluerent? aut in actorum subscriptionibus non inveniantur? Innocentius II. qui Petrum adversarium habuit Antipapam, à Lusitanis habitus est in veneratione, ei omnes parebant; teste S. Bernardo in Ep. 126. *Taceo multitudinem ceterorum, Tusciæ, Campania, Longobardiæ, Germaniæ, & Aquitaniæ, Galliarum denique, & Hispaniarum omnium... hi omnes unanimes, non conducti pecunia, non seducti fallacia, non illecti privato carnis, vel cognationis amore... sed Dei proculdubio voluntate, sicut non ignorantes, ita nec dissimulantes Petrum Leonis ingenue refutaverunt, ac securi Gregorium in Papam Innocentium II. susceperunt.* Attende Bernardi verba: *Hispaniarum omni-*

um. Vix Joannes Peculiaris Bracarenſis Antifteſ, qui id temporis pallii ſuſcipiendi cauſa Romæ erat, illi venerabili Patrum Conſeſſui interfuit; ejus tamen nomen in aſtorum ſubſcriptionibus deeſt, unde adſuiſſe agnoſcamus, nec ſciremus, niſi aliunde Joannis ipſius hiſtoria demonſtraret. Itaque ex ſubſcriptionum defectu Epiſcoporum Vicarios, aut Procuratores ad Lateranenſe III. non confluxiſſe quis credat? De Godino ſatis jam dicta ſunto.

Advertendum denique Alexandrum III. ab omnibus Europæ Regibus, ac Principibus verum Papam cognitum fuiſſe, excepto Friderico Imperatore, qui cum quinquaginta Epiſcoporum, ſaventibus Senatoribus, & nobilibus Romanis ipſi addiſtis Octavianum Pontificiis veſtimentis, quæ per vim iſte Alexandro eripuerat, ornarunt. Agnoverunt, ac venerati ſunt Galli, & Angli: Angliſ, & Gallis Luſitani quoque jungerentur, utpote qui eo tempore mutuum ſœdus pace, ac bello inierant, ritus, mores immiſcuerant. Quid Luſitania cum Friderico?

## DISSERTATIO IV.

*Utrum Idacius Epiſcopus Emeritenſis, & Ithacius Offonobenſis fuerint ab Epiſcopatu ejeſti, quod Priſcillianiſtas exagitaverint?*

**T**heſim hancce Luſitano idiomate in Academia conſeſſu expoſui brevi in lucem publicam in Academia ipſius operum collectione proditura; ſed latino fere Europæ gentium communi ſermone Hiſtoriæ Luſitanæ, cujus partem eſſe nemo neſciet, adjungam necesse ſit.

*Idacius Emeritenſis, ac Ithacius Offonobenſis fuerunt ab Epiſcopatu ejeſti.*

Non immoror in Emeritæ civitatis veteris Luſitanæ ſitu exponendo, aut Offonobæ in Algarbio, quarum Epiſcopi ex-

titerunt Idacius, & Ithacius; alibi satis dictum; nec cram-  
 bem recoquere opus est; ad facti quæstionem tantum ac-  
 cedo. Severus Sulpicius, qui floruit 5. sæculo ad finem lib.  
 2. Historiæ sacræ horum Præsulum factum posterorum me-  
 moriæ commendavit. Scripsit utrumque tum in Cæsar-au-  
 gustana Synodo, tum apud Imperatorem Gracianum, tum  
 Romæ apud S. Damasum Summum Pontificem, tum Me-  
 diolani apud D. Ambrosium ejusdem urbis Episcopum,  
 tandem apud Maximum Imperatorem tyrannum Hæreticos  
 Instancium, Salvianum, Helpidium, ac Priscillianum ag-  
 tasse, accusasse, ac damnasse: quapropter aut exilio, aut mor-  
 te pœnas dederunt, & publicum luerunt scandalum, quo His-  
 panias, Gallias, & Italias infecerunt. Priscillianus, Felicif-  
 simus, Armenus, Latronianus, & Euchrocia gladio trun-  
 cati sunt, Instancius, & Tiberianus ad Insulam Silinam,  
 aut Sorlingam in Britania, Tertullus, Potamius, & Joan-  
 nes in Gallias relegati.

Non tantum Sulpicius de Priscillianistarum accusatori-  
 bus Idacio, ac Ithacio scripsit, verum & alii aut coævus, aut  
 non longe distiti: in cathalogo de Scriptoribus Ecclesiasti-  
 cis ad annum 392. scripto ait Hieronymus: *Priscillianus*  
*Abile Episcopus, qui factione Hylatii, & Ithacii Tre-*  
*veris à Maximo tyranno cæsus est.*

S. Prosper Aquitanus scriptor sæculi 5. Mag. P. Augu-  
 stini, & Magni Leonis coætaneus inquit in chronico:  
*Ithacius, & Ursacius Episcopi ob necem Priscilliani,*  
*cujus accusatores fuerant, Ecclesiæ communione privan-*  
*tur.* Quamvis Garnerius Jesuita in Dissertat. 3. ad opera  
 Marii Mercatoris hujusmodi chronicon Prosperi genuinum  
 opus non esse censuerit, & alteri auctori cognomini ad-  
 judicaverit. Garnerii judicium inane esse convincunt Victor  
 Aquitanus Prospero eidem coævus, ac conterraneus in  
 Præfatione Cycli Paschalis ad Hilarum tunc Romanæ Ec-  
 clesiæ Diaconum, Cassiodorus lib. de Institutione Divina-  
 rum literarum cap. 17. & Isidorus Hispalensis lib. 6. Origi-  
 num cap. 17.



*Ipsemet Isidorus de Viris Illustribus Prospero adhæsit : Ithacius Hispaniarum Episcopus cognomento Clarus . . . cum Ursacio Episcopo ob necem ejusdem Priscilliani , cuius accusatores extiterant , Ecclesiæ communione privatus exilio condemnatur , ibique diem ultimum obtinuit.*

Alii rigidioris critices sunt opinati Ursacium , de quo Prosper , & Isidorus , non esse Idacium Emeritensem Episcopum , & nullo alio nixi fundamento , quam vocali nominum varietate Lusitanæ Metropolitam de crimine , & pœna liberant , quibus apud alios inuruntur. Quid ? mirumne est esse binominem ? Quot in Sacra Scriptura exempla ? Sacerdos ille filius Achitob , ad quem David à Jonatha amico suo admonitus de malo Saulis in ipsum animo venit 1. Reg. cap. 21. v. 1. &c. Achimelech dicitur , & à Marco in Evangelio cap. 3. v. 62. Abiathar appellatur. Joachim Rex Juda aliquando Eliacim , aliquando Joachim dicitur : Zorobabel etiam in lib. 1. Esdræ cap. 1. Salsabazar nominatur. Alia plurima omitto non tam apud sacros scriptores , quam profanos. Nonne Julium Imperatorem Cæsarem potius nominant , quam Julium ? Neronem potius quam Domitium ? Augustum quam Octavianum ?

Licet Prosper , ac Isidorus referant socium Ithacii in Priscilliano accusando fuisse Ursacium , quem Hieronymus Hylatium vocat , rerum eventus , & historia ipsa demonstrant , Ursacium , aut Hylatium eundem fuisse Emeritensem Idacium , de quo egit Sulpicius. Hic , qui diffusiori calamo factum istud exscripsit , inter Priscilliani accusatores alios non meminit , neque numerat , nisi Emeritensem Idacium , ac Salsobensem Ithacium : hi tantum Priscillianos exagitarunt : Prosper , & Isidorus affirmant Priscillianistarum accusatores Ecclesiæ communione esse privatos , ac in exilium missos : igitur si Idacius , & Ithacius tantum erant accusatores ; conjectandum superest Ursacium , ac Hylatium Ithacii socium eundemmet esse Idacium , de quo Sulpicius.

Advertendum sane est ad hujusmodi scriptorum verba Hieronymi : *Factione Ithacii , & Hylatii.* Prosperi , &

Idori : *Ithacius, & Ursacius Episcopi ob necem Priscilliani, cujus accusatores fuerant.* Fleury Auctor Gallus in Historia ad annum 380. fatetur Hieronymum loqui de Ithacio, & Idacio : in eadem sententia fuit Marianna de rebus Hispaniæ lib. 4. cap. 20.

Idemmet Severus Sulpicius Dialogo 3. de virtutibus S. Martini, ait Theognostum Episcopum, cujus Ecclesiam, & Diocesim ignoramus, Ithacianos condemnasse : *Interea Episcopi (Ithaciani) quorum communionem Martinus non inibat trepidi ad Regem concurrunt prædamnatos se esse conquerentes actum esse de suo omnium statu, si Theognosti pertinaciam, qui eos solum palam lata sententia condemnauerat, Martini armaret auctoritas.* Damnatio ista facta est anno 386. postquam Ithacius, & Idacius ad Maximum causam detulerunt, & ab Evodio Galliarum Præfecto gemino iudicio fuerat auditus Priscillianus, & capite plexus. En clarissimum testimonium de Ithacianorum poena.

Verum præter hanc damnationem, à qua Ithaciani in Concilio Trevirensi anno 386. Maximi iussu convocato, fuere absoluti, & liberi, existimant alii ultimo fuisse Mediolani damnatos, & ab Ecclesiæ communione privatos, ut aiunt Prosper, & Isidorus. Quis nesciat in Ecclesiæ annalibus versatus anno 390. ea in civitate adunatum Concilium, cui interfuerunt Ambrosius ejusdem Episcopus, Sabinus Placentinus, Evencius Cenetensis, Maximus Emonensis, Felix Iadrensis, Bassianus Laudensis, Theodorus Octodurenensis, Constantius Arausicanus, & alii, quorum sedes non memorantur. Propter hæresim Joviniani, & Helvidii, quæ id temporis grassabatur, præsertim adunati sunt Patres.

Ast eruditus Fleury ad annum 390. tenet eo in Concilio, aut proximiori, cui adfuerunt Galliarum Episcopi, Ithacianorum fuisse firmatam damnationem, quæ præcedenti anno fuerat prolata. Fleury sententiæ annuit Clarissimus Hermily tom. I. Histor. General. Hispaniar. ad annum 388. Nec mihi displicet, imo teneo, & sapientissimorum Bene-

diſtinorum Congregationis S. Mauri auctoritate comprobo, & oſtendo. Eruditiffimi Viri in vita S. Ambroſii ab ipſiſmet edita tom. 2. operum ejuſdem n. 112. inquit juffu Imperatoris Theodoſii Mediolani Patres conveniſſe de Ithacianorum cauſa acturi. Addunt quoque ad iſtud Mediolanenſe Concilium reſpexiſſe Taurinenſe anno 397. can. 6. quo mentio fit Ithacianorum, & Ambroſii literarum, quæ nunc non extant. En Taurinenſem Canonem : *Illud præterea decrevit ſancta Synodus, ut quoniam legatos Epifcopi Galliarum, qui Ietici communicant, deſtinarunt, ſiqui ab ejus communione ſequeſtrare voluerint, in noſtræ pacis conſortium ſuſcipiantur juxta literas venerabilis memoriæ Ambroſii Epifcopi, vel Romanæ Eccleſiæ Sacerdotis, dudum latas, quæ in Concilio legatis præſentibus recitatae ſunt.* Nota cum Baronio Eminentiffimo ad annum 386. n. 28. Felicem illum cum Ithacio communicaffe, & ab Ithacianæ factionis Epifcopis fuiſſe ordinatum Trevirenſem Antifiteſtem, per pœnitentiam tamen facinus ſuum purgaſſe ; dignus propterea, ut inter Sanctos numeraretur.

Contra tamen objiciunt Severum Sulpicium Auctorem Synchronum lib.2. Hiſtoriæ Sacræ : *Ithacius in jurgiis ſolitus ad poſtremum convictus, in eos retorquebat, quorum id mandato, & conſiliis effecerat : ſolus tamen omnium Epifcopatu detrufus. Nardacius licet minus necens ſponte ſe Epifcopatu abdicaverat.* Secundum Sulpicium ſolus Ithacius fuit ejeſtus, Nardacius vero, aut Idacius ſponte renuntiavit. Eruditus Tillemont tom. 8. Hiſtoriæ Eccleſiaſticae art. 13. de Priſcillianiſtis Sulpicium ſequitur, ex Sulpicio Proſperi, & Ilidori ſententiam corrigit, Idacium Emeritenſem è vivis jam ſublato ante Priſcilliani necem exiſtimat. Sulpicio ſe adherere inquit, quod in Priſcillianorum cauſa teſtis fuerit oculatus. Tillemontii eruditionem, & ſapientiam agnoſco, & veneror ; aſt in præſentia ab eo recedam, Proſperi, & Ilidori veſtigia ſequar.

Dicere non renuam ex Sulpicii Hiſtoria inferri Nardacium, aut Idacium ſimul cum Ithacio fuiſſe detrufum, aut

ejectum, sed Idacium minus nocentem depositionis sententiam suscepisse, & se abdicasse; Idacium vero convictum repugnasse, & in eos retorisse, quorum id mandato, & consiliis effecerat. In veteri Sulpicii editione Coloniae Agripinae inter ea verba: *Detrusus Nardacius*: dividendæ, secundæque periodi nullum signum, aut notam quisquam inveniet; & ita legitur: *Detrusus Nardacius licet minus nocens*. Unde Prosper, Isidorus, & veteres Sulpicii ejusdem sensum explicant, & declarant, à quo Tillemontius Prosperum, & Isidorum corrigendos fore judicavit.

Prosperi, & Isidori sententiam, ac veterem Sulpicii editionem juxta illorum placitum retinendam tam illustrum, ac veracium scriptorum indoles indicat. Prosper Aquitanus, qui ab ineunte sæculo 5. usque ad medium floruit, ignoraret ne, quæ in Galliarum Conciliis sæculo exeunte 4. obveniant? rem ne à coævorum memoria nondum remotam posteris traderet tot nævis, de quibus facile argueretur ab iis, qui testes fuerant oculati, & recordabantur? Isidorus ne Hispaniarum rebus apprime instructus, non procul ab Emerita, cujus Præsules audivit, & in tot Hispaniensibus Conciliis socios habuit, nesciret Metropolitæ Lusitanæ Idacii exitum? Illustrissimum Antistitem damneret, quin successores innocentem extollerent, & vindicarent? Ex Emeritenfis Ecclesiæ diptychis, quæ id temporis integra servabantur facile convinceretur Hispanensis Episcopus, si Idacius cum Ithacio ab Ecclesiæ communione non esset privatus.

Nec obstat, quod in veteri Sulpicii editione Nardacius legitur, non Idacius, aut Ursacius: quamvis Tillemontius ipse alias recentiores alleget, quæ pro Nardacio tenent *Idacius*: attamen frequentiores, imo & correctiores servant aut *Nardacius*, qui parum differt ab Ursacio, aut *Ursacius*, ut ipse fatetur nota II. de Priscillianistis. Conjicio veteres scriptores de Idacio agentes Ursacium aliquando nominasse, aliquando Nardacium, aliquando Hylatium fuisse errorem vetituros, in quem tot Idaciorum causa posteriores

steriores inciderent plures in uno confundentes. Hinc deceptus est Tritemius Abbas Spahemensis in Cathalogo de Scriptoribus Ecclesiasticis pag. 39. qui propter idemmet nomen Ithacium Olfonobenſem cum Idacio Lemicensi confundit; cum iste in Gallacia sæculo 5. in Simplicii Pontificatu floreret, ut videre est in ipsius Chronico, & Fastis Consularibus, ubi memorantur quæ longe post Priscillianum evenerunt usque ad Consulatam Mariniani, & Aſclepiodoti, quibus Consulibus Honorius Augustus Ravennæ ultimum diem clausit.

Inquit Tillemontius ante Priscilliani necem obiisse Idacium: sed non probat: imo ex Hieronymi auctoritate: *Qui factione Ithacii, & Hylatii Treveris caesus est*, utrumque in hæretici supplicium influxisse convincitur. Idacium Emeritensem simul accusat jam citatus Mariana: *Hos Idacius Emeritæ civitatis Præsul Hieronymi laude nobilis exagitandos (Priscillianos) cum suscepisset, vulnus recruduit: latiusque serpsit malum, quod contræctatum cautius fortassis curationem recepiſſet*. Post Concilium Burdigalense Idacii nomen tacuit Sulpicius, nec amplius illum memorat cum Ithacio: silentium tamen istud, ni fallor, indicat Ithacium præcipuum Priscilliani fuisse accusatorem, Idacium minus nocentem, quamvis etiam exagitaret.

Addit Tillemontius nota 11. jam citata in ea privatione ab Ecclesiæ communione, de qua Prosper, & Ilidorus, depositionem posse non contineri: quod non renuo, si depositionem ille velit, quam Theologi, ac Canonistæ degradationem realem, aut actualem dicere consueverunt: si verbalem intelligat, ab officio scilicet Episcopali privationem, dissentiam quidem. Si Ursacius ab Ecclesiæ communione cum Ithacio erat privatus, quare non ab Episcopali munere? cum istud sine altaris ministerio non valeat adimpleri secundum Innocentium III. cap. ex literis 10. de Excessibus Prælatorum.

Variæ erant excommunicationis species. Prima an-

tiquis usitatissima, qua Episcopi Collegarum, & Coepiscoporum charitate, & communione Ecclesiastica privabantur, à mutua abstinebant visitatione, solemnum in Collegarum Diocesi, dum in ea morabantur, celebratione, literarum formatarum reciproca missione, & acceptatione; in Conciliis denique auctoritate, suffragiis, & confessu. Ex Concilio Arelatenſi Can. 19. & Tarraconensi Can. 6. hujus excommunicationis pœnam incurrebat Episcopus, qui sine iusta causa ad Provinciæ Synodum non accesserat. Secunda etiam frequens apud antiquos in nuda communionis subtractione, aut denegatione posita erat: ita S. Epiphanius Salaminæ Episcopus Joanni Hierosolymitano nullo titulo sibi subdito communionem denegavit. Tertia tandem, quâ quis omnino à corpore Ecclesiæ abscinditur, habeturque sicut ethnicus, & publicanus. Ithacianos tertia excommunicationis specie fuisse damnatos indicat Canon. 6. Concilii Taurinensis, quo consortium pacis conceditur iis, qui se à Felicis ab Ithacianis ordinati communionem vellent sequestrare. Amplius: Ithacius tertia excommunicationis specie fuit irretitus: ergo & Idacius, seu Urfacius; de quo sine differentia loquitur Prosper: *Ithacius, & Urfacius Episcopi communionem Ecclesiæ privantur.*

Instant, & quidem fortius: quo jure Galliarum, & Italiæ Episcopi in Lusitaniæ Præsules hanc depositionis sententiam protulerunt? juxta veterem Ecclesiæ disciplinam tot juribus stabilitam apud Gratianum causa 6. quæst. 4. & antiquo Codice Canonum Hispaniensis Ecclesiæ apud Caetanum Cennium tom. 1. Episcopi de crimine accusati à ceteris suæ provinciæ debebant judicari in provinciæ Synodis, quæ secundum Canonem 5. Concilii Nicæni bis in anno celebrabantur. Quid Galliarum, & Italiæ Episcopis erat cum Lusitanis? Argumentum quidem non esset inermè, si Summus Pontifex Siricius, ad quem utpote universæ Ecclesiæ Pastorem hujusmodi causæ deferebantur, vices suas Mediolanensi Synodo non committeret per li-

teras, quas Taurinensis Concilii Patres præ oculis habuerunt.

Quærunt tandem quodnam sit monumentum, quo Idacius ille Priscilliani accusator Lusitaniæ Metropoli dicatur? Sulpicius Ithacium vocat Episcopum Sossibensem: Idacium licet Episcopum nominet: *Sequenti accusatores Idacius, ac Ithacius Episcopi*: Sedem, & Ecclesiam tacuit, emeritæ ætatis Sacerdotem appellavit: *Quo Adyginus Episcopus Cordubensis ex vicino agens comperto ad Idacium emeritæ ætatis Sacerdotem retulit*. Respondeo in editionibus Sulpicii correctioribus legi: *Ad Idacium Emeritæ civitatis Sacerdotem*. Præterea Idacium illum, ad quem Adyginus Cordubensis retulit Priscilliani causam, fuisse Emeritæ Præsulem ostenditur ex subscriptionibus Concilii Cæsar-augustani anno 380. pro Priscillianistis dammandis convocati, cui Idacius Emeritenensis interfuit.

Tillemonius tom. 8. art. 5. fatetur Idacium, qui ultimo loco Cæsar-augustanæ Synodo subscripsit ipsummet fuisse, qui præcedenti anno Priscillianos exagitaverat, quem ad finem art. 4. vocat Emeritensem Episcopum, & Lusitaniæ Metropolitam. Dubitat tamen, cur ultimo loco antiquus Præsul, Archiepiscopus, & Metropoli sededit, & subscripserit. Advertant, quæso, qui cum Tillemonio dubitant, legant tot venerabiles Patrum confensus, ubi secundum ordinationis tempus, non pro Ecclesiarum dignitate, aut præ eminentia sedebant, usque ad Concilium Bracarense 2. quod Can. 6. decrevit ut post Metropolitam reliqui Episcopi in sedendo ordinationis tempus observarent. Primis Ecclesiæ sæculis quodlibet ambiendi honoris signum veteres Patres abhorrebant. Quamobrem S. Gregorius Nazianzenus Orat. 18. ait: *Utinam autem ne ullius quidem Sedis principatus esset, nec ulla loci prælatio, nec tyrannica prærogativa, ut ex sola virtute cognoscere mur*.

Nec novum fuerat, quod Idacius Emeritenensis loco duodecimo post Ithacium Ossonobensem Cæsar-augustano

Concilio subscriberet: nam Liberius Emeritensis quoque Episcopus decimoquinto loco post Vincentium Ossobensem, & alios in dignitate Emeritensi Præfule inferiores Eliberitano Concilio subscripsit. Aut Eliberitani tempore per Hispanias erant Metropolitæ juxta Can. 58. ejusdem Concilii, aut nondum erant ex D. Ferdinando de Mendonça ad ipsum Can. Si erant: en adducto Liberii exemplo Tillemontii dubium evanescet: si non erant, neque etiam anno 380. quo Cæsar-augustana Synodus convocata fuit; nam primum, accertum monumentum, quod de Metropolitæ ostendent, erit Epistola Siricii Papæ ad Episcopos provinciarum Baticæ, Carthaginensis, Lusitanæ, & Gallaciæ scripta post annum 384. quo ad Summum Pontificatum evectus est. Quo admissio, quis mirabitur Idacium veluti Lusitanæ quemdam Episcopum, & non Metropolitam, ultimo loco sedisse, & subscripsisse?

An iuste fuerint depositi Idacius, & Ithacius alibi diffusius differui. Defectus lenitatis Sacerdotalis erat, cur in eos ceteri Patres inveherentur. De iis scripsit Sulpicius: „Ithacius, & Idacius Episcopi, quorum studium in ex-  
 „pugnandis hæreticis non reprehenderem, si non studio  
 „vincendi, plusquam oportuit, certassent ... eo stultitiæ  
 „procellerat (Ithacius) ut omnes etiam Sanctos Viros,  
 „quibus aut studium inerat lectionis, aut propositum erat  
 „certare jejuniis, tanquam Priscilliani socios, aut disci-  
 „pulos in crimen arcesceret., Sulpicius ipse refert Dia-  
 logo 3. de virtutibus S. Martini Turonensis Martinum cum  
 illa Ithacianæ partis communione cavisse misceri, & cum  
 quosdam ex energumenis tardius quam solebat, & gra-  
 tia minore curaret, subinde cum lacrymis fateri se pro-  
 pter communionis illius malum, cui se vel punico tem-  
 poris necessitate, non spiritu, miscuisset, detrimentum  
 sentire virtutis. S. Ambrosius in Epistola 26. Ithacianos  
 Phariseis adulteræ in Evangelio accusatoribus similes  
 fuisse ait. Tandem Latinus Pacatus Vir Ethnicus Romæ  
 in Panegyri ad Theodorum Augustum anno 391. de ipsis



ita loquitur: *Fuit delatorum genus, qui nominibus Antisites, revera autem satellites, atque adeo carnifices ... calumniabantur in sanguinem.*

## DISSERTATIO. V.

*Utrum ad sæculum usque duodecimum circa matrimonia in gradibus prohibitis fierent dispensationes.*

**R**omanos Pontifices potestatem universam Ecclesiam regendi, Ecclesiasticas ferendi leges, Œcumenica Concilia adunandi, iis præsidendi, temperandi Canones, dispensandi ve semper habuisse testatur Scriptura Sacra 21. Joannis, ubi dictum est Petro, & ejus successoribus: *Pasce oves meas*, & Matthæi 16. *Tu es Petrus, & super hanc petram ædificabo Ecclesiam meam ... tibi dabo claves Regni Cælorum: & quodcumque ligaveris super terram &c.* Testantur & Patres, quorum unus Mellissus Bernardus sæculo 12. aliorum omnium sententiam ad Eugenium III. lib. 2. de Consideratione cap. 8. exposuit: „Quis es? Sacerdos Magnus, Summus Pontifex. Tu Princeps Episcoporum: tu hæres Apostolorum: ... Nec modo ovium, sed & Pastorum omnium tu unus Pastor. Unde id probem queris? ex verbo Domini. Cui enim, non dico Episcoporum, sed etiam Apostolorum, sic absolvere, & indiscrere totæ commissæ sunt oves? Si me amas, Petre, pasce oves meas. Quas? illius, aut illius, populos civitatis, aut regionis, aut certi regni? Oves meas, inquit. Cui non planum, non designasse aliquas, sed assignasse omnes? Nihil excipitur, ubi distinguitur nihil,.

Amplissima hac potestate sibi collata licet gaudent semper Romani Pontifices, nihil eis erat antiquius quam veteres Canones observare, ac in praxim redigi jubere. Sic Zozimus Papa in Epistola 6. ad Aurelianum data scribit: „Cum adversus Patrum statuta venit, non

„tantum illorum prudentiæ, atque sententiæ, qui in æ-  
 „vum victura sanxerunt, sed ipsi quodammodo Fidei,  
 „& Catholicæ Disciplinæ irrogatur injuria. Quid enim  
 „tam sanctum, & venerabile est, quam penitus non ex-  
 „orbitare ab itinere Maiorum, quorum Canonica insti-  
 „tuta velut quædam fundamenta sunt ferendis jacta pon-  
 „deribus,? Sic Bonifacius I. ad Hilarum Narbonensem  
 Epist. 3. *Quod nequaquam possumus ferre patienter: quia*  
*convenit nos paternarum sanctionum diligentes esse custo-*  
*des.* Sic, omisiss Hormisda, Agapeto, Gelasio I. & Ma-  
 gno Gregorio id ipsum decernentibus, Eugenius III. hoc  
 sæculo de quo agimus, in Epistola 8. ad Germaniæ E-  
 piscopos loquebatur: *Contra Deum autem, & Sacrorum*  
*Canonum sanctiones nulli omnino petitioni possumus præ-*  
*bere consensum.*

Et quid à primis Ecclesiæ sæculis secundum Cano-  
 nes magis prohibitum, quam inter consanguineos matri-  
 monium? Prætermitto Epistolas Callisti I. Fabiani, & Ju-  
 lii, quas collegit Gratianus causa 35. quæst. 2. & 3. ut-  
 pote spuris, & apochriphis ab omnibus eruditiss abjudi-  
 dicatas: ad certiora monumenta veniamus. Magnus Pa-  
 rens Augustinus lib. 15. de Civitate Dei cap. 16. : *Verum*  
*quis dubitet (ait) honestius hoc tempore etiam consobri-*  
*norum prohibita esse conjugia? non solum secundum ea quæ*  
*disputavimus, propter multiplicandas affinitates, ne ha-*  
*beat duas necessitudines una persona... Sed etiam quia nesci-*  
*cio quo modo inest humanæ verecundiæ quiddam naturale,*  
*atque laudabile, ut cui debet causa propinquitatis reve-*  
*rendum honorem, ab ea contineat.* Ambrosius Epistola 60.  
 alias 48. ad Paternum inquit: *Theodosius Imperator etiam*  
*patrueles fratres, & consobrinos vetuit inter se conjugii*  
*convenire nomine, & severissimam penam statuit si quis*  
*tenerare ausus fuerit fratrum pia pignora.* Legem à Theo-  
 dosio latam ne inter consobrinos inirentur connubia, lau-  
 dat Aurelius Victor in Theodosio, eamque fortasse in-  
 dicat Augustinus supra citatis verbis: *Hoc tempore con-*

*scbrinorum prohibita esse conjugia* : desideratur tamen hæc lex in utroque Codice, & Theodosiano, & Justiniano. Patres Concilii Agathensis anno 506. Can. 61. inquirunt: *Hos incestos esse censemus, si quis consobrinæ suæ se sociaverit.* Idem prohibuit Concilium Turonense 2. anno 567. Can. 21.

Magnus Gregorius labente sæculo 6. ad S. Augustinum Anglorum Episcopum scripsit: *Terrena lex in Romana Republica permittit, ut si ve sororis, seu ducum fratrum germanorum, vel duarum filius, & filia misceantur, sed experimento didicimus, ex tali conjugio sobolem non posse succrescere, & sacra lex prohibet cognationis turpitudinem revelare.* Cum ipsis tamen Anglis recens ad Fidem conversis dispensavit Gregorius, ut in quarto gradu conjuncti sanguine possent inter se inire conjugia, quod ad ceteros fideles noluit extendi, sicut ipse scripsit Epistola 17. lib. 14. ad Felicem Messanæ civitatis Episcopum : sed communem eorum temporum disciplinam circa alios illibatam reliquit, ut ad septimam usque generationem propinqui contrahere nuptias prohiberentur. Nicolaus II. anno 1059. Romæ Concilium habuit, cui interfuerunt 113. Episcopi, & in eo statutum est Can. 11. ne matrimonia fierent inter consanguineos ad septimam usque generationem.

Hæc erat ante duodecimum sæculum circa consanguineorum matrimonia disciplina, in qua raro admodum dispensare solitam fuisse Ecclesiam fatetur Eruditus Vandespen P. 2. tit. 14. cap. 1. de Dispensat. Matrimon. Ægre enim Patres à fixis semel regulis, siue Canonibus recedi permittebant. Idcirco Alexander III. anno 1171. nuptias inter Urracam Venerabilis Regis Alfonsi Henrici filiam, & Ferdinandum II. Legionis Regem sanguine conjunctos irritas declaravit. Cælestinus III. 1195. connubium Tharasiæ Sanctii I. Lusitanæ Regis filiæ cum Alfonso Legionensi. Innocentius III. Mafaldæ ejusdem Sanctii I. filiæ cum Henrico I. Castellæ connubium nullum habuit.

Prætermitto nuptias Mathildis Lusitanæ Flandriæ Comitissæ cum Odone III. Burgundiæ Duce consanguineo à Cælestino III. irritas : Fulbertus Cameracensis Episcopus matrimonium Almarici Comitis Hannoniensis cum Isaaci Cameracensis Comitis filia noluit dispensare, sed separavit : ita Baldricus Tornacensis Episcopus in ejusdem Ecclesiæ Chronico. Almaricus Hierosolymorum Rex Agnetem Joscelini Edessani Comitis filiam quarto sibi gradu conjunctam coactus est abjurare : prætermitto & alia. sæculo 12. & antea non ignota. Uxores tamen sic nuptas viris non licebat repudiare, nisi Episcoporum Concilium causam examinaret. Ita Alexander II. Papa anno 1067. ad Guilelmum de Monstrolio : *Multorum relatione cognovimus, te propriam velie abjicere uxorem, & adherere alteri, prætendentem consanguinitatis occasionem. Unde Apostolica auctoritate interdicens mandamus tibi, ut hanc, quam nunc habes uxorem, nullatenus præsumas dimittere, vel aliam ducere donec Episcoporum religiosorum Concilium causam istam examinaverit.* Tharsia Legionis Reginæ causam in Concilio Salmantino examinarunt Episcopi Lusitani, & Legionenses ; Masaldæ vero Munio Burgensis Episcopus, & Tello Palentinus ; ut alibi est dictum.

Verum Clarissimus ille vir Cassiodorus ex Senatore Monachus, qui sæculo 6. floruit, inter consobrinos suo tempore celebrari matrimonia ex Principis dispensatione inquit lib. 7. Variarum formula 46. *Qua consobrina legitima fiat uxor.* Ait ille : *Hoc prudentes viri sequentes exemplum, longius publicam observantiam posteris transmisserunt reservantes Principi tantum beneficium consobrinis nuptiali copulatione jungendis.* Cassiodori dictum exponam. Hic de Gothorum imperio loquitur, quorum dignitates sexto, & septimo Variarum libro menit. Cassiodori tempore Arcadii lex illa *Celebrandis* 19. Cod. Justiniano de nuptiis : *Celebrandis inter consobrinos matrimonia licentia legis hujus salubritate indulta est :* Romano Imperio erat

erat in observantia *revocata prisce Juris*, Theodosianæ scilicet legis, *auctoritate*, Gothi eandem didicerant; sed ipsorum magnates consobrinas ducere non consueverant, nisi Principis beneficium obtinerent. De jure civili non dubitamus, cum Gregorius Magnus supra laudatus mentionem faceret de lege hac terrena in Romana Republica permitte, ut siue fratris, & sororis, seu duorum fratrum germanorum, seu duarum sororum filius, & filia misceantur: de Ecclesiæ lege, & consuetudine differimus.

Fortasse alicui aliquando impedimentum illud relaxaretur, ut Ambrosio dicebat Paternus citata Epistola: sed cum eodem Mediolanensi Archipræsule dico id communi illius temporis legi non præjudicasse; à qua deviare neque usus, neque consuetudo in Ecclesia, imo repugnantia. Quo interdicto Gallicanos Episcopos, & Franciæ regnum non perculit Gregorius VI. propter matrimonium cum Bertha comatre sua, spiritali cognata? & quid si consanguinea foret? Quæ vi non recusarunt Alexander III. Cælestinus III. & Innocentius III. in Lusitanarum Principum connubiis dispensandis? Quæ constantia non recusavit Hildebertus Cenomanensis Episcopus de cognationis vinculo dispensare, quamvis causa verteretur eorum, qui opibus multis, & nobilitate multa florebant; quamvis denique conjugio videntur dissensiones, & bella conspire posse? Raræ tunc temporis erant hujusmodi dispensationes. Ita Hildebertus ipse Epistola 34. apud eruditissimum Ludovicum Thomasinum Part. 2. lib. 3. cap. 29.

Christianus Lupus Augustinianus Eremita de literaria republica optime meritus tom. 4. in can. 11. Concilii Remensis pag. 187. ait sæculo 10. nulla tunc etiam Regia, vel Augusta, licet in sexto dumtaxat, aut septimo sanguinis, vel affinitatis gradu, vel ignoranter contracta, longe minus contrahenda matrimonia dispensari; sed cuncta dirimi juxta rigorem Sacrorum Canonum. Ejusmodi dispensationes adeo tunc ignorare Ecclesiam, ut Francus quidam Roma redux, similem sibi datam asseverans a Gregorio III. Papa, ac ejus

vigore prætendens inire matrimonium , gravissime omnem Galliam scandalifaverit , & à Bonifacio Episcopo id credere recusante consultus Zacharias Pontifex responderit : *Abfit ut Prædecessor noster hoc ita credatur præcepisse. Nec enim ab hac Apostolica Sede diriguntur , quæ contraria esse Patrum , sive Canonum institutis reperiuntur.*

Adjungit tamen Lupus hujusmodi impedimenta primum dispensasse Innocentium III. erga Othonem IV. Imperatorem , & filiam Philippi , qui ejus erat in imperio ambiendo æmulus ad viam paci , & concordia: muniendam. Othonis IV. & Philippi pro Germanico imperio horrenda bella quis ignoret ? Post Philippi cædem lucidum erat Othonis jus , verum Philippi filia obviabat. Hinc omnibus pacificandis Othonicum ista filia conjugium convenire censuerunt imperii proceres , ac Episcopi , quin & ipsi Apostolicæ Sedis legati , sed obstabat quartus consanguinitatis gradus. Hinc tandem ad totius Imperialis cleri , & populi preces dispensavit Innocentius , ea tamen lege , ut duo amplissima Monasteria Otho fundaret , omneque imperium largis elemosynis , & ferventibus orationibus istud Ecclesiasticæ disciplinæ vulnus compensaret.

Thomassinus vero jam laudatus primam id genus dispensationem à Paschali II. fuisse concessam Philippo I. Galliarum Regi , qui Bertradam consanguinitate sibi conjunctam duxerat , nec ab ea divelli poterat , etsi anathematum , & interdictorum fulminibus feriretur. Pontifex denique promisit se dispensaturum , dum se interim à Bertrada sejungeret , & Rex in se quoque recepit ab ea se recessurum , modo dispensatio annueretur. Hæc ex Ivone Carnotensi in Epistola ad eundem Pontificem : *Convenimus Balgenciacum ad faciendam absolutionem Regis , secundum tenorem literarum quas super hac remiserat moderatio vestra. Convenit enim Rex , & Lateralis sua , & secundum præceptum vestrum sacrosanctis Evangeliiis tactis , parati fuerunt abjurare absolute omnem carnalis copulae consuetudinem , insuper & mutuam colloctionem , nisi sub*

*testimonio personarum minime suspectarum, usque ad veram dispensationem.*

Enim vero notandum sit : dispensationes prævias ad matrimonium contrahendum frequentiores fieri ab Alexandri III. & Innocentii III. tempore, qui viam iis ampliarunt. Ante Alexandrum, & Innocentium multæ fuerunt concessæ posteriores male contracti matrimonii toleratrices. Agathense ipsum Concilium postquam consanguineorum connubiâ prohibuit, subjunxit : *Quod ita præsentî tempore prohibemus, ut ea, quæ sunt hæcenus constituta non dissolvamus.* Et de Guillelmo Normandiæ Duce, postea Anglorum Rege, qui cognatam suam Mathildem, Balduini Insulensis Flandrorum Comitû filiam duxerat, fertur in chronico Monasterii Beccensis: *Iratû Rex Guillelmus contra Lanfrancum* (Beccensis Monasterii Monachum) *eum alienavit à sua curia, cujus consiliarius extiterat, quia contradebat nuptias filiæ Comitû Flandriæ, quam sibi ipse Dux copulaverat matrimonio, quia proximitate carnis, & consanguinitatis jungebantur. Unde auctoritate Romani Pontificis tota Neutria erat supposita interdicto. Quapropter Lanfrancus Romam adiit, quanvis iturus esset occasione cujusdam heretici Berengarii, & tunc præsidebat Leo VIII. & etiam ut rogaret pro Duce Norimannorum, & uxore ejus. Igitur loquutus est cum Papa Nicolao, & ostendit, quod ejus sententia, interdictum videlicet eos gravabat: qui eos nec conjunxerit, nec separare poterat. Nam Dux puellam, quam acceperat, nullo pacto dimittere volebat. Hoc audiens, & verum esse advertens Summus Pontifex, dispensatione habita conjugium concessit, eo tamen modo quatenus Dux, & uxor ejus duo Monasteria construerent, in quibus singulas congregationes virorum, ac mulierum, coadunarent, quæ ibi sub norma sanctæ Religionis die, noctuque Deo deservirent, & pro salute eorum supplicarent.* Ex quibus vides dispensationem posteriorem male contracti matrimonii à Leone denegatam à Nicolao II. concessam fuisse. Plura alia exempla videat,

qui velit ; apud Christianum Lupum jam citatum.

Hujusmodi enim impedimenta cum sint ex jure positivo in gradibus consanguinitatis collateralibus nil mirum, quod aliquando dispensentur : de gradibus collateralibus dixi : in quolibet quippe gradu lineæ rectæ ascendentium , & descendentium jure naturali conjugium prohiberi, nec dispensari posse, tenent quamplurimi, & vix in dubium revocari permittit Auctor Collat. Andeg. tom. 2. pag. 270. quamvis alii negent, inter quos est Pontius lib. 7. cap. 31. & 32. Ivonis clarissimi Canonum compilatoris in Epistola 214. verba referam : *Dispensationis modus, qui nulli sapienti displicuit ad sedandas tantas perturbationes in aliquibus admittendus est . . . . in dispensationibus Ecclesiasticis, ubi non periclitatur fidei veritas, & morum honestas, quædam instituta temperare debemus, ut tantis Ecclesiæ ruinis subvenire valeamus.* Et in Epistola 65. *Immobiles sunt, quæ Divina lex sanxit, quæ observatæ salutem conferunt, non observatæ eandem auferunt. Mobiles vero sunt, quas lex æterna non sanxit, sed posteriorum diligentia, ratione utilitatis invenit, non ad salutem principaliter obtinendam, sed ad eam tutius muniendam. In his quibus observatis salus acquiritur, vel in quibus neglectis mors indubitata consequitur, nulla est admittenda dispensatio; sed ita sunt omnia mandata, vel interdicta servanda, sicut sunt æterna lege sancita. In his vero, quæ propter rigorem disciplinæ, vel muniendam salutem, posteriorum sanxit diligentia; si honesta, vel utilis sequatur compensatio, potest præcedere auctoritate Præsidentium diligenter deliberata dispensatio.* Dispensationum causas, & rationes ab consanguinitatis impedimentis, affinitatis-ve, ac formulas accurate, & fuse exposuit Pyrrhus Corradus in opere, cui titulus est : *Praxis dispensationum Apostolicarum* lib. 7. cap. 2. & 3. & istæ vulgo assignantur.

1. Propter angustiam loci, in quo mulier vix potest alios, quam consanguineos viros invenire : 2. propter dotem minus competentem : 3. ad conservandas in eadem familia,



& cognatione amplissimas divitias, quæ aliter dotis causa ad-  
 :liam transirent; 4. propter conservationem illustis familiæ  
 in eodem sanguine: 5. propter excellentia merita: 6. pro-  
 pter filios ex consanguinea bona fide susceptos: 7. propter  
 indotatam uxorem: 8. ut graves inimicitie inter consan-  
 guineos, vel affines componantur: 9. ut pax fiat, & con-  
 firmetur: 10. propter Oratricem excedentem vigesimum  
 quartum annum, quæ hætenus viros paris conditionis, qui-  
 bus nubere valeat, non reperit: 11. propter infamiam,  
 & scandalum sine copula: 12. propter copulam scienter in-  
 sana libidine, non vero ut facilius obtineatur dispensatio;  
 quam clausulam apponere solent Summi Pontifices in suis  
 literis, aut mandatis ad dispensandum: unde caveant maxi-  
 me Oratores, ne ad facilius dispensationem obtinendam,  
 scelus illud committant.

Sciendum tandem non tantum circa matrimonia in gra-  
 dibus prohibitis ad duodecimum usque sæculum raras, ac  
 difficiles fuisse dispensationes, verum & circa alia, quæ a  
 Sacris Canonibus prohibebantur. Sic Urbanus II. in Syno-  
 do Romana anno 1096. can. 11. cum iis, qui recens à schis-  
 maticis ordinati fuerant, dispensavit, ut suorum ordinum  
 muniis fungerentur: *Misericordiæ intuitu, magnæque ne-  
 cessitate cogente. Nullum tamen præjudicium Sacris Ca-  
 nonibus fieri volumus, sed obtineant propriam robur: &  
 cessante necessitate, illud quoque cesset, quod factum est  
 pro necessitate.*

## DISSERTATIO VI.

*Quibus in locis oblata quondam: quibus modo offerri con-  
 gruat Liturgiam?*

**D**issertationem istam, quam nuper in Academiæ Litu-  
 rgicæ operum collectione in lucem dedi, in primo vo-  
 lumine Lusitanæ Ecclesiæ Historiæ, ad quod adtinebat, præ-  
 termisi; sed ne Historia quodam modo deficiat à suis par-  
 tibus, hic non omittere existimo.

## P A R S I.

*Quibus in locis oblata quondam fuit Liturgia.*

**N**ULLA gens est, natio-ve, aut populus, qui sacris vivilibus in unam religionem colligati in locum destinatum non convenerint divina sua peracturi. Quot per universum fere orbem, qui falsum Mithicon profitebatur, sana auro, argentoque exornata, pretiosa supelectile variegata, lampadibus, cereisque coruscantia? Quot animorum vota! Quot delubra! Quot thura! Quot flamines, aut viri, aut foeminae! Ritus, vestes, omnia, quæ sacris opus erant, magnificentia, sumptu, incredibili pretio parabantur. Quæ solemnia Ephesi Dianæ! Quæ Athenis, & Laodiceæ Minervæ! Troyæ Veneri! Carthagine Belo, sive Saturno! Romæ Vestæ, Jovi, omnibus Diis! Quæ Junoni in Brutiis ad Lacinium Promontorium! Quæ Delphis Apollini! Quæ in Tenedo Bacho Omadio, Lacedemone Marti! Olyssipone Lunæ, Soli, ac Theti! Numina colere omnibus insitum, & ingentum. Deorum sacra, gentesque eos veneratum in unum confluentes locum perpauci habeamus: Hebræorum non pigeat recordari, quorum ritus, veluti Ecclesiæ futurorum umbra, & figura, dicente Apostolo, contingebant. Hierosolymis extructum est templum, quod affabre in libris sacris descriptum amplius non exscribam: sola illa civitas Sancti innumeram Judæorum gentem Deo vero hostias immolaturam, panesque sacros oblaturam ambitu suo concluderat: alibi non erat immolandum, & sacrandum. Taurorum sanguis ad carnis emundationem defecit, templi abscissum est velum, ab ortu Solis ad occasum usque secundum Malachiæ eloquium cap. 2. factum est magnum nomen Domini in gentibus, in omni loco sacrificatur, & offertur nomini ejus oblatio munda.

En Liturgiæ Sacræ conditionem, quam vetus Judæorum Propheta expresit. An quod in omni loco sacrificium

edixerit , nullus in posterum destinabitur , consecrabitur , aut parabitur ? Designabitur profecto , construetur , exornabitur. Nec alio collimat Malachiae sermo , quam ut prædicet , veteri lege abrogata novum institutum iri sacrum , quod non Hierosolymis tantum , verum & in universo orbe inter gentes foret clarificandum. A' primis Ecclesiae incunabilis , vix ex Sion exiverat lex , loca Deo dicabantur , in quibus orabat populus , verbo Dei intererat , synaximque agebat. Cyrillus Hierosolymitanus Antistes Cathedesi 16. ait Apostolos Cœnaculum , in quo Spiritum Sanctum susceperunt , in Ecclesiam consecrassse. Equidem Lucas act. 2. v. 46. de Discipulis inquit : „ Erant circa „ domos frangentes panem „ „ Qualis nam hæc fractio panis ? nisi hostiae mundæ , & sanctæ , de qua ante dixerat „ Erant perseverantes in doctrina Apostolorum , & communicatione fractionis panis ? „ Per domos frangi panem Eucharisticum , fidelibusque dividi solitum erat : frangi enim potius dicitur , quam scindi , quia Domini Discipulis eadem placentulae in usu erant , ac Hebraeis , quæ frangebantur potius , quam scindebantur.

Gentium Doctor Paulus Ecclesiae meminit 1. ad Corinth. cap. 11. auditas convenientium in Ecclesiam scissuras objurgat , Ecclesiam Dei contemnentes , veluti proprias domos ad bibendum , & manducandum non habentes increpat : in hoc eos non laudat , sed improbat , sed expellit. Ea erat prima nascentium fidelium ætate erga sacros conventus , aut Ecclesias veneratio. Quem locum Chrysostomus Homil. 36. exponit : „ Quod de pauperum conventibus Paulus , seorsimque edentibus , domos non habetis , Ecclesias contemnitis , cæteros pudore afficitis , inquit : idem mihi cum his quoque , qui hic tumultuando , clamando , omnia complent , expostulare permittetis. Quid enim domos ad nugandum non habetis ? Ecclesiam Dei contemnitis , si quis est , qui modestus , qui tacitus esse velit , corrumpitis „

Ex Apostolis Paulo , aut Jacobo regionem hancce

peragrantibus suam habeo Lusitaniam didicisse primo sæculo Ecclesias condere, revereri, ornare. Breviarium Bracarense Olyssipone editum anno 1498. in actis ad diem 26. Aprilis veluti ex traditione veteri in Ecclesia Bracarensi deposito custodita refert S. Petrum Ratensem ante ipsum Altare in Ecclesia oppidi Ratenfis comprehensum pro Christi nomine hostiam factum martyrium subiisse. Breviarium istud an vanum? an inutile? an Flavii Dextri, Anastasii, Maximi, Juliani decipulis, & erroribus, quibus abundant Hispaniæ, infectum, despiciendum, contemnendum? Nondum Hieronymus Romanus de la Higuera astus suos protulerat, fabulas suas publici juris fecerat; sola provinciarum nostrarum traditio argumentum Theologo, & Historico viro dignum prætendebatur. Quid de S. Mariæ Sacello apud Vimararum à Jacobo extracto ex inscriptione lapidea anno 1589. inventa in templo S. Mariæ de Oliveira, è cujus pariete inscriptus lapis temporum vicissitudine separabatur, ac conspicuus his verbis jamjam in lapsum imminabat.

IN HOC SIMULACRO CERERIS COLLOCAVIT JACOBUS FILIUS ZEBEDEI GERMANUS JOANNIS IMAGINEM S. MARIE III. S. S. S. X.

An lapis iste non aptum primo sæculo monumentum, quod decimo sexto adulto sæculo repertum, ac visum? Quot inscripti lapides ex imis ruderibus ætate nostra per Hispanias erepti, qui veterum sæculorum memoriam, & facta testantur? Romanos Consules, Prætores, Præfides, Cæsaresque his provinciis imperantes indicant? Quot columnæ incisæ triumphorum testimonia? Si isti veraces sunt lapides, quare non ille?

Sed Lusitaniæ limitibus non contentus ceteras Orbis plagas Christo mancipatas, in quas Apostolorum sonus exiverat, credo ab iisdem Ecclesiarum usum accepisse, fundasse, extruxisse, in quibus Liturgia ageretur. Non una erat Hierosolymis, Corinthi-ve consuetudo, & alia Romæ,

Romæ, Achaïæ, Ephesi, in Africa. Quapropter Tertulianus lib. de Præscriptionibus cap. 36. ut traditionum veritas tuto dignoscatur, ad Ecclesias Apostolicas provocat, apud quas ipsæ authenticæ eorum *litteræ* recitantur: sonantes vocem, & representantes faciem uniuscujusque. Ex Codice antiquissimo Bibliothecæ Reginae Sueciæ, in quo aliquot fragmenta ex diversis Martyrologiis in unum collecta sunt, hæc dicuntur Kalendis Augusti: *Romæ dedicatio primæ Ecclesiæ à Beato Petro constructæ, & consecratæ*. Quæ autem fuerit Ecclesia illa in Urbe ab Apostolorum Principe consecrata, an S. Eudoxiæ in Exquilis, sive S. Petri ad vincula postea dicta; an Pastoris, nunc S. Pudentianæ in colle Viminali, an alia, à Luca Dacherio diligenter exquiritur Exercit. 2. ad diem 1. Augusti.

In lib. Recognitionum, qui ab Eusebio lib. 3. Historiæ Ecclesiasticæ cap. 33. Clementi Papæ abjudicatur, Auctoris tamen est antiqui, fertur Petrum Antiochiæ Theophili domum in Ecclesiam convertisse. Philo Hebræus, qui pro Judæis legationem susceperat ad Cajum Imperatorem, Tiberii successorem in libro de vita contemplativa, & supplicum virtutibus sacra Christianorum ædis apud Alexandrinos in Ægypto mentionem fecit: *Est quoque agro fere ædes sacra, in qua illi ab aliis separati, sejunctique, vitæ piæ, & propter virtutem augusta mysteria obeunt*. In Galliis apud Biturigas urbem Leocadius Senator Christianus factus domum suam fecit Ecclesiam; ex Gregorio Turonensi lib. 1. Hist. Francorum cap. 31. Quid luculentum Lampridii testimonium prætermittam? Cum locum publicum Christiani occupassent ibidem Ecclesiam erecturi, & Popinarii vellent sibi vendicare, refert Lampridius Alexandrum Imperatorem rescriptum edidisse, melius fore Deo dedicari, quam à Popinariis possideri. Quapropter fertur eo loco Christianos Ecclesiam erexisse Sanctissimæ Virginis Partui, quam Eminentissimus Annalium Parens Baronius ad annum Christ. 224. fuisse Sanctæ Mariæ trans Tiberim à Callisto I. extructam,

quam refert antiquissimus liber de Romanis Pontificibus in vita Callisti I. qui Alexandri tempore vivebat.

Clarum etiam Ecclesiarum monumentum per Hispanias primis sæculis fuit Concilium Eliberitanum anno 305. convocatum can. 21. quo decretum est, ut si quis in civitate positus per tres Dominicas Ecclesiam non accesserit, pauco tempore abstineat, ut correptus esse videatur. Quid ad Ecclesias diebus Dominicis conflueret populus, nisi sacra cum civitatis Episcopo peractum? Jam diu lex illa, & consuetudo viguerat, de qua S. Justinus Apolog. 2. *Solis qui dicitur die omnium, qui in oppido, vel ruri degunt, in eundem locum conventus fit .... precibus peractis, panis offertur, & vinum, & aqua: & præpositus itidem quantum pro virili sua potest, preces, & gratiarum actiones fundit, & populus fauste acclamat dicens: Amen; & distributio, communicatioque fit eorum, in quibus gratiæ actæ sunt.*

Nec necessum existimo auctoritate ferri Clementis Papæ in Epistola ad Jacobum fratrem Domini, quam adset Gratianus cap. Ecclesias 13. de Ecclesiis. consecrat. & Missarum celebrat. *Ecclesias per congrua, & utilia facite loca, quæ divinis precibus sacrare oportet; & in singulis Sacerdotes divinis orationibus Deo dicatos poni, quos ab omnibus venerari oportet, & non à quoquam gravari.* Egregium quidem pro universali Ecclesia de locis primo sæculo Deo consecratis testimonium, nisi eruditis omnibus esset suspectum, & merito; quippe quod inscriptum est anno 68. Eræ vulgaris post Sancti Petri obitum, qui anno 64. contigit, & ad Jacobum scribi non poterat, qui septem ante Petri martyrium annis Hierosolymis fuerat occisus. Suppositis etiam adscribitur Hygini Papæ decretum à Gratiano citatum in eadem dist. 1. de Consecrat. cap. omnes 3. *Omnes Basilicæ cum Missa debent consecrari.*

Ast hujuscemodi Ecclesiæ non sumptuosæ, non magnificæ: quamobrem confectis adnumeretur necesse est

templum à S. Celerina Eborensi in S. Torpetis honorem magnopere sæculo 1. extructum; cum mediis in persecutionibus, quæ statim à Christiani nominis ortu sub Ethnicis Imperatoribus per universum Romanum Imperium fuere excitatæ, privatæ domus Ecclesiæ dicerentur, non loca sublimia, non elata, non pretiosa supellectile exornata, quæ impiis dignoscerentur. Unde Origines lib. 8. contra Celsum Gentilibus opponit: *Sic enim templa, & statuas erigunt illis, quos recensuit. Nos autem* (Christiani) *a nostro erga divinitatem cultu res illas rejicimus, ut magis convenientes demoniis.* Et Lactantius lib. 6. Divinar. Instit. cap. 2. *Sit nobis Deus non in templis, sed in corde nostro consecratus.* Nihil Christianis iis magis erat observandum, quam Ecclesias, & conventus suos occultare.

Unde enim erat, quod persecutione fervente fidelibus delendis religio feracius emergeret? quia scilicet Christianorum multitudo lateret. Unde quod deprehensi aliqui, ac super secta interrogati non deficerent, nisi quos martyrii socios viderant certatim ad agonem confluere? quia delatores severissimis poenis puniebantur. Unde erat, quod provinciarum Praefides sibi blandirentur Christianum penitus nomen eradicasse, nisi quia fideles ignorarentur? Qui autem ignorarentur, si publicæ iis temporibus essent Ecclesiæ, in quas credentium turba sese reciperet? Proferatur aliqua ex iis Basilicis solo aquata, & everfa, dum toties in Christianos sævitum est, nisi sæculo 3. jam exeunte anno Christi 294. Diocletiani decimo, qui mense Xanthico, quem Romani Aprilem vocabant, Flaviano provinciam Palæstinam regente, ubique edicta proposuit, quibus imperavit Ecclesias solo aquari, & sacros Codices flammis absumi juxta Eusebium de Martyribus Palæstinæ pag. 130. ex Henrici Valesii editione. Martyrologium quoque Romanum ad diem 25. Decembris commemorat Nicomediæ passionem multorum millium Martyrum, qui cum in Christi Natali ad Dominicum convenissent, Diocletianus Ecclesiæ januas claudi jussit, & ignem circum circa parari.

Enim vero sævientibus persecutionibus, præter Ecclesias, ubicumque posset conventus fidelium fieri, ibi Liturgia peragebatur, in carceribus, in cryptis, in diversoriis. Theodoricus Ruinart in Act. Martyr. in S. Lucianum Presbyterum Antiochenum anno 312. refert Lucianum Theophaniorum die supra pectus suum, cum Altare deficeret, Sacra Mysteria celebrasse paulo antequam pateretur, cum jam vulneribus ita esset attritus, ut vix posset moveri; quod fortasse imitatus est Theodoretus Cyri Episcopus, qui ut ipse ait in Historia Religiosa cap. 20. in cella Marii Monachi spiritualis, mysticique sacrificii desiderio affecti Diaconorum manibus pro Altari usus salutare sacrum obtulit. Eusebius lib. 7. Historiæ Ecclesiasticæ cap. 22. Dionysium Alexandrinum ita ad populum adloquentem affert: *Cumque soli ab omnibus fugaremur, atque opprimeremur, nihilominus tunc quoque festos egimus dies. Quivis denique locus, in quo varias ærumnas sigillatim pertulimus: ager, inquam, solitudo, navis, stabulum, carcer instar templi ad sacros conventus peragendos fuit.* Ex Actis SS. Processi, & Martiniani, Clementis Ancyran, aliorumque Martyrum agnoscimus in carceribus sacrum peragi fuisse morem. Bollandus die 15. Februarii ex Monbrizio inquit, Apollonium Brixientem Antistitem in sindone cœlitus demissa Missam in carcere celebrasse. Adhuc Romæ extant cryptæ variis cuniculis, ac anfractibus effosæ, quas merito demirantur quotquot ingrediuntur, & in quibus divina mysteria olim agebantur: de iis ingentia duo volumina Italicè scripsit Jacobus Boslius; sed his jam omissis ad secundam Dissertationis partem revertamur.



## P A R S II.

*Quibus locis modo congruat Liturgiam celebrari.*

Ubi feliciora illuxerunt tempora, & Ecclesiæ reddita est pax usque ad ætatem nostram ad fidelium conventus peragendos, sacraque obeunda mysteria erigi, & consecrari cœperunt templa. Magno Constantino Ecclesiasticæ pacis anno 312. auctore, rei Christianæ custode, & propagatore, qua amplitudine, quibus fastigiis, quo splendore sacræ non efferebantur ædes, in quibus Liturgia sacra offerretur? Ecclesiisque ex auro, argentoque quamplurima erant ornamenta, quæ teste Optato Milevitano de Schismate Donatistarum lib. 1. nec defodere terræ, nec secum portare quis posset: iis publice apponebantur nomina Basilicarum ob magnificam, regiamque structuram; Martyriorum ob Sanctorum memoriam, & monumentum; Dominicorum à Latinis, Kiriacorum à Græcis, quod in cultum supremi Regis, ac Domini concederentur; Catholicæ Conciliorum, quod Christiani illuc confluerent. Auræ quoque dicebantur propter ornatum, sacrorumque donariorum pretium, numerum, ac amplitudinem. Templi nomen Gentilium, & Christianorum commune erat. Hinc S. Hieronymus Ep. ad Riparium adversus Vigilantium: *Angeli, qui candidis vestibus utebantur mortuo cadaveri, atque polluto præbebant excubias, ut post multa sæcula Dormitanti somniaret, imo crederet immundissimam crapulem, & cum Juliano persecutere Sanctorum Basilicas, aut destrueret, aut in templa converteret?*

Eusebius lib. 10. Historiæ Ecclesiasticæ cap. 3. Ecclesiarum majestatem post redditam pacem sic descripsit: „Post  
„ hæc votivum nobis, ac desideratum spectaculum præbeba-  
„ tur dedicationum scilicet festivitas per singulas urbes, &  
„ oratoriorum recens extructorum consecrationes: ad hæc

„ Episcoporum conventus, peregrinorum ab externis, &  
 „ procul disitis regionibus concursus: populorum mutua in-  
 „ ter se charitas, ac benevolentia cum membra corporis Chri-  
 „ sti in unam compagem coalescerent... Jam vero Antisti-  
 „ tum absolutissimæ cæremoniæ, & accuratæ, sacrificia Sa-  
 „ cerdotum, & divini quidam, augustique Ecclesiæ ritus;  
 „ hinc psalmos canentium, & reliquas nobis divinitus tra-  
 „ ditas voces auscultantium; illinc divina, & arcana obe-  
 „ untium mysteria,,. Constantinus ipse quamplurimas con-  
 „ di Ecclesias præscripsit, qua structura, qua opulentia in-  
 „ signes. Beatissimum illum Dominicæ Resurrectionis locum,  
 „ qui erat Hierosolymis, illustrem, ac venerabilem cunctis  
 „ mortalibus efficere officii sui esse existimavit, & conse-  
 „ cratum oratorium ibidem extrui mandavit. Monumentum  
 „ istud Sancti Sepulchri ea elegantia decorabatur, ut ex  
 „ Eusebio lib. 3. Historiæ cap. 31. omnes quantumvis exi-  
 „ mias singularum urbium fabricas unum facile superaret;  
 „ ad solemnem ejus consecrationem Episcopos omnes, qui  
 „ ad Tyri Synodum convenerant, Augustissimus Imperator  
 „ invitavit.

Alia quoque ejusdem rationis loca duabus sacris spe-  
 „ luncis nobilitata ambitioso cultu exornare aggressus est,  
 „ & speluncam quidem illam, in qua Salvator noster in carne  
 „ nasci sustinuit, convenienti honore affecit, & in altera  
 „ Dominicæ Ascensionis, quæ in montis vertice olim con-  
 „ tingerat, memoriam honoravit. In civitate nominis sui  
 „ plurima oratoria erexit, amplissimaque Martyria, & splen-  
 „ didissimas aedes partim in suburbiis, partim in ipsa civita-  
 „ te constructas. Nicomediam urbem Bithiniæ primariam  
 „ pulcherrimo Ecclesiæ monumento in honorem Servatoris,  
 „ & totius Orientis Metropolim, quæ ab Antiocho nomen  
 „ traxit, templo longissimi ambitus exornavit. Romæ Sardin-  
 „ iæ insulam, domum scilicet ita dictam, à ceteris avul-  
 „ sam, cujus angulos viæ, seu vici undequaque cingebant,  
 „ sicut insulas maritimas undique pelagus ambit, Basilicæ SS.  
 „ Martyrum Marcellini Presbyteri, & Petri Exorcistæ dono

dedit : eadem in Urbe Palatium Lateranense in magnificam Ecclesiam converti curavit , quæ ex ejus nomine Basilica Constantiniana nuncupata est. Ut munificentiam suam largissimus Imperator erga Ecclesias ostenderet , anno 321. Consulibus Crispo 2. & Const. 2. Cæs. ad populum legem dedit , quæ est 1. in Cod. Justiniano de Sacrosanctis Ecclesiis , ut unusquisque haberet licentiam Sanctissimo Catholico , venerabilique Concilio ( Ecclesiæ ) decedens bonorum , quod optaverit , relinquere : & non essent cassa judicia ejus : Constantini pietatem imitata est Helena ejus Mater , deinde imitati sunt ceteri Cæsares , Reges , ac Principes , qui Christianam Religionem amplexabantur , & idolorum templa in Martyrum Basilicas convertebant , & aliorum Sanctorum. Romæ templum omnium Deorum in omnium Martyrum , & templum Castoris , & Pollucis in Sanctorum Cosmæ , & Damiani conversa sunt. Prope Pacem Juliam in Lusitania Jovis in Sanctorum Justi , & Pastoris : Bracaræ in Interamneni Provincia Isidis sanum in Sanctæ Mariæ : alia plurima prætermitto.

Ceteris omiſſis Basilicarum partibus , Altare ad Liturgiæ celebrationem præcipuus locus erat. Apud Orientales unum in quolibet templo , & adhuc ex antiquissimo ritu usus servatur , cujus unitatis analogiam juxta Eminentissimum Bonam Rerum Liturgicarum lib. 1. cap. 4. accipiunt , quia unus est Christus , una Ecclesia , unum Sacrificium ; sed plura juxta quodlibet templum , aut longe distita , aut per ambitum erigebantur , & paræcias vocant quasi Ecclesiarum appendices. Apud Occidentales privata Altaria plura intra Ecclesiam ; & hujus ritus vestigia extant apud Ambrosium in Epistola ad Sororem 20. alias 33. *Næ Altaria tencho vitam obsecrans . sed pro Altaribus gratius immolor.* Gregorius Magnus lib. 6. Epist. 49. ad Palladium Episcopum Santonensem meminit tredecim Altarium ab eo Episcopo in novo temolo erectorum : „ Veniens lator præsentium Lupanarius Presbyter vester „ insinuavit nobis fraternitatem vestram Ecclesiam in ho-

„norem Sanctorum Petri, & Pauli Apostolorum, necnon  
 „Laurentii, atque Pancratii Martyrum construxisse, at-  
 „que illic tredecim Altaria collocasse, ex quibus quatuor  
 „nec dum dedicata comperimus remansisse, ad hoc quod  
 „supra dictorum Sanctorum reliquias illic collocare Deo an-  
 „nuente disponitis, Quapropter non audiendus est Calvi-  
 nianus homo Carolus Molinæus lib. 2. Controv. cap. 17.  
 quicertat unicum Altare in singulis Ecclesiis permitten-  
 dum ex Apostolica consuetudine; & Hieronymi aucto-  
 ritate innititur in cap. Osee 2. v. 13. scribentis Ecclesiam  
 habere unum Altare, Hæreticos autem plurima. Verum  
 quis Hieronymum non intelligat Altaris nomine de fide  
 loqui, atque Ecclesiæ communionem? unde eo loci de Hæ-  
 reticis ait: *Habent tot Altaria, quot schismata.* Qua  
 phrasi usi sunt Cyprianus, Optatus, & Magnus Augusti-  
 nus erga eos, qui ab Ecclesiæ unione secedentes *erigunt*  
*Altare contra Altare.* Cardinalis Bona lib. 2. Rer. Li-  
 turg. cap. 14. non invitus ad eorum iudicium accedit cre-  
 visse numerum Altarium, & Sacerdotum, postquam po-  
 pulus, qui Missæ aderat (aderant autem omnes) desit  
 communicare: nam cum omnes uni missæ præsentessent,  
 & communicarent, pluries celebrare necessum non erat.  
 Equidem in Ecclesia Antisiodorensi, ut ejusdem Conci-  
 lium decrevit anno 578. can. 10. non licebat super uno  
 Altari una die duas Missas dicere, quare plura erigi Al-  
 taria oportebat.

Circa Altarium materiam nihil fuit prioribus quatuor  
 Ecclesiæ sæculis definitum. Quarto sæculo, aut in Altari  
 ligneo, aut lapideo Liturgia offerebatur. De lapideo scri-  
 psit Gregorius Nyssenus Orat. in S. Christi Baptisma: *Al-  
 tare hoc sanctum, cui adhsimus, lapis est natura com-  
 munis, nihil differens ab aliis crustis lapideis, ex qui-  
 bus parietes nostri extruuntur, & pavimenta exornantur.*  
 De ligneo Athanasius in Historia Arianorum ad Solitarios:  
*Cum rapuissent subsellia, & Catbedram, & mensam,*  
*erat enim lignea, & vela Ecclesiæ.* Augustinus quoque  
 lib. 3.

lib. 3. contra Cresconium Donatistam cap. 43. ait Maximianum Episcopum Catholicum Bagajensem, dicta inter partes judiciaria sententia, Basilicam fundi Calvianensis evicisse, quam Donatistæ illicite usurpaverant, & cum hanc jure perspicuo retineret, in ea ipsa sub Altari, quo confugerat, eodem supra se fracto, ejusque lignis, atque fustibus, ferro etiam fuisse cæsum. In Titulo S. Pudentianæ Romæ servatur Altare ligneum, in quo Apostolorum Princeps fertur consecrasse, & Cæremoniale Parisiense pag. 9. continet: „Altaria olim aliquando lignea, ut Romæ „Altare Basilicæ Lateranensis, in quo nunc solus Pontifex, „aut Cardinalis, rem sacram facit: & in Galliis apud „Compendium Altare maius Abbatialis Ecclesiæ S. Corneli, „lii à Joanne VIII. Papa consecratum anno 877. die 5. „Martii, „Erant & Altaria argentea; nam in libro Pontificali legitur Magnum Constantinum in Basilica Constantiana collocasse altaria septem ex argento purissimo pensans singulum libras 260. & Sixtus III. donasse fertur Basilicæ S. Mariæ Altare argenteum pensans libras 300.

Postea Ecclesia sancivit, ut nemine liceret Liturgiam agere, nisi in Altari lapideo consecrato. Decretum istud alii S. Sylvestro, qui Constantini tempore Ecclesiam universam moderabatur, Auctori tribuunt; sed nulla illius apud veteres memoria. Quis id primus certa lege firmaverit, adhuc incertum. Primum de hoc scriptum est ex Concilio Epaonensi in Gallis anno 517. & collegit Gratianus cap. Altaria 31. de Ecclesiarum consecrat. *Altaria si non fuerint lapidea, Chrismatis Unctione non consecrentur.* Adeoque lex illa in Ecclesia viguit, ut Alexander III. anno 1170. cap. 1. de Consecratione Ecclesiæ, vel Altaris statuerit, ut si *Altare motum fuerit, aut lapis ille solummodo supra positus, qui sigillum continet, confRACTUS, aut etiam diminutus, debeat denuo consecrari.* Quid dignius, quam ut non solum remotus sacrificii locus consecraretur, verum & proximus, in quo sacrum ipsum celebratur? Et sicut non alii, quam sacri Domino Sacer-

dores debent Sacrificia offerre, sic nec in aliis, quam Domino sacratis locis licet offerre.

Non abs re esset si hic de Ecclesiarum cōsecratione quid attingerem, sed de sola cōsecratione Altarium, quæ Sacrificii loca proxima nominavit Romanus Pontifex Alexander, pauca exsolvam. Non aliter consecrantur, nisi Sanctorum Martyrum Reliquiæ adhibeantur. Hieronymus adversus Vigilantium, Martyrum cultum impiis scriptis convellere conantem inquit: „Male ergo facit Romanus Episcopus, qui „super mortuorum hominum Petri, & Pauli secundum nos „ossa veneranda, secundum te vilem pulvisculum offert Domino Sacrificia, & tumulos eorum Christi arbitratur „Altaria,„ M. P. Augustinus lib. 20. contra Faustum Manichæum cap. 21. ait: „Populus Christianus memorias Martyrum religiosa solemnitate concelebrat, & ad excitandam imitationem, & ut meritis eorum consocietur, atque „orationibus adjuvetur; ita tamen, ut nulli Martyrum, „sed ipsi Deo Martyrum sacrificemus, quamvis in memoriis Martyrum constituamus Altaria,„ Gregorius Magnus jam supra citatus ad Episcopum Santonensem Martyrum Reliquias misit Altaria consecraturum. Concilium Carthaginense 5. can. 4. statuit, ut Altaria, quæ passim per agros, & per villas tamquam memoriæ Martyrum construebantur, in quibus nullum corpus, aut Reliquiæ Martyrum conditæ probarentur ab Episcopis loci, si fieri posset, everterentur. Si autem hoc propter tumultuos populares non sineretur, plebes tamen admonerentur, ne illa loca frequentarent, ut qui recte saperent, nulla superstitione tenerentur.

Antiquissima hæc consuetudo ubique Ecclesiæ recepta fert, ut Martyrum Reliquiæ in Altarium consecratione asponantur, quorum animas sub Altari Dei Joannes vidit cap. 6. Apocalypseos: & ex eo fidei dogmate oritur, qua Sanctorum communionem credimus, & profitemur. Catholici enim ut id factis ostenderent, iis in locis ad orationes, & Divina Myſteria communicanda accedebant,

in quibus Sanctorum erant Reliquiæ, ut eo modo, qui juxta defunctorum statum liceret, cum illis communicarent.

Licet pro Sacrificii celebratione Ecclesiæ publicæ erigerentur, in privatis etiam quandoque cubiculis ob speciales rationes Missas peragi a veteribus constat. Marcel- lum Papam sacrificasse in domo Lucinæ commemorant ejus acta. Gregorius Nazianzenus Orat. 19. in laudem Patris sui scripsit illum in cubiculo privatim egisse sacrum: Ambrosius Romæ in quadam domo Trans Tyberim, teste Paulino in ejus vita, Sacrificium obtulit. Magnus Parens Aug. lib. 22. de Civitate Dei cap. 8. inquit, virum Tribunitium Hesperium habentem in territorio Fustalenti fundum Zubedi appellatum, ubi cum afflictione animalium, & servorum suorum domum suam spirituum malignorum vim noxiam perpeti comperisset, rogasse Presbyteros Hipponenses, ut aliquis eorum illo pergeret, cujus orationibus cederent: quorum unus perrexit, & obtulit ibi Sacrificium Corporis Christi, orans quantum potuit, ut cessaret illa vexatio, & Deo protinus miserante, cessavit: sed hujusmodi facta, aut propter infirmos sacro Domini Corpore reficiendos, aut ex alia aquissima causa, Sacris Canonibus profecto non adversantur; alioquin interdictum fuerat privatis in domibus celebrare.

Concilium Parisiense 6 ex quatuor provinciis Remensi scilicet, Senonensi, Turonensi, & Rothomagensi sub Ludovico Pio Francorum Rege anno 829. congregatum cap. 47. Missam in domibus privatis, aut ædiculis, aut oratoriis peragi prohibuit, nisi necessitas compelleret. Apud Gratianum dist. 1. de Consecratione, legitur Canon, *Unicuique* 3. Concilii Aurelianensis, ut unicuique fidelium in domo sua oratorium liceret habere, & ibi orare, Missas autem non celebrare: quod etiam Tridentinæ Synodo placuit, quæ in Sess. 22. in Decreto de observandis, & evitandis in celebratione Missæ decrevit, ne Ordinarii locorum paterentur privatis in domibus, atque omnino extra

Ecclesiam, & ad divinum cultum dedicata oratoria ab eisdem Ordinariis designanda, & visitanda, Sanctum hoc Sacrificium à Sæcularibus, aut à Regularibus quibuscumque peragi. Ex hoc decreto juxta ea, quæ per Encyclicas literas Episcopis significavit sacra Congregatio ejusdem Concilii interpret die 25. Octobris anno 1615. jussu Pauli V. facultas hujusmodi licentias dandi in oratoriis privatis soli Romano Pontifici est reservata; de quo etiam diffuso, ac erudito calamo egit desideratissimus Academiæ nostræ Fundator, & Parens Sanctissimus D. Benedictus XIV. de Sacrosancto Missæ Sacrificio lib. I. cap. I.

Dissertationi tamen finem jam impositurus notandum existimo, legem prohibentem nequis Missam alibi celebret, quam in Ecclesiis, aut oratoriis publicis, privatisve ita restringi; si Missa in ejusmodi locis nequeat celebrari, nisi necessitas urgeat, modo locus, in quo sit, nihil indecori habeat: juxta Can. *Concedimus* dist. I. de Consecratione: *In itinere positis, si Ecclesia defuerit sub dio, in tentoriis, si tabula Altaris consecrata, ceteraque sacra ministeria ad id officium pertinentia ibi affuerint, Missarum solemnia celebrari concedimus, aliter omnino interdici-mus.* Canon iste licet neque ex Romanorum Pontificum, neque Generalium Conciliorum decretis desumptus sit, communi consuetudine recipitur, & æquum est Missam, si causa interveniat, extra Tempa, & capellas celebrari; exemplum sit Capellanorum Exercitibus Sacramenta administrantium, quibus licet sacrum agere in castris: eorum quoque, qui perfidelium regiones iter faciunt, in quibus Catholicæ Religionis usus prohibetur, & iis licet in quovis loco honesto Missam celebrare, semper verò super petra.

Denique navigantium sit, qui olim diu Missa carere-reunt: & quamvis si suos passi fuerint adversarios, & impugnatores, propter continuam navium vacillationem, & effusionis sanguinis periculum; suos etiam habuere approbatores, & patronos. Nullo quippe jure prohibetur



peragi Missam super aquas, nec navis locus est tanto sacrificio indignus; plura enim quis neget antiquitatis exempla, ex quibus non tantum pluries Missæ in mari celebrabantur, sed continuo super naves Eucharistiam deferri mos erat. Magnus Gregorius lib. 3. Dialogorum cap. 36. refert de Maximiniano Syracusanæ Civitatis Episcopo, qui cum Constantinopoli Romam rediret, in mari Adriatico nimia tempestate est comprehensus. Cum elevati fluctus favient, ex navi clavis perditis, arbor abscissa est, vela in undis projecta, totumque vas navis quassatum nimis fluctibus ab omni fuerat sua compage dilutum: tunc in eadem navi residentes non jam ex morte vicina, sed ex ipsa ejus præsentia, ac visione turbati omnes, sibi met pacem dederunt, Corpus, & Sanguinem Redemptoris acceperunt, Deo se singuli commendantes; ut eorum animas benigne susciperet, quorum corpora in tam pavenda morte tradiderat. Sed Omnipotens Deus, qui eorum mentes mirabiliter terruit, eorum quoque vitam mirabiliter servavit.

Inter approbatores quoque fuit S. Wulfrānus Archiepiscopus Senonensis, teste Jona Monacho Fontanellensi in ejus vita apud Bollandum die 20. Martii: qui dum in Phrīsiā navigaret, & esset in medio mari, quod adjacet regioni Morinorum, adfuit hora, qua Missam cantaret, mari manente immobili: denique dum ventum esset ad locum, quo minister offerret patenam, Wulfrannus manu extensa eam expectabat, sed dum Minister eam abluere vellet, in mare cecidit, prostratusque pedibus Sancti, veniam precabatur, qui mittens eum ad locum unde ceciderat, effecit ut patena ab imo maris evecta, manui Ministri cogeretur. Sanctus Ludovicus Galliarum Rex à partibus transmarinis in Gallias rediens quotidie in mari sacrum celebrari faciebat. *Ex quibus (scribit Eminentissimus Baronius ad annum 800.) intelligis, lecler, non desistisse Sanctos viros in mari etiam cum tranquillitas esset, relictæ anchoris navi, celebrare ibi sacrificium Sacri-*

358 HISTORIA ECCLESIAE LUSITANÆ.  
*ficiū Missæ Deo maxime gratum, quod ipse tantæ editio-  
ne miraculi patefecit. Clemens VIII. ac Paulus V. Roma-  
ni Pontifices celebrari concesserunt in navibus ad Indiam  
navigantibus: consimile indultum fuit anno 1706. à Cle-  
mente XI. pro navibus Hispaniarum, & anno 1716. pro Tri-  
remibus classis Pontificiæ. Et praxis ista jam in more est  
apud omnes, quorum naves aptæ, & commodæ, in mari  
tranquillo, sereno cœlo, & nullo extante periculo, quo  
effundatur Sanguis, aut Hostia vento moveatur. Nec ultra  
progredi juvat, sed relata sufficiunt, quæ Sapientissimo-  
rum Lectorum judicio sisto, & quiesco.*

---

# EPISCOPI

## ECCLESIAE LUSITANÆ

*Sæculi 12.*

### EPISCOPI BRACARENSES.

- |               |              |
|---------------|--------------|
| 1. Mauricius. | 4. Godinus.  |
| 2. Pelagius.  | 5. Martinus. |
| 3. Joannes.   |              |

### EPISCOPI COLIMBRIENSES.

- |                    |                 |
|--------------------|-----------------|
| 1. Mauricius.      | 5. Michael.     |
| 2. Gondisalvus II. | 6. Bermudus.    |
| 3. Bernardus.      | 7. Martinus II. |
| 4. Joannes.        | 8. Petrus II.   |

### EPISCOPI OLISYPONENSES.

- |               |             |
|---------------|-------------|
| 1. Gilbertus. | 3. Alvarus. |
| 2. Antonius.  | 4. Suarius. |

EPISCOPI ALGARBIENSES.  
Nicolaus.

EPISCOPI EBORENSES.

1. Suarius. 2. Pelagius.

EPISCOPI PORTUGALENSES.

1. Hugo. 5. Petrus III.  
2. Joannes. 6. Ferdinandus.  
3. Petrus I. 7. Martinus I.  
4. Petrus II. 8. Martinus II.

EPISCOPI LAMECENSES.

1. Menendus. 3. Joannes.  
2. Godinus. 4. Petrus.

EPISCOPI VISENSES.

1. Odorius. 4. Godinus.  
2. Gondifalvus. 5. Joannes.  
3. Marcus. 6. Nicolaus.

CONCILIA ECCLESIAE LUSITANÆ  
*Sæculi 12.*

Concilium Fuffelense	anno 1105.	Era 1143.
Concilium Palentinum	anno 1114.	Era 1152.
Concilium Ovetense	anno 1115.	Era 1153.
Concilium Compostellanum	anno 1115.	Era 1153.
Concilium Bracarense 5.	anno 1148.	Era 1186.
Concilium Vallisoletanum	anno 1140.	Era 1178.
Synodus Colimbriensis	anno 1144.	Era 1182.
Concilium Burgenfe	anno 1193.	Era 1231.
Concilium Salmanticense	anno 1195.	Era 1233.

## LUSITANIÆ REGES.

*Sæculi 12.*

Alfonfus Henricus regna-  
vit 57. annos, & vixit 78.

Sanctius I. regnavit 26. an-  
nos, & vixit 57.

## ERRATA.

<i>Pag.</i>	<i>Lin.</i>	<i>Errata.</i>	<i>Corrige.</i>
40.	29.	Constituttonum	Constitutionum.
47.	3.	Eram 1200.	Eram 1210.
86.	17.	iu eo	in eo.
78.	25.	Anno Domini 1152.	Anno Domini 1154.
107.	8.	Habitis	Habetis.
119.	26.	Sanctis Patris	Sancti Patris.
119.	28.	Traxerit	Traxerint.
123.	5.	Manus	Manus.
122.	35.	Possent	Possent.
127.	21.	redire	redirect.
179.	16.	hahuere	habuisse.
192.	2.	Reginæ	Regina.
241.	26.	Miserebatur infaniam	Miserebatur infanix.
328.	ult.	fortasse	fortasse.
334.	20.	abjudicatas	adjudicatas.
338.	14.	Othonicum	Othoni cum.

IN

# I N D E X

## RERUM NOTABILIVM

### A

- A** *Bhates quando insignis Pontificalibus uti cæperint* cap. 7. §. 6. pag. 20. *Alcobatie in Curia post Episcopos sedebant, & subscribebant* cap. 7. §. 3. pag. 206.
- Abraham Eremita montis Ossæ* cap. 8. §. 8. pag. 256.
- S. Adriani, & sociorum reliquiæ* cap. 6. §. 5. pag. 178.
- Albertus Cardinalis legatus* cap. 9 pag. 287.
- B. Adebertus Monachus Cisterciensis virtutibus clarus* cap. 7. §. 1. pag. 197. *Regi Alfonso valde clarus ibid.*
- Alexander III. Pontifex Maximus ab universa Hispania in veneratione habitus* cap. 1. §. 1. pag. 13. *eiusdem literæ ad Gondisalvum Visensem Episcopum* cap. 1. §. 7. pag. 49. *ad Regem Alfonso* cap. 2. §. 5. pag. 56.
- Alfonso Henricus Lusitanie Rex* cap. 4. §. 1. pag. 75. *eius gesta ibid.* pag. 198. *imo per totum eiusdem literæ ad S. Bernardum* pag. 105. *ad Adrianum Papam* pag. 79.
- Alfonso Regis Alfonso filius, & Militia S. Joannis Hierosolymitani Magister Magnus* cap. 8. §. 13. pag. 274.
- Alfonso Ancemondes Monasterii de Refloris Fundator* cap. 6. §. 6. pag. 180.
- Algarbiensis Episcopatus à Sanctio I. Rege inslauratur* cap. 4. §. 2. pag. 109.
- Alvarus Canonicus Regularis Olyssiponenfis Episcopus* cap. 1. §. 5. pag. 42. *à Gilberto in vita electus successor ibid.*
- Antonius Olyssiponenfis Episcopus* cap. 1. §. 5. pag. 42.
- Arias Prior Hospitalariorum militum in Lusitania* cap. 5. §. 5. pag. 137.
- Arias Lusitanus Ovetensis Episcopus* cap. 8. §. 13. pag. 273.
- Arnaldus da Rocha miles Templi Lusitanus* cap. 5. §. 4. pag. 130. *ex primis Templariis, qui Lusitaniam venerunt ib.*

- Arnaldus Lusitanus Cauriensis Episcopus* cap. 8. §. 13. pag. 274.  
*Asylum Ecclesiæ* cap. 3. §. 3. pag. 63.  
*B. Atto Episcopus patria Pacensis in Lusitania, & ejus gesta* cap. 8. §. 4. pag. 243.

## B

- Berengaria Sanctii Regis filia* cap. 8. §. 14. pag. 279.  
*Benedictus Eremita montis Ossæ* cap. 8. §. 8. pag. 256.  
*Bermudus Colimbriensis Episcopus* cap. 1. §. 3. pag. 26.  
*Bernardus Colimbriensis Episcopus* cap. 1. §. 3. pag. 21. ejusdem erga Canonicos Sanctæ Crucis benevolentia *ibid.* & cap. 6. §. 1. pag. 144.  
*S. Bernardi literæ ad Regem Alfonsum* cap. 4. §. 1. pag. 105. & seq. *S. Bernardus Regi Alfonso apparet* cap. 7. §. 3. pag. 203.  
*Bernardus Toletanus à Paschali II. pro Mauricio Bracarenensi reprobenditur* cap. 1. §. 1. pag. 3. ejusdem literæ in Concilio Palentino cap. 3. §. 2. pag. 61. legatus Apostolicus per Hispanias cap. 9. pag. 285.  
*Bertrandus Lusitanus Episcopus Tudenfis* cap. 8. §. 18. pag. 273.  
*Biblicorum Sacrorum versiones in idioma Arabicum per Hispanias* cap. 8. §. 17. pag. 283. & seq.  
*Boemundus Abbas* cap. 7. §. 1. pag. 197.  
*Boso Cardinalis Apostolicæ Sedis legatus* cap. 9. pag. 286.

## C

- C* *Allisti II. literæ ad Pelagium Bracarensem* cap. 1. §. 1. pag. 7. cap. 2. §. 2. pag. 53. ejus benevolentia erga Bracarensem Ecclesiam *ibid.* Emeritensis Ecclesiæ jura ad Compostellanam translulit *ibid.* & cap. 2. §. 2. pag. 54. Didacum Compostellanum Vicarium suum instituit in Bracarenfi, & Emeritenfi provinciis cap. 2. §. 2. pag. 54.

- Canonici Regulares Sanctæ Crucis pro Rege Alfonso suffragia instituunt* cap. 4. §. 1. pag. 100. & seq. eorundem concordia cum *Canonicis Sedis Colimbriensis* cap. 1. §. 3. pag. 23. *Canonici Regulares in Sede Portugallensi* cap. 1. §. 4. pag. 34.
- Canonicæ Regulares quæ incluse appellabantur* cap. 6. §. 1. pag. 151. §. 4. pag. 175.
- Cardinales quando inceperint habere præcipuas partes in electione Papæ* cap. 8. §. 13. pag. 275.
- Cælestini III. literæ ad Sanctium Regem* cap. 4. §. 2. pag. 110.
- Christus Dominus Regi Alfonso apparuit* cap. 4. §. 1. pag. 80. & seq.
- Cistercienses Monachi decimas ex possessionibus suis similibus cultis non solvunt* cap. 7. §. 3. pag. 206.
- Clodovei unctio in Regem fabulosa* Dissert. 2. pag. 311.
- Concilium Bracarense V.* cap. 3. §. 5. pag. 68. *Burgense* §. 10. pag. 74. *Colimbriense* §. 9. pag. 71. *Compestellerum* §. 4. pag. 65. *Fusselense* §. 1. pag. 59. *Orcense* §. 3. pag. 63. *Palentinum* §. 2. pag. 61. *Vallisoletanum* §. 7. pag. 69.

## D

- D** *Eufdedit Apostolicæ Sedis legatus per Hispanias quando* cap. 3. §. 8. pag. 70.
- Diœceses à solo Papa dividuntur* cap. 2. §. 2. pag. 54.
- Disciplina circa recens baptisatos in Sabbato Sancto* cap. 6. §. 1. pag. 153. circa jejunia, & festivitates cap. 2. §. 5. pag. 58.
- Dispensationes circa matrimonia in gradibus prohibitis rare usque ad seculum* 12. Dissert. 5. pag. 339.
- Domnarum nomine Canonicæ Regulares* cap. 6. §. 6. pag. 177.

## E

- E** Bora Mauris adempta cap. 1. §. 2. pag. 17. cap. 4. §. 1. pag. 89.  
*Ecclesie Portugalesis interdicatur* cap. 1. §. 4. pag. 34.  
*Ecclesie Scalabitanæ de Alcaçova, & Maraville olim Canonorum Regularium* cap. 6. §. 10. pag. 193.  
*Egidius, & socii Eremitæ* cap. 8. §. 8. pag. 256.  
*Episcopi Olyssiponensis, & Eborensis, Bracarensis Metropolitæ suffraganei* cap. 1. §. 1. pag. 12. §. 2. pag. 17.  
*Compostellani Præsulis suffraganei declarantur cum aliis ab Innocentio III.* cap. 1. §. 1. pag. 15. à Cardinali Hyacintho legato cap. 1. §. 5. pag. 43.  
*De Episcopo Colimbriensi Etbiope fabula* cap. 1. §. 3. pag. 22.  
*Epistolæ Decretales de Hispaniarum Primæ cap. 1.* §. 4. pag. 55. *Epistola encyclica Hispaniæ Episcoporum* cap. 3. §. 6. pag. 69.  
*Eucharistia parvulis baptisatis dabatur* cap. 6. §. 1. pag. 161.  
*S. Eufemiæ reliquiæ inveniuntur, & ad Auriensem Ecclesiam transferuntur* cap. 8. §. 13. pag. 271. & seq.  
*Eugenii III. literæ ad Raymundum Toletanum adversus Joannem Bracarensem* cap. 1. §. 1. pag. 11. ejusdem ad Joannem adversus Raymundum *ibid.*  
*Eulogiarum usus per Lusitaniam* cap. 6. §. 1. pag. 153. §. 4. pag. 166.

## F

- F** Felicianæ Canonica Regularis cap. 8. §. 6. pag. 253.  
*S. Felicis Scyllitani reliquiæ* cap. 6. §. 5. pag. 178.  
*Ferdinandus Martini Episcopus Portugalesis* cap. 1. §. 4. pag. 34.  
*Ferdinandi Legionensis Regis donatio erga Monasterium Alcobatiæ* cap. 7. §. 3. pag. 204.



- Filia Regum Lusitaniæ, & Hispaniarum Reginæ dice-*  
*bantur* cap. 8. §. 14. pag. 279.  
*Franciscus Pereira Leitaõ corrigitur circa Episcoporum*  
*Colimbriensium syllabum* cap. 1. §. 3. pag. 26.  
*S. Fructuosus Canonicus Regularis* cap. 8. §. 5. pag. 251.

## G

- G** *Aldinus Templariorum Magister in Lusitania* cap.  
 5. §. 4. pag. 130.  
*Gelasius Papa electus* cap. 1. §. 1. pag. 4. ejus literæ ad Ber-  
 nardum Toletanum pag. 5. ejusdem ad Gallos contra  
 Mauricium Bracarensem *ibid.* Galliam proficiscitur  
*ibid.*  
*Gilbertus Olyssiponenfis Episcopus* cap. 1. §. 5. pag. 37. Bra-  
 carensi Metropolitæ obedientiam premitit *ibid.* Gil-  
 bertii allocutio ad Regem Alfonsum pag. 38. & 39.  
*Canonicorum communem vitam in sua sede instituit*  
*pag. 40.* ejusdem erga S. Crucis Monasterium donatio  
 pag. 41.  
*Giraldus Rex Arabs Christianus fit, & S. Crucis Conver-*  
*sus* cap. 2. §. 15. pag. 280.  
*Godinus Canonicus Regularis Bracarenfis Archiepiscopus*  
*cap. 1.* §. 1. pag. 13. Romam proficiscitur *ibid.* ut Bea-  
 tus fuit in veneratione pag. 14. An Callisto III. An-  
 tipapæ adhaeserit Dissert. 2. pag. 319.  
*Godinus Canonicus Regularis Lamecensis Episcopus* cap.  
1. §. 6. pag. 44. quando cap. 6. §. 4. pag. 169. diversus  
 à Zalame Godino Canonico Regulari cap. 1. §. 6. pag.  
45. à Bracarenfi quoque cap. 1. §. 1. pag. 14.  
*Godinus Vifensis Episcopus* cap. 1. §. 7. pag. 49.  
*Gondisalus Colimbriensis Episcopus* cap. 1. §. 3. pag. 20. à  
 Paschali II. reprehenditur, quod Bracarenfis Presuli  
 non pareret cap. 1. §. 3. *ibid.* sua erga Compellellanum  
 reverentia *ibid.*  
*Gondisalus Vifensis Episcopus* cap. 1. §. 7. pag. 48.

- Gualterus Abbas S. Vincentii Monasterii curam suscipit*  
cap. 6. pag. 167. ejus mores *ibid.* & seq.  
*Guido Viennensis Papa electus nomine Callisti II. cap. 1.*  
§. 1. pag. 5.  
*Guido Sedis Apostolicæ legatus in Lusitania cap. 3.* §. 9. pag.  
71. cap. 9. pag. 286.  
*Guillelmus Cardinalis legatus cap. 9.* pag. 287.

## H

- H** *Enricus nobilis eques, ut Martyr colitur in Monasterio S. Vincentii cap. 6.* §. 4. pag. 165. cap. 8. §. 16. pag. 282.  
*Henricus Vicensis Ecclesiæ Prior cap. 1.* §. 7. pag. 47.  
*Hospitale S. Crucis cap. 6.* §. 1. pag. 154. *S. Georgii cap. 6.* §. 2. pag. 158. *S. Vincentii cap. 6.* §. 4. pag. 169.  
*Hugo Portugalensis Episcopus cap. 1.* §. 4. pag. 29. *sue Diocesis limites divisit ibid.* ejus fœdus cum militibus *Militensibus* pag. 30. in *Sede Portugalensi Canonicos Regulares instituit* pag. 31. *Conciliis interfuit ibid.* *Compostellane historiæ Auctor ibid.* cum *Colimbriensi Episcopo* convenit *ibid.*  
*Hyacinthus Cardinalis legatus in Hispaniis cap. 6.* §. 1. pag. 156. cap. 9. pag. 286. in *Canonicos Regulares S. Crucis* propensus cap. 6. §. 1. pag. 156.

## I

- S.** *Jacobi Apostoli caput ad S. Attonem Episcopum mit-*  
*titur cap. 8.* §. pag. 244.  
*S. Jacobi intercisi corpus Bracaræ cap. 1.* §. 1. pag. 2.  
*Innocentii III. literæ ad Petrum Compostellanum cap. 1.* §. 1. pag. 15. *suffraganeos declaravit Episcopos ibid.* circa *usum Crucis à Bracarensi per alterius provinciam* cap. 1. §. 1. pag. 16. circa *ritus responsa ibid.* circa *alia disciplinæ quæsitæ* cap. 2. §. 5. pag. 58. *ejusdem literæ*

- ad Sanctium Regem cap. 4. §. 2. pag. 111. ad Reginam  
*S. Tharasiam* cap. 8. §. 9. pag. 259.  
*Innocentii II. literæ ad Regem Alphonsum* cap. 2. §. 3. pag.  
 55.  
*Joannes Anaia Colimbriensis Episcopus* cap. 1. §. 3. pag.  
 23. *Monasterii de Semide fundator* pag. 24.  
*Joannes Camelus scriptor* cap. 8. §. 12. pag. 268. & seq.  
*Joannes Cirita vir clarus* cap. 7. §. 1. pag. 195. ad eundem  
*S. Bernardi literæ* ibid. ejusdem literæ pag. 196. e 201.  
*inter scriptores numeratur* pag. 202.  
*Joannes Lamaccensis Episcopus* cap. 1. §. 6. pag. 46.  
*Joannes Portugalensis Episcopus* cap. 1. §. 4. pag. 32. *Bra-*  
*caensis Archiepiscopus* cap. 1. §. 1. pag. 8. ejus patria  
 pag. 9. *Colimbriensis Sedis Magister Scholæ* pag. 10.  
*S. Crucis Canonicus* ibid. *Romam proficiscitur* pag. 11.  
*Lateranensi II. Concilio interfuit* ibid. ejus dissidium  
 cum *Toletano Præsule* ibid. *Regi Alsenso gratus* pag.  
12. *Olyssipnensi obsidioni interfuit* ibid. in comitiis  
*Lamecensibus coronam auream Alsonsi capiti imposuit*  
 ibid. & cap. 2. §. 5. pag. 56. & 57.  
*Joannes Theotonius S. Crucis secundus Prior vir meritis*  
*clarus* cap. 8. §. 1. pag. 226. §. 7. pag. 255.  
*Joannes Visensis Episcopus* cap. 1. §. 7. pag. 49.  
*Joasus Rex Arabs ad Fidem Canonicus S. Crucis* cap. 8. §.  
15. pag. 280.  
*Isidorus Lusitanus Tudensis Episcopus* cap. 8. §. 13. pag.  
 273.  
*Itbacijs Ossonobensis, & Idacijs Emeritensis fuerunt ab*  
*Episcopatu ejecti* Dissert. 4. pag. 323.  
*Juramentum Regis Alsenfi de Christo viso vindicatur* cap.  
4. §. 1. pag. 85. & 88.  
*Justa Rabaldis Fundatrix Monasterii de Chelas* cap. 6. §.  
5. pag. 177.

## L

- L** *Azarus Eremita montis Oſſæ* cap. 8. §. 8. pag. 256.  
*Legationes munus erant Cardinalium ſeculo 12. cap.*  
9. pag. 288.  
*Leiriensis Eccleſia olim Canonicorum Regularium* cap. 6.  
 §. 10. pag. 193.  
*Leovigildus Eremita Campi Orichii* cap. 8. §. 8. pag. 258.  
*Lucii II. literæ ad Regem Alphonſum* cap. 1. §. 1. pag. 55.  
*Lupus Ferdinandi Templariorum Magiſter in Luſitania*  
 cap. 6. §. 10. pag. 193.  
*Luſitania an Calliſto III. ſive IV. Antipapæ adheſerit?*  
*Differt. 2. pag. 316.*  
*Luſitani Epifcopi quare ad Lateranenſe III. Concilium non*  
*irent* Differt. 3. pag. 321.  
*Luſitani Reges à quo Præſule inunguntur* Differt. 2.  
 pag. 315.

## M

- M** *Aſalda Regis Alphonſi uxor* cap. 4. §. 1. pag. 82. *Mo-*  
*naſterii da Coſta fundatrix* cap. 6. §. 10. pag. 192.  
*S. Maſalda Regina* cap. 8. §. 11. pag. 265.  
*S. Mirine caput in Monaſterio S. Vincentii colitur* cap. 6.  
 §. 10. pag. 102.  
*Martinus Bracarenſis Epifcopus* cap. 1. §. 1. pag. 14. *Por-*  
*tugaleſis* §. 4. pag. 34. *ejus diſſidium cum Compeſtel-*  
*lano circa ſuffraganeos* pag. 14. *Sanctio Regi gratus*  
 pag. 16.  
*Mirtilinus Colimbrienſis Epifcopus* cap. 1. §. 3. pag. 26.  
*Mirtilinus Petri, ſive Pires Portugalenſis Epifcopus* cap.  
1. §. 4. pag. 34. *in ſua ſede dignitates inſtituit* *ibid.*  
*Martinus Roderici Portugalenſis Epifcopus* cap. 1. §. 4.  
 pag. 35. *ad eundem Sanctii* 1. *literæ, & gratia* *ibid.*  
*vexatus Romam proficiſcitur* pag. 36. *diſſidium cum*  
*ſuis Canonicis* *ibid.* *cum Canonicis Eccleſiæ* pag. 37.  
*S. Mar-*

- S. Martinus Sauriensis vita, & martyriū* cap. 8. §. 3. pag. 238.  
*Martyres de Ulmar* cap. 8. §. 16. pag. 281.  
*Matildis Flandria Comitissa* cap. 8. §. 14. pag. 278.  
*Marcus Vifensis Episcopus* cap. 1. §. 7. pag. 49.  
*Mauricius Bracarenfis electus* cap. 1. §. 1. pag. 2. ejus contentio cum Toletano *ibid.* Romam adii pag. 3. Henricum Imperatorem coronavit pag. 4. à Paschali II. excommunicatur *ibid.* Antipapa factus nomine Gregorii VIII. à Gelasio II. damnatur pag. 5. ejus exitus pag. 6. Colimbriensis Episcopus §. 3. pag. 19.  
*Menendus Episcopus Oxomensis* cap. 8. §. 13. pag. 271.  
*Menendus Lamecensis Episcopus* cap. 1. §. 6. pag. 44. Canonicum institutum in sua sede instituit *ibid.*  
*Menendus Prior S. Vincentii Episcopatum Eborensem rejecit* cap. 1. §. 2. pag. 17.  
*Menendus Gondisalvi Hospitalariorum Prior in Lusitania* cap. 5. §. 5. pag. 137.  
*Michael Colimbriensis Episcopus* cap. 1. §. 3. pag. 25. ejus litteræ ad Alexandrum III. *ibid.* Episcopatu se abdicat pag. 26.  
*Michael legatus in Lusitania* cap. 9. pag. 288.  
*Miracula Beatissimæ Virginis erga Alfensum Regem* cap. 5. §. 1. pag. 76. & cap. 7. §. 5. pag. 208.  
*Monasteria Canoniorum Regularium* cap. 6. pag. 139.  
*Monasterium Sanctæ Crucis Colimbriense* §. 1. *ibid.* S. Georgii §. 2. pag. 157. S. Romani de Sena §. 3. pag. 159. S. Vincentii §. 4. pag. 162. de Chelas §. 5. pag. 175. De Restoriis §. 6. pag. 179. de Landim & Olivaria §. 7. pag. 183. de Paderne §. 8. pag. 187. S. Martini de Craſto §. 9. pag. 189. da Cista §. 10. pag. 192. de Leça cap. 6. §. 10. pag. 193. Aquarum sanctiarum cap. 6. §. 10. pag. 102. Sedesfita *ibid.* S. Martini de Mancellos *ibid.* S. Andreae de Anfede *ibid.* S. Mariæ de Carquere *ibid.* S. Joannis Longarum Vallium *ibid.* S. Jacobii Dantas *ibid.* S. Salvatoris de Balneo *ibid.* Canonicarum Colimbriense §. 1. pag. 152.

- Monasteria Benedictina* cap. 7. pag. 194. *S. Joannis de Tarouca* §. 1. pag. 194. *S. Christophori de Lafoés* §. 2. pag. 200. *Aicobatiæ* §. 3. pag. 202. *de Burio* §. 4. pag. 207. *de Ceíça* §. 5. pag. 208. *de Salzeda* §. 6. pag. 210. *S. Mariæ de Fiaes, de Aquilis, & Aguiar* pag. 212. *de Adufe* ibid. *Villar de Frades* ibid. *Travanca* ibid. *Ganfei* ibid. *Bostellos* ibid. *Carvoeiro* ibid. *Vairaõ* ibid. *de Cauto* ibid. *de Rivolo tinto* ibid. *de Semide* ibid. *de Castris* ibid. *Cucufati* ibid.
- D. Monia Canonica Regularis* cap. 6. §. 2. pag. 152.  
*Monachorum testamentum* Dissert. 1. pag. 298.

## N

- D.** *Nicolaus Canonicus Regularis Algarbiensis Episcopus* cap. 1. §. 8. pag. 50. *eiusdem donatio in S. Vincentii Monasterium* ibid.
- D. Nicolaus Canonicus Regularis Visensis Episcopus* cap. 1. §. 7. pag. 49. *Romani proficiscitur* ibid.
- D. Nicolaus à S. Maria circa regni Chronographos corrigitur* cap. 8. §. 12. pag. 269.

## O

- O** *Do Sedis Apostolicæ legatus in Lusitaniam* cap. 9. pag. 287.
- Odorius Ecclesiæ Visensis Prior, & Episcopus electus* cap. 1. §. 7. pag. 47. *Sanctæ Crucis Canonicus fit* pag. 48.
- Odorius Visensis Episcopus* cap. 1. §. 7. pag. 48.
- Olyssipo à Rege Alfonso restauratur* cap. 4. §. 1. pag. 82. & 83.
- Ordinis Cisterciensis devotio erga Beatissimam Virginem* cap. 7. §. 5. pag. 209.
- Ordines Militares* cap. 5. pag. 118. *Avissensis* §. 1. pag. 118. *eius confirmatio, & progressus* ibid. *Alæ* §. 2. pag. 123. & seq. *S. Jacobi* §. 3. pag. 126. *Olyssipone*

- primum domicilium habuit pag. 128. Templi Hierosolymitani ejusdem initium, & adventus in Lusitaniam §. 4. pag. 129. & seq. S. Joannis Hierosolymitani §. 5. pag. 133. S. Juliani §. 6. pag. 138.*  
*Oiba Auctor Indiculi fundationis S. Vincentii cap. 6. §. 4. pag. 163.*

## P

- P** *Aschalis II. literæ ad Mauricium Bracarensem cap. 1. §. 1. pag. 3. ad Mauricium Colimbriensem cap. 1. §. 3. pag. 20. ad Hugonem Portugalem §. 4. pag. 30. ad Gondisalvum Colimbriensem cap. 2. §. 1. pag. 52.*  
*Paupertatis votum an religionis substantiale Dissert. 1. pag. 290.*  
*Pelagius Bracarenfis Episcopus cap. 1. §. 1. pag. 6. Ibarasie Regine adversatur pag. 8. ejusdem Capellanus, ac Regis Alfonsi ibid.*  
*Pelagius Eborensis Episcopus cap. 1. §. 2. pag. 18. Canonico-regularium institutum promovit in sua sede ibid.*  
*Pelagius Godinus, & socii Martyres de Sena cap. 6. §. 3. pag. 162.*  
*Pelagius Galvanus Canonicus Regularis Cardinalis S. R. E. cap. 8. §. 13. pag. 276.*  
*Petrus Alfonsus Hospitalariorum Magister cap. 8. §. 13. pag. 274.*  
*Petrus Alfonsus Hebræus Lusitanus cap. 8. §. 17. pag. 283.*  
*Petrus Alfardus Scriptor Canonicus Regularis cap. 8. §. 12. pag. 268.*  
*Petrus Lamecensis Episcopus cap. 1. §. 6. pag. 46.*  
*Petrus Pitoes Portugalem Episcopus cap. 1. §. 4. pag. 33.*  
*Petrus III. Portugalem Episcopus cap. 1. §. 4. pag. 33.*  
*Petrus Rabaldus Portugalem Episcopus cap. 1. §. 4. pag. 32.*  
*Petrus Seguinus Canonicus Regularis Episcopus Auriensis cap. 8. §. 13. pag. 271.*



- Petrus Salomonis Sanctorum Patrum opera adducit ad S. Crucis Monasterium* cap. 6. §. 1. pag. 153.  
*Petrus Suarii Colimbris Episcopus* cap. 1. §. 3. pag. 26.  
*Sanctæ Crucis Monasterii exemptionem impugnari* pag. 27.  
*diffidium ejus cum Templariis ibid. cum Egitantiensi Episcopo* pag. 28.  
*Petrus Titonis & socii* cap. 8. §. 18. pag. 284.  
*Peregrinatio genus penitentiae* cap. 3. §. 3. pag. 63.  
*Philippus Flandriæ Comes Alfonso Henrici Gener* cap. 8. §. 14. pag. 278.  
*Pippinus Galliarum Rex primus inunctus* Dissert. 2. pag. 309.  
*Portentum Colimbriæ apparens* cap. 6. §. 1. pag. 156.  
*Pœna peculii proprii erga Religiosos* Dissert. 1. pag. 297.  
 & seq.

## R

- R** *Eges Gotbi Hispaniarum an ungerenter ante Galliarum Reges* Dissert. 2. pag. 308.  
*Regis Aidani unctio ante Gotbos Reges* Dissert. 2. pag. 313.  
*Regnum Portugaliæ non fuit feudum temporale Romanæ Ecclesiæ, sed spirituale* cap. 2. §. 5. pag. 56.  
*Regum unctio à Gente Hebræa ortum duxit* Dissert. 2. pag. 308.  
*Resendii error circa primum Episcopum ab Eboræ restaurata* cap. 1. §. 2. pag. 17.  
*Ricardus Sedis Apostolicæ legatus in Lusitaniam* cap. 9. pag. 285.

## S

- S** *Anctia Regina Ordinis Cisterciensis, ejus vita, & gesta* cap. 8. §. 10. pag. 262.  
*Sanctius Portugaliæ Rex, & ejus gesta* cap. 4. §. 2. pag. 101.  
 & seq. ejusdem literæ ad Urbanum III. pag. 107.  
 ejusdem testamentum pag. 113.  
*Sæculum renuntiare in penitentiam* cap. 3. §. 3. pag. 63.



- Sesnandus II. Portugalsis Episcopus* cap. 1. §. 4. pag. 29.  
*Sorores quæ in seculo obedientiam, & castitatem profitebantur, reservata sibi rerum substantia* Dissert. 1. pag. 305.  
*Stephanus Præcentor Olyssiponensis Ecclesiæ, & Scriptor miraculorum S. Vincentii* cap. 8. §. 12. pag. 268. & seq.  
*Suarius Eborensis Episcopus* cap. 1. §. 2. pag. 17.  
*Suarius Olyssiponensis Episcopus* cap. 1. §. 5. pag. 43.  
*Synagoga Judæorum apud Colimbriam* cap. 8. §. 17. pag. 283. per Hispanias alia ibid.

## T

- T** *Arouca Monasterium Cisterciense* cap. 7. §. 1. pag. 194.  
*Tello Archidiaconus* cap. 8. §. 2. pag. 232.  
*Templa, in quibus Liturgia olim offerebatur* Dissert. 6. pag. 342.  
*Testamentum Regis Alfonsi erga Sanctæ Crucis Monasterium* cap. 4. §. 1. pag. 102. Sanctii Regis §. 2. pag. 113.  
*S. Tharasia Regina Ordinis Cisterciensis, ejus vita* cap. 8. §. 9. pag. 258.  
*Tharasia Alfonsus Regis Sanctii nutrix* cap. 7. §. 6. pag. 211.  
*Theodoricus Visensis Ecclesiæ Prior* cap. 1. §. 7. pag. 47.  
*Theotonium in socium adscripsit* ibid.  
*S. Theotonius Ecclesiæ Visensis Prior* cap. 1. §. 7. pag. 47.  
*ejusdem literæ ad Canonicos S. Rufi* cap. 6. §. 1. pag. 153.  
*ejus vita* cap. 8. §. 1. pag. 215.  
*ejus amor erga Regem Alfonsum* pag. 226.

## V

- V** *Aldemarus Rex Daniæ Matbildi s Lusitanæ vir cap.*  
*8. §. 14. pag. 279.*
- Venationes Sacerdotibus quando permiffæ cap. 3. §. 4. pag.*  
*66.*
- Vestales Virgines Olyffipone erant cap. 6. §. 5. pag. 176.*
- S. Vincentii promontorium unde nomen habet, & a quo cap.*  
*4. §. 1. pag. 94. S. Vincentii reliquiæ Olyffiponem*  
*transferuntur cap. 4. §. 1. pag. 94. vindicantur à Gal-*  
*lis pag. 95. aliæ in Bracarenfi Sede collocantur cap.*  
*1. §. 1. pag. 14.*
- Unctio Regum aliquando repetita Differt. 2. pag. 310.*
- Urbani III. literæ ad Sanctium L cap. 4. §. 2. pag. 108.*
- Urraca Regina Alfonfi Henrici filia cap. 8. §. 14. pag.*  
*277.*

2



✓xxx (3 Bole) I 51.

